



BIBLIOTECA NAZ.

Vittorio Emanuele III

XXXIII

E

55.

XXXVII. 55-






PHILOSOPHIÆ  
NATURALIS  
PRINCIPIA  
MATHEMATICA.

AUCTORE  
ISAACO NEWTONO,  
EQUITE AURATO.

EDITIO SECUNDA AUCTIOR ET EMENDATIO.



CANTABRIGIÆ, MDCCXIII.

ALPHABETICAL  
SYLLABARY  
AND  
ADDITIONAL

TABLES  
OF THE  
Syllabary

AND THE

ADDITIONAL

TABLES

OF THE

ALPHABETICAL

ILLUSTRISSIMÆ  
SOCIETATI REGALI,

A  
SERENISSIMO REGE  
CAROLO II

AD PHILOSOPHIAM PROMOVENDAM  
FUNDATÆ,

ET  
AUSPICIIS  
AUGUSTISSIMÆ REGINÆ

A N N Æ  
FLORENTI,

TRACTATUM HUNC D. D. D.

*J. S. NEWTONUS.*

THE NEW YORK PUBLIC LIBRARY

ASTOR LENOX TILDEN FOUNDATION

500 FIFTH AVENUE, NEW YORK, N. Y.

THE NEW YORK PUBLIC LIBRARY

ASTOR LENOX TILDEN FOUNDATION

500 FIFTH AVENUE, NEW YORK, N. Y.

THE NEW YORK PUBLIC LIBRARY

ASTOR LENOX TILDEN FOUNDATION

500 FIFTH AVENUE, NEW YORK, N. Y.

THE NEW YORK PUBLIC LIBRARY

I N  
VIRI PRÆSTANTISSIMI  
ISAACI NEWTONI  
OPUS HOCCE  
MATHEMATICO-PHYSICUM

*Sæculi Gentisque nostræ Decus egregium.*

**E**N tibi norma Poli, & divæ libramina Molis,  
Computus en Jovis; & quas, dum primordia rerum  
Conderet, omnipotens sibi Leges ipse Creator  
Dixerit, atque operum quæ fundamenta locarit.  
Intima panduntur victi penetralia Cæli,  
Nec latet, extremos quæ Vis circumrotet Orbes.  
Sol solio residens ad se juber omnia pronò  
Tendere descensu, nec recto tramite currus  
Sidereos patitur vastum per inane moveri;  
Sed rapit immotis, se centro, singula gyris.  
Hinc patet, horrificis qua sit via flexa Cometis:  
Discimus hinc tandem, qua causâ argentea Phœbe  
Passibus haud æquis eat, & cur subdita nulli  
Hactenus Astronomo numerorum fræna recuset:  
Cur remeent Nodi, curque Auges progrediantur.  
Discimus, & quantis refluxum vaga Cynthia Pontum  
Viribus impellat; fessis dum fluctibus ulvam  
Deserit, ac nautis suspectas nudat arenas;  
Alternisve ruens spumantia littora pullât.

Quæ

Quæ toties animos veterum torfere Sophorum,  
Quæque Scholas hodie raucæ certamine vexant,  
Obvia conspicimus; nubem pellente Mathesi:  
Quæ superas penetrare domos, atque ardua Cæli,  
NEWTONI auspiciis, jam das contingere Tempora.

Surgite Mortales, terrenas mittite cûras;  
Atque hinc cæligenæ vites cognoscite Mentis,  
A pecudum vita longe longæque remotæ.  
Qui scriptis primus Tabulis compescere Cædes,  
Furta & Adulteria, & perjuræ crimina Fraudis;  
Quive vagis populis circumdare mœnibus Urbes  
Auctor erat; Ceresisve beavit munere gentes;  
Vel qui curarum lenimen pressit ab Uva;  
Vel qui Niliaca monstravit arundine pictos  
Confociare sonos, oculisque exponere Voces;  
Humanam sortem minus extulit; utpote pauca  
In commune ferens miseræ solatia vitæ.

Jam vero Superis convivæ admittimur, alii  
Jura poli tractare licet, jamque abdita diæ  
Claustra patent Naturæ, & rerum immobilis ordo;  
Et quæ præteritis latere incognita sæclis.

Talia monstrantem justis celebrate Camænis,  
Vos qui cælesti gaudetis nectare vesci,  
NEWTONUM clausi referantem scrinia Veri,  
NEWTONUM Musis carum, cui pectore puro  
Phœbus adest, totoque incessit Numine mentem:  
Nec fas est propius Mortali attingere Divos.

EDM. HALLET.

P R Æ

# AUCTORIS PRÆFATIO

A D

LECTOREM.

**C**UM Veteres Mechanicam (uti Auctor est Pappus) in rerum Naturalium investigatione maximi fecerint; & Recentiores, missis formis substantialibus & qualitatibus occultis, Phenomena Natura ad leges Mathematicas revocare aggressi sint: Visum est in hoc Tractatu Mathesin excolere, quatenus ea ad Philosophiam spectat. Mechanicam vero duplicem Veteres constituerunt: Rationalem qua per Demonstrationes accurate procedit, & Practicam. Ad Practicam spectant Artes omnes Manuales, a quibus utique Mechanica nomen mutuata est. Cum autem Artifices parum accurate operari soleant, fit ut Mechanica omnis a Geometria ita distinguatur, ut quicquid accuratum sit ad Geometriam referatur, quicquid minus accuratum ad Mechanicam. Attamen errores non sunt Artis sed Artificum. Qui minus accurate operatur, imperfector est Mechanicus, & si quis accuratissime operari posset, hic foret Mechanicus omnium perfectissimus. Nam & Linearum rectarum & Circulorum descriptiones in quibus Geometria fundatur, ad Mechanicam pertinent. Has lineas describere Geometria non docet sed postulat. Postulat enim ut Tyro easdem accurate describere prius didicerit quam limen attingat Geometriæ; dein, quomodo per has operationes Problemata solvantur, docet. Rectas & Circulos describere Problemata sunt, sed

## A U C T O R I S

*sed non Geometrica. Ex Mechanica postulatur horum solutio, in Geometria docetur solutorum usus. Ac gloriatur Geometria quod tam paucis principiis aliunde petitis tam multa præstet. Fundatur igitur Geometria in praxi Mechanica, & nihil aliud est quam Mechanicæ universalis pars illa quæ artem mensurandi accurate proponit ac demonstrat. Cum autem artes Manuales in corporibus movendis præcipue versentur, fit ut Geometria ad magnitudinem, Mechanica ad motum vulgo referatur. Quo sensu Mechanica rationalis erit Scientia Motuum qui ex viribus quibuscunque resultant, & Virium quæ ad motus quosunque requiruntur, accurate proposita ac demonstrata. Pars hæc Mechanicæ a Veteribus in Potentiis quinque ad artes manuales spectantibus exculta fuit, qui Gravitatem (cum potentia manualis non sit) vix aliter quàm in ponderibus per potentias illas movendis considerarunt. Nos autem non Artibus sed Philosophiæ consulentes, deque potentiis non manualibus sed naturalibus scribentes, ea maxime tractamus quæ ad Gravitatem, Levitatem, vim Elasticam, resistantiam Fluidorum & ejusmodi vires seu attractivas seu impulsivas spectant: Et ea propter, hæc nostra tanquam Philosophiæ principia Mathematica proponimus. Omnis enim Philosophiæ difficultas in eo versari videtur, ut a Phenomenis motuum investigemus vires Naturæ, deinde ab his viribus demonstremus phenomena reliqua. Et hæc spectant Propositiones generales quas Libro primo & secundo pertractavimus. In Libro autem tertio Exemplum hujus rei proposuimus per explicationem Systematis mundani. Ibi enim, ex phenomenis celestibus, per Propositiones in Libris prioribus Mathematicè demonstratas, derivantur vires Gravitatis quibus corpora ad Solem & Planetas singulos tendunt. Deinde ex his viribus per Propositiones etiam Mathematicas, deducuntur motus Planetarum, Cometarum, Lunæ & Maris. Utinam cetera Naturæ phenomena ex principiis Mechanicis eodem argumentandi genere derivare liceret. Nam multa me movent ut nonnihil suspicer ea omnia*



# P R Æ F A T I O.

nia ex viribus quibusdam pendere posse, quibus corporum particule per causas nondum cognitæ vel in se mutuo impelluntur & secundum figuras regulares coherent, vel ab invicem fugantur & recedunt: quibus viribus ignotis, Philosophi hæcenus Naturam frustra tentarunt. Spero autem quod vel huic Philosophandi modo, vel veriori alicui, Principia hic posita lucem aliquam præbent.

In his edendis, Vir acutissimus & in omni literarum genere eruditissimus Edmundus Halleius operam navavit, nec solum Hypothesarum Sphalmata correxuit & Schemata incidi curavit, sed etiam Auctor fuit ut horum editionem aggrededer. Quippe cum demonstratam a me Figuram Orbium cælestium impetraverat, rogare non desistit ut eandem cum Societate Regali communicarem, Quæ deinde hortatibus & benignis suis auspiciis effecit ut de eadem in lucem emittenda cogitare inciperem. At postquam Motuum Lunarium inæqualitates aggressus essem, deinde etiam alia tentare cepissem quæ ad leges & mensuras Gravitatis & aliarum virium, & Figuras a corporibus secundum datas quasunque leges attractis describendas, ad motus corporum plurium inter se, ad motus corporum in Mediis resistentibus, ad vires, densitates & motus Mediorum, ad Orbes Cometarum & similia spectant, editionem in aliud tempus differendam esse putavi, ut cætera rimarer & una in publicum darem. Quæ ad motus Lunares spectant, (imperfecta cum sint,) in Corollariis Propositionis LXVI. simul complexus sum, ne singula methodo prolixiore quam pro rei dignitate proponere, & sigillatim demonstrare tenerer, & seriem reliquarum Propositionum interrumpere. Nonnulla sero inventa locis minus idoneis inserere malui, quam numerum Propositionum & citationes mutare. Ut omnia candide legantur, & defectus, in materia tam difficili non tam reprehendantur, quam novis Lectorum conatibus investigentur, & benigne suppleantur, enixe rogo.

Dabam Cantabrigiæ, e Collegio  
S. Trinitatis, Maii 8. 1686.

IS. NEWTON.

b

In

## AUCTORIS PRÆFATIO.

**I**N hac Secunda Principiorum Editione, multa sparsim emendantur & nonnulla adjiciuntur. In Libri primi Sectione II, Inventio virium quibus corpora in Orbibus datis revolvī possint, facilior redditur & amplior. In Libri secundi Sectione VII, Theoria resistentiæ Fluidorum accuratius investigatur & novis Experimentis confirmatur. In Libro tertio Theoria Lune & Præcessu Æquinoctiorum ex Principiis suis plenius deducuntur, & Theoria Cometarum pluribus & accuratius computatis Orbium exemplis confirmatur.

Dabam Londini,  
Mar. 28. 1713.

IS. NEWTON.

E D I-

# EDITORIS PRÆFATIO.

**N**EWTONIANÆ Philosophiæ novam tibi, Lector benevole, diuque desideratam Editionem, plurimum nunc emendatam atque auctiorem exhibemus. Quæ potissimum contineantur in hoc Opere celeberrimo, intelligere potes ex Indicibus adjectis: quæ vel addantur vel immutentur, ipsa te fere docebit Auctoris Præfatio. Reliquum est, ut adjiciantur nonnulla de Methodo hujus Philosophiæ.

Qui Physicam tractandam susceperunt, ad tres fere classes revocari possunt. Extiterunt enim, qui singulis rerum speciebus Qualitates específicas & occultas tribuerint; ex quibus deinde corporum singulorum operationes, ignota quadam ratione, pendere voluerunt. In hoc posita est summa doctrinæ Scholasticæ, ab *Aristotele* & Peripateticis derivatæ: Affirmant utique singulos Effectus ex corporum singularibus Naturis oriri, at unde sint illæ Naturæ non docent; nihil itaque docent. Cumque toti sint in rerum nominibus, non in ipsis rebus; Sermonem quendam Philosophicum censendi sunt adinvenisse, Philosophiam tradidisse non sunt censendi.

Alii ergo melioris diligentiae laudem consequi sperarunt, rejecta Vocabulorum inutili farragine. Statuerunt itaque Materiam universam homogeneam esse, omnem vero Formarum varietatem, quæ in corporibus cernitur, ex particularum componentium simplicissimis quibusdam & intellectu facillimis affectionibus oriri. Et recte quidem progressio instituitur a simplicioribus ad magis composita, si particularum primariis illis affectionibus non alios tribuunt modos, quam quos ipsa tribuit Natura. Verum ubi licentiam sibi assumunt, ponendi quascunque libet ignotas partium figuras & magnitudines, incertosque situs & motus; quin & fingendi Fluida quædam occulta, quæ corporum poros liberrime permeent, omnipotente prædita subtilitate, motibusque occultis agitata; jam ad somnia delabuntur, neglecta rerum constitutione vera: quæ sane frustra petenda est ex fallacibus conjecturis, cum vix etiam per certissimas Observationes investigari possit. Qui speculationum

## EDITORIS

suarum fundamentum desumunt ab Hypothesibus, etiamsi deinde secundum leges Mechanicas accuratissime procedant; Fabulam quidem elegantem forte & venustam, Fabulam tamen concinnare dicendi sunt.

Relinquitur adeo tertium genus, qui Philosophiam scilicet Experimentalem profitentur. Hi quidem ex simplicissimis quibus possunt principiis rerum omnium causas derivandas esse volunt: nihil autem Principii loco assumunt, quod nondum ex Phænomenis comprobatum fuerit. Hypotheses non comminiscuntur, neque in Physicam recipiunt, nisi ut Quæstiones de quarum veritate disputeretur. Duplici itaque Methodo incedunt, Analytica & Synthetica. Naturæ vires legesque virium simpliciores ex selectis quibusdam Phænomenis per Analysin deducunt, ex quibus deinde per Synthésin reliquorum constitutionem tradunt. Hæc illa est Philosophandi ratio longe optima, quam præ ceteris merito amplectendam censuit Celeberrimus Auctor noster. Hanc solam utique dignam judicavit, in qua excolenda atque adornanda operam suam collocaret. Hujus igitur illustrissimum dedit Exemplum, Mundani nempe Systematis explicationem e Theoria Gravitatis felicissime deductam. Gravitatis virtutem universis corporibus inesse, suspicati sunt vel finxerunt alii: primus Ille & solus ex Apparentiis demonstrare potuit, & speculationibus egregiis firmissimum ponere fundamentum.

Scio equidem nonnullos magni etiam nominis Viros, præjudiciis quibusdam plus æquo occupatos, huic novo Principio ægre assentiri potuisse, & certis incerta identidem prætulisse. Horum famam vellicare non est animus: Tibi potius, Benevole Lector, illa paucis exponere lubet, ex quibus Tute ipse judicium non iniquum feras.

Igitur ut Argumenti sumatur exordium a simplicissimis & proximis; despiciamus paulisper qualis sit in Terrestribus natura Gravitatis, ut deinde tutius progrediamur ubi ad corpora Cælestia, longissime a sedibus nostris remota, perventum fuerit. Convenit jam inter omnes Philosophos, corpora universa circumterrestria gravitare in Terram. Nulla dari corpora vere levia, jamdudum confirmavit Experientia multiplex. Quæ dicitur Levitas relativa, non est vera Levitas, sed apparens solummodo; & oritur a præpollente Gravitate corporum contiguorum.

Porro, ut corpora universa gravitant in Terram, ita Terra vicissim in corpora æqualiter gravitat; Gravitatis enim actionem esse mutuat & utrinque æqualem, sic ostenditur. Distinguatur Terræ totius

## P R Æ F A T I O.

torius moles in binas quascunque partes, vel æquales vel utcunque inæquales: jam si pondera partium non essent in se mutuo æqualia; cederet pondus minus majori, & partes conjunctæ pergerent recta moveri ad infinitum, versus plagam in quam tendit pondus majus: omnino contra Experientiam. Itaque dicendum erit, pondera partium in æquilibrio esse constituta: hoc est, Gravitatis actionem esse mutuam & utrinque æqualem.

Pondera corporum, æqualiter a centro Terræ distantium, sunt ut quantitates materiæ in corporibus. Hoc utique colligitur ex æquali acceleratione corporum omnium, & quiete per ponderum vires cadentium: nam vires quibus inæqualia corpora æqualiter accelerantur, debent esse proportionales quantitatibus materiæ movendæ. Jam vero corpora universa cadentia æqualiter accelerantur, ex eo patet, quod in Vacuo *Boylano* temporibus æqualibus æqualia spatia cadendo describunt, sublata scilicet Aeris resistentia: accuratius autem comprobatur per Experimenta Pendulorum.

Vires attractivæ corporum, in æqualibus distantibus, sunt ut quantitates materiæ in corporibus. Nam cum corpora in Terram & Terra vicissim in corpora momentis æqualibus gravitent; Terræ pondus in unumquodque corpus, seu vis qua corpus Terram attrahit, æquabitur ponderi corporis ejusdem in Terram. Hoc autem pondus erat ut quantitas materiæ in corpore: itaque vis qua corpus unumquodque Terram attrahit, sive corporis vis absoluta, erit ut eadem quantitas materiæ.

Oritur ergo & componitur vis attractiva corporum integrorum ex viribus attractivis partium: siquidem aucta vel diminuta mole materiæ, ostensum est, proportionaliter augeri vel diminui ejus virtutem. Actio itaque Telluris ex conjunctis partium Actionibus conflari censenda erit; atque adeo corpora omnia Terrestria se mutuo trahere oportet viribus absolutis, quæ sint in ratione materiæ trahentis. Hæc est natura Gravitatis apud Terram: videamus jam qualis sit in Calis.

Corpus omne perseverare in statu suo vel quiescendi vel movendi uniformiter in directum, nisi quatenus a viribus impressis cogitur statum illum mutare; Naturæ lex est ab omnibus recepta Philosophis. Inde vero sequitur, corpora quæ in Curvis moventur, atque adeo de lineis rectis Orbitas suas tangentibus jugiter abeunt, Vi aliqua perpetuo agente retineri in itinere curvilineo. Planetis igitur in Orbibus curvis revolvantibus necessario aderit Vis aliqua, per cujus actiones repetitas indefinenter a Tangentibus deflectantur.

Jam

## EDITORIS

Jam illud concedi æquum est, quod Mathematicis rationibus colligitur & certissime demonstratur, Corpora nempe omnia, quæ moventur in linea aliqua curva in plano descripta, quæque radio ducto ad punctum vel quiescens vel utcumque motum describunt areas circa punctum illud temporibus proportionales, urgeri a Viribus quæ ad idem punctum tendunt. Cum igitur in confesso sit apud Astronomos, Planetas primarios circum Solem, secundarios vero circum suos primarios, areas describere temporibus proportionales; consequens est ut Vis illa, qua perpetuo detorquentur a Tangentibus rectilineis, & in Orbitis curvilineis revolvi cequantur, versus corpora dirigatur quæ sita sunt in Orbitalium centris. Hæc itaque Vis non inepte vocari potest, respectu quidem corporis revolventis, Centripeta; respectu autem corporis centralis, Attractiva; a quacunque demum causa oriri fingatur.

Quin & hæc quoque concedenda sunt, & Mathematicæ demonstrantur: Si corpora plura motu æquabili revolvantur in Circulis concentricis, & quadrata temporum periodicorum sint ut cubi distantiarum a centro communi, Vires centripetas revolventium fore reciproce ut quadrata distantiarum. Vel, si corpora revolvantur in Orbitis quæ sunt Circulis finitimæ, & quiescant Orbitalium Apsides, Vires centripetas revolventium fore reciproce ut quadrata distantiarum. Obtinere casum alterutrum in Planetis universis consentiunt Astronomi. Itaque Vires centripetæ Planetarum omnium sunt reciproce ut quadrata distantiarum ab Orbium centris. Si quis objiciat Planetarum, & Lunæ præsertim, Apsides non penitus quiescere, sed motu quodam lento ferri in consequentia: responderi potest, etiamsi concedamus hunc motum tardissimum exinde profectum esse quod Vis centripetæ proportio aberret aliquantum a duplicata, aberrationem illam per computum Mathematicum inveniri posse & plane insensibilem esse. Ipsa enim ratio Vis centripetæ Lunaris, quæ omnium maxime turbari debet, paululum quidem duplicatam superabit; ad hanc vero sexaginta fere vicibus propius accedet quam ad triplicatam. Sed verior erit responsio, si dicamus hanc Apsidum progressionem, non ex aberratione a duplicata proportionem, sed ex alia prorsus diversa causa oriri, quemadmodum egregie demonstratur in hac Philosophia. Restat ergo ut Vires centripetæ, quibus Planetæ primarii tendunt versus Solem & secundarii versus primarios suos, sint accurate ut quadrata distantiarum reciproce.

Ex

## P R Æ F A T I O.

Ex iis quæ hæcenus dicta sunt, constat Planetas in Orbitis suis retineri per Vim aliquam in ipsos perpetuo agentem: constat Vim illam dirigi semper versus Orbitalium centra: constat hujus efficaciam augeri in accessu ad centrum, diminui in recessu ab eodem: & augeri quidem in eadem proportionem qua diminuitur quadratum distantie, diminui in eadem proportionem qua distantie quadratum augetur. Videamus jam, comparatione instituta inter Planetarum Vires centripetas & Vim Gravitatis, annon ejusdem forte sint generis. Ejusdem vero generis erunt, si deprehendantur hinc & inde leges eadem eademque affectiones. Primo itaque Lunæ, quæ nobis proxima est, Vim centripetam expendamus.

Spatia rectilinea, quæ a corporibus e quiete demissis dato tempore sub ipso motu initio describuntur, ubi a viribus quibuscunque urgentur, proportionalia sunt ipsis viribus: Hoc utique consequitur ex ratiociniis Mathematicis. Erit igitur Vis centripeta Lunæ in Orbita sua revolvendis, ad Vim Gravitatis in superficie Terræ, ut spatium quod tempore quam minimo describeret Luna descendendo per Vim centripetam versus Terram, si circulari omni motu privari fingeretur, ad spatium quod eodem tempore quam minimo describit grave corpus in vicinia Terræ, per Vim gravitatis suæ cadendo. Horum spatiorum prius æquale est arcus a Luna per idem tempus descripti sinui verso, quippe qui Lunæ translationem de Tangente, factam a Vi centripeta, metitur, atque adeo computari potest ex datis tum Lunæ tempore periodico tum distantia ejus a centro Terræ. Spatium posterius invenitur per Experimenta Pendulorum, quemadmodum docuit *Hugenius*. Inito itaque calculo, spatium prius ad spatium posterius, seu vis centripeta Lunæ in Orbita sua revolvendis ad vim Gravitatis in superficie Terræ, erit ut quadratum semidiametri Terræ ad Orbitæ semidiametri quadratum. Eandem habet rationem, per ea quæ superius ostenduntur, vis centripeta Lunæ in Orbita sua revolvendis ad vim Lunæ centripetam prope Terræ superficiem. Vis itaque centripeta prope Terræ superficiem æqualis est vi Gravitatis. Non ergo diversæ sunt vires, sed una atque eadem: si enim diversæ essent, corpora viribus conjunctis duplo celerius in Terram caderent quam ex vi sola Gravitatis. Constat igitur Vim illam centripetam, qua Luna perpetuo de Tangente vel trahitur vel impellitur & in Orbita retinetur, ipsam esse vim Gravitatis terrestris ad Lunam usque pertingentem. Et rationi quidem consentaneum est ut ad ingentes distantias illa sese Virtus extendat, cum

## EDITORIS

cum nullam ejus sensibilem imminutionem, vel in altissimis montium cacuminibus, observare licet. Gravitat itaque Luna in Terram: quin & actione mutua, Terra vicissim in Lunam æqualiter gravitat: id quod abunde quidem confirmatur in hac Philosophia, ubi agitur de Maris æstu & Æquinoctiorum præcessione, ab actione tum Lunæ tum Solis in Terram oriundis. Hinc & illud tandem edocemur, qua nimirum lege vis Gravitatis decrescat in majoribus a Tellure distantis. Nam cum Gravitatio non diversa sit a Vi centripeta Lunari, hæc vero sit reciproce proportionalis quadrato distantiae, diminuetur & Gravitatio in eadem ratione.

Progrediamur jam ad Planetas reliquos. Quoniam revolutiones primariorum circa Solem & secundariorum circa Jovem & Saturnum sunt Phænomena generis ejusdem ac revolutio Lunæ circa Terram, quoniam porro demonstratum est vires centripetas primariorum dirigi versus centrum Solis, secundariorum versus centra Jovis & Saturni, quemadmodum Lunæ vis centripeta versus Terræ centrum dirigitur; adhæc, quoniam omnes illæ vires sunt reciproce ut quadrata distantiarum a centrīs, quemadmodum vis Lunæ est ut quadratum distantiae a Terra: concludendum erit eandem esse naturam universis. Itaque ut Luna gravitat in Terram, & Terra vicissim in Lunam; sic etiam gravitabunt omnes secundarii in primarios suos, & primarii vicissim in secundarios, sic & omnes primarii in Solem, & Sol vicissim in primarios.

Igitur Sol in Planetas universos gravitat & universi in Solem. Nam secundarii dum primarios suos comitantur, revolvuntur interea circum Solem una cum primariis. Eodem itaque argumento, utriusque generis Planetæ gravitant in Solem, & Sol in ipsos. Secundarios vero Planetas in Solem gravitare abunde insuper constat ex inæqualitatibus Lunaribus; quarum accuratissimam Theoriam, admiranda sagacitate patefactam, in tertio hujus Operis libro expositam habemus.

Solis virtutem attractivam quoquoque propagari ad ingentes usque distantias, & sese diffundere ad singulas circumjecti spatii partes, apertissime colligi potest ex motu Cometarum; qui ab immensis intervallis profecti feruntur in viciniam Solis, & nonnunquam adeo ad ipsum proxime accedunt ut Globum ejus, in Periheliis suis versantes, tantum non contingere videantur. Horum Theoriam ab Astronomis antehac frustra quæsitam, nostrum tandem sæculo feliciter inventam & per Observationes certissime demonstratam, Præstantissimo nostro Auctori debemus. Paret  
igitur



## P R Æ F A T I O.

igitur Cometas in Sectionibus Conicis umbilicos in centro Solis habentibus moveri, & radiis ad Solem ductis areas temporibus proportionales describere. Ex hisce vero Phænomenis manifestum est & Mathematicè comprobatur, vires illas, quibus Cometæ retinentur in orbitis suis, respicere Solem & esse reciproce ut quadrata distantiarum ab ipsius centro. Gravitant itaque Cometæ in Solem: atque adeo Solis vis attractiva non tantum ad corpora Planetarum in datis distantiiis & in eodem fere plano collocata, sed etiam ad Cometas in diversissimis Cælorum regionibus & in diversissimis distantiiis positos pertingit. Hæc igitur est natura corporum gravitantium, ut vires suas edant ad omnes distantias in omnia corpora gravitantia. Inde vero sequitur, Planetas & Cometas universos se mutuo trahere, & in se mutuo graves esse: quod etiam confirmatur ex perturbatione Jovis & Saturni, Astronomis non incognita, & ab actionibus horum Planetarum in se invicem oriunda; quin & ex motu illo lentissimo Apfidum, qui supra memoratus est, quique a causa consimili proficiscitur.

Eo demum pervenimus ut dicendum sit, & Terram & Solem & corpora omnia cælestia, quæ Solem comitantur, se mutuo attrahere. Singulorum ergo particulae quæque minimæ vires suas attractivas habebunt, pro quantitate materiæ pollentes; quemadmodum supra de Terrestribus ostensum est. In diversis autem distantiiis, erunt & harum vires in duplicata ratione distantiarum reciproce: nam ex particulis hac lege trahentibus componi debere Globos eadem lege trahentes, Mathematicè demonstratur.

Conclusiones præcedentes huic innituntur Axiomati, quod a nullis non recipitur Philosophis; Effectuum scilicet ejusdem generis, quorum nempe quæ cognoscuntur proprietates eadem sunt, easdem esse causas & easdem esse proprietates quæ nondum cognoscuntur. Quis enim dubitat, si Gravitas sit causa descensus Lapidis in *Europa*, quin eadem sit causa descensus in *America*? Si Gravitas mutua fuerit inter Lapidem & Terram in *Europa*, quis negabit mutuam esse in *America*? Si vis attractiva Lapidis & Terræ componatur, in *Europa*, ex viribus attractivis partium; quis negabit similem esse compositionem in *America*? Si attractio Terræ ad omnia corporum genera & ad omnes distantias propagetur in *Europa*, quidni pariter propagari dicamus in *America*? In hac Regula fundatur omnis Philosophia: quippe qua sublata nihil affirmare possumus de Universis. Constitutio rerum singularum innotescit per Observationes & Experimenta: inde vero non

## EDITORIS

nisi per hanc Regulam de rerum universalium natura judicamus.

Jam cum Gravia sint omnia corpora, quæ apud Terram vel in Cælis reperiuntur, de quibus Experimenta vel Observationes institui licet; omnino dicendum erit, Gravitatem corporibus universis competere. Et quemadmodum nulla concipi debent corpora, quæ non sint Extensa, Mobilia, & Impenetrabilia; ita nulla concipi debere, quæ non sint Gravia. Corporum Extensio, Mobilitas, & Impenetrabilitas non nisi per Experimenta innotescunt: eodem plane modo Gravitatis innotescit. Corpora omnia de quibus Observationes habemus, Extensa sunt & Mobilia & Impenetrabilia: & inde concludimus corpora universa, etiam illa de quibus Observationes non habemus, Extensa esse & Mobilia & Impenetrabilia. Ita corpora omnia sunt Gravia, de quibus Observationes habemus: & inde concludimus corpora universa, etiam illa de quibus Observationes non habemus, Gravia esse. Si quis dicat corpora Stellarum inerrantium non esse Gravia, quandoquidem eorum Gravitatis nondum est observata; eodem argumento dicere licebit neque Extensa esse, nec Mobilia, nec Impenetrabilia, cum hæc Fixarum affectiones nondum sint observatæ. Quid opus est verbis? Inter primarias qualitates corporum universalium vel Gravitatis habebit locum; vel Extensio, Mobilitas, & Impenetrabilitas non habebunt. Et natura rerum vel recte explicabitur per corporum Gravitatem, vel non recte explicabitur per corporum Extensionem, Mobilitatem, & Impenetrabilitatem.

Audire nonnullos hanc improbare conclusionem, & de occultis qualitatibus nescio quid musitare. Gravitatem scilicet Occultam esse quid, perpetuo arguari solent; occultas vero causas procul esse ablegandas a Philosophia. His autem facile respondetur; occultas esse causas, non illas quidem quarum existentia per Observationes clarissime demonstratur, sed has solum quarum occulta est & ficta existentia nondum vero comprobata. Gravitatis ergo non erit occulta causa motuum cælestium; siquidem ex Phænomenis ostensum est, hanc virtutem revera existere. Hi potius ad occultas confugiunt causas; qui nescio quos Vortices, materię cujusdam prorsus fictitię & sensibus omnino ignotę, motibus istdem regendis præficiunt.

Ideone autem Gravitatis occulta causa dicetur, eoque nomine rejicietur a Philosophia, quod causa ipsius Gravitatis occulta est & nondum inventa? Qui sic statuunt, videant nequid statu-  
ant.

## P R Æ F A T I O.

ant absurdi, unde totius tandem Philosophiæ fundamenta convelantur. Etenim causæ continuo nexu procedere solent a compositis ad simpliciora: ubi ad causam simplicissimam perveneris, jam non licebit ulterius progredi. Causæ igitur simplicissimæ nulla dari potest mechanica explicatio: si daretur enim, causa nondum esset simplicissima. Has tu proinde causas simplicissimas appellabis occultas, & exulare jubebis? simul vero exulabunt & ab his proxime pendentes & quæ ab illis porro pendent, usque dum a causis omnibus vacua fuerit & probe purgata Philosophia.

Sunt qui Gravitationem præter naturam esse dicunt, & Miraculum perpetuum vocant. Itaque rejiciendam esse volunt, cum in Physica præternaturales causæ locum non habeant. Huic ineptæ prorsus objectioni diluendæ, quæ & ipsa Philosophiam subruit universam, vix operæ pretium est immorari. Vel enim Gravitationem corporibus omnibus inditam esse negabunt, quod tamen dici non potest: vel eo nomine præter naturam esse affirmabunt, quod ex aliis corporum affectionibus atque adeo ex causis Mechanicis originem non habeat. Dantur certe primariæ corporum affectiones, quæ, quoniam sunt primariæ, non pendent ab aliis. Viderint igitur annon & hæ omnes sint pariter præter naturam, eoque pariter rejiciendæ: viderint vero qualis sit deinde futura Philosophia.

Nonnulli sunt quibus hæc tota Physica cælestis vel ideo minus placet, quod cum *Cartesii* dogmatibus pugnare & vix conciliari posse videatur. His sua licebit opinione frui; ex æquo autem agant oportet: non ergo denegabunt aliis eandem libertatem quam sibi concedi postulant. *NEWTONIANAM* itaque Philosophiam, quæ nobis verior habetur, retinere & amplecti licebit, & causas sequi per Phænomena comprobatas, potius quam fictas & nondum comprobatas. Ad veram Philosophiam pertinet, rerum naturas ex causis vere existentibus derivare: eas vero leges quærere, quibus voluit Summus opifex hunc Mundi pulcherrimum ordinem stabilire; non eas quibus potuit, si ita visum fuisset. Rationi enim consonum est, ut a pluribus causis, ab invicem nonnihil diversis, idem possit Effectus proficisci: hæc autem vera erit causa, ex qua vere atque actu proficiscitur; reliquæ locum non habent in Philosophia vera. In Horologiis automatis idem Indicis horarii motus vel ab appenso Pondere vel ab intus concluso Elatere oriri potest. Quod si oblatum Horologium revera sit instructum Pondere;

## EDITORIS

ridebitur qui finget Elaterem, & ex Hypothefi sic præpropere conficta motum Indicis explicare fufcipiet: oportuit enim internam Machinæ fabricam penitus perferutari, ut ita motus propofiti principium verum exploratum habere poffet. Idem vel non abfimile feretur iudicium de Philofophis illis, qui materia quadam fubtiliffima Cælos effe repletos, hanc autem in Vortices indefinenter agi voluerunt. Nam fi Phænomenis vel accuratiffime fatisfacere poffent ex Hypothefibus fuis; veram tamen Philofophiam tradidiffe, & veras caufas motuum cæleftium inveniffe nondum dicendi funt; nifi vel has revera exiftere, vel faltem alias non exiftere demonftraverint. Igitur fi oftensum fuerit, univerforum corporum Attraétionem habere verum locum in rerum natura; quin etiam oftensum fuerit, qua ratione motus omnes cæleftes abinde folutionem recipiant; vana fuerit & merito deridenda objectio, fi quis dixerit eorundem motus per Vortices explicari debere, etiam fi id fieri poffe vel maxime concefferimus. Non autem concedimus: Nequeunt enim ullo pacto Phænomena per Vortices explicari; quod ab Auctore nostro abunde quidem & clariffimis rationibus evincitur; ut fomniis plus æquo indulgeant oporteat, qui ineptiffimo figmento refarciendo, novifque porro commentis ornando infelicem operam addicunt.

Si corpora Planetarum & Cometarum circa Solem deferantur a Vorticibus; oportet corpora delata & Vorticum partes proxime ambientes eadem velocitate eademque curfus determinatione moveri, & eandem habere denfitatem vel eandem Vim inertix pro mole materiæ. Conftat vero Planetas & Cometas, dum verfantur in iifdem regionibus Cælorum, velocitatibus variis variaque curfus determinatione moveri. Neceffario itaque fequitur, ut Fluidi cæleftis partes illæ, quæ funt ad eandem diftantias a Sole, revolvantur eodem tempore in plagas diverfas cum diverfis velocitatibus: etenim alia opus erit directione & velocitate, ut tranfire poffint Planetæ; alia, ut tranfire poffint Cometæ. Quod cum explicari nequeat, vel fatendum erit, univerfa corpora cæleftia non deferri a materia Vorticis; vel dicendum erit, eorundem motus repetendos effe non ab uno eodemque Vortice, fed a pluribus qui ab invicem diverfi funt, idemque fpatium Soli circumjeétum pervadant.

Si plures Vortices in eodem fpatio contineri, & fe fe mutuo penetrare, motibusque diverfis revolvi ponantur; quoniam hi motus debent effe conformes delatorum corporum motibus, qui  
fun

## P R Æ F A T I O.

sunt summe regulares, & peraguntur in Sectionibus Conicis, nunc valde eccentricis, nunc ad Circulorum proxime formam accedentibus, jure quærendum erit, qui fieri possit, ut iidem integri conserventur, nec ab actionibus materiæ occurrentis per tot sæcula quicquam perturbentur. Sane si motus hi sistentii sunt magis compositi & difficilius explicantur, quam veri illi motus Planetarum & Cometarum, frustra mihi videntur in Philosophiam recipi: omnis enim Causa debet esse Effectu suo simplicior. Concessa Fabularum licentia, affirmaverit aliquis Planetas omnes & Cometas circumcingi Atmosphæris, adinstar Telluris nostræ, quæ quidem Hypothesis rationi magis consentanea videbitur quam Hypothesis Vorticum. Affirmaverit deinde has Atmosphæras, ex natura sua, circa Solem moveri & Sectiones Conicas describere; qui sane motus multo facilius concipi potest, quam consimilis motus Vorticum se invicem permeantium. Denique Planetas ipsos & Cometas circa Solem deferri ab Atmosphæris suis credendum esse statuatur, & ob repertas motuum cælestium causas triumphum agat. Quisquis autem hanc Fabulam rejiciendam esse putet, idem & alteram Fabulam rejiciet: nam ovum non est ovo similis, quam Hypothesis Atmosphærarum Hypothesi Vorticum.

Docuit *Galileus*, lapidis projecti & in Parabola moti deflexionem a cursu rectilineo oriri a Gravitate lapidis in Terram, ab occulta scilicet qualitate. Fieri tamen potest ut alius aliquis, nasci acutioris, Philosophus causam aliam comminiscatur. Finget igitur ille materiam quandam subtilem, quæ nec visu, nec tactu, neque ullo sensu percipitur, versari in regionibus quæ proxime contingunt Telluris superficiem. Hanc autem materiam, in diversas plagas, variis & plerumque contrariis motibus ferri, & lineas Parabolicas describere contendet. Deinde vero lapidis deflexionem pulchre sic expediet, & vulgi plausum merebitur. Lapis, inquit, in Fluido illo subtili natat; & cursui ejus obsequendo, non potest non candem una semitam describere. Fluidum vero movetur in lineis Parabolicis; ergo lapidem in Parabola moveri necesse est. Quis nunc non mirabitur acutissimum hujusce Philosophi ingenium, ex causis Mechanicis, materia scilicet & motu, phænomena Naturæ ad vulgi etiam captum præclare deducens? Quis vero non subfannabit bonum illum *Galileum*, qui magno molimine Mathematico qualitates occultas, e Philosophia feliciter exclusas, denuo revocare sustinuerit? Sed pudet nugis diutius immorari.

Sum-

## EDITORIS.

Summa rei huc tandem redit: Cometarum ingens est numerus, motus eorum sunt summe regulares, & easdem leges cum Planetarum motibus observant. Moventur in Orbibus Conicis, hi orbes sunt valde admodum eccentrici. Feruntur undique in omnes Cælorum partes, & Planetarum regiones liberrime pertranseunt, & sæpe contra Signorum ordinem incedunt. Hæc Phænomena certissime confirmantur ex Observationibus Astronomicis: & per Vortices nequeunt explicari: Imo, ne quidem cum Vorticibus Planetarum consistere possunt. Cometarum motibus omnino locus non erit, nisi materia illa fictitia penitus e Cælis amoveatur.

Si enim Planetæ circum Solem a Vorticibus devehuntur, Vorticum partes, quæ proxime ambiunt unumquemque Planetam, ejusdem densitatis erunt ac Planeta, uti supra dictum est. Itaque materia illa omnis quæ contigua est Orbis magni perimetrio, parem habebit ac Tellus densitatem: quæ vero jacet intra Orbem magnum atque Orbem Saturni, vel parem vel majorem habebit. Nam ut constitutio Vorticis permanere possit, debent partes minus densæ centrum occupare, magis densæ longius a centro abire. Cum enim Planetarum tempora periodica sint in ratione sesquuplicata distantiarum a Sole, oportet partium Vorticis periodos eandem rationem servare. Inde vero sequitur, vires centrifugas harum partium fore reciproce ut quadrata distantiarum. Quæ igitur majore intervallo distant a centro, nituntur ab eodem recedere minore vi: unde si minus densæ fuerint, necesse est ut cedant vi majori, qua partes centro propiores ascendere conantur. Ascendent ergo densiores, descendent minus densæ, & locorum fiet invicem permutatio, donec ita fuerit disposita atque ordinata materia fluida totius Vorticis, ut conquirere jam possit in æquilibrio constituta. Si bina Fluida, quorum diversa est densitas, in eodem vase continentur, utique futurum est ut Fluidum, cujus major est densitas, majore vi Gravitatis infimum petat locum: & ratione non absimili omnino dicendum est, densiores Vorticis partes majore vi centrifuga petere supremum locum. Tota igitur illa & multo maxima pars Vorticis, quæ jacet extra Telluris orbem, densitatem habebit atque adeo vim inertię pro mole materiæ, quæ non minor erit quam densitas & vis inertię Telluris: inde vero Cometis trajectis orietur ingens resistentia, & valde admodum sensibilis, ne dicam, quæ motum eorundem penitus sistere atque absorbere posse merito videatur. Constat autem ex motu Cometarum

## P R Æ F A T I O.

metarum prorsus regulari, nullam ipsos resistantiam pati quæ vel minimum sentiri potest; atque adeo neutiquam in materiam ullam incurfare, cujus aliqua sit vis resistendi, vel proinde cujus aliqua sit densitas seu vis Inertiæ. Nam resistantia Mediorum oritur vel ab inertia materiæ fluidæ, vel a defectu lubricitatis. Quæ oritur a defectu lubricitatis, admodum exigua est; & sâne vix observari potest in Fluidis vulgo notis, nisi valde tenacia fuerint adinstar Olei & Mellis. Resistentia quæ sentitur in Aere, Aqua, Hydrargyro, & hujusmodi Fluidis non tenacibus fere tota est prioris generis; & minui non potest per ulteriorem quemcunque gradum subtilitatis, manente Fluidi densitate vel vi inertię, cui semper proportionalis est hæc resistantia; quemadmodum clarissime demonstratum est ab Auctore nostro in peregrina Resistentiarum Theoria, quæ paulo nunc accuratius exponitur, hac secunda vice, & per Experimenta corporum cadentium plenius confirmatur.

Corpora progrediendo motum suum Fluido ambienti paulatim communicant, & communicando amittunt, amittendo autem retardantur. Est itaque retardatio motui communicato proportionalis; motus vero communicatus, ubi datur corporis progredientis velocitas, est ut Fluidi densitas; ergo retardatio seu resistantia erit ut eadem Fluidi densitas; neque ullo pacto tolli potest, nisi a Fluido ad partes corporis posticas recurrente restituatur motus amissus. Hoc autem dici non poterit, nisi impressio Fluidi in corpus ad partes posticas æqualis fuerit impressioni corporis in Fluidum ad partes anticas, hoc est, nisi velocitas relativa qua Fluidum irruit in corpus a tergo, æqualis fuerit velocitati qua corpus irruit in Fluidum, id est, nisi velocitas absoluta Fluidi recurrentis duplo major fuerit quam velocitas absoluta Fluidi propulsi; quod fieri nequit. Nullo igitur modo tolli potest Fluidorum resistantia, quæ oritur ab eorundem densitate & vi inertię. Itaque concludendum erit; Fluidi cælestis nullam esse vim inertię, cum nulla sit vis resistendi: nullam esse vim qua motus communicetur, cum nulla sit vis inertię: nullam esse vim qua mutatio quælibet vel corporibus singulis vel pluribus inducatur, cum nulla sit vis qua motus communicetur: nullam esse omnino efficaciam, cum nulla sit facultas mutationem quamlibet inducendi. Quidni ergo hanc Hypothesin, quæ fundamento plane destituitur, quæque naturæ rerum explicandæ ne minimum quidem inservit, ineptissimam vocare liceat & Philosopho prorsus

## EDITORIS

sus indignam. Qui Caelos materia fluida repletos esse voluit, hanc vero non inertem esse statuunt; Hi verbis tollunt Vacuum, re ponunt. Nam cum hujusmodi materia fluida ratione nulla secerni possit ab inani Spatio; disputatio tota fit de rerum nominibus, non de naturis. Quod si aliqui sint adeo usque dedicati Materiæ, ut Spatium a corporibus vacuum nullo pacto admittendum credere velint; videamus quo tandem oporteat illos pervenire.

Vel enim dicent hanc, quam confingunt, Mundi per omnia pleni constitutionem ex voluntate Dei profectam esse, propter eum finem, ut operationibus Naturæ subsidium præfens haberi posset ab Æthere subtilissimo cuncta permeante & implente; quod tamen dici non potest, siquidem jam ostensum est ex Cometarum phænomenis, nullam esse hujus Ætheris efficaciam: vel dicent ex voluntate Dei profectam esse, propter finem aliquem ignotum; quod neque dici debet, siquidem diversa Mundi constitutio eodem argumento pariter stabiliri posset: vel denique non dicent ex voluntate Dei profectam esse, sed ex necessitate quadam Naturæ. Tandem igitur delabi oportet in fæces sordidas Gregis impurissimi. Hi sunt qui somniant Fato universa regi, non Providentia; Materiam ex necessitate sua semper & ubique extitisse, infinitam esse & æternam. Quibus positis, erit etiam undiquaque uniformis: nam varietas formarum cum necessitate omnino pugnat. Erit etiam immota: nam si necessario moveatur in plagam aliquam determinatam, cum determinata aliqua velocitate; pari necessitate movebitur in plagam diversam cum diversa velocitate; in plagas autem diversas, cum diversis velocitatibus, moveri non potest; oportet igitur immotam esse. Neutiquam profecto potuit oriri Mundus, pulcherrima formarum & motuum varietate distinctus, nisi ex liberrima voluntate cuncta providentis & gubernantis Dei.

Ex hoc igitur fonte promanarunt illæ omnes quæ dicuntur Naturæ leges: in quibus multa sane sapientissimi consilii, nulla necessitatis apparent vestigia. Has proinde non ab incertis conjecturis petere, sed Observando atque Experiendo addiscere debemus. Qui veræ Physicæ principia Legesque rerum, sola mentis vi & interno rationis lumine fretum, invenire se posse confidit, hunc oportet vel statuere Mundum ex necessitate fuisse, Legesque propositas ex eadem necessitate sequi; vel si per voluntatem Dei constitutus sit ordo Naturæ, se tamen, homuncionem  
misellum,



## P R Æ F A T I O.

misellum, quid optimum factu sit perspectum habere. Sana omnis & vera Philosophia fundatur in Phænomenis rerum: quæ si nos vel invitos & reluctantes ad hujusmodi principia deducunt, in quibus clarissime cernuntur Consilium optimum & Dominium summum sapientissimi & potentissimi Entis, non erunt hæc ideo non admittenda principia, quod quibusdam forsitan hominibus minus grata sint futura. His vel Miracula vel Qualitates occultæ dicantur, quæ displicent: verum nomina malitiose indita non sunt ipsis rebus vitio vertenda, nisi illud fateri tandem velint, utique debere Philosophiam in Atheismo fundari. Horum hominum gratia non erit labefactanda Philosophia, siquidem rerum ordo non vult immutari.

Obtinebit igitur apud probos & æquos Judices præstantissima Philosophandi ratio, quæ fundatur in Experimentis & Observationibus. Huic vero, dici vix poterit, quanta lux accedat, quanta dignitas, ab hoc Opere præclaro Illustrissimi nostri Auctoris; cujus eximiam ingenii felicitatem, difficillima quæque Problemata enodantis, & ad ea porro pertinentis ad quæ nec spes erat humanam mentem assurgere potuisse, merito admirantur & suspiciunt quicumque paulo profundius in hisce rebus versati sunt. Clausuris ergo referatis, aditum Nobis aperuit ad pulcherrima rerum mysteria. Systematis Mundani compagem elegantissimam ita tandem patefecit & penitus perspectandam dedit; ut nec ipse, si nunc revivisceret, Rex *Alphonsus* vel simplicitatem vel harmoniæ gratiam in ea desideraret. Itaque Naturæ majestatem propius jam licet intueri, & dulcissima contemplatione frui, Conditorem vero ac Dominum Universorum impensius colere & venerari, qui fructus est Philosophiæ multo uberrimus. Cæcum esse oportet, qui ex optimis & sapientissimis rerum structuris non statim videat Fabricatoris Omnipotentis infinitam sapientiam & bonitatem: insanum, qui profiteri nolit.

Extabit igitur Eximium **N E W T O N I** Opus adversus Atheorum impetus munitissimum præsidium: neque enim alicunde felicius, quam ex hac pharetra, contra impiam Catervam tela deprompseris. Hoc sensit pridem, & in pereruditis Concionibus Anglice Latineque editis, primus egregie demonstravit Vir in omni Literarum genere præclarus idemque bonarum Artium fautor eximius **RICHARDUS BENTLEYUS**, Sæculi sui & Academiæ nostræ magnum Ornamentum, Collegii nostri *S. Trinitatis* Magister dignissimus & integerrimus. Huic ego me pluribus nominibus obstrictum fateri

d

debeo:

## EDITORIS PRÆFATIO.

debeo: Huic & Tuas quæ debentur gratias, Lector benevole, non denegabis. Is enim, cum a longo tempore Celeberrimi Auctoris amicitia intima frueretur, (qua etiam apud Posteris censeretur non minoris æstimat, quam propriis Scriptis quæ literato orbi in deliciis sunt inclarescere) Amici simul famæ & scientiarum incremento consuluit. Itaque cum Exemplaria prioris Editionis rarissima admodum & immani pretio coemenda superessent, suavit Ille crebris efflagitationibus & tantum non objurgando perpulit denique Virum Præstantissimum, nec modestia minus quam eruditione summa Insignem, ut novam hanc Operis Editionem, per omnia elimatam denuo & egregiis insuper accessionibus ditatam, suis sumptibus & auspiciis prodire pateretur: Mihi vero, pro jure suo, pensum non ingratum demandavit, ut quam posset emendate id fieri curarem.

*Cantabrigiæ,*  
Maii 12. 1713.

ROGERUS COTES Collegii *S. Trinitatis* Socius,  
Astronomiæ & Philosophiæ Experimentalis  
Professor *Plumianus*.

INDEX

# INDEX CAPITUM TOTIUS OPERIS.

	PAG.
DEFINITIONES.	1
AXIOMATA, SIVE LEGES MOTUS.	12
DE MOTU CORPORUM LIBER PRIMUS.	
SECT. I. <b>D</b> E <i>Methodo rationum primarum &amp; ultimarum.</i>	24
SECT. II. <i>De inventione Virium centripetarum.</i>	34
SECT. III. <i>De motu corporum in Conicis sectionibus eccentricis.</i>	48
SECT. IV. <i>De inventione Orbium Ellipticorum, Parabolicorum &amp; Hyperbolicorum ex Umbilico dato.</i>	52
SECT. V. <i>De inventione Orbium ubi Umbilicus neuter datur.</i>	66
SECT. VI. <i>De inventione Motuum in Orbibus datis.</i>	27
SECT. VII. <i>De corporum Ascensu &amp; Descensu rectilineo.</i>	105
SECT. VIII. <i>De inventione Orbium in quibus corpora Viribus quibuscunque centripetis agitata revolvuntur.</i>	114
SECT. IX. <i>De Motu corporum in Orbibus mobilibus, deque Motu Apfidum.</i>	121
SECT. X. <i>De Motu corporum in Superficiebus datis, deque Funependulorum Motu reciproco.</i>	132
SECT. XI. <i>De Motu corporum Viribus centripetis se mutuo petentium.</i>	147
SECT. XII. <i>De corporum Spharicorum Viribus attractivis.</i>	173

SECT.

SECT. XIII. *De corporum non Sphæricorum Viribus attracti-*  
*vis.* 192

SECT. XIV. *De Motu corporum Minimorum, quæ Viribus cen-*  
*tripetis ad singulas Magni alicujus corporis partes ten-*  
*dentibus agitantur.* 203

## DE MOTU CORPORUM LIBER SECUNDUS.

SECT. I. **D**E Motu corporum quibus resistitur in ratione  
*Velocitatis.* 211

SECT. II. *De Motu corporum quibus resistitur in duplicata ra-*  
*tione Velocitatis.* 220

SECT. III. *De Motu corporum quibus resistitur partim in ratione*  
*Velocitatis, partim in ejusdem ratione duplicata.* 245

SECT. IV. *De corporum Circulari motu in Mediis resistentibus.*  
253

SECT. V. *De densitate & compressione Fluidorum, deque Hy-*  
*drostatica.* 260

SECT. VI. *De Motu & Resistentia corporum Funependulorum.*  
272

SECT. VII. *De motu Fluidorum & resistentia Projectilium.* 294

SECT. VIII. *De motu per Fluida propagato.* 329

SECT. IX. *De motu Circulari Fluidorum.* 345

## DE MUNDI SYSTEMATE LIBER TERTIUS.

**R**EGULÆ PHILOSOPHANDI 357

PHÆNOMENA 359

PROPOSITIONES 362

SCHOLIUM GENERALE. 481

PHILO-

1

# PHILOSOPHIÆ NATURALIS Principia MATHEMATICA.

---

## DEFINITIONES.

---

### DEFINITIO I.

*Quantitas Materie est mensura ejusdem orta ex illius Densitate & Magnitudine conjunctim.*

**A**ER, densitate duplicata, in spatio etiam duplicato fit quadruplus; in triplicato sextuplus. Idem intellige de Nive & Pulveribus per compressionem vel liquefactionem condensatis. Et par est ratio corporum omnium, quæ per causas quasunque diversimode condensantur. Medii interea, si quod fuerit, interstitia partium libere pervadentis, hic nullam rationem habeo. Hanc autem Quantitatem sub nomine Corporis vel Massæ in sequentibus passim intelligo. Innotescit ea per corporis cujusque Pondus. Nam Ponderi proportionalem esse reperi per experimenta Pendulorum accuratissime instituta, uti posthac docebitur.

### DEFINITIO II.

*Quantitas Motus est mensura ejusdem orta ex Velocitate & Quantitate Materie conjunctim.*

Motus totius est summa motuum in partibus singulis; adeoque in corpore duplo majore æquali cum velocitate duplex est, & dupla cum velocitate quadruplus.

B

DEFI-

## DEFINITIO III.

*Materia Vis Inrita est potentia resistendi, qua corpus unumquodque, quantum in se est, perseverat in statu suo vel quiescendi vel movendi uniformiter in directum.*

Hæc semper proportionalis est suo corpori, neque differt quicquam ab Inertia massæ, nisi in modo concipiendi. Per inertiam materiæ, fit ut corpus omne de statu suo vel quiescendi vel movendi difficulter deturbetur. Unde etiam vis inrita nomine significantissimo Vis Inertiæ dici possit. Exercet vero corpus hanc vim solummodo in mutatione status sui per vim aliam in se impressam facta; estq; exercitium ejus sub diverso respectu & Resistencia & Impetus: resistencia, quatenus corpus ad conservandum statum suum reluctatur vi impressæ; impetus, quatenus corpus idem, vi resistentis obstaculi difficulter cedendo, conatur statum ejus mutare. Vulgus resistentiam quiescentibus & impetum moventibus tribuit: sed motus & quies, uti vulgo concipiuntur, respectu solo distinguuntur ab invicem; neq; semper vere quiescunt quæ vulgo tanquam quiescentia spectantur.

## DEFINITIO IV.

*Vis Impressa est actio in corpus exercita, ad mutandum ejus statum vel quiescendi vel movendi uniformiter in directum.*

Consistit hæc vis in actione sola, neque post actionem permanet in corpore. Perseverat enim corpus in statu omni novo per solam vim inertię. Est autem vis impressa diversarum originum, ut ex lctu, ex Pressione, ex vi Centripeta.

## DEFINITIO V.

*Vis Centripeta est, qua corpora versus punctum aliquod tanquam ad Centrum undique trahuntur, impelluntur, vel utcumq; tendunt.*

Hujus generis est Gravitas, qua corpora tendunt ad centrum terræ; Vis Magnetica, qua ferrum petit magnetem; & Vis illa, quæcumq; sit, qua Planetæ perpetuo retrahuntur a motibus rectilincis, & in lineis curvis revolvi coguntur. Lapis, in funda circum-

actus,

actus, a circumagente manu abire conatur; & conatu suo fundam distendit, eoq; fortius quo celerius revolvitur; &, quamprimum dimittitur, avolat. Vim conatui illi contrariam, qua funda lapidem in manum perpetuò retrahit & in orbe retinet, quoniam in manum ceu orbis centrum dirigitur, Centripetam appello. Et par est ratio corporum omnium, quæ in gyrum aguntur. Conantur ea omnia a centris orbium recedere; & nisi adsit vis aliqua conatui isti contraria, qua cohibeantur & in orbibus retineantur, quamque idè Centripetam appello, abibunt in rectis lineis uniformi cum motu. Projectile, si vi Gravitatis destitueretur, non defleteretur in terram, sed in linea recta abiret in cælos; idque uniformi cum motu, si modo aeris resistentia tolleretur. Per gravitatem suam retrahitur a cursu rectilineo & in terram perpetuo flectitur, idque magis vel minus pro gravitate sua & velocitate motus. Quo minor erit ejus gravitas vel major velocitas quacum projicitur, eo minus deviat a cursu rectilineo & longius perget. Si Globus plumbeus, data cum velocitate secundum lineam horizontalem a montis alicujus vertice vi pulveris tormentarii projectus, pergeret in linea curva ad distantiam duorum milliarum, priusquam in terram decideret: hic dupla cum velocitate quasi duplo longius pergeret, & decupla cum velocitate quasi decuplo longius: si modo aeris resistentia tolleretur. Et augendo velocitatem augeri posset pro lubitu distantia in quam projiceretur, & minui curvatura lineæ quam describeret, ita ut tandem caderet ad distantiam graduum decem vel triginta vel nonaginta; vel etiam ut terram totam circuiret priusquam caderet; vel denique ut in terram nunquam caderet, sed in cælos abiret & motu abeundi pergeret in infinitum. Et eadem ratione, qua Projectile vi gravitatis in orbem flecti posset & terram totam circuire, potest & Luna vel vi gravitatis, si modo gravis sit, vel alia quacunque vi, qua in terram urgeatur, retrahi semper a cursu rectilineo terram versus, & in orbem suum flecti: & absque tali vi Luna in orbe suo retineri non potest. Hæc vis, si justo minor esset, non satis flecteret Lunam de cursu rectilineo: si justo major, plus satis flecteret, ac de orbe terram versus deduceret. Requiritur quippe, ut sit justæ magnitudinis: & Mathematicorum est invenire Vim, qua corpus in dato quovis orbe data cum velocitate accurate retineri possit; & vicissim invenire Viam curvilineam, in quam corpus e dato quovis loco data cum velocitate egressum a data vi flectatur. Est autem vis hujus centripetæ Quantitas trium generum, Absoluta, Acceleratrix, & Motrix.

## DEFINITIO VI.

*Vis centripetæ Quantitas Absoluta est mensura ejusdem major vel minor pro Efficaciâ causæ eam propagantis a centro per regiones in circuitu.*

Ut vis Magnetica pro mole magnetis vel intensiōe virtutis major in uno magnete, minor in alio.

## DEFINITIO VII.

*Vis centripetæ Quantitas Acceleratrix est ipsius mensura Velocitatī proportionalis, quam dato tempore generat.*

Uti Virtus magnetis ejusdem major in minori distantia, minor in majori: vel vis Gravitans major in vallibus, minor in cacuminibus præaltorum montium, atque adhuc minor (ut posthac patebit) in majoribus distantis a globo terræ; in æqualibus autem distantis eadem undique, propterea quod corpora omnia cadentia (gravia an levia, magna an parva) sublata Aeris resistentia, æqualiter accelerat.

## DEFINITIO VIII.

*Vis centripetæ Quantitas Motrix est ipsius mensura proportionalis Motui, quem dato tempore generat.*

Uti Pondus majus in majore corpore, minus in minore; inque corpore eodem majus prope terram, minus in cælis. Hæc Quantitas est corporis totius centripetentia seu propensio in centrum, & (ut ita dicam) Pondus; & innotescit semper per vim ipsi contrariam & æqualem, qua descensus corporis impediri potest.

Hasce virium quantitates brevitatis gratia nominare licet vires motrices, acceleratrices, & absolutas; & distinctionis gratia referre ad Corpora, centrum petentia, ad corporum Loca, & ad Centrum virium: nimirum vim motricem ad Corpus, tanquam conatum & propensionem totius in centrum ex propensionibus omnium partium compositam; & vim acceleratricem ad Locum corporis, tanquam efficaciam quandam, de centro per loca singula in circuitu diffusam, ad movenda corpora quæ in ipsis sunt; vim autem absolutam ad Centrum, tanquam causam aliquam præditum, sine qua vires motrices non propagantur per regiones in circuitu; sive causa illa sit corpus aliquod centrale (quale est Magnes in centro vis magneticæ, vel Terra in  
centro



centro vis gravitantis) five alia aliqua quæ non apparet. Mathematicus duntaxat est hic conceptus. Nam virium causas & sedes physicas jam non expendo.

Est igitur vis acceleratrix ad vim motricem ut celeritas ad motum. Oritur enim quantitas motus ex celeritate ducta in quantitatem materiæ, & vis motrix ex vi acceleratrice ducta in quantitatem ejusdem materiæ. Nam summa actionum vis acceleratricis in singulas corporis particulas est vis motrix totius. Unde juxta superficiem Terræ, ubi gravitas acceleratrix seu vis gravitans in corporibus universis eadem est, gravitas motrix seu pondus est ut corpus: at si in regiones ascendatur ubi gravitas acceleratrix sit minor, pondus pariter minuetur, eritque semper ut corpus in gravitatem acceleratricem ductum. Sic in regionibus ubi gravitas acceleratrix duplo minor est, pondus corporis duplo vel triplo minoris erit quadruplo vel sextuplo minus.

Porro attractiones & impulsus eodem sensu acceleratrices & motrices nomino. Voces autem Attractionis, Impulsus, vel Propensionis cujuscunque in centrum, indifferenter & pro se mutuo promiscue usurpo; has vires non Physice sed Mathematicæ tantum considerando. Unde caveat lector, ne per hujusmodi voces cogitet me speciem vel modum actionis causamve aut rationem Physicam aliquibi definire, vel centris (quæ sunt puncta Mathematica) vires vere & Physice tribuere; si forte aut centra trahere, aut vires centrorum esse dixerò.

*Scholium.*

Haftenus voces minus notas, quo sensu in sequentibus accipiendæ sint, explicare visum est. Nam Tempus, Spatium, Locum & Motum, ut omnibus notissima, non definio. Notandum tamen, quod vulgus quantitates hæc non aliter quam ex relatione ad sensibilia concipiat. Et inde oriuntur præjudicia quædam, quibus tollendis convenit easdem in absolutas & relativas, veras & apparentes, mathematicas & vulgares distingui.

I. Tempus Absolutum, verum, & mathematicum, in se & natura sua absq; relatione ad externum quodvis, æquabiliter fluit, aliq; nomine dicitur Duratio: Relativum, apparens, & vulgare est sensibile & externa quævis Durationis per motum mensura (seu accurata seu inæquabilis) qua vulgus vice veri temporis utitur; ut Hora, Dies, Mensis, Annus.

II. Spa-

DEFINITIONES.

II. Spatium Absolutum, natura sua absque relatione ad externum quodvis, semper manet similare & immobile: Relativum est spatium hujus mensura seu dimensio quælibet mobilis, quæ a sensibus nostris per situm suum ad corpora definitur, & a vulgo pro spatio immobili usurpatur: uti dimensio spatii subterranei, acrei vel celestis definita per situm suum ad Terram. Idem sunt spatium absolutum & relativum, specie & magnitudine, sed non permanent idem semper numero. Nam si Terra, verbi gratia, movetur, spatium Aeris nostri, quod relative & respectu Terræ semper manet idem, nunc erit una pars spatii absoluti inquam Aer transit, nunc alia pars ejus, & sic absolute mutabitur perpetuo.

III. Locus est pars spatii quam corpus occupat, estq; pro ratione spatii vel Absolutus vel Relativus. Pars, inquam, spatii, non Situs corporis, vel Superficies ambiens. Nam solidorum æqualium æquales semper sunt loci; Superficies autem ob dissimilitudinem figurarum ut plurimum inæquales sunt; Situs vero proprie loquendo quantitatem non habent, neq; tam sunt loca quam affectiones locorum. Motus totius idem est cum summa motuum partium, hoc est, translatio totius de suo loco eadem est cum summa translationum partium de locis suis; adeoq; locus totius idem cum summa locorum partium, & propterea internus & in corpore toto.

IV. Motus Absolutus est translatio corporis de loco absoluto in locum absolutum, Relativus de relativo in relativum. Sic in navi quæ velis passis fertur, relativus corporis Locus est navigii regio illa in qua corpus versatur, seu cavitatis totius pars illa quam corpus implet, quæq; adeo movetur una cum navi: & Quies relativa est permanſio corporis in eadem illa navis regione vel parte cavitatis. At quies Vera est permanſio corporis in eadem parte spatii illius immoti in qua navis ipsa una cum cavitare sua & contentis universis movetur. Unde si Terra vere quiescit, corpus quod relative quiescit in navi, movebitur vere & absolute ea cum velocitate qua navis movetur in Terra. Sin Terra etiam movetur, oriatur verus & absolutus corporis motus, partim ex Terræ motu vero in spatio immoto, partim ex navis motu relativo in Terra: & si corpus etiam movetur relative in navi, oriatur verus ejus motus, partim ex vero motu Terræ in spatio immoto, partim ex relativis motibus tum navis in Terra, tum corporis in navi; & ex his motibus relativis oriatur corporis motus relativus in Terra. Ut si Terræ pars illa, ubi navis versatur, moveatur vere in orientem cum velocitate partium 10010; & velis ventoq; feratur navis in occidentem cum velocitate partium decem; Nauta autem ambulet in navi orientem

entem versus cum velocitatis parte una: movebitur Nauta vere & absolute in spatio immoto cum velocitatis partibus 10001 in orientem, & relative in terra occidentem versus cum velocitatis partibus novem.

Tempus Absolutum a relativo distinguitur in Astronomia per *Æquationem* temporis vulgi. Inæquales enim sunt dies Naturales, qui vulgo tanquam æquales pro mensura temporis habentur. Hanc inæqualitatem corrigunt Astronomi, ut ex veriore tempore motus cælestes. Possibile est, ut nullus sit motus æquabilis quo Tempus accurate mensuretur. Accelerari & retardari possunt motus omnes, sed fluxus temporis Absoluti mutari nequit. Eadem est duratio seu perseverantia existentiae rerum; sive motus sint celeres, sive tardi, sive nulli: proinde hæc a mensuris suis sensibilibus merito distinguitur, & ex iisdem colligitur per *Æquationem* Astronomicam. Hujus autem æquationis in determinandis Phænomenis necessitas, tum per experimentum Horologii Oscillatorii, tum etiam per eclipses Satellitum Jovis evincitur.

Ut partium Temporis ordo est immutabilis, sic etiam ordo partium Spatii. Moveantur hæc de locis suis, & movebuntur (ut ita dicam) de seipsis. Nam tempora & spatia sunt sui ipsorum & rerum omnium quasi Loca. In Tempore quoad ordinem successionis; in Spatio quoad ordinem situs locantur universa. De illorum essentia est ut sint Loca: & loca primaria moveri absurdum est. Hæc sunt igitur absoluta Loca; & solæ translationes de his locis sunt absoluti Motus.

Verum quoniam hæc Spatii partes videri nequeunt, & ab invicem per sensus nostros distingui; earum vice adhibemus mensuras sensibiles. Ex positionibus enim & distantis rerum a corpore aliquo, quod spectamus ut immobile, definimus loca universa: deinde etiam & omnes motus æstimamus cum respectu ad prædicta loca, quatenus corpora ab iisdem transferri concipimus. Sic vice locorum & motuum absolutorum relativis utimur; nec incommode in rebus humanis: in Philosophicis autem abstrahendum est a sensibus. Fieri etenim potest, ut nullum revera quiescat corpus, ad quod loca morusque referantur.

Distinguuntur autem Quies & Motus absoluti & relativi ab invicem per Proprietates suas & Causas & Effectus. Quietis proprietas est, quod corpora vere quiescentia quiescunt inter se. Ideoque cum possibile sit, ut corpus aliquod in regionibus Fixarum, aut longe ultra, quiescat absolute; sciri autem non possit ex situ corporum ad invicem in regionibus nostris, horumne aliquod ad longinquum

DEFINI-  
TIONES.

quum illud datam positionem servet necne; quies vera ex horum situ inter se definiri nequit.

Motus proprietas est, quod partes, quæ datas servant positiones ad tota, participant motus eorundem totorum. Nam Gyranrium partes omnes conantur recedere ab axe motus, & Progredientium impetus oritur ex conjuncto impetu partium singularum. Motis igitur corporibus ambientibus, moventur quæ in ambientibus relative quiescunt. Et propterea motus verus & absolutus definiri nequit per translationem e vicinia corporum, quæ tanquam quiescentia spectantur. Debent enim corpora externa non solum tanquam quiescentia spectari, sed etiam vere quiescere. Alioquin inclusa omnia, præter translationem e vicinia ambientium, participabunt etiam ambientium motus veros; & sublata illa translatione non vere quiescent, sed tanquam quiescentia solummodo spectabuntur. Sunt enim ambientia ad inclusa, ut totius pars exterior ad partem interiorem, vel ut cortex ad nucleum. Moto autem cortice, nucleus etiam, absq; translatione de vicinia corticis, ceu pars totius movetur.

Præcedenti proprietati affinis est, quod moto Loco movetur una Locatum: adeoque corpus, quod de loco moto movetur, participat etiam loci sui motum. Motus igitur omnes, qui de locis motis fiunt, sunt partes solummodo motuum integrorum & absolutorum: & motus omnis integer componitur ex motu corporis de loco suo primo, & motu loci hujus de loco suo, & sic deinceps; usque dum perveniatur ad locum immotum, ut in exemplo Nautæ supra memorato. Unde motus integri & absoluti non nisi per loca immota definiri possunt: & propterea hos ad loca immota, relativos ad mobilia supra retuli. Loca autem immota non sunt, nisi quæ omnia ab infinito in infinitum datas servant positiones ad invicem; atque adeo semper manent immota, spatiumque constituunt quod Immobile appello.

Causæ, quibus motus veri & relativi distinguuntur ab invicem, sunt Vires in corpora impressæ ad motum generandum. Motus verus nec generatur nec mutatur, nisi per vires in ipsum corpus motum impressas: at motus relativus generari & mutari potest absq; viribus impressis in hoc corpus. Sufficit enim ut imprimantur in alia solum corpora ad quæ fit relatio, ut iis cedentibus mutetur relatio illa in qua hujus quies vel motus relativus consistit. Rursum motus verus a viribus in corpus motum impressis semper mutatur; at motus relativus ab his viribus non mutatur necessario. Nam si eadem vires in alia etiam corpora, ad quæ fit relatio, sic imprimantur

mantur ut situs relativus conservetur, conservabitur relatio in qua motus relativus consistit. Mutari igitur potest motus omnis relativus ubi verus conservatur, & conservari ubi verus mutatur, & propterea motus verus in ejusmodi relationibus minime consistit.

Effectus quibus motus absoluti & relativi distinguuntur ab invicem, sunt vires recedendi ab axe motus circularis. Nam in motu circulari nude relativo hæ vires nullæ sunt, in vero autem & absoluto majores vel minores pro quantitate motus. Si pendeat stitula a filo prælongo, agaturque perpetuo in orbem, donec filum a contorsione admodum rigescat, dein impleatur aqua, & una cum aqua quiescat, tum vi aliqua subitanea agatur motu contrario in orbem, & filo se relaxante, diutius perseveret in hoc motu; superficies aquæ sub initio plana erit, quemadmodum ante motum vasis: at postquam, vi in aquam paulatim impressa, effecit vas, ut hæc quoque sensibilibiter revolvi incipiat, recedet ipsa paulatim a medio, ascendetque ad latera vasis, figuram concavam induens, (ut ipse expertus sum) & incitatioe semper motu ascendet magis & magis, donec revolutiones in æqualibus cum vase temporibus peragendo, quiescat in eodem relative. Indicat hic ascensus conatum recedendi ab axe motus, & per talem conatum innotescit & mensuratur motus aquæ circularis verus & absolutus, motuique relativo hic omnino contrarius. Initio, ubi maximus erat aquæ motus relativus in vase, motus ille nullum excitabat conatum recedendi ab axe: aqua non petebat circumferentiam ascendendo ad latera vasis, sed plana manebat, & propterea motus illius circularis verus nondum inceperat. Postea vero, ubi aquæ motus relativus decrevit, ascensus ejus ad latera vasis indicabat conatum recedendi ab axe; atque hic conatus monstrabat motum illius circulearem verum perpetuo crescentem, ac tandem maximum factum ubi aqua quiescebat in vase relative. Igitur conatus iste non pendet a translatione aquæ respectu corporum ambientium, & propterea motus circularis verus per tales translationes definiri nequit. Unicus est corporis cujusque revolventis motus vere circularis, conatui unico tantquam proprio & adæquato effectui respondens: motus autem relativus pro variis relationibus ad externa innumeris sunt, & relationum instar, effectibus veris omnino destituuntur, nisi quatenus verum illum & unicum motum participant. Unde & in Systemate eorum qui Cælos nostros infra Cælos Fixarum in orbem revolvi volunt, & Planetas secum deferre, singulæ Cælorum partes, & Planetæ qui relative quidem in Cælis suis proximis quiescunt, moventur

DEFINI-  
TIONES.

tur vere. Mutant enim positiones suas ad invicem (secus quam fit in vere quiescentibus) unaque cum cælis delati participant eorum motus, & ut partes revolvendum totorum, ab eorum axibus recedere conantur.

Igitur quantitates relativæ non sunt eæ ipsæ quantitates, quarum nomina præ se ferunt, sed earum mensuræ illæ sensibiles (veræ an errantes) quibus vulgus loco quantitatum mensuratarum utitur. At si ex usu definiendæ sunt verborum significationes; per nomina illa Temporis, Spatii, Loci & Motus proprie intelligendæ erunt hæ mensuræ; & sermo erit insolens & pure Mathematicus, si quantitates mensuratæ hic intelligantur. Proinde vim inferunt Sacris Literis, qui voces hæc de quantitativis mensuratis ibi interpretantur. Neque minus contaminant Mathesin & Philosophiam, qui quantitates veras cum ipsarum relationibus & vulgaribus mensuris confundunt.

Motus quidem veros corporum singulorum cognoscere, & ab apparentibus actu discriminare, difficillimum: est propterea quod partes spatii illius immobilis, in quo corpora vere moventur, non incurrunt in sensus. Causa tamen non est prorús desperata. Nam suppetunt argumenta, partim ex motibus apparentibus qui sunt motuum verorum differentię, partim ex viribus quæ sunt motuum verorum causę & effectus. Ut si globi duo, ad datam ab invicem distantiam filo intercedente connexi, revolverentur circa commune gravitatis centrum; innotesceret ex tensione fili conatus globorum recedendi ab axe motus, & inde quantitas motus circularis computari posset. Deinde si vires quælibet æquales in alternas globorum facies ad motum circularem augendum vel minuendum simul imprimerentur, innotesceret ex aucta vel diminuta fili tensione augmentum vel decrementum motus; & inde tandem inveniri possent facies globorum in quas vires imprimi deberent, ut motus maxime augeretur; id est, facies posticę, sive quæ in motu circulari sequuntur. Cognitis autem faciebus quæ sequuntur, & faciebus oppositis quæ præcedunt, cognosceretur determinatio motus. In hunc modum inveniri posset & quantitas & determinatio motus hujus circularis in vacuo quovis immenso, ubi nihil extaret externum & sensibile quocum globi conferri possent. Si jam constituerentur in spatio illo corpora aliqua longinqua datam inter se positionem servantia, qualia sunt Stellæ Fixę in regionibus nostris: sciri quidem non posset ex relativa globorum translatione inter corpora, utrum his an illis tribuendus esset motus. At si atten-

attenderetur ad filum, & deprenderetur tensionem ejus illam ipsam esse quam motus globorum requireret; concludere liceret motum esse globorum, & corpora quiescere; & tum demum ex translatione globorum inter corpora, determinationem hujus motus colligere. Motus autem veros ex eorum causis, effectibus, & apparentibus differentiis colligere; & contra ex motibus seu veris seu apparentibus eorum causas & effectus, docebitur fufius in fequentibus. Hunc enim in finem Tractatum fequentem composui.

DEFINITIONES

C 2

AXIO-

## A X I O M A T A,

S I V E

## L E G E S M O T U S.

## L E X I.

*Corpus omne perseverare in statu suo quiescendi vel movendi uniformiter in directum, nisi quatenus a viribus impressis cogitur statum illum mutare.*

**P**rojectilia perseverant in motibus suis, nisi quatenus a resistentia aeris retardantur, & vi gravitatis impelluntur deorsum. Trochus, cujus partes cohaerendo perpetuo retrahunt sese a motibus rectilineis, non cessat rotari, nisi quatenus ab aere retardatur. Majora autem Planetarum & Cometarum corpora motus suos & progressivos & circulares in spatiis minus resistentibus factos conservant diutius.

## L E X II.

*Mutationem motus proportionalem esse vi motrici impressae, & fieri secundum lineam rectam qua vis illa imprimitur.*

Si vis aliqua motum quemvis generet; dupla duplum, tripla triplum generabit, sive simul & semel, sive gradatim & successive impressa fuerit. Et hic motus (quoniam in eandem semper plagam cum vi generatrice determinatur) si corpus antea movebatur, motui ejus vel conspiranti additur, vel contrario subducitur, vel obliquo oblique adjicitur, & cum eo secundum utriusque determinationem componitur.

L E X



## LEX III.

Lex  
MOTUS.

*Actiōni contrariam semper & æqualem esse reactionem: sive corporum duorum actiones in se mutuo semper esse æquales & in partes contrarias dirigi.*

Quicquid premit vel trahit alterum, tantundem ab eo premitur vel trahitur. Si quis lapidem digito premit, premitur & hujus digitus a lapide. Si equus lapidem funi alligatum trahit, retrahetur etiam & equus (ut ita dicam) æqualiter in lapidem: nam funis utrinque distentus eodem relaxandi se conatu urgebit equum versus lapidem, ac lapidem versus equum; tantumque impediet progressum unius quantum promovet progressum alterius. Si corpus aliquod in corpus aliud impingens, motum ejus vi sua quomodo-cunque mutaverit, idem quoque vicissim in motu proprio eandem mutationem in partem contrariam vi alterius (ob æqualitatem pressionis mutæ) subibit. His actionibus æquales sunt mutationes, non velocitatum, sed motuum; scilicet in corporibus non aliunde impeditis. Mutationes enim velocitatum, in contrarias itidem partes factæ, quia motus æqualiter mutantur, sunt corporibus reciproce proportionales. Obtinet etiam hæc Lex in Attractionibus, ut in Scholio proximo probabitur.

## COROLLARIUM I.

*Corpus viribus conjunctis diagonalem parallelogrammi eodem tempore describere, quo latera separatim.*

Si corpus dato tempore, vi sola *M* in loco *A* impressa, ferretur uniformi cum motu ab *A* ad *B*, & vi sola *N* in eodem loco impressa, ferretur ab *A* ad *C*: compleatur parallelogrammum *ABDC*, & vi utraque ferretur id eodem tempore in diagonali ab *A* ad *D*. Nam quoniam vis *N* agit secundum lineam *AC* ipsi *BD* parallelam, hæc vis per Legem 11 nihil mutabit velocitatem accedendi ad lineam illam *BD* a vi altera genitam. Accedet igitur corpus eodem tempore ad lineam *BD*, sive vis *N* imprimatur, sive non; atque adeo in fine illius temporis reperietur alicubi in linea illa *BD*. Eodem argumento in fine temporis ejusdem reperietur alicubi in linea *CD*, & idcirco in utriusque lineæ concursu *D* reperiri necesse est. Perget autem motu rectilineo ab *A* ad *D* per Legem 1.



COROL.



geret illud hæc plana viribus  $pN$ ,  $HN$  perpendiculariter, nimirum planum  $pQ$  vi  $pN$ , & planum  $pG$  vi  $HN$ . Ideoque si tollatur planum  $pQ$ , ut pondus tendat filum, quoniam filum sustinendo pondus jam vicem præstat plani sublatis, tendetur illud eadem vi  $pN$ , qua planum antea urgebatur. Unde tensio fili hujus obliqui erit ad tensionem fili alterius perpendicularis  $PN$ , ut  $pN$  ad  $pH$ . Ideoque si pondus  $p$  sit ad pondus  $A$  in ratione quæ componitur ex ratione reciproca minimarum distantiarum filorum suorum  $pN$ ,  $AM$  a centro rotæ, & ratione directæ  $pH$  ad  $pN$ , pondera idem valebunt ad rotam movendam, atque adeo se mutuo sustinebunt, ut quilibet experiri potest.

Pondus autem  $p$ , planis illis duobus obliquis incumbens, rationem habet cunei inter corporis filii facies internas: & inde vires cunei & mallei innotescunt: utpote cum vis qua pondus  $p$  urget planum  $pQ$  sit ad vim, qua idem vel gravitate sua vel ictu mallei impellitur secundum lineam  $pH$  in plano, ut  $pN$  ad  $pH$ ; atque ad vim, qua urget planum alterum  $pG$ , ut  $pN$  ad  $NH$ . Sed & vis Cochleæ per similem virium divisionem colligitur, quippe quæ cuneus est a vecte impulsus. Usus igitur Corollarii hujus latissime patet, & late patendo veritatem suam evincit; cum pendeat ex jam dictis Mechanica tota ab Auctoribus diversimode demonstrata. Ex hisce enim facile derivantur vires Machinarum, quæ ex Rotis, Tympanis, Trochleis, Vectibus, nervis tensis & ponderibus directe vel oblique ascendentibus, cæterisque potentiis Mechanicis componi solent, ut & vires Tendinum ad animalium ossa movenda.

## COROLLARIUM III.

*Quantitas motus quæ colligitur capiendò summam motuum factorum ad eandem partem, & differentiam factorum ad contrarias, non mutatur ab actione corporum inter se.*

Etenim actio eique contraria reactio æquales sunt per Legem III, adeoque per Legem II æquales in motibus efficiunt mutationes versus contrarias partes. Ergo si motus fiunt ad eandem partem; quicquid additur motui corporis fugientis, subducetur motui corporis insequentis sic, ut summa maneat eadem quæ prius. Sin corpora obviam eant; æqualis erit subductio de motu utriusque, adeoque differentia motuum factorum in contrarias partes manebit eadem.

Ut si corpus sphericum  $A$  sit triplo majus corpore spherico  $B$ , habeatque duas velocitatis partes; &  $B$  sequatur in eadem recta cum ve-

locitatis

AXIOMATA,  
SIVE

locitatis partibus decem, adeoque motus ipſius *A* ſit ad motum ipſius *B*, ut ſex ad decem: ponantur motus illis eſſe partium ſex & partium decem, & ſumma erit partium ſexdecim. In corporum igitur concurſu, ſi corpus *A* lucretur motus partes tres vel quatuor vel quinque, corpus *B* amittet partes totidem, adeoque perget corpus *A* poſt reflexionem cum partibus novem vel decem vel undecim, & *B* cum partibus ſeptem vel ſex vel quinque, exiſtente ſemper ſumma partium ſexdecim ut prius. Si corpus *A* lucretur partes novem vel decem vel undecim vel duodecim, adeoque progrediatur poſt concurſum cum partibus quindecim vel ſexdecim vel ſeptendecim vel octodecim; corpus *B*, amittendo tot partes quot *A* lucratur, vel cum una parte progreditur amiſſis partibus novem, vel qui-eſcet amiſſo motu ſuo progreſſivo partium decem, vel cum una parte regreditur amiſſo motu ſuo & (ut ita dicam) una parte amplius, vel regreditur cum partibus duabus ob detractum motum progreſſivum partium duodecim. Atque ita ſummae motuum conſpirantium  $15+1$  vel  $16+0$ , & differentiæ contrariorum  $17-1$  &  $18-2$  ſemper erunt partium ſexdecim, ut ante concurſum & reflexionem. Cognitis autem motibus quibuſcum corpora poſt reflexionem pergent, invenietur cujuſque velocitas, ponendo eam eſſe ad velocitatem ante reflexionem, ut motus poſt eſt ad motum ante. Ut in caſu ultimo, ubi corporis *A* motu erat partium ſex ante reflexionem & partium octodecim poſtea, & velocitas partium duarum ante reflexionem; invenietur ejus velocitas partium ſex poſt reflexionem, dicendo, ut motus partes ſex ante reflexionem ad motus partes octodecim poſtea, ita velocitatis partes duæ ante reflexionem ad velocitatis partes ſex poſtea.

Quod ſi corpora vel non Sphærica vel diverſis in rectis moventia incidunt in ſe mutuo oblique, & requirantur eorum motus poſt reflexionem; cognoscendus eſt ſitus plani a quo corpora concurrentia tanguntur in puncto concurſus: dein corporis utriuſque motus (per Corol. 11.) diſtinguendus eſt in duos, unum huic plano perpendicularem, alterum eidem parallelum: motus autem paralleli, propterea quod corpora agant in ſe invicem ſecundum lineam huic plano perpendicularem, retinendi ſunt iidem poſt reflexionem atque antea; & motibus perpendicularibus mutationes æquales in partes contrarias tribuendæ ſunt ſic, ut ſumma conſpirantium & differentia contrariorum maneat eadem quæ prius. Ex huiusmodi reflexionibus oriri etiam motus circulares corporum circa centra propria. Sed hos caſus in ſequentibus non conſidero, & nimis longum eſſet omnia huc ſpectantia demonſtrare.

COROL.

## COROLLARIUM IV.

*Commune gravitatis Centrum, corporum duorum vel plurium, ab actionibus corporum inter se non mutat statum suum vel motus vel quietis; & propterea corporum omnium in se mutuo agentium (exclusis actionibus & impedimentis externis) commune Centrum gravitatis vel quiescit vel movetur uniformiter in directum.*

Nam si puncta duo progrediantur uniformi cum motu in lineis rectis, & distantia eorum dividatur in ratione data, punctum dividens vel quiescit vel progreditur uniformiter in linea recta. Hoc postea in Lemmate **XXIII** demonstratur, si punctorum motus fiant in eodem plano; & eadem ratione demonstrari potest, si motus illi non fiant in eodem plano. Ergo si corpora quocunque moventur uniformiter in lineis rectis, commune centrum gravitatis duorum quorumvis vel quiescit vel progreditur uniformiter in linea recta; propterea quod linea, horum corporum centra in rectis uniformiter progredientia jungens, dividitur ab hoc centro communi in ratione data. Similiter & commune centrum horum duorum & tertii cujuscvis vel quiescit vel progreditur uniformiter in linea recta; propterea quod ab eo dividitur distantia centri communis corporum duorum & centri communis tertii in data ratione. Eodem modo & commune centrum horum trium & quarti cujuscvis vel quiescit vel progreditur uniformiter in linea recta; propterea quod ab eo dividitur distantia inter centrum commune trium & centrum quarti in data ratione, & sic in infinitum. Igitur in systemate corporum quæ actionibus in se invicem aliisque omnibus in se extrinsecus impressis omnino vacant, adeoque moventur singula uniformiter in rectis singulis, commune omnium centrum gravitatis vel quiescit vel movetur uniformiter in directum.

Porro in systemate duorum corporum in se invicem agentium, cum distantie centrorum utriusque a communi gravitatis centro sint reciproce ut corpora; erunt motus relativi corporum eorundem, vel accedendi ad centrum illud vel ab eodem recedendi, æquales inter se. Proinde centrum illud a motuum æqualibus mutationibus in partes contrarias factis, atque adeo ab actionibus horum corporum inter se, nec promovetur nec retardatur nec mutationem patitur in statu suo quoad motum vel quietem. In systemate autem corporum plurium, quoniam duorum quorumvis in se mutuo agentium commune gravitatis centrum ob actionem illam nullatenus

D

mutat

AXIOMATA,  
SIVE

mutat statum suum; & reliquorum, quibuscum actio illa non intercedit, commune gravitatis centrum nihil inde patitur; distantia autem horum duorum centrorum dividitur a communi corporum omnium centro in partes summis totalibus corporum duorum sunt centra reciproce proportionales; adeoque centris illis duobus statum suum movendi vel quiescendi servantibus, commune omnium centrum servat etiam statum suum: manifestum est quod commune illud omnium centrum ob actiones binorum corporum inter se nunquam mutat statum suum quoad motum & quietem. In tali autem systemate actiones omnes corporum inter se, vel inter bina sunt corpora, vel ab actionibus inter bina compositæ; & propterea communi omnium centro mutationem in statu motus ejus vel quietis nunquam inducunt. Quare cum centrum illud ubi corpora non agunt in se invicem, vel quiescit, vel in recta aliqua progreditur uniformiter; perget idem, non obstantibus corporum actionibus inter se, vel semper quiescere, vel semper progredi uniformiter in directum; nisi a viribus in systema extrinsecus impressis derurbetur de hoc statu. Est igitur systematis corporum plurium Lex eadem quæ corporis solitarii, quoad perseverantiam in statu motus vel quietis. Motus enim progressivus seu corporis solitarii seu systematis corporum ex motu centri gravitatis æstimari semper debet.

#### COROLLARIUM V.

*Corporum dato spatio inclusorum iidem sunt motus inter se, sive spatium illud quiescat, sive moveatur idem uniformiter in directum absque motu circulari.*

Nam differentię motuum tendentium ad eandem partem, & summę tendentium ad contrarias, eadem sunt sub initio in utroq; casu (ex hypothesi) & ex his summis vel differentiis oriuntur congressus & impetus quibus corpora se mutuo feriunt. Ergo per Legem II æquales erunt congressuum effectus in utroq; casu; & propterea manebunt motus inter se in uno casu æquales motibus inter se in altero. Idem comprobatur experimento luculento. Motus omnes eodem modo se habent in Navi, sive ea quiescat, sive moveatur uniformiter in directum.

#### COROLLARIUM VI.

*Si corpora moveantur quomodocumq; inter se, & a viribus acceleratricibus aequalibus secundum lineas parallelas urgeantur; pergent omnia eodem modo moveri inter se, ac si viribus illis non essent incitata.*


Nam vires illæ æqualiter (pro quantitibus movendorum corporum)

rum) & secundum lineas parallelas agendo, corpora omnia æqualiter (quoad velocitatem) movebunt per Legem II. adeoque nunquam mutabunt positiones & motus eorum inter se.

LEGES  
MOTUS.


*Scholium.*

Haftenus principia tradidi a Mathematicis recepta & experientia multiplici confirmata. Per Leges duas primas & Corollaria duo prima *Galileus* invenit descensum Gravium esse in duplicata ratione temporis, & motum Projectilium fieri in Parabola, conspirante experientia, nisi quatenus motus illi per aeris resistentiam aliquantulum retardantur. Ab iisdem Legibus & Corollariis pendent demonstrata de temporibus oscillantium Pendulorum, suffragante Horologiorum experientia quotidiana. Ex his iisdem & Lege tertia *Christophorus Wrennus* Eques Auratus, *Johannes Wallisus* S. T. D. & *Christianus Hugenius*, hujus ætatis Geometrarum facile principes, regulas congressuum & reflexionum duorum corporum seorsim invenerunt, & eodem fere tempore cum *Societate Regia* communicarunt, inter se (quoad has leges) omnino conspirantes: & primus quidem *Wallisus*, deinde *Wrennus* & *Hugenius* inventum prodiderunt. Sed & veritas comprobata est a *Wrenno* coram *Regia Societate* per experimentum Pendulorum: quod etiam *Clarissimus Mariottus* libro integro exponere mox dignatus est. Verum, ut hoc experimentum cum Theoriis ad amussim congruat, habenda est ratio cum resistentiæ aeris, tum etiam vis Elasticæ concurrentium corporum. Pendeant corpora *A, B* filis parallelis & æqualibus *AC, BD*, a centris *C, D*. His centris & intervallis describantur semicirculi *EAF, GBH* radiis *CA, DB* bisecti. Trahatur corpus *A* ad arcus *EAF* punctum quodvis *R*, & (subducto corpore *B*) demittatur inde, redeatque post unam oscillationem ad punctum *V*. Est *RK* retardatio ex resistentia aeris. Hujus *RV* fiat *ST* pars quarta sita in medio, ita scilicet ut *RS* & *TV* æquantur, sitque *RS* ad *ST* ut 3 ad 2. Et ista *ST* exhibebit retardationem in descensu ab *S* ad *A* quam proxime. Restituatur corpus *B* in locum suum. Cadat corpus *A* de puncto *S*, & velocitas ejus in loco reflexionis *A*, absque errore sensibili, tanta erit ac



AXIOMATA,  
SIVE

si in vacuo cecidisset de loco  $T$ . Exponatur igitur hæc velocitas per chordam arcus  $TA$ . Nam velocitatem Penduli in puncto infimo esse ut chordam arcus quem cadendo descripsit, Propositio est est Geometris notissima. Post reflexionem perveniat corpus  $A$  ad locum  $s$ , & corpus  $B$  ad locum  $k$ . Tollatur corpus  $B$  & inveniat locus  $v$ ; a quo si corpus  $A$  demittatur & post unam oscillationem redeat ad locum  $r$ , sit  $st$  pars quarta ipsius  $rv$  sita in medio, ita videlicet ut  $rs$  &  $tu$  æquantur; & per chordam arcus  $tA$  exponatur velocitas quam corpus  $A$  proxime post reflexionem habuit in loco  $A$ . Nam  $t$  erit locus ille verus & correctus, ad quem corpus  $A$ , sublata aeris resistentia, ascendere debuisset. Simili methodo corrigendus erit locus  $k$ , ad quem corpus  $B$  ascendit, & inveniendus locus  $l$ , ad quem corpus illud ascendere debuisset in vacuo. Hoc pacto experiri licet omnia perinde ac si in vacuo constituti essemus. Tandem ducendum erit corpus  $A$  in chordam arcus  $TA$  (quæ velocitatem ejus exhibet) ut habeatur motus ejus in loco  $A$  proxime ante reflexionem; deinde in chordam arcus  $tA$ , ut habeatur motus ejus in loco  $A$  proxime post reflexionem. Et sic corpus  $B$  ducendum erit in chordam arcus  $Bl$ , ut habeatur motus ejus proxime post reflexionem. Et simili methodo, ubi corpora duo simul demittuntur de locis diversis, inveniendi sunt motus utriusque, tam ante, quam post reflexionem; & tum demum conferendi sunt motus inter se & colligendi effectus reflexionis. Hoc modo in Pendulis pedum decem rem tentando, idque in corporibus tam inæqualibus quam æqualibus, & faciendo ut corpora de intervallis amplissimis, puta pedum octo vel duodecim vel sexdecim, concurrerent; reperi semper sine errore trium digitorum in mensuris, ubi corpora sibi mutuo directe occurrebant, quod æquales erant mutationes motuum corporibus in partes contrarias illata, atque adeo quod actio & reactio semper erant æquales. Ut si corpus  $A$  incidebat in corpus  $B$  cum novem partibus motus, & amissis septem partibus pergebat post reflexionem cum duobus; corpus  $B$  resiliebat cum partibus istis septem. Si corpora obviam ibant  $A$  cum duodecim partibus &  $B$  cum sex, & redibat  $A$  cum duobus; redibat  $B$  cum octo, facta detractioe partium quatuordecim utrinque. De motu ipsius  $A$  subducantur partes duodecim, & restabit





nihil: subducantur aliæ partes duæ, & fiet motus duarum partium in plagam contrariam: & sic de motu corporis *B* partium sex subducendo partes quatuordecim, fient partes octo in plagam contrariam. Quod si corpora ibant ad eandam plagam, *A* velocius cum partibus quatuordecim, & *B* tardius cum partibus quinque, & post reflexionem pergebat *A* cum quinque partibus, pergebat *B* cum quatuordecim, facta translatione partium novem de *A* in *B*. Et sic in reliquis. A congressu & collisione corporum nunquam mutabatur quantitas motus, quæ ex summa motuum conspirantium & differentia contrariorum colligebatur. Nam errorem digiti unius & alterius in mensuris tribuerim difficultati peragendi singula fatis accurate. Difficile erat, tum pendula simul demittere sic, ut corpora in se mutuo impingerent in loco infimo *AB*; tum loca *s*, & *k* notare, ad quæ corpora ascendeabant post concursum. Sed & in ipsis pilis inæqualis partium densitas, & textura aliis de causis irregularis, errores inducebant.

Porro nequis objiciat Regulam, ad quam probandam inventum est hoc experimentum, præsupponere corpora vel absolute dura esse, vel saltem perfecte elastica, cujusmodi nulla reperiuntur in compositionibus naturalibus; addo quod Experimenta jam descripta succedunt in corporibus mollibus æque ac in duris, nimirum a conditione duritici neutiquam pendentia. Nam si Regula illa in corporibus non perfecte duris tentanda est, debet solummodo reflexio minui in certa proportionem pro quantitate vis Elasticæ. In Theoria *Wrenni* & *Hugenii* corpora absolute dura redeunt ab invicem cum velocitate congressus. Certius id affirmabitur de perfecte Elasticis. In imperfecte Elasticis velocitas reditus minuenda est simul cum vi Elasticæ; propterea quod vis illa, (nisi ubi partes corporum ex congressu læduntur, vel extensionem aliqualem quasi sub malleo patiuntur,) certa ac determinata sit (quantum sentio) faciatque corpora redire ab invicem cum velocitate relativa, quæ sit ad relativam velocitatem concursus in data ratione. Id in pilis ex lana arte conglomerata & fortiter constricta sic tentavi. Primum demittendo Pendula & mensurando reflexionem, inveni quantitatem vis Elasticæ; deinde per hanc vim determinavi reflexiones in aliis casibus concursuum, & respondebant Experimenta. Redibant semper pilæ ab invicem cum velocitate relativa, quæ esset ad velocitatem relativam concursus ut 5 ad 9 circiter. Eadem fere cum velocitate redibant pilæ ex chalybe: aliæ ex subere cum paulo minore: in vitreis autem proportio erat 15 ad 16 circiter. Atque hoc pacto Lex tertia quoad ictus & reflexiones per Theoriam comprobata est, quæ cum experientia plane congruit. In

AXIOMATA,  
SIVE

In *Attractionibus* rem sic breviter ostendo. Corporibus duobus quibuscumvis *A, B* se mutuo trahentibus, concipe obstaculum quodvis interponi quo congressus eorum impediatur. Si corpus alterutrum *A* magis trahitur versus corpus alterum *B*, quam illud alterum *B* in prius *A*, obstaculum magis urgebitur pressione corporis *A* quam pressione corporis *B*; proindeque non manebit in æquilibrio. Prævalebit pressio fortior, facietque ut systema corporum duorum & obstaculi moveatur in directum in partes versus *B*, motuque in spatiis liberis semper accelerato abeat in infinitum. Quod est absurdum & Legi primæ contrarium. Nam per Legem primam debeat systema perseverare in statu suo quiescendi vel movendi uniformiter in directum, proindeque corpora æqualiter urgebunt obstaculum, & idcirco æqualiter trahentur in invicem. Tentavi hoc in Magnete & Ferro. Si hæc in vasculis propriis sese contingentibus seorsim posita, in aqua stagnante juxta fluitent, neutrum propellet alterum, sed æqualitate attractionis utrinque sustinebunt conatus in se mutuos, ac tandem in æquilibrio constituta quiescent.

Sic etiam gravitas inter Terram & ejus partes, mutua est. Secetur Terra *FI* plano quovis *EG* in partes duas *EGF* & *EGI*: & æqualia erunt harum pondera in se mutuo. Nam si plano alio *HK* quod priori *EG* parallelum sit, pars major *EGI* secetur in partes duas *EGKH* & *HKI*, quarum *HKI* æqualis sit parti prius abscissæ *EGF*: manifestum est quod pars media *EGKH* pondere proprio in neutram partem extremarum propendebit, sed inter utramque in æquilibrio, ut ita dicam, suspendetur, & quiescet. Pars autem extrema *HKI* toto suo pondere incumbet in partem mediam, & urgebit illam in partem alteram extremam *EGF*; ideoque vis qua partium *HKI* & *EGKH* summa *EGI* tendit versus partem tertiam *EGF*, æqualis est ponderi partis *HKI*, id est ponderi partis tertie *EGF*. Et propterea pondera partium duarum *EGI, EGF* in se mutuo sunt æqualia, uti volui ostendere. Et nisi pondera illa æqualia essent, Terra tota in libero æthere fluitans pondere majori cederet, & ab eo fugiendo abiret in infinitum.

Ut corpora in concursu & reflexione idem pollent, quorum velocitates sunt reciproce ut vires insitæ: sic in movendis Instrumentis Mechanicis agentia idem pollent & conatibus contrariis se mutuo sustinent, quorum velocitates secundum determinationem virium



virium æstimatæ, sunt reciproce ut vires. Sic pondera æquipollent ad movenda brachia Libræ, quæ oscillante Libra sunt reciproce ut eorum velocitates sursum & deorsum: hoc est, pondera, si recta ascendunt & descendunt, æquipollent, quæ sunt reciproce ut punctorum a quibus suspenduntur distantie ab axe Libræ; sin planis obliquis aliisve admotis obstaculis impedita ascendunt vel descendunt oblique, æquipollent quæ sunt reciproce ut ascensus & descensus, quatenus facti secundum perpendicularum: id adeo ob determinationem gravitatis deorsum. Similiter in Trochlea seu Polyspasto vis manus funem directe trahentis, quæ sit ad pondus vel directe vel oblique ascendens ut velocitas ascensus perpendicularis ad velocitatem manus funem trahentis, sustinebit pondus. In Horologiis & similibus instrumentis, quæ ex rotulis commissis constructa sunt, vires contrariæ ad motum rotularum promovendum & impediendum, si sunt reciproce ut velocitates partium rotularum in quas imprimuntur, sustinebunt se mutuo. Vis Cochleæ ad premendum corpus est ad vim manus manubrium circumagentis, ut circularis velocitas manubrii ea in parte ubi a manu urgetur, ad velocitatem progressivam cochleæ versus corpus pressum. Vires quibus Cuneus urget partes quas ligni fissi sunt ad vim mallei in cuneum, ut progressus cunei secundum determinationem vis a malleo in ipsum impressæ, ad velocitatem qua partes ligni cedunt cunco, secundum lineas facibus cunei perpendiculares. Et par est ratio Machinatum omnium.

Harum efficacia & usus in eo solo consistit, ut diminuendo velocitatem augeamus vim, & contra: Unde solvitur in omni aptorum instrumentorum genere Problema, *Datum pondus data vi movendi*, aliamve datam resistantiam vi data superandi. Nam si Machinæ ita formentur, ut velocitates Agentis & Resistentis sint reciproce ut vires, Agens resistantiam sustinebit: & majori cum velocitatum disparitate eandem vincet. Certe si tanta sit velocitatum disparitas, ut vincatur etiam resistantia omnis, quæ tam ex contiguorum & inter se labentium corporum attritione, quam ex continuorum & ab invicem separandorum cohesione & elevandorum ponderibus oriri solet; superata omni ea resistantia, vis reducens accelerationem motus sibi proportionalem, partim in partibus machinæ, partim in corpore resistente producet. Ceterum Mechanicam tractare non est hujus instituti. Hisce volui tantum ostendere, quam late pateat quamque certa sit Lex tertia Motus. Nam si æstimetur Agentis actio ex ejus vi & velocitate

tate conjunctim; & similiter Resistentis reactio æstimetur conjunctim ex ejus partium singularum velocitatibus & viribus resistendi ab earum attritione, cohesione, pondere, & acceleratione oriundis; erunt actio & reactio, in omni instrumentorum usu, sibi invicem semper æquales. Et quatenus actio propagatur per instrumentum & ultimo imprimitur in corpus omne resistens, ejus ultima determinatio determinationi reactionis semper erit contraria.

## D E

# MOTU CORPORUM

## LIBER PRIMUS.

## S E C T I O I.

*De Methodo Rationum primarum & ultimarum, cujus ope sequentia demonstrantur.*

## L E M M A I.


**Q**uantitates, ut & quantitatum rationes, quæ ad æqualitatem tempore quovis finito constanter tendunt, & ante finem temporis illius propius ad invicem accedunt quam pro data quavis differentia, sunt ultimo æquales.

Si negas, fiant ultimò inequales, & sit earum ultima differentia *D*. Ergo nequeunt propius ad æqualitatem accedere quam pro data differentia *D*: contra hypothefin.

LEMMA

## L E M M A II.

Si in Figura quavis  $AacE$ , rectis  $Aa$ ,  $AE$  & curva  $a c E$  comprehensa, inscribantur parallelogramma quotcumque  $Ab$ ,  $Bc$ ,  $Cd$ , &c. sub basibus  $AB$ ,  $BC$ ,  $CD$ , &c. equalibus, & lateribus  $Bb$ ,  $Cc$ ,  $Dd$ , &c. Figura lateri  $Aa$  parallelis contenta; & compleantur parallelogramma  $aKbl$ ,  $bLcm$ ,  $cMdn$ , &c. Dein horum parallelogrammorum latitudo minuatur, & numerus augeatur in infinitum: dico quod ultime rationes, quas habent ad se invicem Figura inscripta  $AKbLcMdD$ , circumscripta  $AalbmcndoE$ , & curvilinea  $AabcdE$ , sunt rationes equalitatis.



Nam Figuræ inscriptæ & circumscriptæ differentia est summa parallelogrammorum  $Kl$ ,  $Lm$ ,  $Mn$ ,  $Do$ , hoc est (ob æquales omnium bases) rectangulum sub unius basi  $Kb$  & altitudinum summa  $Aa$ , id est, rectangulum  $ABla$ . Sed hoc rectangulum, eo quod latitudo ejus  $AB$  in infinitum minuitur, fit minus quovis dato. Ergo (per Lemma 1) Figura inscripta & circumscripta & multo magis Figura curvilinea intermedia fiunt ultimo æquales  $Q.E.D.$

## L E M M A III.

Eadem rationes ultime sunt etiam rationes equalitatis, ubi parallelogrammorum latitudines  $AB$ ,  $BC$ ,  $CD$ , &c. sunt inæquales, & omnes minuuntur in infinitum.

Sit enim  $AF$  æqualis latitudini maximæ, & compleatur parallelogrammum  $FAaf$ . Hoc erit majus quam differentia Figuræ inscriptæ & Figuræ circumscriptæ; at latitudine sua  $AF$  in infinitum diminuta, minus fiet quam datum quodvis rectangulum.  $Q.E.D.$

Corol. 1. Hinc summa ultima parallelogrammorum evanescentium coincidit omni ex parte cum Figura curvilinea.

Corol. 2. Et multo magis Figura rectilinea, quæ chordis evanescentium

E

centium


centium arcuum  $ab$ ,  $bc$ ,  $cd$ , &c. comprehenditur, coincidit ultimo cum Figura curvilinea.

*Corol. 3.* Ut & Figura rectilinea circumscripta quæ tangentibus eorundem arcuum comprehenditur.

*Corol. 4.* Et propterea hæ Figuræ ultimæ (quoad perimetros  $a c E$ ), non sunt rectilineæ, sed rectilinearum limites curvilinei.

## L E M M A IV.

*Si in duabus Figuris AacE, PprT, inscribantur (ut supra) duæ parallelogrammorum series, sitque idem amborum numerus, & ubi latitudines in infinitum diminuuntur, rationes ultimæ parallelogrammorum in una Figura ad parallelogramma in altera, singulorum ad singula, sint eadem; dico quod Figuræ duæ AacE, PprT, sunt ad invicem in eadem illa ratione.*



Etenim ut sunt parallelogramma singula ad singula, ita (componendo) fit summa omnium ad summam omnium, & ita Figura ad Figuram; existente nimirum Figura priore (per Lemma III) ad summam priorem, & Figura posteriore ad summam posteriorem in ratione æqualitatis. *Q. E. D.*

*Corol.* Hinc si duæ cujuscunque generis quantitates in eundem partium numerum utcumque dividantur, & partes illæ, ubi numerus earum augetur & magnitudo diminuitur in infinitum, datam obtineant rationem ad invicem, prima ad primam, secunda ad secundam, cæteræque suo ordine ad cæteras: erunt tota ad invicem in eadem illa data ratione. Nam si in Lemmatis hujus Figuris sumantur parallelo-

rallelogramma inter se ut partes, summæ partium semper erunt ut summæ parallelogrammorum; atque adeo, ubi partium & parallelogrammorum numerus augetur & magnitudo diminuitur in infinitum, in ultima ratione parallelogrammi ad parallelogrammum, id est (per hypothefin) in ultima ratione partis ad partem.


LIBER  
PRIMUS.

## L E M M A V.

*Similium Figurarum latera omnia, quæ sibi mutuo respondent, sunt proportionalia, tam curvilinea quam rectilinea; & area sunt in duplicata ratione laterum.*

## L E M M A VI.

*Si arcus quilibet positione datus AB subtendatur chorda AB, & in puncto aliquo A, in medio curvaturæ continuæ, tangatur a recta utrinque producta AD; dein puncta A, B ad invicem accedant & coeant; dico quod angulus BAD, sub chorda & tangente contentus, minuetur in infinitum & ultimo evanescet.*



Nam si angulus ille non evanescit, continebit arcus  $AB$  cum tangente  $AD$  angulum rectilineo æqualem, & propterea curvatura ad punctum  $A$  non erit continua, contra hypothefin.

## L E M M A VII.

*Isdem positis; dico quod ultima ratio arcus, chordæ, & tangētis ad invicem est ratio æqualitatis.*


Nam dum punctum  $B$  ad punctum  $A$  accedit, intelligantur semper  $AB$  &  $AD$  ad puncta longinqua  $b$  ac  $d$  produci, & secanti  $B'D$  parallela agatur  $bd$ . Sitque arcus  $Ab$  semper similis arcui  $AB$ . Et punctis  $A, B$  coeuntibus, angulus  $dAb$ , per Lemma superius, evanescet; adeoque rectæ semper finitæ  $Ab, Ad$  & arcus intermedius  $Ab$  coincident, & propterea æquales erunt. Unde & hisce semper proportionales rectæ  $AB, AD$ , & arcus intermedius  $AB$

E 2

cva-

evanescent, & rationem ultimam habebunt æqualitatis. *Q. E. D.*

*Corol. 1.* Unde si per *B* ducatur tangenti parallela *BF*, rectam quamvis *AF* per *A* transeuntem perpetuo secans in *F*, hæc *BF* ultimo ad arcum evanescentem *AB* rationem habebit æqualitatis, eo quod completo parallelogrammo *AFBD* rationem semper habet æqualitatis ad *AD*.




*Corol. 2.* Et si per *B* & *A* ducantur plures rectæ *BE*, *BD*, *AF*, *AG*, secantes tangentem *AD* & ipsius parallelam *BF*; ratio ultima abscissarum omnium *AD*, *AE*, *BF*, *BG*, chordæque & arcus *AB* ad invicem erit ratio æqualitatis.

*Corol. 3.* Et propterea hæc omnes lineæ, in omni de rationibus ultimis argumentatione, pro se invicem usurpari possunt.

### LEMMA VIII.

*Si rectæ datæ AR, BR cum arcu AB, chorda AB & tangente AD, triangula tria ARB, ARB, ARD constituunt, dein puncta A, B accedunt ad invicem: dico quod ultima forma triangulorum evanescentium est similitudinis, & ultima ratio æqualitatis.*

Nam dum punctum *B* ad punctum *A* accedit, intelligatur semper *AB*, *AD*, *AR* a puncta longinqua *b*, *d* & *r* produci, ipfique *RD* parallela agi *rbd*, & arcui *AB* similis semper sit arcus *Ab*. Et coeuntibus punctis *A*, *B*, angulus *bAd* evanescet, & propterea triangula tria semper finita *rAb*, *rAb*, *rAd* coincident, suntque eo nomine similia & æqualia. Unde & hisce semper similia & proportionalia *RAB*, *RAB*, *RAD* fient ultimo sibi *r* invicem similia & æqualia. *Q. E. D.*



*Corol.* Et hinc triangula illa, in omni de rationibus ultimis argumentatione, pro se invicem usurpari possunt.

### LEMMA





DE MOTU  
CORPORUM

*Corol. 1.* Et hinc facile colligitur, quod corporum similes similitum Figurarum partes temporibus proportionalibus describentium Errores, qui viribus quibuscvis æqualibus ad corpora similiter applicatis generantur, & mensurantur per distantias corporum a Figurarum similitum locis illis ad quæ corpora eadem temporibus iisdem proportionalibus absque viribus istis pervenirent, sunt ut quadrata temporum in quibus generantur quam proxime.

*Corol. 2.* Errores autem qui viribus proportionalibus ad similes Figurarum similitum partes similiter applicatis generantur, sunt ut vires & quadrata temporum conjunctim.

*Corol. 3.* Idem intelligendum est de spatiis quibuscvis quæ corpora urgentibus diversis viribus describunt. Hæc sunt, ipso motus initio, ut vires & quadrata temporum conjunctim.

*Corol. 4.* Ideoque vires sunt ut spatia, ipso motus initio, descripta directe & quadrata temporum inverse.

*Corol. 5.* Et quadrata temporum sunt ut descripta spatia directe & vires inverse.

### Scholium.

Si quantitates indeterminatæ diversorum generum conferantur inter se, & earum aliqua dicatur esse ut est aliqua quævis directe vel inverse: sensus est, quod prior augetur vel diminuitur in eadem ratione cum posteriore, vel cum ejus reciproca. Et si earum aliqua dicatur esse ut sunt alix duæ vel plures directe vel inverse: sensus est, quod prima augetur vel diminuitur in ratione quæ componitur ex rationibus in quibus alix vel aliarum reciproce augentur vel diminuantur. Ut si A dicatur esse ut B directe & C directe & D inverse: sensus est, quod A augetur vel diminuitur in eadem ratione cum  $B \times C \times \frac{1}{D}$ , hoc est, quod A &  $\frac{BC}{D}$  sunt ad invicem in ratione data.

### LEMMA XI.

*Subtensa evanescens anguli contactus, in curvis omnibus curvaturam finitam ad punctum contactus habentibus, est ultimo in ratione duplicata subtensa arcus contermini.*

*Cas. 1.* Sit arcus ille AB, tangens ejus AD, subtensa anguli contactus ad tangentem perpendicularis BD, subtensa arcus AB. Huic subtensæ AB & tangenti AD perpendiculares erigantur AG, BG, concur-



*Corol. 5.* Et quoniam  $DB, db$  sunt ultimo parallelæ & in duplicata ratione ipsarum  $AD, Ad$ : erunt areæ ultimæ curvilineæ  $ADB, Adb$  (ex natura Parabolæ) duæ tertiæ partes triangulorum rectilineorum  $ADB, Adb$ ; & segmenta  $AB, Ab$  partes tertiæ eorundem triangulorum. Et inde hæ areæ & hæ segmenta erunt in triplicata ratione tum tangentium  $AD, Ad$ ; tum chordarum & arcuum  $AB, Ab$ .

*Scholium.*

Cæterum in his omnibus supponimus angulum contactus nec infinite majorem esse angulis contactuum, quos Circuli continent cum tangentibus suis, nec iisdem infinite minorem; hoc est, curvaturam ad punctum  $A$ , nec infinite parvam esse nec infinite magnam, seu intervallum  $Af$  finitæ esse magnitudinis. Capi enim potest  $DB$  ut  $AD^1$ : quo in casu Circulus nullus per punctum  $A$  inter tangentem  $AD$  & curvam  $AB$  duci potest, proindeque angulus contactus erit infinite minor Circularibus. Et simili argumento si fiat  $DB$  successive ut  $AD^2, AD^1, AD^2, AD^1$ , &c. habebitur series angulorum contactus pergens in infinitum, quorum quilibet posterior est infinite minor priore. Et si fiat  $DB$  successive ut  $AD^2, AD^3, AD^2, AD^4, AD^3, AD^5, AD^4, AD^6$ , &c. habebitur alia series infinita angulorum contactus, quorum primus est ejusdem generis cum Circularibus, secundus infinite major, & quilibet posterior infinite major priore. Sed & inter duos quosvis ex his angulis potest series utrinque in infinitum pergens angulorum intermediarum inferi, quorum quilibet posterior erit infinite major minorve priore. Ut si inter terminos  $AD^1$  &  $AD^1$  inferatur series  $AD^{1\frac{1}{2}}, AD^{1\frac{1}{2}}, AD^2, AD^2, AD^2, AD^2, AD^{2\frac{1}{2}}, AD^{2\frac{1}{2}}, AD^{2\frac{1}{2}}$ , &c. Et rursus inter binos quosvis angulos hujus seriei inferi potest series nova angulorum intermediarum ab invicem infinitis intervallis differentium. Neque novit natura limitem.

Quæ de curvis lineis deque superficiebus comprehensis demonstrata sunt, facile applicantur ad solidorum superficies curvas & contenta. Præmissi vero hæc Lemmata, ut effugerem tædium deducendi perplexas demonstrationes, more veterum Geometrarum, ad absurdum. Contractiores enim redduntur demonstrationes per methodum Indivisibilium. Sed quoniam durior est Indivisibilium hypothesis, & propterea methodus illa minus Geometrica censetur, malui demonstrationes rerum sequentium ad ultimas quantitates eva-

evanescentium summas & rationes, primasque nascentium, id est, ad limites summarum & rationum deducere, & propterea limitum illorum demonstrationes quae potui brevitate præmittere. His enim idem præstatur quod per methodum Indivisibilem, & principiis demonstratis jam tutius utemur. Proinde in sequentibus, siquando quantitates tanquam ex particulis constantes consideravero, vel si pro rectis usurpavero lineolas curvas, nolim indivisibilia, sed evanescentia divisibilia, non summas & rationes partium determinatarum, sed summarum & rationum limites semper intelligi, vimque talium demonstrationum ad methodum præcedentium Lemmarum semper revocari.

Objectio est, quod quantitarum evanescentium nulla sit ultima proportio; quippe quæ, antequam evanuerunt, non est ultima, ubi evanuerunt, nulla est. Sed & eodem argumento æque contendere posset nullam esse corporis ad certum locum pervenientis velocitatem ultimam: hanc enim, antequam corpus attingit locum, non esse ultimam, ubi attingit, nullam esse. Et responsio facilis est: Per velocitatem ultimam intelligi eam, qua corpus movetur neque antequam attingit locum ultimum & motus cessat, neque postea, sed tunc cum attingit, id est, illam ipsam velocitatem quacum corpus attingit locum ultimum & quacum motus cessat. Et similiter per ultimam rationem quantitarum evanescentium, intelligendam esse rationem quantitarum non antequam evanescent, non postea, sed quacum evanescent. Pariter & ratio prima nascentium est ratio quacum nascuntur. Et summa prima & ultima est quacum esse (vel augeri & minui) incipiunt & cessant. Extat limes quem velocitas in fine motus attingere potest, non autem transgredi. Hæc est velocitas ultima. Et par est ratio limitis quantitarum & proportionum omnium incipientium & cessantium. Cumque hic limes sit certus & definitus, Problema est vere Geometricum eundem determinare. Geometrica vero omnia in aliis Geometricis determinandis ac demonstrandis legitime usurpantur.

Contendi etiam potest, quod si dentur ultimæ quantitarum evanescentium rationes, dabuntur & ultimæ magnitudines: & sic quantitas omnis constabit ex Indivisibilibus, contra quam *Euclides* de Incommensurabilibus, in libro decimo Elementorum, demonstravit. Verum hæc Objectio falsæ innititur hypothefi. Ultimæ rationes illæ quibuscum quantitates evanescent, revera non sunt rationes quantitarum ultimarum, sed limites ad quos quantitarum sine limite decreascentium rationes semper appropinquant, & quas propius assequi possunt quam pro data quavis differentia, nunquam vero trans-



eodem plano cum triangulo  $ASB$ . Junge  $SC$ , & triangulum  $SBC$ , ob parallelas  $SB, Ce$ , æquale erit triangulo  $SBe$ , atque adeo etiam triangulo  $SAB$ . Simili argumento si vis centripeta successive agat in  $C, D, E$ , &c. faciens ut corpus singulis temporis particulis singulas describat rectas  $CD, DE, EF$ , &c. jacebunt hæ omnes in eodem plano; & triangulum  $SCD$  triangulo  $SBC$ , &  $SDE$  ipsi  $SCD$ , &  $SEF$  ipsi  $SDE$  æquale erit. Aequalibus igitur temporibus æquales aræ in plano immoto describuntur: & componendo, sunt aræarum summæ quævis  $SADS, SASF$  inter se, ut sunt tempora descriptionum. Augeatur jam numerus & minuatur latitudo triangulorum in infinitum; & eorum ultima perimeter  $ADF$ , (per Corollarium quartum Lemmatis tertii) erit linea curva: adeoque vis centripeta, qua corpus a tangente hujus curvæ perpetuo retrahitur, aget indefinenter; aræ vero quævis descriptæ  $SADS, SASF$  temporibus descriptionum semper proportionales, erunt iisdem temporibus in hoc casu proportionales. *Q. E. D.*

*Corol. 1.* Velocitas corporis in centrum immobile attracti est in spatiis non resistentibus reciproce ut perpendicularum a centro illo in Orbis tangentem rectilineam demissum. Est enim velocitas in locis illis  $A, B, C, D, E$ , ut sunt bases æqualium triangulorum  $AB, BC, CD, DE, EF$ , & hæ bases sunt reciproce ut perpendiculara in ipsas demissa.

*Corol. 2.* Si arcuum duorum æqualibus temporibus in spatiis non resistentibus ab eodem corpore successive descriptorum chordæ  $AB, BC$  compleantur in parallelogrammum  $ABCU$ , & hujus diagonalis  $BU$  in ea positione quam ultimo habet ubi arcus illi in infinitum diminuuntur, producat utrinque, transibit eadem per centrum virium.

*Corol. 3.* Si arcuum æqualibus temporibus in spatiis non resistentibus descriptorum chordæ  $AB, BC$  ac  $DE, EF$  compleantur in parallelogramma  $ABCU, DEFZ$ ; vires in  $B$  &  $E$  sunt ad invicem in ultima ratione diagonalium  $BU, EZ$ , ubi arcus isti in infinitum diminuuntur. Nam corporis motus  $BC$  &  $EF$  componuntur (per Legum Corol. 1.) ex motibus  $Be, BU$  &  $Ef, EZ$ : atqui  $BU$  &  $EZ$ , ipsi  $Ce$  &  $Ff$  æquales, in Demonstratione Propositionis hujus generabantur ab impulsibus vis centripetæ in  $B$  &  $E$ , ideoque sunt his impulsibus proportionales.

*Corol. 4.* Vires quibus corpora quælibet in spatiis non resistentibus a motibus rectilincis retrahuntur ac detorquentur in orbés curvos sunt inter se ut arcuum æqualibus temporibus descriptorum sagittæ illæ quæ convergunt ad centrum virium, & chordas bifecant

ubi arcus illi in infinitum diminuuntur. Nam hæ sagittæ sunt semissiles diagonalium de quibus egimus in Corollario tertio.

*Corol. 5.* Ideoque vires eadem sunt ad vim gravitatis, ut hæ sagittæ ad sagittas horizonti perpendiculares arcuum Parabolicorum quos projectilia eodem tempore describunt.

*Corol. 6.* Eadem omnia obtinent per Legum Corol. 1v, ubi plana in quibus corpora moventur, una cum centris virium quæ in ipsis sita sunt, non quiescunt, sed moventur uniformiter in directum.

## PROPOSITIO II. THEOREMA II.

*Corpus omne, quod movetur in linea aliqua curva in plano descripta, & radio ducto ad punctum vel immobile, vel motu rectilineo uniformiter progrediens, describit areas circa punctum illud temporibus proportionales, urgetur a vi centripeta tendente ad idem punctum.*

*Cas. 1.* Nam corpus omne quod movetur in linea curva, detorquetur de cursu rectilineo per vim aliquam in ipsum agentem (per Leg. 1.) Et vis illa qua corpus de cursu rectilineo detorquetur, & cogitur triangula quam minima  $SAB$ ,  $SBC$ ,  $SCD$ , &c. circa punctum immobile  $S$  temporibus æqualibus æqualia describere, agit in loco  $B$  secundum lineam parallelam ipsi  $cC$  (per Prop. xI, Lib. 1 Elem. & Leg. 11.) hoc est, secundum lineam  $BS$ ; & in loco  $C$  secundum lineam ipsi  $dD$  parallelam, hoc est, secundum lineam  $SC$ , &c. Agit ergo semper secundum lineas tendentes ad punctum illud immobile  $S$ . *Q. E. D.*

*Cas. 2.* Et, per Legum Corollarium quintum, perinde est siue quiescat superficies in qua corpus describit figuram curvilineam, siue moveatur eadem una cum corpore, figura descripta, & puncto suo  $S$  uniformiter in directum.

*Corol. 1.* In Spatiis vel Mediis non resistentibus, si arcæ non sunt temporibus proportionales, vires non tendunt ad concursum radiorum; sed inde declinant in consequentia seu versus plagam in quam fit motus, si modo arearum descriptio acceleratur: sin retardatur, declinant in antecedentia.

*Corol. 2.* In Mediis etiam resistentibus, si arearum descriptio acceleratur, virium directiones declinant a concursu radiorum versus plagam in quam fit motus.

*Scholium*



*Scholium.*LIBER  
PRIMUS.

Urgeri potest corpus a vi centripeta composita ex pluribus viribus. In hoc casu sensus Propositionis est, quod vis illa quæ ex omnibus componitur, tendit ad punctum *S*. Porro si vis aliqua agat perpetuo secundum lineam superficiæ descriptæ perpendicularem; hæc faciet ut corpus deflectatur a plano sui motus: sed quantitatem superficiæ descriptæ nec augebit nec minuet, & propterea in compositione virium negligenda est.

## PROPOSITIO III. THEOREMA III.

*Corpus omne, quod radio ad centrum corporis alterius utcumque moti ducto describit areas circa centrum illud temporibus proportionales, urgetur vi composita ex vi centripeta tendente ad corpus illud alterum, & ex vi omni acceleratrice qua corpus illud alterum urgetur.*

Sit corpus primum *L* & corpus alterum *T*: & (per Legum Corol. vi.) si vi nova, quæ æqualis & contraria sit illi qua corpus alterum *T* urgetur, urgeatur corpus utrumque secundum lineas parallelas, perget corpus primum *L* describere circa corpus alterum *T* areas easdem ac prius: vis autem, qua corpus alterum *T* urgebatur, jam destruetur per vim sibi æqualem & contrariam, & propterea (per Leg. 1.) corpus illud alterum *T* sibimet ipsi jam relictum vel quiescet vel movebitur uniformiter in directum: & corpus primum *L* urgente differentia virium, id est, urgente vi reliqua perget areas temporibus proportionales circa corpus alterum *T* describere. Tendit igitur (per Theor. 11.) differentia virium ad corpus illud alterum *T* ut centrum. *Q. E. D.*

*Corol. 1.* Hinc si corpus unum *L* radio ad alterum *T* ducto describit areas temporibus proportionales; atque de vi tota (sive simplici, sive ex viribus pluribus, juxta Legum Corollarium secundum, composita,) qua corpus prius *L* urgetur, subducatur (per idem Legum Corollarium) vis tota acceleratrix qua corpus alterum urgetur: vis omnis reliqua qua corpus prius urgetur tendet ad corpus alterum *T* ut centrum.

*Corol. 2.* Et, si area illæ sunt temporibus quamproxime proportionales, vis reliqua tendet ad corpus alterum *T* quamproxime.

*Corol. 3.* Et vice versa, si vis reliqua tendit quamproxime ad corpus

**DE MOTU** corpus alterum  $T$ , erunt areae illæ temporibus quamproxime proportionales.  
**CORPORUM**

*Corol. 4.* Si corpus  $L$  radio ad alterum corpus  $T$  ducto describit areas quæ, cum temporibus collatæ, sunt valde inæquales; & corpus illud alterum  $T$  vel quiescit vel movetur uniformiter in directum: actio vis centripetæ ad corpus illud alterum  $T$  tendentis, vel nulla est, vel miscetur & componitur cum actionibus admodum potentibus aliarum virium: Visque tota ex omnibus, si plures sunt vires, composita, ad aliud (sive immobile sive mobile) centrum dirigitur. Idem obtinet, ubi corpus alterum motu quocunque movetur, si modo vis centripeta sumatur, quæ restat post subductionem vis totius in corpus illud alterum  $T$  agentis.

*Scholium.*

Quoniam æquabilis arearum descriptio Index est Centri, quod vis illa respicit qua corpus maxime afficitur, quaque retrahitur a motu rectilineo & in orbita sua retinetur: quidni usurpemus in sequentibus æquabilem arearum descriptionem, ut Indicem Centri circum quod motus omnis circularis in spatiis liberis peragitur?

PROPOSITIO IV. THEOREMA IV.

*Corporum, quæ diversos circulos æquabili motu describunt, vires centripetas ad centra eorundem circularum tendere; & esse inter se, ut sunt arcuum simul descriptorum quadrata applicata ad circularum radios.*

Tendunt hæ vires ad centra circularum per Prop. 11. & Corol. 11. Prop. 1; & sunt inter se ut arcuum æqualibus temporibus quam minimis descriptorum sinus versi per Corol. 14. Prop. 1; hoc est, ut quadrata arcuum eorundem ad diametros circularum applicata per Lem. VII: & propterea, cum hi arcus sint ut arcus temporibus quibuscumque æqualibus descripti, & diametri sint ut eorum radii; vires erunt ut arcuum quorumvis simul descriptorum quadrata applicata ad radios circularum. *Q. E. D.*

*Corol. 1.* Igitur, cum arcus illi sint ut velocitates corporum, vires centripetæ sunt ut velocitatum quadrata applicata ad radios circularum: hoc est, ut cum Geometris loquar, vires sunt in ratione composita ex duplicata ratione velocitatum directe & ratione simplici radiorum inverse.

*Corol.*

*Corol. 2.* Et, cum tempora periodica sint in ratione composita ex ratione radiorum directe & ratione velocitatum inverse, vires centripetæ sunt reciproce ut quadrata temporum periodicorum applicata ad circulorum radios; hoc est, in ratione composita ex ratione radiorum directe & ratione duplicata temporum periodicorum inverse.

*Corol. 3.* Unde, si tempora periodica æquantur & propterea velocitates sint ut radii, erunt etiam vires centripetæ ut radii: & contra.

*Cor. 4.* Si & tempora periodica & velocitates sint in ratione subduplicata radiorum, æquales erunt vires centripetæ inter se: & contra.

*Corol. 5.* Si tempora periodica sint ut radii & propterea velocitates æquales, vires centripetæ erunt reciproce ut radii: & contra.

*Corol. 6.* Si tempora periodica sint in ratione sesquuplicata radiorum & propterea velocitates reciproce in radiorum ratione subduplicata, vires centripetæ erunt reciproce ut quadrata radiorum: & contra.

*Corol. 7.* Et universaliter, si tempus periodicum sit ut Radii  $R$  potestas quælibet  $R^a$ , & propterea velocitas reciproce ut Radii potestas  $R^{a-1}$ , erit vis centripeta reciproce ut Radii potestas  $R^{a-2}$ : & contra.

*Corol. 8.* Eadem omnia de temporibus, velocitatibus, & viribus, quibus corpora similes figurarum quarumcunque similium, centraque in figuris illis similiter posita habentium, partes describunt, consequuntur ex Demonstratione præcedentium ad hosce casus applicata. Applicatur autem substituendo æquabilem arcarum descriptionem pro æquabili motu, & distantias corporum a centris pro radiis usurpando.

*Corol. 9.* Ex eadem demonstratione consequitur etiam, quod arcus, quem corpus in circulo data vi centripeta uniformiter revolvendo tempore quovis describit, medius est proportionalis inter diametrum circuli, & descensum corporis eadem data vi eodemque tempore cadendo confectum.

### *Scholium.*

Casus Corollarii sexti obtinet in corporibus cælestibus, (ut seorsum collegerunt etiam nostrates *Wrennus*, *Hookius* & *Halleus*) & propterea quæ spectant ad vim centripetam decrecentem in duplicata ratione distantiarum a centris, decrevi fusius in sequentibus exponere.

Porro

Porro præcedentis propositionis & corollariorum ejus beneficio, colligitur etiam proportio vis centripetæ ad vim quamlibet notam, qualis est ea Gravitatis. Nam si corpus in circulo Terræ concentrico vi gravitatis suæ revolvatur, hæc gravitas est ipsius vis centripetæ. Datur autem, ex descensu gravium, & tempus revolutionis unius, & arcus dato quovis tempore descriptus, per hujus Corol. IX. Et hujusmodi propositionibus *Hugenius*, in eximio suo Tractatu de *Horologio Oscillatorio*, vim gravitatis cum revolventium viribus centrifugis contulit.

Demonstrari etiam possunt præcedentia in hunc modum. In circulo quovis describi intelligatur Polygonum laterum quocunque. Et si corpus, in polygoni lateribus data cum velocitate movendo, ad ejus angulos singulos a circulo reflectatur; vis qua singulis reflexionibus impingit in circulum erit ut ejus velocitas: adeoque summa virium in dato tempore erit ut velocitas illa & numerus reflexionum conjunctim: hoc est (si polygonum detur specie) ut longitudo dato illo tempore descripta & longitudo eadem applicata ad Radium circuli; id est, ut quadratum longitudinis illius applicatum ad Radium: adeoque, si polygonum lateribus infinite diminutis coincidat cum circulo, ut quadratum arcus dato tempore descripti applicatum ad radium. Hæc est vis centrifuga, qua corpus urget circulum: & huic æqualis est vis contraria, qua circulus continuo repellit corpus centrum versus.

### PROPOSITIO. V. PROBLEMA I.

*Data quibuscunque in locis velocitate, qua corpus figuram datam viribus ad commune aliquod centrum tendentibus describit, centrum illud invenire.*

Figuram descriptam tangent rectæ tres  $PT$ ,  $TQV$ ,  $VR$  in punctis totidem  $P$ ,  $Q$ ,  $R$ , concurrentes in  $T$  &  $V$ . Ad tangentes erigantur perpendiculara  $PA$ ,  $QB$ ,  $RC$ , velocitatibus corporis in punctis illis  $P$ ,  $Q$ ,  $R$  a quibus eriguntur reciproce proportionalia; id est, ita ut sit  $PA$  ad  $QB$  ut velocitas in  $Q$  ad velocitatem in  $P$ , &  $QB$  ad  $RC$  ut velocitas in  $R$  ad velocitatem in  $Q$ . Per perpendicularorum terminos  $A$ ,  $B$ ,  $C$  ad angulos rectos ducantur  $AD$ ,  $DBE$ ,  $EC$  concurrentes in  $D$  &  $E$ : Et actæ  $TD$ ,  $VE$  concurrent in centro quæsito  $S$ .

Nam



est sagittæ dupli arcus  $QP$ , in cuius medio est  $P$ , & duplum trianguli  $SQP$  sive  $SP \times QT$ , tempore quo arcus iste duplus describitur proportionale est, ideoque pro temporis exponente scribi potest.

*Corol. 2.* Eodem argumento vis centripeta est reciproce ut solidum  $\frac{STq \times QPq}{QR}$ , si modo  $ST$  perpendicularum sit a centro virium in Orbis tangentem  $PR$  demissum. Nam rectangula  $ST \times QP$  &  $SP \times QT$  æquantur.

*Corol. 3.* Si Orbis vel circulus est, vel angulum contactus cum circulo quam minimum continet, eandem habens curvaturam eundemque radium curvaturæ ad punctum contactus  $P$ , & si  $PV$  chorda sit circuli huius a corpore per centrum virium acta: erit vis centripeta reciproce ut solidum  $STq \times PV$ . Nam  $PV$  est  $\frac{QPq}{QR}$ .


*Corol. 4.* Iisdem positis, est vis centripeta ut velocitas bis directæ, & chorda illa inversæ. Nam velocitas est reciproce ut perpendicularum  $ST$  per *Corol. 1 Prop. 1.*

*Corol. 5.* Hinc si detur figura quævis curvilinea  $APQ$ , & in ea detur etiam punctum  $S$  ad quod vis centripeta perpetuò dirigatur, inveniri potest lex vis centripetæ, qua corpus quodvis  $P$  a cursu rectilineo perpetuò retractum in figuræ illius perimetro detinebitur eamque revolvendo describet. Nimirum computandum est vel solidum  $\frac{SPq \times QTq}{QR}$  vel solidum  $STq \times PV$  huic vi reciproce proportionale. Ejus rei dabimus exempla in Problematis sequentibus.

## PROPOSITIO VII. PROBLEMA II.

*Gyretur corpus in circumferentia Circuli, requiritur Lex vis centripetæ tendentis ad punctum quodcunque datum.*

Esto Circuli circumferentia  $VQPA$ , punctum datum ad quod vis ceu ad centrū suū tendit  $S$ , corpus in circumferentia latum  $P$ , locus proximus in quem movebitur  $Q$ , & circuli tangens ad locum priorem  $PRZ$ . Per punctum  $S$  ducatur chorda  $PV$ , & acta circuli diametro  $VA$  jungatur  $AP$ , & ad  $SP$  demittatur perpendicularum  $QT$ , quod productum occurrat tangenti  $PR$  in  $Z$ ,



ac

ac denique per punctum  $Q$  agatur  $LR$  quæ ipsi  $SP$  parallela sit & occurrat tum circulo in  $L$  tum tangenti  $PZ$  in  $R$ . Et ob similia triangula  $ZQR$ ,  $ZTP$ ,  $VPA$ ; erit  $RP$  quad. hoc est  $QRL$  ad  $QT$  quad. ut  $AV$  quad. ad  $PV$  quad. Ideoque  $QRL \times PV$  quad. æquatur  $QT$  quad. Ducantur hæc æqualia in  $AV$  quad.

$\frac{SP \text{ quad.} \times PV \text{ cub.}}{AV \text{ quad.}}$  & punctis  $P$  &  $Q$  coeuntibus, scribatur  $PV$  pro  $RL$ . Sic fiet  $\frac{SP \text{ quad.} \times PV \text{ cub.}}{AV \text{ quad.}}$  æquale  $\frac{SP \text{ quad.} \times QT \text{ quad.}}{QR}$ . Ergo (per


Corol. 1 & 5 Prop. vi.) vis centripeta est reciproce ut  $\frac{SPq \times PV \text{ cub.}}{AV \text{ quad.}}$  id est, (ob datum  $AV$  quad.) reciproce ut quadratum distantie seu altitudinis  $SP$  & cubus chordæ  $PV$  conjunctim.  $Q.E.I.$

*Idem aliter.*

Ad tangentem  $PR$  productam demittatur perpendicularum  $ST$ , & ob similia triangula  $STP$ ,  $VPA$ ; erit  $AV$  ad  $PV$  ut  $SP$  ad  $ST$ , ideoque  $\frac{SP \times PV}{AV}$  æquale  $ST$ , &  $\frac{SP \text{ quad.} \times PV \text{ cub.}}{AV \text{ quad.}}$  æquale  $ST \text{ quad.} \times PV$ . Et propterea (per Corol. 3 & 5 Prop. vi.) vis centripeta est reciproce ut  $\frac{SPq \times PV \text{ cub.}}{AVq}$  hoc est, ob datam  $AV$ , reciproce ut  $SPq \times PV \text{ cub.}$   $Q.E.I.$

Corol. 1. Hinc si punctum datum  $S$  ad quod vis centripeta semper tendit, locetur in circumferentia hujus circuli, puta ad  $V$ ; erit vis centripeta reciproce ut quadrato. cubus altitudinis  $SP$ .

Corol. 2. Vis qua corpus  $P$  in circulo  $APT$  circum virium centrum  $S$  revolvitur, est ad vim qua corpus idem  $P$  in eodem circulo & eodem tempore periodico circum aliud quodvis virium centrum  $R$  revolvi potest, ut  $RP \text{ quad.} \times SP$  ad cubum rectæ  $SG$  quæ a primo virium centro  $S$  ad orbis tangentem  $PG$  ducitur, & distantie corporis a secundo virium centro parallela est. Nam, per constructionem hujus Propositionis, vis prior est ad vim posteriorem, ut  $RPq \times PT \text{ cub.}$  ad  $SPq \times PV \text{ cub.}$  id



DE MOTU  
CORPORUM


id est, ut  $SP \times RP$  ad  $\frac{SP^{cub} \times PV^{cub}}{PT^{cub}}$  five (ob similia triangula  $PSG, TPV$ ) ad  $SG^{cub}$ .

*Corol. 3.* Vis, qua corpus  $P$  in Orbe quocunque circum virium centrum  $S$  revolvitur, est ad vim qua corpus idem  $P$  in eodem orbe eodemque tempore periodico circum aliud quodvis virium centrum  $R$  revolvi potest, ut  $SP \times RP$  contentum utique sub distantia corporis a primo virium centro  $S$  & quadrato distantiae ejus a secundo virium centro  $R$  ad cubum rectae  $SG$  quae a primo virium centro  $S$  ad orbis tangentem  $PG$  ducitur, & corporis a secundo virium centro distantiae  $RP$  parallela est. Nam vires in hoc Orbe, ad ejus punctum quodvis  $P$ , eadem sunt ac in Circulo ejusdem curvaturae.

## PROPOSITIO. VIII. PROBLEMA. III.

*Moveatur corpus in Circulo  $PQA$ : ad hunc effectum requiritur Lex vis centripetae tendentis ad punctum adeo longinquum  $S$ , ut lineae omnes  $PS, RS$  ad id ductae, pro parallelis haberi possint.*

A Circuli centro  $C$  agatur semidiameter  $CA$  parallelas istas perpendiculariter secans in  $M$  &  $N$ , & jungatur  $CP$ . Ob similia triangula  $CPM, PZT$  &  $RZQ$  est  $CPq$  ad  $PMq$  ut  $PRq$  ad  $QTq$  & ex natura Circuli  $PRq$  æquale est rectangulo  $QR \times RN + QN$  five cocuntibus punctis  $P, Q$  rectangulo  $QR \times 2PM$ . Ergo est  $CPq$  ad  $PMquad.$  ut  $QR \times 2PM$  ad  $QTquad.$  adeoque  $\frac{QR}{2PM}$ .



æquale  $\frac{2PM^{cub.}}{CPquad.}$ , &  $\frac{QTquad. \times SPquad.}{QR}$  æquale  $\frac{2PM^{cub.} \times SPqu.}{CPquad.}$ .  
Est ergo (per Corol. 1 & 5 Prop. VI.) vis centripeta reciproce ut  $\frac{2PM^{cub.} \times SPquad.}{CPquad.}$  hoc est (neglecta ratione determinata  $\frac{2SPquad.}{CPquad.}$ ) reciproce ut  $PM^{cub.}$ . Q. E. I.

Idem facile colligitur etiam ex Propositione præcedente.

Scho-



## Scholium.

LIBER  
PRIMUS.

Et simili argumento corpus movebitur in Ellipsi vel etiam in Hyperbola vel Parabola, vi centripeta quæ sit reciproce ut cubus ordinatim applicatæ ad centrum virium maxime longinquum tendentis.

## PROPOSITIO IX. PROBLEMA IV.

Gyretur corpus in Spirali  $PQS$  secante radios omnes  $SP, SQ$ , &c. in angulo dato: requiritur Lex vis centripetæ tendentis ad centrum Spiralis.

Detur angulus indefinite parvus  $PSQ$ , & ob datos omnes



angulos dabitur specie figura  $SPQRT$ . Ergo datur ratio  $\frac{QT}{QR}$ , estque

$\frac{QT \text{ quad.}}{QR}$  ut  $QT$ , hoc est ut  $SP$ . Mutetur jam utcumque angulus  $PSQ$ , & recta  $QR$  angulum contactus  $QPR$  subtendens mutabitur (per Lemma x1.) in duplicata ratione ipsius  $PR$  vel  $QT$ . Ergo manebit  $\frac{QT \text{ quad.}}{QR}$  eadem quæ prius, hoc est ut  $SP$ . Quare  $\frac{QT q. \times SP q.}{QR}$

est ut  $SP \text{ cub.}$  adcoque (per Corol. 1 & 5 Prop. vi.) vis centripeta est reciproce ut cubus distantia  $SP$ . Q. E. I.

## Idem aliter.

Perpendiculum  $ST$  in tangentem demissum, & circuli Spiralem tangentis chorda  $PV$  sunt ad altitudinem  $SP$  in datis rationibus; ideoque  $SP \text{ cub.}$  est ut  $STq \times PV$ , hoc est (per Corol. 3 & 5 Prop. vi.) reciproce ut vis centripeta.

## LEMMA XII.

Parallelogramma omnia, circa datæ Ellipseos vel Hyperbolæ diametros quasvis conjugatas descripta, esse inter se aequalia.

Constat ex Conicis.

PRO-



dx arcus  $PQ$  erit æquale rectangulo  $VPv$ ; adeoque Circulus qui tangit Sectionem Conicam in  $P$  & transit per punctum  $Q$ , transibit etiam per punctum  $V$ . Cocant puncta  $P$  &  $Q$ , & hic circulus ejusdem erit curvaturæ cum sectione conica in  $P$ , &  $PV$  æqualis erit  $\frac{2DCq}{PC}$ . Proinde vis qua corpus  $P$  in Ellipsi revolvitur, erit reci-

proce ut  $\frac{2DCq}{PC}$  in  $PFq$  (per Corol. 3 Prop. vi.) hoc est (ob datum  $2DCq$  in  $PFq$ ) directe ut  $PC$ . *Q. E. I.*

*Corol. 1.* Est igitur vis ut distantia corporis a centro Ellipseos: & vicissim, si vis sit ut distantia, movebitur corpus in Ellipsi centrum habente in centro virum, aut forte in Circulo, in quem utique Ellipsis migrare potest.

*Corol. 2.* Et æqualia erunt revolutionum in Ellipsis universis circum centrum idem factarum periodica tempora. Nam tempora illa in Ellipsis similibus æqualia sunt per Corol. 3 & 8, Prop. iv: in Ellipsis autem communem habentibus axem majorem, sunt ad invicem ut Ellipseon areæ totæ directe & arearum particularæ simul descriptæ inverse; id est, ut axes minores directe & corporum velocitates in verticibus principalibus inverse; hoc est, ut axes illi minores directe & ordinatim applicatæ ad axes alteros inverse; & propterea (ob æqualitatem rationum directarum & inversarum) in ratione æqualitatis.

### Scholium.

Si Ellipsis, centro in infinitum abeunte vertatur in Parabolam; corpus movebitur in hac Parabola; & vis ad centrum infinite distans jam tendens evadet æquabilis. Hoc est Theorema *Galilei*. Et si coni sectio Parabolica, inclinatione plani ad conum sectum mutata, vertatur in Hyperbolam, movebitur corpus in hujus perimetro, vi centripeta in centrifugam versa. Et quemadmodum in Circulo vel Ellipsi, si vires tendunt ad centrum figuræ in Abscissa positum, hæ vires augendo vel diminuendo Ordinatæ in ratione quacunque data, vel etiam mutando angulum inclinationis Ordinarum ad Abscissam, semper augentur vel diminuuntur in ratione distantiarum a centro, si modo tempora periodica maneant æqualia: sic etiam in figuris universis, si Ordinatæ augeantur vel diminuantur in ratione quacunque data, vel angulus ordinationis utcumque mutetur, manente tempore periodico; vires ad centrum quodcumque in Abscissa positum tendentes augentur vel diminuuntur in ratione distantiarum a centro.

## SECTIO


## SECTIO III.

*De motu Corporum in Conicis Sectionibus excentricis.*

## PROPOSITIO XI. PROBLEMA VI.

*Revolvatur corpus in Ellipsi: requiritur Lex vis centripeta tendentis ad umbilicum Ellipseos.*

Esto Ellipseos umbilicus  $S$ . Agatur  $SP$  secans Ellipseos tum diametrum  $DK$  in  $E$ , tum ordinatim applicatam  $Qv$  in  $x$ , & compleatur parallelogrammum  $QxPR$ . Patet  $EP$  æqualem esse semiaxi maiori  $AC$ , eo quod acta ab altero Ellipseos umbilico  $H$  linea  $HI$  ipsi  $EC$  parallela, (ob æquales  $CS, CH$ ) æquantur  $ES, EI$ , adeo ut  $EP$  semisumma sit ipsarum  $PS, PI$ , id est (ob parallelas  $HI, PR$  & angulos æquales  $IPR, HPZ$ ) ipsarum  $PS, PH$ , quæ cōiunctim axem totum  $2AC$  adæquant. Ad  $SP$  de-



mittatur perpendicularis  $QT$ , & Ellipseos latere recto principali (seu  $\frac{2BC \text{ quad.}}{AC}$ ) dicto  $L$ , erit  $L \times QR$  ad  $L \times Pv$  ut  $QR$  ad  $Pv$ , id est ut  $PE$  seu  $AC$  ad  $PC$ ; &  $L \times Pv$  ad  $GvP$  ut  $L$  ad  $Gv$ ; &  $GvP$  ad  $Qv \text{ quad.}$  ut  $PC \text{ quad.}$  ad  $CD \text{ quad.}$  & (per Corol. 2 Lem. VII.)  $Qv \text{ quad.}$  ad  $Qx \text{ quad.}$  punctis  $Q$  &  $P$  cōiunctibus, est ratio æqualitatis, &  $Qx \text{ quad.}$  seu  $Qv \text{ quad.}$  est ad  $QT \text{ quad.}$  ut  $EP \text{ quad.}$  ad  $PF \text{ quad.}$  id est ut  $CA \text{ quad.}$  ad  $PF \text{ quad.}$  sive (per Lem. XII.) ut  $CD \text{ quad.}$  ad  $CB \text{ quad.}$  Et cōiunctis his omnibus rationibus,  $L \times QR$  fit ad  $QT \text{ quad.}$  ut  $AC \times L \times PCq. \times CDq.$  seu  $2CBq. \times PCq. \times CDq.$  ad  $PC \times Gv \times CDq. \times CBq.$  sive ut  $2PC$  ad  $Gv$ .  
Sed,

Sed, punctis  $Q$  &  $P$  coeuntibus, æquatur  $2PC$  &  $Gv$ . Ergo & his proportionalia  $L \times QR$  &  $QT$  quoad. æquantur. Ducantur hæc æqualia in  $\frac{SPq}{QR}$  & fiet  $L \times SPq$ . æquale  $\frac{SPq \times QT}{QR}$ . Ergo (per Corol. 1 & 5 Prop. vi.) vis centripeta reciproce est ut  $L \times SPq$ . id est, reciproce in ratione duplicata distantie  $SP$ .  $Q.E.I.$

*Idem aliter.*

Cum vis ad centrum Ellipseos tendens, qua corpus  $P$  in Ellipsi illa revolvi potest, sit (per Corol. 1 Prop. x.) ut  $CP$  distantia corporis ab Ellipseos centro  $C$ ; ducatur  $CE$  parallela Ellipseos tangenti  $PR$ : & vis qua corpus idem  $P$ , circum aliud quodvis Ellipseos punctum  $S$  revolvi potest, si  $CE$  &  $PS$  concurrant in  $E$ , erit ut  $\frac{PE \text{ cub.}}{SPq}$ . (per Corol. 3 Prop. vi.) hoc est, si punctum  $S$  sit umbilicus Ellipseos, adeoque  $PE$  detur, ut  $SPq$  reciproce.  $Q.E.I.$

Eadem brevitate qua traduximus Problema quantum ad Parabolam, & Hyperbolam, liceret idem hic facere: verum ob dignitatem Problematis & usum ejus in sequentibus, non pigebit casus ceteros demonstratione confirmare.

## PROPOSITIO XII. PROBLEMA. VII.

*Moveatur corpus in Hyperbola: requiritur Lex vis centripetæ tendentis ad umbilicum figuræ.*

Sunto  $CA, CB$  semi-axes Hyperbolæ;  $PG, KD$  diametri conjugatæ;  $PF, Qt$  perpendicularia ad diametros; &  $Qv$  ordinatim applicata ad diametrum  $GP$ . Agatur  $SP$  secans cum diametrum  $DK$  in  $E$ , tum ordinatim applicatam  $Qv$  in  $x$ , & compleatur parallelogrammum  $QRPx$ . Patet  $EP$  æqualem esse semiaxi transverso  $AC$ , eo quod, acta ab altero Hyperbolæ umbilico  $H$  linea  $HI$  ipsi  $EC$  parallela, ob æquales  $CS, CH$ , æquantur  $ES, EI$ ; adeo ut  $EP$  semidifferentia sit ipsarum  $PS, PI$ , id est (ob parallelas  $IH, PR$  & angulos æquales  $IPR, HPZ$ ) ipsarum  $PS, PH$ , quarum differentia axem totum  $2AC$  adæquat. Ad  $SP$  demittatur perpendicularis  $QT$ . Et Hyperbolæ latere recto principali (seu  $\frac{2BCq}{AC}$ ) dicto  $L$ , erit  $L \times QR$  ad  $L \times Pv$  ut  $QR$  ad  $Pv$ , id est, ut  $PE$  seu  $AC$  ad  $PC$ , Et  $L \times Pv$  ad  $Gv$   $P$  ut  $L$  ad  $Gv$ ;

H

Gv;



*Idem aliter.*

Inveniatur vis quæ tendit ab Hyperbolæ centro  $C$ . Prodiabit hæc distantiae  $CP$  proportionalis. Inde vero (per Corol. 3 Prop. VII.) vis ad umbilicum  $S$  tendens erit ut  $\frac{PE cub}{SPq}$ , hoc est, ob datam  $PE$ , reciproce ut  $SPq$ . *Q. E. I.*

Eodem modo demonstratur quod corpus, hac vi centripeta in centrifugam versâ, movebitur in Hyperbola conjugata.

### LEMMA XIII.

*Latus rectum Parabolæ ad verticem quemvis pertinens, est quadruplum distantie verticis illius ab umbilico figuræ. Patet ex Conicis.*

### LEMMA XIV.

*Perpendiculum quod ab umbilico Parabolæ ad tangentem ejus demittitur, medium est proportionale inter distantias umbilici a puncto contactus & a vertice principali figuræ.*


Sit enim  $AQP$  Parabola,  $S$  umbilicus ejus,  $A$  vertex principalis  $P$  punctum contactus,  $PO$  ordinatim applicata ad diametrum principalem,  $PM$  tangens diametro principali occurrens in  $M$ , &  $SN$ , linea perpendicularis ab umbilico in tangentem. Jungatur  $AN$ , & ob æquales  $MS$  &  $SP$ ,  $MN$  &  $NP$ ,  $MA$  &  $AO$ , parallelæ erunt rectæ  $AN$  &  $OP$ , & inde triangulum  $SAN$  rectangulum erit ad  $A$  & simile triangulis æqualibus  $SNM$ ,  $SNP$ : Ergo  $PS$  est ad  $SN$ , ut  $SN$  ad  $SA$ . *Q. E. D.*

*Corol. 1.*  $PSq$ . est ad  $SNq$ . ut  $PS$  ad  $SA$ .

*Corol. 2.* Et ob datam  $SA$ , est  $SNq$ . ut  $PS$ .

H 2

*Corol.*







*Corol. 1.* Ex tribus novissimis Propositionibus consequens est, quod si corpus quodvis  $P$ , secundum lineam quamvis rectam  $PK$ , quacun- que cum velocitate exeat de loco  $P$ , & vi centripeta quæ sit re- ciproce proportionalis quadrato distantie locorum a centro, simul agitur; movebitur hoc corpus in aliqua sectionum Conicarum umbilicum habente in centro virium; & contra. Nam datis umbi- lico & puncto contactus & positione tangentis, describi potest sectio Conica quæ curvaturam datam ad punctum illud habebit. Datur autem curvatura ex data vi centripeta: & Orbes duo se mutuo tan- gentes, eadem vi centripeta describi non possunt.

*Corol. 2.* Si velocitas, quacum corpus exit de loco suo  $P$ , ea sit, qua lineola  $PR$  in minima aliqua temporis particula describi possit, & vis centripeta potis sit eodem tempore corpus idem mo- vere per spatium  $QR$ : movebitur hoc corpus in Conica aliqua se- ctione, cujus latus rectum principale est quantitas illa  $\frac{QTq}{QR}$  quæ ultimo fit ubi lineolæ  $PR$ ,  $QR$  in infinitum diminuuntur. Circu- lum in his Corollariis refero ad Ellipsin, & casum excipio ubi cor- pus recta descendit ad centrum.

## PROPOSITIO XIV. THEOREMA VI.

*Si corpora plura revolvantur circa centrum commune, & vis centri- peta sit reciproce in duplicata ratione distantie locorum a centro; dico quod Orbium Latera recta principalia sunt in duplicata ratio- ne arearum quas corpora, radiis ad centrum ductis, eodem tempore describunt.*

Nam, per Corol. 2. Prop. XIII, Latus rectum  $L$  æquale est quan- titati  $\frac{QTq}{QR}$  quæ ultimo fit ubi coeunt puncta  $P$  &  $Q$ . Sed linea minima  $QR$ , dato tempore, est ut vis centripeta generans, hoc est (per Hypothesin) reciproce ut  $SPq$ . Ergo  $\frac{QTq}{QR}$  est ut  $QTq \times SPq$ . hoc est, latus rectum  $L$  in duplicata ratione areæ  $QT \times SP$ .  $Q. E. D.$

*Corol.*

*Corol.* Hinc Ellipses area tota, eique proportionale rectangulum sub axibus, est in ratione composita ex subduplicata ratione lateris recti & ratione temporis periodici. Namque area tota est ut area  $QT \times SP$  ducta in tempus periodicum.

## PROPOSITIO XV. THEOREMA VII.

*Isidem positis, dico quod Tempora periodica in Ellipsis sunt in ratione sesquuplicata majorum axium.*

Namque axis minor est medius proportionalis inter axem majorem & latus rectum, atque adeo rectangulum sub axibus est in ratione composita ex subduplicata ratione lateris recti & sesquuplicata ratione axis majoris. Sed hoc rectangulum, per Corollarium Prop. XIV. est in ratione composita ex subduplicata ratione lateris recti & ratione periodici temporis. Dematur utrobique subduplicata ratio lateris recti, & manebit sesquuplicata ratio majoris axis æqualis rationi periodici temporis. *Q. E. D.*

*Corol.* Sunt igitur tempora periodica in Ellipsis eadem ac in Circulis, quorum diametri æquantur majoribus axibus Ellipseon.

## PROPOSITIO XVI. THEOREMA VIII.

*Isidem positis, & actis ad corpora lineis rectis, quæ ibidem tangant Orbitas, demissisque ab umbilico communi ad has tangentes perpendicularibus: dico quod Velocitates corporum sunt in ratione composita ex ratione perpendicularum inverse & subduplicata ratione laterum rectorum principalium directe.*

Ab umbilico  $S$  ad tangentem  $PR$  demitte perpendicularum  $ST$  & velocitas corporis  $P$  erit reciproce in subduplicata ratione quantitatis  $\frac{STq}{L}$ . Nam velocitas illa est ut arcus quam minimus  $PQ$  in data temporis particula descriptus, hoc est (per Lem. VII.) ut tangens  $PR$ , id est (ob proportionales  $PR$  ad  $QT$  &  $SP$  ad  $ST$ ) ut  $\frac{SP \times QT}{ST}$ , sive ut  $ST$  reciproce &  $SP \times QT$  directe, estque

$$SP \times QT$$



latera recta principalia sunt æqualia, velocitas corporis est reciproce ut perpendicularum demissum ab umbilico ad tangentem.

*Corol. 6.* In Parabola, velocitas est reciproce in subduplicata ratione distantie corporis ab umbilico figuræ; in Ellipsi magis variatur, in Hyperbola minus, quam in hac ratione. Nam (per Corol. 2. Lem. xiv.) perpendicularum demissum ab umbilico ad tangentem Parabolæ est in subduplicata ratione distantie. In Hyperbola perpendicularum minus variatur, in Ellipsi magis.

*Corol. 7.* In Parabola, velocitas corporis ad quamvis ab umbilico distantiam, est ad velocitatem corporis revolventis in Circulo ad eandem a centro distantiam, in subduplicata ratione numeri binarii ad unitatem; in Ellipsi minor est, in Hyperbola major quam in hac ratione. Nam per hujus Corollarium secundum, velocitas in vertice Parabolæ est in hac ratione, & per Corollaria sexta hujus & Propositionis quartæ, servatur eadem proportio in omnibus distantis. Hinc etiam in Parabola velocitas ubique æqualis est velocitati corporis revolventis in Circulo ad dimidiam distantiam, in Ellipsi minor est, in Hyperbola major.

*Corol. 8.* Velocitas gyrantis in Sectione quavis Conica est ad velocitatem gyrantis in Circulo in distantia dimidii lateris recti principalis Sectionis, ut distantia illa ad perpendicularum ab umbilico in tangentem Sectionis demissum. Patet per Corollarium quintum.

*Corol. 9.* Unde cum (per Corol. 6. Prop. iv.) velocitas gyrantis in hoc Circulo sit ad velocitatem gyrantis in Circulo quovis alio, reciproce in subduplicata ratione distantiarum; fiet ex æquo velocitas gyrantis in Conica sectione ad velocitatem gyrantis in Circulo in eadem distantia, ut media proportionalis inter distantiam illam communem & semissem principalis lateris recti sectionis, ad perpendicularum ab umbilico communi in tangentem sectionis demissum.

## PROPOSITIO XVII. PROBLEMA. IX.

*Posito quod vis centripeta sit reciproce proportionalis quadrato distantie locorum a centro, & quod vis illius quantitas absoluta sit cognita; requiritur Linea quam corpus describit, de loco dato, cum data velocitate, secundum datam rectam egrediens.*

Vis centripeta tendens ad punctum  $S$  ea sit qua corpus  $p$  in orbita quavis data  $pq$  gyrctur, & cognoscatur hujus velocitas in loco  $p$ .  
De

De loco  $P$ , secundum lineam  $PR$ , exeat corpus  $P$ , cum data velocitate, & mox inde, cogente vi centripeta, deflectat illud in Coni-  
 sectionem  $PQ$ . Hanc igitur recta  $PR$  tanget in  $P$ . Tangat itidem  
 recta aliqua  $pr$  Orbitam  $pq$  in  $p$ , & si ab  $S$  ad eas tangentes demitti  
 intelligantur perpendiculara, erit (per Corol. 1. Prop. xvi.) latus re-  
 ctum principale Coni-sectionis ad latus rectum principale Orbitæ, in  
 ratione composita ex duplicata ratione perpendicularorum & dupli-  
 cata ratione velocitatum, atque adeo datur. Sit istud  $L$ . Da-  
 tur præterea Coni-  
 sectionis umbilicus  $S$ .

Anguli  $RPS$  com-  
 plementum ad du-  
 os rectos fiat angu-  
 lus  $RP H$ , & dabi-  
 tur positione linea  
 $PH$ , in qua umbilicus  
 alter  $H$  locatur. De-  
 misso ad  $PH$  perpen-  
 diculo  $SK$ , erigi intelligatur semiaxis conjugatus  $BC$ , & erit  
 $SPq. - 2KPH + PHq. = SHq. = 4CHq. = 4BHq. - 4BCq. =$   
 $\overline{SP + PH} : quad. - L \times \overline{SP + PH} = SPq. + 2SPH + PHq.$   
 $- L \times \overline{SP + PH}$ . Addantur utrobique  $2KPH - SPq. - PHq.$   
 $+ L \times \overline{SP + PH}$ , & fiet  $L \times \overline{SP + PH} = 2SPH + 2KPH$ ,  
 seu  $\overline{SP + PH}$ , ad  $PH$ , ut  $2SP + 2KP$  ad  $L$ . Unde datur  $PH$   
 tam longitudine quam positione. Nimirum si ea corporis in  $P$   
 velocitas, ut latus rectum  $L$  minus fuerit quam  $2SP + 2KP$ ,  
 jacebit  $PH$  ad eandem partem tangentis  $PR$  cum linea  $PS$ ,  
 adeoque figura erit Ellipsis, & ex datis umbilicis  $S$ ,  $H$ , & axe  
 principali  $\overline{SP + PH}$ , dabitur: Sin tanta sit corporis velocitas ut  
 latus rectum  $L$  æquale fuerit  $2SP + 2KP$ , longitudo  $PH$  infi-  
 nita erit, & præterea figura erit Parabola axem habens  $SH$  paral-  
 lelum lineæ  $PK$ , & inde dabitur. Quod si corpus majori adhuc  
 cum velocitate de loco suo  $P$  exeat, capienda erit longitudo  $PH$   
 ad alteram partem tangentis, adeoque tangente inter umbilicos per-  
 gente, figura erit Hyperbola axem habens principalem æqualem dif-  
 ferentiæ linearum  $SP$  &  $PH$ , & inde dabitur.  $Q. E. I.$

Corol. 1. Hinc in omni Coni-sectione ex dato vertice principali  $D$ ,  
 latere recto  $L$ , & umbilico  $S$ , datur umbilicus alter  $H$  capiendo  $DH$ ,  
 ad  $DS$  ut est latus rectum ad differentiam inter latus rectum &  
 $4DS$ . Nam proportio  $SP + PH$  ad  $PH$  ut  $2SP + 2KP$  ad  $L$ ,

I

in

in casu hujus Corollarii, fit  $\mathcal{D}S + \mathcal{D}H$  ad  $\mathcal{D}H$  ut  $4\mathcal{D}S$  ad  $L$ , & divisim  $\mathcal{D}S$  ad  $\mathcal{D}H$  ut  $4\mathcal{D}S - L$  ad  $L$ .


*Corol. 2.* Unde si datur corporis velocitas in vertice principali  $\mathcal{D}$ , invenietur Orbita expedite, capiendò scilicet latus rectum ejus, ad duplam distantiam  $\mathcal{D}S$ , in duplicata ratione velocitatis hujus datæ ad velocitatem corporis in Circulo, ad distantiam  $\mathcal{D}S$ , gyrantis (per *Corol. 3. Prop. xvi.*) dein  $\mathcal{D}H$  ad  $\mathcal{D}S$  ut latus rectum ad differentiam inter latus rectum &  $4\mathcal{D}S$ .

*Corol. 3.* Hinc etiam si corpus moveatur in Sectione quacunque Conica, & ex Orbe suo impulsu quocunque exturbetur, cognosci potest Orbis in quo postea cursum suum peraget. Nam componendo proprium corporis motum cum motu illo quem impulsus solus generaret, habebitur motus quocum corpus de dato impulsus loco, secundum rectam positione datam, exibat.

*Corol. 4.* Et si corpus illud vi aliqua extrinsecus impressa continuo perturbetur, innotescet cursus quam proxime, colligendo mutationes quas vis illa in punctis quibusdam inducit, & ex seriei analogia mutationes continuas in locis intermediis æstimando.

*Scholium.*

Si corpus  $P$  vi centripeta ad punctum quodcunque datum  $R$  tendente moveatur in perimetro datæ cujuscunque Sectionis conicæ ejus centrum sit  $C$ , & requiratur Lex vis centripetæ: ducatur  $CG$  radio  $RP$  parallela, & Orbis tangenti  $PG$  occurrens in  $G$ ; & vis illa (per *Corol. 1 & Schol. Prop. x, & Corol. 3 Prop. vii.*) erit ut  $CG$  cub.  
 $RP$  quad.




SECTIO

## SECTIO IV.

*De Inventione Orbium Ellipticorum, Parabolicorum & Hyperbolicorum ex umbilico dato.*

## L E M M A XV.

*Si ab Ellipseos vel Hyperbolæ cujuscvis umbilicis duobus S, H, ad punctum quodvis tertium V inflectantur rectæ duæ SV, HV, quarum una HV æqualis sit axi principali figuræ, altera SV a perpendicularo TR in se demisso bisecetur in T; perpendicularum illud TR sectionem Conicam alicubi tanget: & contra, si tangit, erit HV æqualis axi principali figuræ.*



Secet enim perpendicularum  $TR$  rectam  $HV$  productam, si opus fuerit, in  $R$ ; & jungatur  $SR$ . Ob æquales  $TS, TV$ , æquales erunt & rectæ  $SR, VR$  & anguli  $TRS, TRV$ . Unde punctum  $R$  erit ad Sectionem Conicam, & perpendicularum  $TR$  tanget eandem: & contra. *Q. E. D.*

## PROPOSITIO XVIII. PROBLEMA X.

*Datis umbilico & axibus principalibus describere Trajectorias Ellipticas & Hyperbolicas, quæ transibunt per puncta data, & rectas positione datas contingent.*

Sit  $S$  communis umbilicus figurarum;  $AB$  longitudo axis principalis Trajectoriæ cujuscvis;  $P$  punctum per quod Trajectoria debet transire; &  $TR$  recta quam debet tangere. Centro  $P$  intervallo  $AB - SP$ , si orbita sit Ellipsis, vel  $AB + SP$ , si ea sit Hyperbola, describatur circulus  $HG$ . Ad tangentem  $TR$  demittatur perpendicularum  $ST$ , & producat idem ad  $V$ , ut sit  $TV$  æqualis  $ST$ ; centroque  $V$  & intervallo  $AB$  describatur circulus  $FH$ . Hac  
1 2 methodo







De Motu  
Corporum

ut  $Vk - VK$  ad  $kS - KS$ , id est ut  $2 VX$  ad  $2 KX$  &  $2 KX$  ad  $2 SX$ , adeoque ut  $VX$  ad  $HX$  &  $HX$  ad  $SX$ , similia erunt tri-  
angula  $VXH$ ,  $HXS$ , & propterea  $VH$  erit ad  $SH$  ut  $VX$  ad  $XH$ ,  
adeoque ut  $VK$  ad  $KS$ . Habet igitur Trajectoriæ descriptæ axis  
principalis  $VH$  eam rationem ad ipsius umbilicorum distantiam  $SH$ ,  
quam habet Trajectoriæ describendæ axis principalis ad ipsius um-  
biliborum distantiam, & propterea ejusdem est speciei. Insuper cum  
 $VH$ ,  $vH$  æquantur axi principali, &  $VS$ ,  $vs$  a rectis  $TR$ ,  $tr$   
perpendiculariter bisecentur, liquet, ex Lemmate xv, rectas illas  
Trajectoriam descriptam tangere. *Q. E. F.*


*Cas. 3.* Dato umbilico  $S$  describenda sit Trajectoria quæ rectam  $TR$  tangit in puncto dato  $R$ . In rectam  $TR$  demitte perpen-  
dicularem  $ST$ , & produc eandem ad  $V$ , ut sit  $TV$  æqualis  $ST$ . Junge  
 $VR$ , & rectam  $VS$  infinite productam secā in  $K$  &  $k$ , ita ut sit  
 $VK$  ad  $SK$  &  $Vk$  ad  $Sk$  ut Ellipseos describendæ axis principalis  
ad distantiam umbilicorum; circuloque super diametro  $Kk$  de-  
scripto, secetur producta recta  $VR$  in  $H$ , & umbilicis  $S$ ,  $H$ , axe  
principalis rectam  $VH$  æquante, describatur Trajectoria. Dico fa-  
ctum. Namque  $VH$  esse ad  
 $SH$  ut  $VK$  ad  $SK$ , atque adeo  
ut axis principalis Trajectoriæ  
describendæ ad distantiam um-  
biliborum ejus, patet ex demon-  
stratis in Casu secundo, & prop-  
terea Trajectoriam descriptam  
ejusdem esse speciei cum descri-  
benda, rectam vero  $TR$  qua an-  
gulus  $VRS$  bisecatur, tangere Trajectoriam in puncto  $R$ , patet ex  
Conicis. *Q. E. F.*



*Cas. 4.* Circa umbilicum  $S$  describenda jam sit Trajectoria  $APB$ ,  
quæ tangat rectam  $TR$ , transeatque per punctum quodvis  $P$  extra  
tangente datum, quæque similis sit Figuræ  $apb$ , axe principali  
 $ab$  & umbilicis  $s$ ,  $b$  descriptæ. In tangentem  $TR$  demitte per-  
pendiculum  $ST$ , & produc idem ad  $V$ , ut sit  $TV$  æqualis  $ST$ . An-  
gulis autem  $VSP$ ,  $SVP$  fac angulos  $hsq$ ,  $shq$  æquales; cen-  
troque  $q$  & intervallo quod sit ad  $ab$  ut  $SP$  ad  $VS$  describe circulum  
secantem Figuram  $apb$  in  $p$ . Junge  $sp$  & age  $SH$  quæ sit ad  
 $sb$  ut est  $SP$  ad  $sp$ , quæque angulum  $PSH$  angulum  $psb$  & angulum  
 $VSH$  angulo  $psq$  æquales constituat. Denique umbilicis  $S$ ,  $H$ ,  
& axe principali  $AB$  distantiam  $VH$  æquante, describatur sectio  
Conica. Dico factum. Nam si agatur  $sv$  quæ sit ad  $sp$  ut est  $sb$  ad  
ad

ad  $sq$ , quæque constituat angulum  $vsp$  angulo  $hsq$  & angulum  $vsh$  angulo  $psq$  æquales, triangula  $vsh$ ,  $spq$  erunt similia, & propterea  $vh$  erit ad  $pq$  ut est  $sh$  ad  $sq$ , id est (ob similia triangula

LIBER  
PRIMUS.



$VSP$ ,  $hsq$ ) ut est  $VS$  ad  $SP$  seu  $ab$  ad  $pq$ . Æquantur ergo  $vh$  &  $ab$ . Porro ob similia triangula  $VSH$ ,  $vsh$ , est  $VH$  ad  $SH$  ut  $vh$  ad  $sh$ , id est, axis Conicæ sectionis jam descriptæ ad illius umbilicorum intervallum, ut axis  $ab$  ad umbilicorum intervallum  $sh$ ; & propterea Figura jam descripta similis est Figuræ  $apb$ . Transít autem hæc Figura per punctum  $P$ , eo quod triangulum  $PSH$  simile sit triangulo  $psb$ ; & quia  $VH$  æquatur ipsius axi &  $VS$  bifecatur perpendiculariter a recta  $TR$ , tangit eadem rectam  $TR$ . Q. E. F.


# L E M M A XVI.

*A datis tribus punctis ad quartum non datum inflectere tres rectas quarum differentiæ vel dantur vel nullæ sunt.*

Cas. 1. Sunt puncta illa data  $A, B, C$  & punctum quartum  $Z$ , quod invenire oportet; Ob datam differentiam linearum  $AZ, BZ$ , locabitur punctum  $Z$  in Hyperbola cujus umbilici sunt  $A$  &  $B$ , & principalis axis differentia illa data. Sit axis ille  $MN$ . Cape  $PM$ .  
ad

DE MOTU  
CORPORUM

ad  $MA$  ut est  $MN$  ad  $AB$ , & erecta  $PR$  perpendiculari ad  $AB$ , demissaque  $ZR$  perpendiculari ad  $PR$ , erit, ex natura hujus Hyperbolæ,  $ZR$  ad  $AZ$  ut est  $MN$  ad  $AB$ . Simili discursu punctum  $Z$  locabitur in alia Hyperbola, cujus umbilici sunt  $A, C$  & principalis axis differentia inter  $AZ$  &  $CZ$ , ducique potest  $QS$  ipsi  $AC$  perpendicularis, ad quam si ab Hyperbolæ hujus puncto quovis  $Z$  demittatur normalis  $ZS$ , hæc fuerit ad  $AZ$  ut est differentia inter  $AZ$  &  $CZ$  ad  $AC$ . Dantur ergo rationes ipsarum  $ZR$  &  $ZS$  ad  $AZ$ , & idcirco datur earundem  $ZR$  &  $ZS$  ratio ad invicem; ideoque si rectæ  $RP, SQ$  concurrant in  $T$ , & agatur  $TZ$ , figura  $TRZS$ , dabitur specie, & recta  $TZ$  in qua punctum  $Z$  alicubi locatur, dabitur positio. Eadem methodo per Hyperbolam tertiam, cujus umbilici sunt  $B$  &  $C$  & axis principalis differentia rectarum  $BZ, CZ$ , inveniri potest alia recta in qua punctum  $Z$  locatur. Habitis autem duobus Locis rectilineis, habetur punctum quæsitum  $Z$  in eorum intersectione. *Q. E. I.*



*Cas. 2.* Si duæ ex tribus lineis, puta  $AZ$  &  $BZ$  æquantur, punctum  $Z$  locabitur in perpendicularo bisecante distantiam  $AB$ , & locus alius rectilineus invenietur ut supra. *Q. E. I.*

*Cas. 3.* Si omnes tres æquantur, locabitur punctum  $Z$  in centro Circuli per puncta  $A, B, C$  transeuntis. *Q. E. I.*

Solvitur etiam hoc Lemma problematicum per Librum Tactionum *Apollonii a Vieta* restitutum.


## PROPOSITIO XXI. PROBLEMA XIII.

*Trajectoriam circa datum umbilicum describere, quæ transibit per puncta data & rectas positione datas continget.*

Detur umbilicus  $S$ , punctum  $P$ , & tangens  $TR$ , & invenendus sit umbilicus alter  $H$ . Ad tangentem demitte perpendicularum  $ST$ , & produci idem ad  $T$ , ut sit  $TT$  æqualis  $ST$ , & erit  $TH$  æqualis axi principali. Junge  $SP, HP$ , & erit  $SP$  differentia inter  $HP$  & axem principalem. Hoc modo si dentur plures tangen-


tes

tes  $TR$ , vel plura puncta  $P$ , deveniuntur semper ad lineas totidem  $TH$ , vel  $PH$ , a dictis punctis  $T$  vel  $P$  ad umbilicum  $H$  ductas, quæ vel æquantur axibus, vel datis longitudinibus  $SP$  differunt ab iisdem, atque adeo quæ vel æquantur sibi invicem, vel datas habent differentias, & inde, per Lemma superius, datur umbilicus ille alter  $H$ . Habitis autem umbilicis una cum axis longitudine (quæ vel est  $TH$ , vel, si Trajectoria Ellipsis est,  $PH + SP$ , sin Hyperbola,  $PH - SP$ ) habetur Trajectoria. Q. E. I.



*Scholium.*

Casus ubi dantur tria puncta sic solvitur expeditius. Dentur puncta  $B, C, D$ . Junctas  $BC, CD$  produc ad  $E, F$ , ut sit  $EB$  ad  $EC$  ut  $SB$  ad  $SC$ , &  $FC$  ad  $FD$  ut  $SC$  ad  $SD$ . Ad  $EF$  ductam & productam demitte normales  $SG, BH$ , inque  $GS$  infinite producta cape  $GA$  ad  $AS$  &  $Ga$  ad  $aS$  ut est  $HB$  ad  $BS$ , & erit  $A$  vertex, &  $Aa$  axis principalis Trajectoriæ: quæ, perinde ut  $GA$  major, æqualis, vel minor fuerit quam  $AS$ , erit Ellipsis, Parabola vel Hyperbola; puncto  $a$  in primo casu cadente ad eandem partem lineæ  $GF$  cum puncto  $A$ ; in secundo casu abeunte in infinitum; in tertio cadente ad contrariam partem lineæ  $GF$ . Nam si demittantur ad  $GF$  perpendiculara



$CI, DK$ ; erit  $IC$  ad  $HB$  ut  $EC$  ad  $EB$ , hoc est, ut  $SC$  ad  $SB$ ; & vicissim  $IC$  ad  $SC$  ut  $HB$  ad  $SB$  sive ut  $GA$  ad  $SA$ . Et simili argumento probabitur esse  $KD$  ad  $SD$  in eadem ratione. Jacent ergo puncta  $B, C, D$  in Confectione circa umbilicum  $S$  ita descripta, ut rectæ omnes ab umbilico  $S$  ad singula Sectionis puncta ductæ, sint ad perpendiculara a punctis iisdem ad rectam  $GF$  demissa in data illa ratione.

Methodo haud multum dissimili hujus problematis solutionem tradit Clarissimus Geometra *de la Hire*, Conicorum suorum Lib. VIII. Prop. XXV.

## SECTIO V.

*Inventio Orbium ubi umbilicus neuter datur.*


## L E M M A XVII.

*Si a datæ Conicæ Sectionis puncto quovis P, ad Trapezii alicujus ABDC, in Conica illa sectione inscripti, latera quatuor infinite producta AB, CD, AC, DB, totidem rectæ PQ, PR, PS, PT in datis angulis ducantur, singulæ ad singula: rectangulum ductarum ad opposita duo latera  $PQ \times PR$ , erit ad rectangulum ductarum ad alia duo latera opposita  $PS \times PT$  in data ratione.*


*Cas. 1.* Ponamus primo lineas ad opposita latera ductas parallelas esse alterutri reliquorum laterum, puta  $PQ$  &  $PR$  lateri  $AC$ , &  $PS$  ac  $PT$  lateri  $AB$ . Sintque insuper latera duo ex oppositis, puta  $AC$  &  $BD$ , sibi invicem parallela. Et recta quæ bifecat parallela illa latera erit una ex diametris Conicæ sectionis, & bifecabit etiam  $RQ$ . Sit  $O$  punctum in quo  $RQ$  bifecatur, & erit  $PO$  ordinatim applicata ad diametrum illam. Produc  $PO$  ad  $K$  ut sit  $OK$  æqualis  $PO$ , & erit  $OK$  ordinatim applicata ad contrarias partes diametri. Cum igitur puncta  $A, B, P$  &  $K$  sint ad Conicam sectionem, &  $PK$  secet  $AB$  in dato angulo, erit (per Prop. 17 & 18 Lib. III Conicorum Apollonii) rectangulum  $PQK$  ad rectangulum  $AQB$  in data ratione. Sed  $QK$  &  $PR$  æquales sunt, utpote æqualium  $OK, OP$ , &  $OQ, OR$  differentiarum, & inde etiam rectangula  $PQK$  &  $PQ \times PR$  æqualia sunt; atque adeo rectangulum  $PQ \times PR$  est ad rectangulum  $AQB$ , hoc est ad rectangulum  $PS \times PT$  in data ratione. *Q.E.D.*

*Cas.*

Cas. 2. Ponamus jam Trapezii latera opposita  $AC$  &  $BD$  non esse parallela. Age  $Bd$  parallelam  $AC$  & occurrentem tum rectæ  $ST$  in  $t$ , tum Conicæ sectioni in  $d$ . Junge  $Cd$  secantem  $PQ$  in  $r$ , & ipsi  $PQ$  parallelam age  $DM$  secantem  $Cd$  in  $M$  &  $AB$  in  $N$ . Jam ob similia triangula  $BTt$ ,  $DBN$ , est  $Bt$  seu  $PQ$  ad  $Tt$  ut  $DN$  ad  $NB$ . Sic &  $Rr$  est ad  $AQ$  seu  $PS$  ut  $DM$  ad  $AN$ . Ergo, ducendo antecedentes in antecedentes & consequentes in consequentes, ut rectangulum  $PQ$  in  $Rr$  est ad rectangulum  $PS$  in  $Tt$ , ita rectangulum  $NDM$  est ad rectangulum  $ANB$ , & (per Cas. 1) ita rectangulum  $PQ$  in  $Pr$  est ad rectangulum  $PS$  in  $Pt$ , ac divisim ita rectangulum  $PQ \times PR$  est ad rectangulum  $PS \times PT$ . Q. E. D.



Cas. 3. Ponamus denique lineas quatuor  $PQ$ ,  $PR$ ,  $PS$ ,  $PT$  non esse parallelas lateribus  $AC$ ,  $AB$ , sed ad ea utcumque inclinatas. Earum vice age  $Pq$ ,  $Pr$  parallelas ipsi  $AC$ , &  $Ps$ ,  $Pt$  parallelas ipsi  $AB$ ; & propter datos angulos triangulorum  $PQq$ ,  $PRr$ ,  $PSs$ ,  $PTt$ , dabuntur rationes  $PQ$  ad  $Pq$ ,  $PR$  ad  $Pr$ ,  $PS$  ad  $Ps$ , &  $PT$  ad  $Pt$ ; atque adeo rationes compositæ  $PQ \times PR$  ad  $Pq \times Pr$ , &  $PS \times PT$  ad  $Ps \times Pt$ . Sed, per superius demonstrata, ratio  $Pq \times Pr$  ad  $Ps \times Pt$  data est: Ergo & ratio  $PQ \times PR$  ad  $PS \times PT$ . Q. E. D.




## L E M M A XVIII.

Iisdem positis, si rectangulum ductarum ad opposita duo latera Trapezii  $PQ \times PR$  sit ad rectangulum ductarum ad reliqua duo latera  $PS \times PT$  in data ratione; punctum  $P$ , a quo lineæ ducuntur, tanget Conicam sectionem circa Trapezium descriptam.

DE MOTU  
CORPORUM

Per puncta  $A, B, C, D$  & aliquod infinitorum punctorum  $P$ , puncta  $p$ , concipe Conicam sectionem describi: dico punctum  $P$  hanc

semper tangere. Si negas, jungo  $AP$  secantem hanc Conicam sectionem alibi quam in  $P$ , si fieri potest, puta in  $b$ . Ergo si ab his punctis  $p$  &  $b$  ducantur in datis angulis ad latera Trapezii rectæ  $pq, pr, ps, pt$  &  $bk, br, bs, bd$ ; erit ut  $bk \times br$  ad  $bs \times bd$  ita (per Lem. xvii)  $pq \times pr$  ad  $ps \times pt$ , & ita (per Hypoth.)  $PQ \times PR$  ad  $PS \times PT$ . Est & prop-



ter similitudinem Trapeziorum  $bkAs$ ,  $PQAS$ , ut  $bk$  ad  $bs$  ita  $PQ$  ad  $PS$ . Quare, applicando terminos prioris proportionis ad terminos correspondentes hujus, erit  $br$  ad  $bd$  ut  $PR$  ad  $PT$ . Ergo Trapezia æquiangula  $Drbd$ ,  $DRPT$  similia sunt, & eorum diagonales  $Db$ ,  $DP$  propterea coincidunt. Incidit itaque  $b$  in intersectionem rectarum  $AP$ ,  $DP$  adeoque coincidit cum puncto  $P$ . Quare punctum  $P$ , ubicunque sumatur, incidit in assignatam Conicam sectionem. Q. E. D.

*Corol.* Hinc si rectæ tres  $PQ, PR, PS$  a puncto communi  $P$  ad alias totidem positione datas rectas  $AB, CD, AC$ , singulæ ad singulas, in datis angulis ducantur, sitque rectangulum sub duabus ductis  $PQ \times PR$  ad quadratum tertiæ  $PS$  quad. in data ratione: punctum  $P$ , a quibus rectæ ducuntur, locabitur in sectione Conica quæ tangit lineas  $AB, CD$  in  $A$  &  $C$ ; & contra. Nam coeat linea  $BD$  cum linea  $AC$  manente positione trium  $AB, CD, AC$ ; dein coeat etiam linea  $PT$  cum linea  $PS$ : & rectangulum  $PS \times PT$  evadet  $PS$  quad. rectæque  $AB, CD$  quæ curvam in punctis  $A$  &  $B$ ,  $C$  &  $D$  secabant, jam Curvam in punctis illis cocuntibus non amplius secare possunt sed tantum tangunt.

### Scholium.

Nomen Conicæ sectionis in hoc Lemmate late sumitur, ita ut sectio tam Rectilinea per verticem Coni transiens, quam Circularis basi parallela includatur. Nam si punctum  $p$  incidit in rectam, quæ quavis ex punctis quatuor  $A, B, C, D$  junguntur, Conica sectio


ver-



vertetur in geminas Rectas, quarum una est recta illa in quam punctum  $p$  incidit, & altera est recta qua alia duo ex punctis quatuor junguntur. Si Trapezii anguli duo oppositi simul sumpti æquantur duobus rectis, & lineæ quatuor  $PQ$ ,  $PR$ ,  $PS$ ,  $PT$  ducantur ad latera ejus vel perpendiculariter vel in angulis quibuscvis æqualibus, sitque rectangulum sub duabus ductis  $PQ \times PR$  æquale rectangulo sub duabus aliis  $PS \times PT$ , Sectio conica evadet Circulus. Idem fiet si lineæ quatuor ducantur in angulis quibuscvis & rectangulum sub duabus ductis  $PQ \times PR$  sit ad rectangulum sub aliis duabus  $PS \times PT$  ut rectangulum sub sinubus angulorum  $S, T$ , in quibus duæ ultimæ  $PS$ ,  $PT$  ducuntur, ad rectangulum sub sinubus angulorum  $Q, R$ , in quibus duæ primæ  $PQ$ ,  $PR$  ducuntur. Cæteris in casibus Locus puncti  $P$  erit aliqua trium figurarum quæ vulgo nominantur Sectiones Conicæ. Vice autem Trapezii  $ABCD$  substitui potest Quadrilaterum cujus latera duo opposita se mutuo instar diagonalium decussant. Sed & e punctis quatuor  $A, B, C, D$  possunt unum vel duo abire ad infinitum, eoque pacto latera figuræ quæ ad puncta illa convergunt, evadere parallela: quo in casu Sectio Conica transibit per cætera puncta, & in plagas parallelarum abibit in infinitum.

## L E M M A XIX.

*Invenire punctū  $P$ , a quo si rectæ quatuor  $PQ, PR, PS, PT$ , ad alias totidem positione datas rectas  $AB, CD, AC, BD$ , singulæ ad singulas in datis angulis ducantur, rectangulū sub duabus ductis,  $PQ \times PR$ , sit ad rectangulum sub aliis duabus,  $PS \times PT$ , in data ratione.*



Lineæ  $AB, CD$ , ad quas rectæ duæ  $PQ, PR$ , unum rectangulorum continentes ducuntur, conveniant cum aliis duabus positione datis lineis in punctis  $A, B, C, D$ . Ab eorum aliquo  $A$  age rectam quamlibet  $AH$ , in qua velis punctum  $P$  reperiri. Secet ea lineas oppositas  $BD, CD$ , nimirum  $BD$  in  $H$  &  $CD$  in  $I$ , & ob datos omnes angulos figuræ, dabuntur rationes  $PQ$  ad  $PA$  &  $PA$  ad

DE MOTU  
CORPORUM

ad  $PS$ , adeoque ratio  $PQ$  ad  $PS$ . Auferendo hanc a data ratione  $PQ \times PR$  ad  $PS \times PT$ , dabitur ratio  $PR$  ad  $PT$ , & addendo datas rationes  $PI$  ad  $PR$ , &  $PT$  ad  $PH$  dabitur ratio  $PI$  ad  $PH$  atque adeo punctum  $P$ . *Q. E. I.*



*Corol. 1.* Hinc etiam ad Loci punctorum infinitorum  $P$  punctum quodvis  $D$  tangens duci potest. Nam chorda  $PD$  ubi puncta  $P$  ac  $D$  conveniunt, hoc est, ubi  $AH$  ducitur per punctum  $D$ , tangens evadit. Quo in casu, ultima ratio evanescens  $IP$  &  $PH$  invenitur ut supra. Ipsi igitur  $AD$  duc parallelam  $CF$ , occurrentem  $BD$  in  $F$ , & in ea ultima ratione sectam in  $E$ , &  $DE$  tangens erit, propterea quod  $CF$  & evanescens  $IH$  parallelæ sunt, & in  $E$  &  $P$  similiter sectæ.

*Corol. 2.* Hinc etiam Locus punctorum omnium  $P$  definiri potest. Per quodvis punctorum  $A, B, C, D$ , puta  $A$ , duc Loci tangentem  $AE$  & per aliud quodvis punctum  $B$  duc tangenti parallelam  $BF$  occurrentem Loco in  $F$ . Invenietur autem punctum  $F$  per Lem. XIX. Biseca  $BF$  in  $G$ , & acta indefinita  $AG$  erit positio diametri ad quam  $BG$  &  $FG$  ordinatim applicantur. Hæc  $AG$  occurrat Loco in  $H$ , & erit  $AH$  diameter sive latus transversum, ad quod latus rectum erit ut  $BGq.$  ad  $AGH$ . Si  $AG$  nullibi occurrit Loco, linea  $AH$  existente infinita, Locus erit Parabola & latus rectum ejus ad diametrum  $AG$  pertinens erit  $\frac{BGq.}{AG}$ . Sin ea alicubi occurrit, Locus Hyperbola erit

ubi puncta  $A$  &  $H$  sita sunt ad easdem partes ipsius  $G$ : & Ellipsis, ubi  $G$  intermedium est, nisi forte angulus  $AGB$  rectus sit & insuper  $BG$  quad. æquale rectangulo  $AGH$ , quo in casu Circulus habebitur.

Atque ita Problematis Veterum de quatuor lineis ab *Euclide* incæpti & ab *Apollonio* continuati non calculus, sed compositio Geometrica, qualem Veteres quærebant, in hoc Corollario exhibetur.

LEM.




## LEMMA XX.

Si Parallelogrammum quodvis  $ASPQ$  angulis duobus oppositis  $A$  &  $P$  tangit sectionem quamvis Conicam in punctis  $A$  &  $P$ ; & lateribus unius angulorum illorum infinite productis  $AQ, AS$ , occurrat eidem sectioni Conicæ in  $B$  &  $C$ ; a punctis autem occursum  $B$  &  $C$  ad quicquid quodvis sectionis Conicæ punctum  $D$  agantur rectæ duæ  $BD, CD$  occurrentes alteris duobus infinite productis parallelogrammi lateribus  $PS, PQ$  in  $T$  &  $R$ : erunt semper abscissæ laterum partes  $PR$  &  $PT$  ad invicem in data ratione. Et contra, si partes illæ abscissæ sunt ad invicem in data ratione, punctum  $D$  tanget Sectionem Conicam per puncta quatuor  $A, B, C, P$  transeuntem.

Cas. 1. Jungantur  $BP, CP$  & a puncto  $D$  agantur rectæ duæ  $DG, DE$ , quarum prior  $DG$  ipsi  $AB$  parallela sit & occurrat  $PB, PQ, CA$  in  $S, H, I, G$ ; altera  $DE$  parallela sit ipsi  $AC$  & occurrat  $PC, PS, AB$  in  $F, K, E$ : & erit (per Lemma xvii.) rectangulum  $DE \times DF$  ad rectangulum  $DG \times DH$  in ratione data. Sed est  $PQ$  ad  $DE$  (feu  $IQ$ ) ut  $PB$  ad  $HB$ , adeoque ut  $PT$  ad  $DH$ ; & vicissim  $PQ$  ad  $PT$  ut  $DE$  ad  $DH$ . Est &  $PR$  ad  $DF$  ut  $RC$  ad  $DC$ , adeoque ut  $(IG \text{ vel }) PS$  ad  $DG$ , & vicissim  $PR$  ad  $PS$  ut  $DF$  ad  $DG$ ; & conjunctis rationibus sit rectangulum  $PQ \times PR$  ad rectangulum  $PS \times PT$  ut rectangulum  $DE \times DF$  ad rectangulum  $DG \times DH$ , arque adeo in data ratione. Sed dantur  $PQ$  &  $PS$  & propterea ratio  $PR$  ad  $PT$  datur.  $Q.E.D.$

Cas. 2. Quod si  $PR$  &  $PT$  ponantur in data ratione ad invicem, tum simili ratiocinio regrediendo, sequetur esse rectangulum  $DE \times DF$  ad rectangulum  $DG \times DH$  in ratione data, adeoque punctum  $D$  (per Lemma xviii.) contingere Conicam sectionem transeuntem per puncta  $A, B, C, P$ .  $Q.E.D.$

Corol.










*Idem aliter.*

LIBER  
PRIMUS.

E punctis datis junge tria quævis  $A, B, C$ ; & circum duo eorum  $B, C$  ceu polos, rotando angulos magnitudine datos  $ABC, ACB$ , applicentur crura  $BA, CA$  primo ad punctum  $D$ , deinde ad punctum  $P$ , & notentur puncta  $M, N$  in quibus altera crura  $BL, CL$  casu utroque se decussant. Agatur recta infinita  $MN$ , & rotentur anguli illi mobiles circum polos suos  $B, C$ , ea lege ut crura  $BL, CL$  vel  $BM, CM$  intersectio quæ jam sit  $m$  incidat semper in rectam illam infinitam  $MN$  & crura  $BA, CA$ , vel  $BD, CD$  intersectio, quæ jam sit  $d$ , Trajectoriam quæsitam  $PAD$   $dB$  delineabit. Nam punctum  $d$ , per Lem. XXI, continget sectionem Conicam per puncta  $B, C$  transeuntem; & ubi punctum  $m$  accedit ad puncta  $L, M, N$ , punctum  $d$  (per constructionem) accedet ad puncta  $A, D, P$ . Describetur itaque sectio Conica transiens per puncta quinque  $A, B, C, P, D$ . Q. E. F.



*Corol. 1.* Hinc recta expedite duci potest quæ Trajectoriam quæsitam, in puncto quovis dato  $B$ , continget. Accedat punctum  $d$  ad punctum  $B$ , & recta  $Bd$  evadet tangens quæsitæ.

*Corol. 2.* Unde etiam Trajectoriarum Centra, Diametri & Latera recta inveniri possunt, ut in Corollario secundo Lemmatis XIX.

*Scholium.*

Constructio prior evadet paulo simplicior jungendo  $BP$ , & in ea, si opus est, producta capiendo  $Bp$  ad  $BP$  ut est  $PR$  ad  $PT$ , & per  $p$  agendo rectam infinitam  $pd$  ipsi  $SPT$  parallelam, inque ea capiendo semper  $pd$  æqualem  $Pr$ , & agendo rectas  $Bd, Cr$  concurrentes in  $d$ . Nam cum sint  $Pr$  ad  $Pt$ ,  $Pk$  ad  $PT$ ,  $pB$  ad  $PB$ ,  $pd$  ad  $Pt$  in eadem ratione; erunt  $pd$  &  $Pr$  semper æqua-

L 2


les.

les. Hac methodo puncta Trajectoriæ inveniuntur expeditissime, nisi mavis Curvam, ut in constructione secunda, describere Mechanice.

# PROPOSITIO XXIII. PROBLEMA XV.

*Trajectoriam describere qua per data quatuor puncta transibit, & rectam continget positione datam.*

*Cas. 1.* Dentur tangens  $HB$ , punctum contactus  $B$ , & alia tria puncta  $C, D, P$ . Junge  $BC$ , & agendo  $PS$  parallelam  $BH$ , &  $PQ$  parallelam  $BC$ , comple parallelogrammum  $BSPQ$ .




Age  $BD$  secantem  $SP$  in  $T$ , &  $CD$  secantem  $PQ$  in  $R$ . Denique, agendo quamvis  $tr$  ipsi  $TR$  parallelam, de  $PQ$ ,  $PS$  abscinde  $Pr$ ,  $Pt$  ipsis  $PR$ ,  $PT$  proportionales respectivæ; & ætarum  $Cr$ ,  $Bt$  concursus  $d$ . (per Lem. xx) incidet semper in Trajectoriam describendam.

*Idem.*



*Idem aliter.*LIBER  
PRIMUS.

Revolvatur tum angulus magnitudine datus  $CBH$  circa polum  $B$ , tum radius quilibet rectilineus & utrinque productus  $DC$  circa polum  $C$ . Notentur puncta  $M, N$  in quibus anguli crur  $BC$  secat radium illum ubi crur alterum  $BH$  concurrat cum eodem radio in punctis  $P$  &  $D$ . Deinde ad actam infinitam  $MN$  con-



current perpetuo radius ille  $CP$  vel  $CD$  & anguli crur  $BC$ , & cruris alterius  $BH$  concursus cum radio delineabit Trajectoriam quæsitam.

Nam si in constructionibus Problematis superioris accedat punctum  $A$  ad punctum  $B$ , lineæ  $CA$  &  $CB$  coincident, & lineæ  $AB$  in ultimo suo situ fiet tangens  $BH$ , atque adeo constructiones ibi positæ evadent eadem cum constructionibus hic descriptis. Delineabit igitur cruris  $BH$  concursus cum radio sectionem Conicam per puncta  $C, D, P$  transeuntem, & rectam  $BH$  tangentem in puncto  $B$ . *Q. E. F.*

*Cas. 2.* Dentur puncta quatuor  $B, C, D, P$  extra tangentem  $HI$  sita. Junge bina lineis  $BD, CP$  concurrentibus in  $G$ , tangentique




&  $L D$ . Seca autem pro lubitu vel inter puncta  $K$  &  $H$ ,  
 $I$  &  $L$ , vel extra eadem: dein age  $RS$  secantem tangentes in  $A$   
 &  $P$ , & erunt  $A$  &  $P$  puncta contactuum. Nam si  $A$  &  $P$   
 supponantur esse puncta contactuum alicubi in tangentibus si-  
 ta; & per punctorum  $H$ ,  $I$ ,  $K$ ,  $L$  quodvis  $I$ , in tangente al-  
 terutra  $HI$  situm, agatur recta  $IT$  tangenti alteri  $KL$  paral-  
 lela, quæ occurrat curvæ in  $X$  &  $T$ , & in ea sumatur  $IZ$  me-  
 dia proportionalis inter  $IX$  &  $IT$ : erit, ex Conicis, rectangulum  
 $XIT$  seu  $IZ$  quad. ad  $LP$  quad. ut rectangulum  $CID$  ad rectan-  
 gulum  $CLD$ , id est (per constructionem) ut  $SI$  quad. ad  
 $SL$  quad: atque adeo  $IZ$  ad  $LP$  ut  $SI$  ad  $SL$ . Jacent ergo puncta  
 $S$ ,  $P$ ,  $Z$  in una recta. Porro tangentibus concurrentibus in  $G$ , e-  
 rit (ex Conicis) rectangulum  $XIT$  seu  $IZ$  quad. ad  $IA$  quad. ut  
 $GP$  quad ad  $GA$  quad: adeoque  $IZ$  &  $IA$  ut  $GP$  ad  $GA$ . Jacent  
 ergo puncta  $P$ ,  $Z$  &  $A$  in una recta, adeoque puncta  $S$ ,  $P$  &  $A$   
 sunt in una recta. Et eodem argumento probabitur quod puncta  
 $R$ ,  $P$  &  $A$  sunt in una recta. Jacent igitur puncta contactuum  $A$   
 &  $P$  in recta  $RS$ . Hisce autem inventis, Trajectoria describetur  
 ut in casu primo Problematis superioris. Q. E. F.

## L E M M A XXII.

*Figuras in alias ejusdem generis figuras mutare.*

Transmutanda sit figura quævis  $HGI$ . Ducantur pro lubitu:  
 rectæ duæ parallelæ  $AO$ ,  $BL$  tertiam quamvis positione datam:

& a figuræ puncto quo-  
 vis  $G$ , ad rectam  $AB$   
 ducatur quævis  $GD$ ,  
 ipsi  $OA$  parallela. De-  
 inde a puncto aliquo  $O$ ,  
 in linea  $OA$  dato, ad  
 punctum  $D$  ducatur  
 recta  $OD$ , ipsi  $BL$  oc-  
 currens in  $d$ , & a puncto  
 occurfus erigatur recta



$dg$  datum quemvis angulum cum recta  $BL$  continens, atque eam  
 habens rationem ad  $Od$  quam habet  $DG$  ad  $OD$ , & erit  $g$  punc-  
 tum in figura nova  $hgi$  puncto  $G$  respondens. Eadem ratione  
 puncta singula figuræ primæ dabunt puncta totidem figura novæ.

Concipe



Dico præterea quod si recta aliqua tangat lineam curvam in figura prima; hæc recta eodem modo cum curva in figuram novam translata tanget lineam illam curvam in figura nova: & contra. Nam si Curvæ puncta quævis duo accedunt ad invicem & coeunt in figura prima, puncta eadem translata accedent ad invicem & coibunt in figura nova, atque adeo rectæ, quibus hæc puncta junguntur, simul evadent curvarum tangentes in figura utraque. Componi possent harum assertionum Demonstrationes more magis Geometrico. Sed brevitati consulo.

Igitur si figura rectilinea in aliam transmutanda est, sufficit recitarum a quibus conflatur intersectiones transferre, & per easdem in figura nova lineas rectas ducere. Sin curvilineam transmutare oportet, transferenda sunt puncta, tangentes & aliæ rectæ quarum ope curva linea definitur. Inservit autem hoc Lemma solutioni difficiliorum Problematum, transmutando figuras propositas in simpliciores. Nam rectæ quævis convergentes transmutantur in parallelas, adhibendo pro radio ordinato primo, lineam quamvis rectam quæ per concursum convergentium transit: id adeo quia concursus ille hoc pacto abit in infinitum, lineæ autem parallelæ sunt quæ ad punctum infinite distans tendunt. Postquam autem Problema solvitur in figura nova, si per inversas operationes transmutetur hæc figura in figuram primam, habebitur solutio quæsitæ.

Utile est etiam hoc Lemma in solutione Solidorum Problematum. Nam quoties duæ sectiones Conicæ obvenerint, quarum intersectione Problema solvi potest, transmutare licet earum alterutram, si Hyperbola sit vel Parabola, in Ellipsin: deinde Ellipsis facile mutatur in Circulum. Recta item & sectio Conica, in constructione Planorum Problematum, vertuntur in Rectam & Circulum.

## PROPOSITIO XXV. PROBLEMA XVII.

*Trajectoriam describere quæ per data duo puncta transibit & rectas tres continget positione datas.*


Per concursum tangentium quarumvis duarum cum se invicem, & concursum tangentis tertiæ cum recta illa, quæ per puncta duo data transit, age rectam infinitam; eaque adhibita pro radio ordinato primo, transmutetur figura, per Lemma superius, in figuram novam.

M

hac

DE MOTU  
CORPORUM

hac figura tangentes illæ duæ evadent sibi invicem parallelæ, & tangens tertia fiet parallela rectæ per puncta duo data transeunt. Sunto  $hi, kl$  tangentes illæ duæ parallelæ,  $ik$  tangens tertia, &  $hl$  recta huic parallela transiens per puncta illa  $a, b$ , per quæ Conica sectio in hac figura nova transire debet, & parallelogrammum  $bikl$  complens. Secentur rectæ  $hi, ik, kl$  in  $c, d, e$ , ita ut sit  $bc$  ad latus quadratum rectanguli  $abb$ ,  $ic$  ad  $id$ , &  $ke$  ad  $kd$  ut est summa rectarum  $hi$  &  $kl$  ad summam trium linearum quarum prima est recta  $ik$ , & alteræ duæ sunt latera quadrata rectangulorum  $abb$  &  $alb$ : & erunt  $c, d, e$  puncta contactuum. Etenim, ex Conicis, sunt  $bc$  quadratum ad rectangulum  $abb$ , &  $ic$  quadratum ad  $id$  quadratum, &  $ke$  quadratum ad  $kd$  quadratum, &  $el$  quadratum ad rectangulum  $alb$  in eadem ratione; & propterea  $bc$  ad latus quadratum ipsius  $abb$ ,  $ic$  ad  $id$ ,  $ke$  ad  $kd$ , &  $el$  ad latus quadratum ipsius  $alb$  sunt in subduplicata illa ratione, & composite, in data ratione omnium antecedentium  $hi$  &  $kl$  ad omnes consequentes, quæ sunt latus quadratum rectanguli  $abb$  & recta  $ik$  & latus quadratum rectanguli  $alb$ . Habentur igitur ex data illa ratione puncta contactuum  $c, d, e$ , in figura nova. Per inversas operationes Lemmatis novissimi transferantur hæc puncta in figuram primam & ibi, per Probl. XIV, describetur Trajectoria. Q. E. F. Ceterum perinde ut puncta  $a, b$  jacent vel inter puncta  $b, l$ , vel extra, debent puncta  $c, d, e$  vel inter puncta  $b, i, k, l$  capi, vel extra. Si punctorum  $a, b$  alterutrum cadit inter puncta  $b, l$ , & alterum extra, Problema impossibile est.



## PROPOSITIO XXVI. PROBLEMA XVIII.

*Trajectoriam describere quæ transibit per punctum datum & rectas quatuor positione datas continget.*


Ab intersectione communi duarum quarumlibet tangentium ad intersectionem communem reliquarum duarum agatur recta infinita,

ta, & eadem pro radio ordinato primo adhibita, transmutetur figura (per Lem. xxii) in figuram novam, & tangentes binæ, quæ ad radium ordinatum primum concurrebant, jam evadent parallelæ. Sunt illæ  $hi$  &  $kl$ ,  $ik$  &  $hl$  continentes parallelogrammum  $bikl$ . Sitque  $p$  punctum in hac nova figura, puncto in figura prima dato respondens. Per figuræ centrum  $O$  agatur  $pq$ , & existente  $Oq$  æquali  $Op$ , erit  $q$  punctum alterum per quod sectio Conica in hac figura nova transire debet. Per Lemmatis xxii operationem inversam transferatur hoc punctum in figuram primam, & ibi habebuntur puncta duo per quæ Trajectoria describenda est. Per eadem vero describi potest Trajectoria illa per Prob. xvii. *Q. E. F.*

## L E M M A XXIII.

*Si rectæ duæ positione datæ AC, BD ad data puncta A, B, terminentur, datamque habeant rationem ad invicem, & recta CD, qua puncta indeterminata C, D junguntur, secetur in ratione data in K: dico quod punctum K locabitur in recta positione data.*


Concurrent enim rectæ AC, BD in E, & in BE capiatur BG ad AE ut est BD ad AC, sitque FD semper æqualis datæ EG, & erit ex constructione EC ad GD, hoc est, ad EF ut AC ad BD, adeoque in ratione data, & propterea dabitur specie triangulum EFC. Secetur CF in L ut sit CL ad CF in ratione CK ad CD; &, ob datam illam rationem, dabitur etiam specie triangulum EFL, proindeque punctum L locabitur in recta EL positione data. Junge LK, & similia erunt triangula CLK, CFD, &, ob datam FD & datam rationem LK ad FD, dabitur LK. Huic æqualis capiatur EH, & erit semper ELKH parallelogrammum. Locatur igitur punctum K in parallelogrammi illius latere positione dato HK. *Q. E. D.*



## LEMMA XXIV.

*Si rectæ tres tangent quamcunque Conisectionem, quarum duæ parallelæ sint ac dentur positione; dico quod Sectionis semidiameter hisce duabus parallelæ, sit media proportionalis inter harum segmenta, punctis contactuum & tangenti tertiæ interjecta.*

Sunto  $AF, GB$  parallelæ duæ Conisectionem  $AD B$  tangentes in  $A$  &  $B$ ;  $EF$  recta tertia Conisectionem tangens in  $I$ , & occurrens prioribus tangentibus in  $F$  &  $G$ ; sitque  $CD$  semidiameter Figuræ tangentibus parallelæ: Dico quod  $AF, CD, BG$  sunt continue proportionales.



Nam si diametri conjugatæ  $AB, DM$  tangenti  $FG$  occurrant in  $E$  &  $H$ , seque mutuo secant in  $C$ , & compleatur parallelogrammum  $IKCL$ ; erit, ex natura Sectionum Conicarum, ut  $EC$  ad  $CA$  ita  $CA$  ad  $CL$ , & ita divisim  $EC-CA$  ad  $CA-CL$ , seu  $EA$  ad  $AL$ , & composite  $EA$  ad  $EA+AL$  seu  $EL$  ut  $EC$  ad  $EC+CA$  seu  $EB$ ; adeoque (ob similitudinem triangulorum  $EAF, ELI, ECH, EBG$ )  $AF$  ad  $LI$  ut  $CH$  ad  $BG$ . Est itidem, ex natura Sectionum Conicarum,  $LI$  (seu  $CK$ ) ad  $CD$  ut  $CD$  ad  $CH$ ; atque, adeo ex æquo perturbate,  $AF$  ad  $CD$  ut  $CD$  ad  $BG$ . *Q. E. D.*

*Corol. 1.* Hinc si tangentes duæ  $FG, PQ$  tangentibus parallelis  $AF, BG$  occurrant in  $F$  &  $G$ ,  $P$  &  $Q$ , seque mutuo secant in  $O$ ; erit (ex æquo perturbate)  $AF$  ad  $BQ$  ut  $AP$  ad  $BG$ , & divisim ut  $FP$  ad  $GQ$ , atque adeo ut  $FO$  ad  $OG$ .

*Corol. 2.* Unde etiam rectæ duæ  $PG, FQ$  per puncta  $P$  &  $G$ ,  $F$  &  $Q$  ductæ, concurrent ad rectam  $ACB$  per centrum Figuræ & puncta contactuum  $A, B$  transeuntem.

LEM.




## L E M M A XXV.

 LIBER  
PRIMUS.

Si parallelogrammi latera quatuor infinite producta tangant Sectionem quamcunque Conicam, & abscindantur ad tangentem quamvis quintam; sumantur autem laterum quorumvis duorum conterminorum abscissæ terminatæ ad angulos oppositos parallelogrammi: dico quod abscissa alterutra sit ad latus illud a quo est abscissa, ut pars lateris alterius contermini inter punctum contactus & latus tertium, est ad abscissarum alteram.

Tangent parallelogrammi  $MLIK$  latera quatuor  $ML$ ,  $IK$ ,  $KL$ ,  $MI$  sectionem Conicam in  $A, B, C, D$ , & secet tangens quinta  $FQ$  hæc latera in  $F, Q, H$  &  $E$ ; sumantur autem laterum  $MI, KI$  abscissæ  $ME, KQ$ , vel laterum  $KL, ML$  abscissæ  $KH, MF$ : dico quod sit  $ME$  ad  $MI$  ut  $BK$  ad  $KQ$ , &  $KH$  ad  $KL$  ut  $AM$  ad  $MF$ . Nam per Corollarium se-



cundum Lemmatis superioris, est  $ME$  ad  $EI$  ut  $(AM$  seu  $BK$  ad  $BQ$ , & componendo  $ME$  ad  $MI$  ut  $BK$  ad  $KQ$   $Q. E. D.$  Item  $KH$  ad  $HL$  ut  $(BK$  seu  $AM$  ad  $AF$ , & dividendo  $KH$  ad  $KL$  ut  $AM$  ad  $MF$ .  $Q. E. D.$

*Corol. 1.* Hinc si datur parallelogrammum  $IKLM$ , circa datam Sectionem Conicam descriptum, dabitur rectangulum  $KQ \times ME$ , ut & huic æquale rectangulum  $KH \times MF$ .

*Corol. 2.* Et si sexta ducatur tangens  $eq$  tangentibus  $KI, MI$  occurrens in  $q$  &  $e$ , rectangulum  $KQ \times ME$  æquabitur rectangulo  $Kq \times Me$ , eritque  $KQ$  ad  $Me$  ut  $Kq$  ad  $ME$ , & divisim ut  $Qq$  ad  $Ee$ .


*Corol. 3.* Unde etiam si  $Eq, eQ$  jungantur & bisectionentur, & recta per puncta bisectionum agatur, transibit hæc per centrum Sectionis Conicæ. Nam cum sit  $Qq$  ad  $Ee$  ut  $KQ$  ad  $Me$ , transibit eadem.

DE MOTU dem recta per medium omnium  $Eg$ ,  $eQ$ ,  $MK$ ; (per Lem. xxiii)  
CORPORUM & medium rectæ  $MK$  est centrum Sectionis.

## PROPOSITIO XXVII. PROBLEMA XIX.

*Trajectoriam describere quæ rectas quinque positione datas continget.*

Dentur positione tangentes  $ABG$ ,  $BCF$ ,  $GCD$ ,  $FDE$ ,  $E A$ .  
Figuræ quadrilateræ sub quatuor quibusvis contentæ  $ABFE$  diagonales  $AF$ ,  $BE$  biseca, & (per Corol. 3. Lem. xxv) recta  $MN$  per puncta bisectionum acta transibit per centrum Trajectoriæ.  
Rursus Figuræ quadrilateræ  $BGDF$ , sub aliis quibusvis quatuor



tangentibus contentæ, diagonales (ut ita dicam)  $BD$ ,  $GF$  biseca in  $P$  &  $Q$ : & recta  $PQ$  per puncta bisectionum acta transibit per centrum Trajectoriæ. Dabitur ergo centrum in concursu bisecantium. Sit illud  $O$ . Tangenti cuius  $BC$  parallelam age  $KL$ , ad eam distantiam ut centrum  $O$  in medio inter parallelas locetur, & acta  $KL$  tanget Trajectoriam describendam. Secet hæc tangentes


gentes alias quasvis duas  $GCD$ ,  $FDE$  in  $L$  &  $K$ . Per harum tangentium non parallelarum  $CL$ ,  $FK$  cum parallelis  $CF$ ,  $KL$  concursus  $C$  &  $K$ ,  $F$  &  $L$  age  $CK$ ,  $FL$  concurrentes in  $R$ , & recta  $OR$  ducta & producta secabit tangentes parallelas  $CF$ ,  $KL$  in punctis contactuum. Patet hoc per Corol. 2. Lem. xxiv. Eadem methodo invenire licet alia contactuum puncta, & tum demum per 1. Probl. xiv. Trajectoriam describere.  $Q.E.F.$

*Scholium.*

Problemata, ubi dantur Trajectoriarum vel centra vel Asymptoti, includuntur in præcedentibus. Nam datis punctis & tangentibus una cum centro, dantur alia totidem puncta aliaque tangentes a centro ex altera ejus parte æqualiter distantes. Asymptotos autem pro tangente habenda est, & ejus terminus infinite distans (si ita loqui fas sit) pro puncto contactus. Concipe tangentis cujusvis punctum contactus abire in infinitum, & tangens vertetur in Asymptoton, atque constructiones Problematis xiv & Casus primi Problematis xv vertentur in constructiones Problematum ubi Asymptoti dantur.

Postquam Trajectoria descripta est, invenire licet axes & umbilicos ejus hac methodo. In constructione & figura Lemmatis xxi,

fac ut angulorum mobilium  $PBN$ ,  $PCN$  crura  $BP$ ,  $CP$ , quorum concursu Trajectoria describatur, sint sibi invicem parallela, cumque servantia situm revolvantur circa polos suos  $B$ ,  $C$  in figura illa. Interea vero describant altera angulorum illorum crura  $CN$ ,  $BN$ , concursu suo  $K$  vel  $k$ , Circulum  $IBKGC$ . Sit Circuli hujus centrum  $O$ . Ab hoc centro ad Regulam  $MN$ , ad quam altera illa crura  $CN$ ,  $BN$  interea concurrerant



111  
2000  
1797



## L E M M A XXVI.

 LIBER  
PRIMUS.

*Trianguli specie & magnitudine dati tres angulos ad rectas totidem positione datas, quæ non sunt omnes parallelæ, singulos ad singulas ponere.*

Dantur positione tres rectæ infinitæ  $AB$ ,  $AC$ ,  $BC$ , & oportet triangulum  $DEF$  ita locare, ut angulus ejus  $D$  lineam  $AB$ ,

angulus  $E$  lineam  $AC$ ,  
& angulus  $F$  lineam

$BC$  tangat. Super  $DE$ ,

$DF$  &  $EF$  describe

tria circulorum seg-

menta  $DRE$ ,  $DGF$ ,

$EMF$ , quæ capiant

angulos angulis  $BAC$ ,

$ABC$ ,  $ACB$  æquales

respective. Describan-

tur autem hæc segmen-

ta ad eas partes linea-

rum  $DE$ ,  $DF$ ,  $EF$  ut

literæ  $DRED$  eodem

ordine cum literis

$BACB$ , literæ  $DGFD$

codem cum literis

$ABCA$ , & literæ

$EMFE$  codem cum

literis  $ACBA$  in orbem

redeant; deinde com-

pleantur hæc segmen-

ta in circulos integros. Se-

cent circuli duo prio-

res se mutuo in  $G$ , sint-

que centra eorum  $P$  &

$Q$ . Junctis  $GP$ ,  $PQ$ ,



cape  $Ga$  ad  $AB$  ut est

$GP$  ad  $PQ$ , & cen-

tro  $G$ , intervallo  $Ga$

describere circulum, qui secet circulum primum  $DGE$  in  $a$ . Jungatur

tum  $aD$  secans circulum secundum  $DFG$  in  $b$ , tum  $aE$  secans cir-





N

culum

DI MOTU  
CORPORUM

cum tertium  $EMF$  in  $e$ . Et compleatur Figura  $ABCdef$  similis & æqualis Figuræ  $abcDEF$ . Dico factum.

Agatur enim  $Fc$  ipsi  $aD$  occurrens in  $n$ , & jungantur  $aG$ ,  $bG$ ,  $QG$ ,  $QD$ ,  $PD$ . Ex constructione est angulus  $EaD$  æqualis angulo  $CAB$ , & angulus  $acF$  æqualis angulo  $ACB$ , adeoque triangulum  $anc$  triangulo  $ABC$  æquiangulum. Ergo angulus  $anc$  seu  $FnD$  angulo  $ABC$ , adeoque angulo  $FbD$  æqualis est; & propterea punctum  $n$  incidit in punctum  $b$ . Porro angulus  $GPQ$ , qui dimidius est anguli ad centrum  $GPQ$ , æqualis est angulo ad circumferentiam  $GaD$ ; & angulus  $GQP$ , qui dimidius est anguli ad centrum  $GQD$ , æqualis est complemento ad duos rectos anguli ad circumferentiam  $Gbd$ , adeoque æqualis angulo  $Gba$ ; suntque ideo triangula  $GPQ$ ,  $Gab$  similia; &  $Ga$  est ad  $ab$  ut  $GP$  ad  $PQ$ , id est (ex constructione) ut  $Ga$  ad  $AB$ . Æquantur itaque  $ab$  &  $AB$ ; & propterea triangula  $abc$ ,  $ABC$ , quæ modo similia esse probavimus, sunt etiam æqualia. Unde, cum tangent insuper trianguli  $DEF$  anguli  $D$ ,  $E$ ,  $F$  trianguli  $abc$  latera  $ab$ ,  $ac$ ,  $bc$  respective, compleri potest Figura  $ABCdef$  Figuræ  $abcDEF$  similis & æqualis, atque eam complendo solvetur Problema.  $Q. E. F.$




Corol.

*Corol.* Hinc recta duci potest cujus partes longitudine data rectis tribus positione datis interjacebunt. Concipe Triangulum  $DEF$ , puncto  $D$  ad latus  $EF$  accedente, & lateribus  $DE$ ,  $DF$  in directum positis, mutari in lineam rectam, cujus pars data  $DE$  rectis positione datis  $AB$ ,  $AC$ , & pars data  $DF$  rectis positione datis  $AB$ ,  $BC$  interponi debet, & applicando constructionem præcedentem ad hunc casum solvetur Problema.

## PROPOSITIO XXVIII. PROBLEMA XX.

*Trajectoriam specie & magnitudine datam describere, cujus partes datæ rectis tribus positione datis interjacebunt.*

Describenda fit Trajectoria quæ sit similis & æqualis Lineæ curvæ  $DEF$ , quæque a rectis tribus  $AB$ ,  $AC$ ,  $BC$  positione datis, in




partes datis hujus partibus  $DE$  &  $EF$  similes & æquales secabitur.

Age rectas  $DE$ ,  $EF$ ,  $DF$ , & trianguli hujus  $DEF$  pone angulos  $D$ ,  $E$ ,  $F$  ad rectas illas positione datas (per Lem. xxvi) Dein circa triangulum describe Trajectoriam Curvæ  $DEF$  similem & æqualem.  $Q. E. F.$

## L E M M A XXVII.

*Trapezium specie datum describere cujus anguli ad rectas quatuor positione datas, quæ neque omnes parallelæ sunt, neque ad commune punctum convergunt, singuli ad singulas consistent.*

Dentur positione rectæ quatuor  $ABC$ ,  $AD$ ,  $BD$ ,  $CE$ , quarum prima secet secundam in  $A$ , tertiam in  $B$ , & quartam in  $C$ : & describendum sit Trapezium  $fgbi$  quod sit Trapezio  $FGHI$ .



simile, & cujus angulus  $f$ , angulo dato  $F$  æqualis, tangat rectam  $ABC$ , cæterique anguli  $g$ ,  $b$ ,  $i$ , cæteris angulis datis  $G$ ,  $H$ ,  $I$  æquales, tangant cæteras lineas  $AD$ ,  $BD$ ,  $CE$  respective. Jungatur  $FH$  & super  $FG$ ,  $FH$ ,  $FI$  describantur totidem circularum segmenta  $FSG$ ,  $FTH$ ,  $FVI$ ; quorum primum  $FSG$  capiat angulum



lum æqualem angulo  $BAD$ , secundum  $FTH$  capiat angulum æqualem angulo  $CBD$ , ac tertium  $FVI$  capiat angulum æqualem angulo  $ACE$ . Describi autem debent segmenta ad eas partes vicinarum  $FG, FH, FI$ , ut literarum  $FSGF$  idem sit ordo circularis qui literarum  $BADB$ , utque literæ  $FTHF$  eodem ordine cum literis  $CDBC$ , & literæ  $FVIF$  eodem cum literis  $ACEA$  in orbem redeant. Complicantur segmenta in circulos integros, sitque  $P$  centrum circuli primi  $FSG$ , &  $Q$  centrum secundi  $FTH$ . Jungatur & utrinque producat  $PQ$ , & in ea capiatur  $QR$  in ea ratione ad  $PQ$  quam habet  $BC$  ad  $AB$ . Capiatur autem  $QR$  ad eas partes puncti  $Q$  ut literarum  $P, Q, R$  idem sit ordo atque literarum  $A, B, C$ : centroque  $K$  & intervallo  $RF$  describatur circulus quartus  $FNc$  secans circulum tertium  $FVI$  in  $c$ . Jungatur  $Fc$  secans circulum primum in  $a$  & secundum in  $b$ . Agantur  $aG, bH, cI$ , & Figuræ  $abcFGHI$  similis constituatur Figura  $ABCfghi$ : Eritque Trapezium  $fghi$  illud ipsum quod constituere oportebat.

Secent enim circuli duo primi  $FSG, FTH$  se mutuo in  $K$ . Jungantur  $PK, QK, RK, aK, bK, cK$ , & producat  $QP$  ad  $L$ . Anguli ad circumferentias  $FaK, FbK, FcK$  sunt semisses angulorum  $FPK, FQK, FRK$  ad centra, adeoque angulorum illorum dimidiis  $LPK, LQK, LRK$  æquales. Est ergo Figura  $PQRK$  Figuræ  $abcK$  æquiangula & similis, & propterea  $ab$  est ad  $bc$  ut  $PQ$  ad  $QR$ , id est, ut  $AB$  ad  $BC$ . Angulis insuper  $FaG, FbH, FcI$  æquantur  $fAg, fBh, fCi$  per constructionem. Ergo Figuræ  $abcFGHI$  Figura similis  $ABCfghi$  compleri potest Quo facto Trapezium  $fghi$  constituetur simile Trapezio  $FGHI$  & angulis suis  $f, g, h, i$  tanget rectas  $ABC, AD, BD, CE$  &  $E. F$ .


*Corol.* Hinc recta duci potest cujus partes, rectis quatuor positione datis dato ordine interjectæ, datam habebunt proportionem ad invicem. Augeantur anguli  $FGH, GHI$  usque eo, ut rectæ  $FG, GH, HI$  in directum jaceant, & in hoc casu construendo Problema, ducetur recta  $fghi$  cujus partes  $fg, gh, hi$ , rectis quatuor positione datis  $AB$  &  $AD, AD$  &  $BD, BD$  &  $CE$  interjectæ, erunt ad invicem ut lineæ  $FG, GH, HI$ , eundemque servabunt ordinem inter se. Idem vero sic fit expeditius.

Produ-

DE MOTU  
CORPORUM

Producantur  $AB$  ad  $K$ , &  $BD$  ad  $L$ , ut sit  $BK$  ad  $AB$  ut  $HI$  ad  $GH$ , &  $DL$  ad  $BD$  ut  $GI$  ad  $FG$ , & jungatur  $KL$  occurrens rectæ  $CE$  in  $i$ . Producatur  $iL$  ad  $M$ , ut sit  $LM$  ad  $iL$  ut  $GH$  ad  $HI$ , & agatur tum  $MQ$  ipsi  $LB$  parallela rectæque  $AD$  occurrens in  $g$ , tum  $gi$  secans  $AB$ ,  $BD$  in  $f$ ,  $b$ . Dico factum.

Secet enim  $Mg$  rectam  $AB$  in  $Q$ , &  $AD$  rectam  $KL$  in  $S$ , & agatur  $AP$  quæ sit ipsi  $BD$  parallela & occurrat  $iL$  in  $P$ , & erunt  $gM$  ad  $Lb$  ( $gi$  ad  $bi$ ,  $Mi$  ad  $Li$ ,  $GI$  ad  $HI$ ,  $AK$  ad  $BK$ ) &  $AP$  ad  $BL$  in eadem ratione. Secetur  $DL$  in  $R$  ut sit



$DL$  ad  $RL$  in eadem illa ratione, & ob proportionales  $gS$  ad  $gM$ ,  $AS$  ad  $AP$ , &  $DS$  ad  $DL$ , erit, ex æquo, ut  $gS$  ad  $Lb$  ita  $AS$  ad  $BL$  &  $DS$  ad  $RL$ , & mixtim,  $BL-RL$  ad  $Lb-BL$  ut  $AS-DS$  ad  $gS-AS$ . Id est  $BR$  ad  $Bb$  ut  $AD$  ad  $Ag$  adeoque ut  $BD$  ad  $gQ$ . Et vicissim  $BR$  ad  $BD$  ut  $Bb$  ad  $gQ$ , seu  $fb$  ad  $fg$ . Sed ex constructione linea  $BL$  eadem ratione secta fuit in  $D$  &  $R$  atque linea  $FI$  in  $G$  &  $H$ : ideoque est  $BR$  ad  $BD$  ut  $FH$  ad  $FG$ . Ergo  $fb$  est ad  $fg$  ut  $FH$  ad  $FG$ . Cum igitur sit etiam  $gi$  ad  $bi$  ut  $Mi$  ad  $Li$ , id est, ut  $GI$  ad  $HI$ , patet lineas  $FI$ ,  $fi$  in  $g$  &  $b$ ,  $G$  &  $H$  similiter sectas esse.  $Q. E. F.$

In

In constructione Corollarii hujus postquam ducitur  $LK$  secans  $CE$  in  $i$ , producere licet  $iE$  ad  $V$ , ut sit  $EV$  ad  $Ei$  ut  $FH$  ad  $HI$ , & agere  $Vf$  parallelam ipsi  $BD$ . Eodem recidit si centro  $i$ , intervallo  $IH$ , describatur circulus secans  $BD$  in  $X$ , & producatur  $iX$  ad  $T$ , ut sit  $iT$  æqualis  $IF$ , & agatur  $Tf$  ipsi  $BD$  parallela.


Problematis hujus solutiones alias *Wrennus* & *Wallisus* olim excogitarunt.

## PROPOSITIO XXIX. PROBLEMA XXI.

*Trajectoriam specie datam describere, qua a rectis quatuor positione datis in partes secabitur, ordine, specie & proportionem datas.*




Describenda sit Trajectoria  $fgbi$ , quæ similis sit Lineæ curvæ  $FGHI$ , & cujus partes  $fg$ ,  $gb$ ,  $bi$  illius partibus  $FG$ ,  $GH$ ,  $HI$  similes & proportionales, rectis  $AB$  &  $AD$ ,  $AD$  &  $BD$ ,  $BD$  &  $CE$  positione datis, prima primis, secunda secundis, tertia tertiis interjaceant. Actis rectis  $FG$ ,  $GH$ ,  $HI$ ,  $FI$ , describatur (per Lem. xxvii.) Trapezium  $fgbi$  quod sit Trapezio  $FGHI$  simile & cujus anguli  $f$ ,  $g$ ,  $b$ ,  $i$  tangent rectas illas positione datas  $AB$ ,  $AD$ ,  $BD$ ,  $CE$ , singuli singulas dicto ordine. Dein circa hoc Trapezium describatur Trajectoria curvæ Lineæ  $FGHI$  confimilis.



*Scholium.*

Construi etiam potest hoc Problema ut sequitur. Junctis  $FG$ ,  $GH$ ,  $HI$ ,  $FI$  produc  $GF$  ad  $V$ , jungeque  $FH$ ,  $IG$ , & angulis  $FGH$ ,  $VFH$  fac angulos  $CAK$ ,  $DAL$  æquales. Concurrent  $AK$ ,  $AL$  cum recta  $BD$  in  $K$  &  $L$ , & inde agantur  $KM$ ,  $LN$ , quarum  $KM$  constituat angulum  $AKM$  æqualem angulo  $GHI$ , sitque ad  $AK$  ut est  $HI$  ad  $GH$ , &  $LN$  constituat angulum  $ALN$  æqualem angulo  $FHI$ , sitque ad  $AL$  ut  $HI$  ad  $FH$ . Ducantur autem  $AK$ ,  $KM$ ,  $AL$ ,  $LN$  ad eas partes linearum  $AD$ ,  $AK$ ,  $AL$ , ut literæ  $CAKMC$ ,  $ALKA$ ,  $DALND$  eodem ordine cum literis  $FGHIF$  in orbem redeant, & acta  $MN$  occurrat rectæ  $CE$  in  $i$ . Fac angulum  $iEP$  æqualem angulo  $IGF$ ,



sitque  $PE$  ad  $Ei$  ut  $FG$  ad  $GI$ , & per  $P$  agatur  $PQf$ , quæ cum recta  $ADE$  contineat angulum  $PQE$  æqualem angulo  $FIG$ , rectæque  $AB$  occurrat in  $f$ , & jungatur  $fi$ . Agantur autem  $PE$  &  $PQ$  ad eas partes linearum  $CE$ ,  $PE$ , ut literarum  $PEiP$  &  $PEQP$  idem sit ordo circularis qui literarum  $FGHIF$ , & si super linea  $fi$  eodem quoque literarum ordine constituatur Trapezium  $fghi$  Trapezio  $FGHI$  simile, & circumscribatur Trajectoria specie data, solvetur Problema.

Haftenus de Orbibus inveniendis. Supereft ut Motus corporum in Orbibus inventis determinemus.

## SECTIO


## SECTIO VI.

*De Inventionem Motuum in Orbibus datis.*

## PROPOSITIO XXX. PROBLEMA XXII.

*Corporis in data Trajectoria Parabolica moti invenire locum ad tempus assignatum.*

Sit  $S$  umbilicus &  $A$  vertex principalis Parabolæ, sitque  $4AS \times M$  æquale aræ Parabolæ abscindendæ  $AP S$ , quæ radio  $SP$ , vel post excessum corporis de vertice descripta fuit, vel ante appulsum ejus ad verticem describenda est. Innotescit quantitas aræ illius abscindendæ ex tempore ipsi proportionali. Bifeca  $AS$  in  $G$ , erigeque perpendicularum  $GH$  æquale  $3M$ , & Circulus centro  $H$ , intervallo  $HS$  descriptus secabit Parabolam in loco quaesito  $P$ . Nam, demissa ad axem perpendiculari  $PO$  & ducta  $PH$ , est



$AGq + GHq (= HPq = AO - AG : quad. + PO - GH : quad.) \cong AOq + POq - 2GAO - 2GH \times PO + AGq + GHq$ . Unde  $2GH \times PO (= AOq + POq - 2GAO) = AOq + \frac{1}{4}POq$ .

Pro  $AOq$  scribe  $AO \times \frac{POq}{4AS}$ , & applicatis terminis omnibus ad  $3PO$  ductisque in  $2AS$ , fiet  $\frac{1}{2}GH \times AS (= \frac{1}{2}AO \times PO + \frac{1}{2}AS \times PO) = \frac{AO + 3AS}{6} \times PO = \frac{4AO - 3SO}{6} \times PO = \text{aræ } APO - SPO$

$= \text{aræ } APS$ . Sed  $GH$  erat  $3M$ , & inde  $\frac{1}{2}GH \times AS$  est  $4AS \times M$ . Ergo aræ abscissa  $APS$  æqualis est abscindendæ  $4AS \times M$ . Q.E.D.

*Corol. 1.* Hinc  $GH$  est ad  $AS$ , ut tempus quo corpus descripsit arcum  $AP$  ad tempus quo corpus descripsit arcum inter verticem  $A$  & perpendicularum ad axem ab umbilico  $S$  erectum.

*Corol. 2.* Et Circulo  $ASP$  per corpus motum  $P$  perpetuo transcurrente, velocitas puncti  $H$  est ad velocitatem quam corpus habuit in

O

in

in vertice  $A$ , ut 3 ad 8; adeoque in ea etiam ratione est linea  $GH$  ad lineam rectam quam corpus tempore motus sui ab  $A$  ad  $P$ , ea cum velocitate quam habuit in vertice  $A$ , describere posset.

*Corol. 3.* Hinc etiam vice versa inveniri potest tempus quo corpus descripsit arcum quemvis assignatum  $AP$ . Junge  $AP$  & ad medium ejus punctum erige perpendicularum rectæ  $GH$  occurrens in  $H$ .

## L E M M A XXVIII.

*Nulla extat Figura Ovalis cujus area, rectis pro lubitu abscissa, possit per æquationes numero terminorum ac dimensionum finitis generaliter inveniri.*

Intra Ovalem detur punctum quodvis, circa quod ceu polum revolvatur perpetuo linea recta, uniformi cum motu, & interea in recta illa exeat punctum mobile de polo, pergatque semper ea cum velocitate, quæ sit ut rectæ illius intra Ovalem quadratum. Hoc motu punctum illud describet Spiralem gyris infinitis. Jam si aræ Ovalis a recta illa abscissæ incrementum per finitam æquationem inveniri potest, invenietur etiam per eandem æquationem distantia puncti a polo, quæ huic aræ proportionalis est, adeoque omnia Spiralis puncta per æquationem finitam inveniri possunt: & propterea rectæ cujusvis positione datæ intersectio cum Spirali inveniri etiam potest per æquationem finitam. Atqui recta omnis infinite producta Spiralem secat in punctis numero infinitis, & æquatio, qua intersectio aliqua duarum linearum invenitur, exhibet earum intersectiones omnes radicibus totidem, adeoque ascendit ad tot dimensiones quot sunt intersectiones. Quoniam Circuli duo se mutuo secant in punctis duobus, intersectio una non invenietur nisi per æquationem duarum dimensionum, qua intersectio altera etiam inveniatur. Quoniam duarum sectionum Conicarum quatuor esse possunt intersectiones, non potest aliqua earum generaliter inveniri nisi per æquationem quatuor dimensionum, qua omnes simul inveniantur. Nam si intersectiones illæ seorsim quærantur, quoniam eadem est omnium lex & conditio, idem erit calculus in casu unoquoque & propterea eadem semper conclusio, quæ igitur debet omnes intersectiones simul complecti & indifferenter exhibere.

Unde

Unde etiam intersectiones Sectionum Conicarum & Curvarum tertiaræ potestatis, eo quod sex esse possunt, simul prodeunt per æquationes sex dimensionum, & intersectiones duarum Curvarum tertiaræ potestatis, quia novem esse possunt, simul prodeunt per æquationes dimensionum novem. Id nisi necessario fieret, reducere liceret Problemata omnia Solida ad Plana, & plusquam Solida ad Solida. Loquor hic de Curvis potestate irreducibilibus. Nam si æquatio per quam Curva definitur, ad inferiorem potestatem reduci possit: Curva non erit unica, sed ex duabus vel pluribus composita, quarum intersectiones per calculos diversos seorsum inveniri possunt. Ad eundem modum intersectiones binæ rectarum & sectionum Conicarum prodeunt semper per æquationes duarum dimensionum; ternæ rectarum & Curvarum irreducibilium tertiaræ potestatis per æquationes trium, quaternæ rectarum & Curvarum irreducibilium quartæ potestatis per æquationes dimensionum quatuor, & sic in infinitum. Ergo rectæ & Spiralis intersectiones numero infinitæ, cum Curva hæc sit simplex & in Curvas plures irreducibilis, requirunt æquationes numero dimensionum & radicum infinitas, quibus omnes possunt simul exhiberi. Est enim eadem omnium lex & idem calculus. Nam si a polo in rectam illam secantem demittatur perpendicularum, & perpendicularum illud una cum secante revolvatur circa polum, intersectiones Spiralis transibunt in se mutuo, quæque prima erat seu proxima, post unam revolutionem secunda erit, post duas tertia, & sic deinceps: nec interea mutabitur æquatio nisi pro mutata magnitudine quantitatum per quas positio secantis determinatur. Unde cum quantitates illæ post singulas revolutiones redeunt ad magnitudines primas, æquatio redibit ad formam primam, adeoque una eademque exhibebit intersectiones omnes, & propterea radices habebit numero infinitas, quibus omnes exhiberi possunt. Nequit ergo intersectio rectæ & Spiralis per æquationem finitam generaliter inveniri, & idcirco nulla extat Ovalis cujus area, rectis imperatis abscissa, possit per talem æquationem generaliter exhiberi.

Eodem argumento, si intervallum poli & puncti, quo Spiralis describitur, capiatur Ovalis perimetro abscissæ proportionale, probari potest quod longitudo perimetri nequit per finitam æquationem generaliter exhiberi. De Ovalibus autem hic loquor quæ non tanguntur a figuris conjugatis in infinitum pergentibus.

Hinc arca Ellipseos, quæ radio ab umbilico ad corpus mobile ducto describitur, non prodit ex dato tempore, per æquationem finitam; & propterea per descriptionem Curvarum Geometricè rationalium determinari nequit. Curvas Geometricè rationales appello quarum puncta omnia per longitudines æquationibus definitas, id est, per longitudinum rationes complicatas, determinari possunt, cæterasque (ut Spirales, Quadratrices, Trochoides) Geometricè irrationales. Nam longitudines quæ sunt vel non sunt ut numerus ad numerum (quemadmodum in decimo Elementorum) sunt Arithmetice rationales vel irrationales. Arcam igitur Ellipseos tempori proportionalem abscindo per Curvam Geometricè irrationalem ut sequitur.




Quo factò, cape  $GK$  in ratione ad Rotæ perimetrum  $GEFG$ , ut est tempus quo corpus progrediendo ab  $A$  descripsit arcum  $AP$ , ad tempus revolutionis unius in Ellipsi. Erigatur perpendicularum  $KL$  occurrens Trochoidi in  $L$ , & acta  $LP$  ipsi  $KG$  parallela occurret Ellipsi in corporis loco quæsito  $P$ .

Nam centro  $O$ , intervallo  $OA$  describatur semicirculus  $AQB$ , & arcui  $AQ$  occurrat  $LP$  producta in  $Q$ , junganturque  $SQ, OQ$ . Arcui  $EFG$  occurrat  $OQ$  in  $F$ , & in eandem  $OQ$  demittatur perpendicularum  $SR$ . Area  $APQS$  est ut area  $AQS$ , id est, ut differentia inter sectorem  $OQS$  & triangulum  $OQS$ , sive ut differentia rectangulorum  $\frac{1}{2} OQ \times AQ$  &  $\frac{1}{2} OQ \times SR$ , hoc est, ob datam  $\frac{1}{2} OQ$ , ut differentia inter arcum  $AQ$  & rectam  $SR$ , adeoque (ob æqualitatem datarum rationum  $SR$  ad sinum arcus  $AQ$ ,  $OS$  ad  $OA$ ,  $OA$  ad  $OG$ ,  $AQ$  ad  $GF$ , & divisim  $AQ-SR$  ad  $GF$ —sin. arc.  $AQ$ ) ut  $GK$  differentia inter arcum  $GF$  & sinum arcus  $AQ$ .  $Q.E.D.$


*Scholium.*

Cæterum, cum difficilis sit hujus Curvæ descriptio, præstat solutionem vero proximam adhibere. Inveniatur tum angulus quidam  $B$ , qui sit ad angulum graduum  $57,29578$ . quem arcus radio æqualis subtendit, ut est umbilicorum distantia  $SH$  ad Ellipseos diametrum  $AB$ , tum etiam longitudo quædam  $L$ , quæ sit ad radium in eadem ratione inversæ. Quibus semel inventis, Problema deinceps confit per sequentem Analysin. Per constructionem quamvis (vel utcunque conjecturam faciendo) cognoscatur corporis locus  $P$  proximus vero ejus loco  $p$ . Demissaque ad axem Ellipseos ordinatim applicata  $PR$ , ex proportionem diametrorum Ellipseos, dabitur Circuli circumscripti  $AQB$  ordinatim applicata  $RQ$ , quæ sinus est anguli  $AOQ$  existente  $AO$  radio. Sufficit angulum illum rudi calculo in numeris proximis invenire. Cognoscatur etiam angulus tempori proportionalis,



DE MOTU  
CORPORUM


tionalis, id est, qui sit ad quatuor rectos, ut est tempus quo corpus descripsit arcum  $Ap$ , ad tempus revolutionis unius in Ellipsi. Sit angulus iste  $N$ . Tum capiatur & angulus  $D$  ad angulum  $B$ , ut est sinus iste anguli  $AOQ$  ad radium, & angulus  $E$  ad angulum  $N - AOQ + D$ , ut est longitudo  $L$  ad longitudinem eandem  $L$  cosinu anguli  $AOQ$  diminutam, ubi angulus iste recto minor est, auctam ubi major. Postea capiatur tum angulus  $F$  ad angulum  $B$ , ut est sinus anguli  $AOQ + E$  ad radium, tum angulus  $G$  ad angulum  $N - AOQ - E + F$  ut est longitudo  $L$  ad longitudinem eandem cosinu anguli  $AOQ + E$  diminutam ubi angulus iste recto minor est, auctam ubi major. Tertia vice capiatur angulus  $H$  ad angulum  $B$ , ut est sinus anguli  $AOQ + E + G$  ad radium, & angulus  $I$  ad angulum  $N - AOQ - E - G + H$ , ut est longitudo  $L$  ad eandem longitudinem cosinu anguli  $AOQ + E + G$  diminutam, ubi angulus iste recto minor est, auctam ubi major. Et sic pergere licet in infinitum. Denique capiatur angulus  $AOq$  æqualis angulo  $AOQ + E + G + I + \&c.$  e t ex cosinu ejus  $Or$  & ordinata  $pr$ , quæ est ad sinum ejus




$qr$  ut Ellipseos axis minor ad axem majorem, habebitur corporis locus correctus  $p$ . Si quando angulus  $N - AOQ + D$  negativus est, debet signum + ipsius  $E$  ubique mutari in -, & signum - in +. Idem intelligendum est de signis ipsorum  $G$  &  $I$ , ubi anguli  $N - AOQ - E + F$ , &  $N - AOQ - E - G + H$  negativi prodeunt. Convergit autem series infinita  $AOQ + E + G + I + \&c.$  quam celerrime, adeo ut vix unquam opus fuerit ultra progredi quam ad terminum secundum  $E$ . Et fundatur calculus in hoc Theoremate, quod area  $APs$  sit ut differentia inter arcum  $AQ$  & rectam ab umbilico  $S$  in Radium  $OQ$  perpendiculariter demissam.

Non dissimili calculo conficitur Problema in Hyperbola. Sit ejus Centrum  $O$ , Vertex  $A$ , Umbilicus  $S$  & Asymptotos  $OK$ . Cognoscatur


noscatur quantitas arcæ abscindendæ tempori proportionalis. Sit ea  $A$ , & fiat conjectura de positione rectæ  $SP$ , quæ arcam  $APS$  abscindat veræ proximam. Jungatur  $OP$ , & ab  $A$  &  $P$  ad Asymptoton agantur  $AI$ ,  $PK$  Asymptoto alteri parallelæ, & per Tabulam Logarithmorum dabitur Area  $AIKP$ , eique æqualis area  $OPA$ , quæ subducta de triangulo  $OPS$  relinquet aream abscissam  $APS$ . Applicando arcæ abscindendæ  $A$  & abscissæ  $APS$  differentiam duplam  $2 APS - 2 A$  vel  $2 A - 2 APS$  ad lineam  $SN$ , quæ ab umbilico  $S$  in tangentem  $PT$  perpendicularis est, orietur longitudo chordæ  $PQ$ . Inscribatur autem chorda illa  $PQ$  inter  $A$  &  $P$ , si area abscissa  $APS$  major sit area abscindenda  $A$ , secus ad puncti  $P$  contrarias partes: & punctum  $Q$  erit locus corporis accuratior. Et computatione repetita invenietur idem accuratior in perpetuum.



Atque his calculis Problema generaliter confit Analytice. Verrum usibus Astronomicis accommodatior est calculus particularis, qui sequitur. Existentibus  $AO$ ,  $OB$ ,  $OD$  semiaxibus Ellipsis, &  $L$  ipsius latere recto, ac  $D$  differentia inter semiaxem minorem  $OD$  & lateris recti semissem  $\frac{1}{2} L$ ; quære tum angulum  $Y$ , cujus sinus sit ad Radium ut est rectangulum sub differentia illa  $D$ , & semisumma axium  $AO + OD$  ad quadratum axis majoris  $AB$ ; tum angulum  $Z$ , cujus sinus sit ad Radium ut est duplum rectangulum sub umbilicorum distantia  $SH$  & differentia illa  $D$  ad triplum quadratum semiaxis majoris  $AO$ . His angulis semel inventis, locus corporis sic deinceps determinabitur. Sume angulum  $T$  proportionalem tempori quo arcus  $BP$  descriptus est, seu motui medio (ut loquuntur) æqualem; & angulum  $V$  (primam medii motus æquationem) ad angulum  $Y$  (æquationem maximam primam) ut est sinus dupli anguli  $T$  ad Radium, atque:



atque angulum  $X$  (æquationem secundam) ad angulum  $Z$  (æquationem maximam secundam) ut est cubus sinus anguli  $T$  ad cubum Radii. Angulorum  $T$ ,  $V$ ,  $X$  vel summæ  $T + X + V$ , si angulus  $T$  recto minor est, vel differentiæ  $T + X - V$ , si is recto major est rectisque duobus minor, æqualem cape angulum  $BHP$  (motum medium æquatam,) & si  $HP$  occurrat Ellipsi in  $P$ , acta  $SP$  abscindet aream  $BSP$  temporis proportionalem quamproxime. Hæc Praxis satis expedita videtur, propterea quod angulorum perexiguorum  $V$  &  $X$  (in minutis secundis, si placet, positorum) figuras duas tersve primas invenire sufficit. Sed & satis accurata est ad Theoriam Planetarum. Nam in Orbe vel Martis ipsius, cujus Æquatio centri maxima est graduum decem, error vix superabit minutum unum secundum. Invento autem angulo motus medii æquati  $BHP$ , angulus veri motus  $BSP$  & distantia  $SP$  in promptu sunt per *Wardi* methodum notissimam.



Haftenus de Motu corporum in lineis Curvis. Fieri autem potest ut mobile recta descendat vel recta ascendat, & quæ ad istiusmodi Motus spectant, pergo jam exponere.

## SECTIO



DE MOTU  
CORPORUM

*Cas. 2.* Si Figura illa  $RPB$  Hyperbola est, describatur ad eandem diametrum principalem  $AB$  Hyperbola rectangula  $BED$ : & quoniam arcæ  $CSP$ ,  $CBfP$ ,  $SPfB$  sunt ad areas  $CSD$ ,  $CBED$ ,  $SDEB$ , singulæ ad singulas, in data ratione altitudinum  $CP$ ,  $CD$ , & area  $SPfB$  proportionalis est tempori quo corpus  $P$  movebitur per arcum  $PfB$ ; erit etiam area  $SDEB$  eadem tempori proportionalis. Minuatur latus rectum Hyperbolæ  $RPB$  in infinitum manente latere transverso, & coibit arcus  $PB$  cum recta  $CB$  & umbilicus  $S$  cum vertice  $B$  & recta  $SD$  cum recta  $BD$ . Proinde area  $BDEB$  proportionalis erit tempori quo corpus  $C$  recto descensu describit lineam  $CB$ . *Q. E. I.*

*Cas. 3.* Et simili argumento si Figura  $RPB$  Parabola est, & eodem vertice principali  $B$  describatur alia Parabola  $BED$ , quæ semper maneat data interea dum Parabola prior in cujus perimetro corpus  $P$  movetur, diminuto & in nihilum redacto ejus latere recto, conveniat cum linea  $CB$ ; fiet segmentum Parabolicum  $BDEB$  proportionale tempori quo corpus illud  $P$  vel  $C$  descendet ad centrum  $S$  vel  $B$ . *Q. E. I.*



## PROPOSITIO XXXIII. THEOREMA IX.

*Positis jam inventis, dico quod corporis cadentis Velocitas in loco quovis C est ad velocitatem corporis centro B intervallo BC Circulum describentis, in subduplicata ratione quam AC, distantia corporis a Circuli vel Hyperbolæ rectangulæ vertice ulteriore A, habet ad Figuræ semidiametrum principalem  $\frac{1}{2} AB$ .*

Bifecetur  $AB$ , communis utriusque Figuræ  $RPB$ ,  $DEB$  diameter, in  $O$ ; & agatur recta  $PT$  quæ tangat Figuram  $RPB$  in  $P$ , atque etiam










## PROPOSITIO XXXVI. PROBLEMA XXV.

*Corporis de loco dato A cadentis determinare Tempora descensus.*


Super diametro  $AS$  (distantia corporis a centro sub initio) describe Semicirculum  $ADS$ , ut & huic æqualem Semicirculum  $OKH$  circa centrum  $S$ . De corporis loco quovis  $C$  erige ordinatim applicatam  $CD$ . Junge  $SD$ , & areæ  $ASD$  æqualem constitue sectorem  $OSK$ . Patet per Prop. xxxv, quod corpus cadendo describet spatium  $AC$  eodem Tempore quo corpus aliud uniformiter circa centrum  $S$  gyrando, describere potest arcum  $OK$ . *Q. E. F.*



## PROPOSITIO XXXVII. PROBLEMA XXVI.

*Corporis de loco dato sursum vel deorsum projecti definire Tempora ascensus vel descensus.*

Exeat corpus de loco dato  $G$  secundum lineam  $ASG$  cum velocitate quacunque. In duplicata ratione hujus velocitatis ad uniformem in Circulo velocitatem, qua corpus ad intervallum datum  $SG$  circa centrum  $S$  revolvi posset, cape  $GA$  ad  $\frac{1}{2} AS$ . Si ratio illa est numeri binarii ad unitatem, punctum  $A$  infinite distat, quo casu Parabola vertice  $S$ , axe  $SC$ , latere quovis recto describenda est. Patet hoc per Prop. xxxiv. Sin ratio illa minor vel major est quam 2 ad 1, priore casu Circulus, posteriore Hyperbola rectangula super diametro  $SA$  describi debet. Patet per Prop. xxxiii. Tum centro  $S$ , intervallo æquante dimidium lateris recti, describatur Circulus  $HKk$ , & ad corporis ascendentis vel descendentis loca duo quævis  $G, C$ , erigantur perpendiculara  $GI, CD$  occurrentia Conicæ Sectioni vel Circulo in  $I$  ac  $D$ .



Dein

Dein junctis  $SI$ ,  $SD$ , fiant segmentis  $SEIS$ ,  $SEDS$ , secutores  $HSK$ ,  $HSk$  æquales, & per Prop. xxxv, corpus  $G$  describet spatium  $GC$  eodem Tempore quo corpus  $K$  describere potest arcum  $Kk$ . *Q. E. F.*


LIBER  
PRIMUS.

PROPOSITIO XXXVIII. THEOREMA XII.

*Posito quod Vis centripeta proportionalis sit altitudini seu distantie locorum a centro, dico quod cadentium Tempora, Velocitates & Spatia descripta sunt arcubus, arcuumque sinibus rectis & sinibus versis respective proportionalia.*

Cadat corpus de loco quovis  $A$  secundum rectam  $AS$ , & centro virium  $S$ , intervallo  $AS$ , describatur Circuli quadrans  $AE$ , sitque  $CD$  sinus rectus arcus cujusvis  $AD$ , & corpus  $A$ , Tempore  $AD$ , cadendo describet Spatium  $AC$ , inque loco  $C$  acquirat Velocitatem  $CD$ .

Demonstratur eodem modo ex Propositione x, quo Propositio xxxii, ex Propositione xi demonstrata fuit.



*Corol. 1.* Hinc æqualia sunt Tempora quibus corpus unum de loco  $A$  cadendo pervenit ad centrum  $S$ , & corpus aliud revolvens describit arcum quadrantalem  $ADE$ .

*Corol. 2.* Proinde æqualia sunt Tempora omnia quibus corpora de locis quibuscumque ad usque centrum cadunt. Nam revolventium tempora omnia periodica (per Corol. 3. Prop. iv.) æquantur.

PROPO.

## PROPOSITIO XXXIX. PROBLEMA XXVII.

*Posita cujuscunque generis Vi centripeta, & concessis figurarum curvilinearum quadraturis, requiritur corporis recta ascendentis vel descendents tum Velocitas in locis singulis, tum Tempus quo corpus ad locum quemvis perveniet: Et contra.*

De loco quovis *A* in recta *ADEC* cadat corpus *E*, deque loco ejus *E* erigatur semper perpendicularis *EG*, vi centripetæ in loco illo ad centrum *C* tendenti proportionalis: Sitque *BFG* linea curva quam punctum *G* perpetuo tangit. Coincidat autem *EG* ipso motus initio cum perpendiculari *AB*, & erit corporis Velocitas in loco quovis *E* ut area curvilinearæ *ABGE* latus quadratum. *Q. E. I.*

In *EG* capiatur *EM* lateri quadrato areæ *ABGE* reciproce proportionalis, & sit *ALM* linea curva quam punctum *M* perpetuo tangit, & erit Tempus quo corpus cadendo describit lineam *AE* ut area curvilinea *ALME*. *Q. E. I.*

Etenim in recta *AE* capiatur linea quam minima *DE* datæ longitudinis, sitque *DLF* locus lineæ *EMG* ubi corpus versabatur in *D*, & si ea sit vis centripeta, ut areæ *ABGE* latus quadratum sit ut descendents velocitas, erit area ipsa in duplicata ratione velocitatis, id est, si pro velocitatibus in *D* & *E* scribantur *V* & *V + I*, erit area *ABFD* ut *VV*, & area *ABGE* ut *VV + 2VI + II*, & divisim area *DFGE* ut *2VI + II*, adeoque  $\frac{DFGE}{DE}$  ut  $\frac{2VI + II}{DE}$ , id est, si primæ quantitatum nascentium rationes sumantur, longitudo *DF* ut quantitas  $\frac{2VI}{DE}$ , adeoque etiam ut quantitatis hujus dimidium  $\frac{1 \times V}{DE}$ . Est autem tempus quo corpus



corpus cadendo describit lineolam  $DE$ , ut lineola illa directe & velocitas  $V$  inverse, estque vis ut velocitatis incrementum  $I$  directe & tempus inverse, adeoque si primæ nascentium rationes sumantur, ut  $\frac{I \times V}{DE}$ , hoc est, ut longitudo  $DF$ . Ergo Vis ipsi  $DF$  vel  $EG$

proportionalis facit ut corpus ea cum Velocitate descendat quæ sit ut areæ  $ABGE$  latus quadratum. *Q. E. D.*

Porro cum tempus, quo qualibet longitudinis datæ lineola  $DE$  describatur, sit ut velocitas inverse adeoque ut areæ  $ABFD$  latus quadratum inverse; sitque  $DL$ , atque adeo area nascentis  $DLME$ , ut idem latus quadratum inverse: erit tempus ut area  $DLME$ , & summa omnium temporum ut summa omnium arearum, hoc est (per Corol. Lem. IV) Tempus totum quo linea  $AE$  describitur ut area tota  $AME$ . *Q. E. D.*

*Corol. 1.* Si  $P$  sit locus de quo corpus cadere debet, ut, urgente aliqua uniformi vi centripeta nota (qualis vulgo supponitur Gravitās) velocitatem acquirat in loco  $D$  æqualem velocitati quam corpus aliud vi quacunque cadens acquisivit eodem loco  $D$ , & in perpendiculari  $DF$  capiatur  $DK$ , quæ sit ad  $DF$  ut vis illa uniformis ad vim alteram in loco  $D$ , & compleatur rectangulum  $PDRQ$ , eique æqualis abscindatur area  $ABFD$ ; erit  $A$  locus de quo corpus alterum cecidit. Namque completo rectangulo  $DRSE$ , cum sit area  $ABFD$  ad aream  $DFGE$  ut  $VV$  ad  $2VI$ , adeoque ut  $\frac{1}{2}V$  ad  $I$ , id est, ut semissis velocitatis totius ad incrementum velocitatis corporis vi inæquali cadentis; & similiter area  $PQRD$  ad aream  $DRSE$  ut semissis velocitatis totius ad incrementum velocitatis corporis uniformi vi cadentis; sintque incrementa illa (ob æqualitatem temporum nascentium) ut vires generatrices, id est, ut ordinatim applicatæ  $DF$ ,  $DR$ , adeoque ut areæ nascentes  $DFGE$ ,  $DRSE$ ; erunt (ex æquo) areæ totæ  $ABFD$ ,  $PQRD$  ad invicem ut semisses totarum velocitatum, & propterea (ob æqualitatem velocitatum) æquantur.

*Corol. 2.* Unde si corpus quodlibet de loco quocunque  $D$  data cum velocitate vel sursum vel deorsum projiciatur, & detur lex vis centripetæ, invenietur velocitas ejus in alio quovis loco  $e$ , erigendo ordinatam  $eg$ , & capiendo velocitatem illam ad velocitatem in loco  $D$  ut est latus quadratum rectanguli  $PQRD$  area curvilinea  $DFge$  vel aucti, si locus  $e$  est loco  $D$  inferior, vel diminuti, si is superior est, ad latus quadratum rectanguli solius  $PQRD$ , id est, ut  $\sqrt{PQRD + vel - DFge}$  ad  $\sqrt{PQRD}$ .

Q

*Corol.*

DE MOTU  
CORPORUM

*Corol. 3.* Tempus quoque innotescet erigendo ordinatam  $em$  reciproce proportionalem lateri quadrato ex  $PQRD + vel - DFge$ , & capiendo tempus quo corpus descripsit lineam  $De$  ad tempus quo corpus alterum vi uniformi cecidit a  $P$  & cadendo pervenit ad  $D$ , ut area curvilinea  $D L m e$  ad rectangulum  $2PD \times DL$ . Namque tempus quo corpus vi uniformi descendens descripsit lineam  $PD$  est ad tempus quo corpus idem descripsit lineam  $PE$  in subduplicata ratione  $PD$  ad  $PE$ , id est (lineola  $DE$  jamjam nascente) in ratione  $PD$  ad  $PD + \frac{1}{2} DE$  seu  $2PD$  ad  $2PD + DE$ , & divisim, ad tempus quo corpus idem descripsit lineolam  $DE$  ut  $2PD$  ad  $DE$ , adeoque ut rectangulum  $2PD \times DL$  ad aream  $D L M E$ ; estque tempus quo corpus utrumque descripsit lineolam  $DE$  ad tempus quo corpus alterum inæquabili motu descripsit lineam  $De$  ut area  $D L M E$  ad aream  $D L m e$ , & ex æquo tempus primum ad tempus ultimum ut rectangulum  $2PD \times DL$  ad aream  $D L m e$ .

## S E C T I O VIII.

*De Inventione Orbium in quibus corpora Viribus quibuscunque centripetis agitata revolvuntur.*

## PROPOSITIO XL. THEOREMA XIII.

*Si corpus, cogente Vi quacunque centripeta, moveatur utcunque, & corpus aliud recta ascendat vel descendat, sintque eorum Velocitates in aliquo æqualium altitudinum casu æquales, Velocitates eorum in omnibus æqualibus altitudinibus erunt æquales.*

Descendat corpus aliquod ab  $A$  per  $D, E$ , ad centrum  $C$ , & moveatur corpus aliud a  $V$  in linea curva  $V I K k$ , Centro  $C$  intervallis quibuscvis describantur circuli concentrici  $DI, EK$  rectæ  $AC$  in  $D$  &  $E$ , curvæque  $V I K$  in  $I$  &  $K$  occurrentes. Jungatur  $IC$  occurrens ipsi  $KE$  in  $N$ ; & in  $IK$  demittatur perpendicularum  $NT$ ; sitque circumferentiarum circulorum intervallum  $DE$  vel  $IN$  quam minimum, & habeant corpora in  $D$  &  $I$  velocitates




DE MOTU  
CORPORUM

porum velocitates in  $E$  &  $K$  & eodem argumento semper reperientur æquales in subsequentibus æqualibus distantis. *Q. E. D.*

Sed & eodem argumento corpora æquivelocia & æqualiter a centro distantia, in ascensu ad æquales distantias æqualiter retardabuntur. *Q. E. D.*

*Corol. 1.* Hinc si corpus vel funipendulum oscilletur, vel impedimento quovis politissimo & perfecte lubrico cogatur in linea curva moveri, & corpus aliud recta ascendat vel descendat, sintque velocitates eorum in eadem quacunque altitudine æquales: erunt velocitates eorum in aliis quibuscunque æqualibus altitudinibus æquales. Namque impedimento vasis absolute lubrici idem præstatur quod vi transversa  $NT$ . Corpus eo non retardatur, non acceleratur, sed tantum cogitur de cursu rectilineo discedere.



*Corol. 2.* Hinc etiam si quantitas  $P$  sit maxima a centro distantia, ad quam corpus vel oscillans vel in Trajectoria quacunque revolvens, deque quovis Trajectoriae puncto, ea quam ibi habet velocitate sursum projectum ascendere possit; sitque quantitas  $A$  distantia corporis a centro in alio quovis Orbitæ puncto, & vis centripeta semper sit ut ipsius  $A$  dignitas quolibet  $A^n - 1$ , cujus Index  $n - 1$  est numerus quilibet  $n$  unitate diminutus; velocitas corporis in omni altitudine  $A$  erit ut  $\sqrt{P^n - A^n}$ , atque adeo datur. Namque velocitas recta ascendantis ac descendantis (per Prop. xxxix) est in hac ipsa ratione.

PROPO.



## PROPOSITIO XLI. PROBLEMA XXVIII.

*Posita cujuscunque generis Vi centripeta & concessis Figurarum curvilinearum quadraturis, requiruntur tum Trajectoriae in quibus corpora movebuntur, tum Tempora motuum in Trajectoriis inventis.*

Tendat vis quaelibet ad centrum  $C$  & invenienda sit Trajectoria  $VITKk$ . Detur Circulus  $VXT$  centro  $C$  intervallo quovis  $CV$  descriptus, centroque eodem describantur alii quivis circuli  $ID$ ,  $KE$  Trajectoriam secantes in  $I$  &  $K$  rectamque  $CV$  in  $D$  &  $E$ . Age tum rectam  $CNIX$  secantem circulos  $KE$ ,  $VT$  in  $N$  &  $X$ , tum rectam  $CKT$  occurrentem circulo  $VXT$  in  $T$ . Sint autem puncta  $I$  &  $K$  sibi invicem vicinissima, & pergat corpus ab  $V$  per  $I$ ,  $T$  &  $K$  ad  $k$ , sitque punctum  $A$  locus ille de quo corpus aliud cadere debet ut in loco  $D$  velocitatem acquirat æqualem velocitati corporis prioris in  $I$ , & stantibus quæ in Propositione xxxix, lineola  $IK$ , dato tempore quam minimo descripta, erit ut velocitas atque adeo ut latus quadratum areæ  $ABFD$ , & triangulum  $ICK$  tempori proportionale dabitur, adeoque  $KN$  erit reciproce ut altitudo  $IC$ , id est, si detur quantitas aliqua  $Q$ , & altitudo  $IC$  nominetur  $A$ , ut  $\frac{Q}{A}$ . Hanc quantitatem  $\frac{Q}{A}$  nominemus  $Z$ ;

& ponamus eam esse magnitudinem ipsius  $Q$  ut sit in aliquo casu  $\sqrt{ABFD}$  ad  $Z$  ut est  $IK$  ad  $KN$ , & erit in omni casu  $\sqrt{ABFD}$  ad  $Z$  ut  $IK$  ad  $KN$ , &  $ABFD$  ad  $ZZ$  ut  $IK^2$  ad  $KN^2$ , & divisim  $ABFD - ZZ$  ad  $ZZ$  ut  $IN$  quad ad  $KN$  quad, adeoque  $\sqrt{ABFD - ZZ}$  ad  $(Z \text{ seu } \frac{Q}{A})$  ut  $IN$  ad  $KN$ , & propterea

$A \times KN$  æquale  $\frac{Q \times IN}{\sqrt{ABFD - ZZ}}$ . Unde cum  $TX \times XC$  sit ad

$A \times KN$  ut  $CX$  ad  $AA$ , erit rectangulum  $TX \times XC$  æquale  $\frac{Q \times IN \times CX \text{ quad.}}{AA \sqrt{ABFD - ZZ}}$ .

Igitur si in perpendicularo  $DF$  capiantur

semper  $Db$ ,  $Dc$  ipsis  $\frac{Q}{2\sqrt{ABFD - ZZ}}$  &  $\frac{Q \times CX \text{ quad.}}{2AA\sqrt{ABFD - ZZ}}$

æquales respective, & describantur curvæ. lineæ  $ab$ ,  $cd$  quas puncta ..

DE MOTU  
CORPORUM


puncta  $b, c$  perpetuo tangunt, deque puncto  $V$  ad lineam  $AC$  erigatur perpendicularum  $Vad$  abscindens areas curvilineas  $VDba$ ,  $VDcd$ , & erigantur etiam ordinatæ  $Ez$ ,  $Ex$ : quoniam rectangulum  $Db \times IN$  seu  $DbzE$  æquale est dimidio rectanguli  $A \times KN$ , seu triangulo  $ICK$ , & rectangulum  $Dc \times IN$  seu  $DcxEx$  æquale est dimidio rectanguli  $IX \times XC$ , seu triangulo  $XCT$ ; hoc est, quoniam arearum  $VDba$ ,  $VIC$  æquales semper sunt nascentes particule  $DbzE$ ,  $ICK$ , & arearum  $VDcd$ ,  $VCX$  æquales semper sunt nascentes particule  $DcxEx$ ,  $XCT$ , erit area genita  $VDba$  æqualis areae genitæ  $VIC$ , adeoque temporis proportionalis, & area genita  $VDcd$  æqualis Sectori genito  $VCX$ . Dato igitur tempore quovis ex quo corpus discessit de loco  $V$ , dabitur area ipsi proportionalis  $VDba$ , & inde dabitur corporis altitudo  $CD$  vel  $CI$ , & area  $VDcd$ , eique æqualis Sector  $VCX$  una cum ejus angulo  $VCI$ . Datis autem angulo  $VCI$  & altitudine  $CI$  datur locus  $I$ , in quo corpus completo illo tempore reperietur. *Q. E. I.*

*Corol. 1.* Hinc maximæ minimæque corporum altitudines, id est Apfides Trajectoriarum expedire inveniri possunt. Sunt enim Apfides puncta illa in quibus recta  $IC$  per centrum ducta incidit perpendiculariter in Trajectoriam  $VIK$ : id quod fit ubi rectæ  $IK$  &  $NK$  æquantur, adeoque ubi area  $ABFD$  æqualis est  $ZZ$ .

*Corol. 2.* Sed & angulus  $KIN$ , in quo Trajectoria alibi secat lineam illam  $IC$ , ex data corporis altitudine  $IC$  expedire invenitur; nimirum capiendo sinum ejus ad radium ut  $KN$  ad  $IK$ , id est, ut  $Z$  ad latus quadratum areae  $ABFD$ .

*Corol. 3.* Si centro  $C$  & vertice principali  $V$  describatur Sectio quælibet Conica  $VRS$ , & a quovis ejus puncto  $R$  agatur Tangens  $RT$  occurrens axi infinite producto  $CV$  in puncto  $T$ ; dein juncta  $CR$  ducatur recta  $CP$ , quæ æqualis sit abscissæ  $CT$ , angulumque  $VC P$  Sectori  $VC R$  proportionalem constituat; tendat autem ad centrum  $C$  Vis centripeta Cubo distantie locorum a centro reciproce proportionalis, & exeat corpus de loco  $V$  justa cum Velocitate secundum lineam rectæ  $CV$  perpendiculararem: progredietur corpus illud in Trajectoria quam punctum  $P$  perpetuo tangit, adeoque si Conica sectio  $CVRS$  Hyperbola sit, descendet idem ad centrum: Sin ea Ellipsis sit, ascendet illud perpetuo & abibit in infinitum. Et contra, si corpus quacunque cum Velocitate exeat de loco  $V$ , & perinde ut incæperit vel oblique descendere ad centrum, vel ab eo oblique

lique ascendere, Figura  $CVRS$  vel Hyperbola sit vel Ellipsis, inveniri potest Trajectoria augendo vel minuendo angulum  $VCP$  in data aliqua ratione. Sed & Vi centripeta in centrifugam versa,



ascendet corpus oblique in Trajectoria  $VPQ$  quæ invenitur capi-  
endo angulum  $VCP$  Sectori Elliptico  $CVRC$  proportionalem, &  
longitudinem  $CP$  longitudini  $CT$  æqualem ut supra. Consequun-  
tur hæc omnia ex Propositione præcedente, per Curvæ cujusdam  
quadraturam, cujus inventionem, ut satis facilem, brevitatis gratia  
missam facio.


## PROPOSITIO XLII. PROBLEMA XXIX.

*Data lege Vis centripetæ, requiritur motus corporis de loco dato  
data cum Velocitate secundum datam rectam egressi.*

Stantibus quæ in tribus Propositionibus præcedentibus: exeat  
corpus de loco  $I$  secundum lineolam  $IT$ , ea cum Velocitate quam  
corpus aliud, vi aliqua uniformi centripeta, de loco  $P$  cadendo ac-  
quirere posset in  $D$ : sitque hæc vis uniformis ad vim qua corpus  
primum

DE MOTU  
CORPORUM

primum urgetur in  $I$ , ut  $\mathcal{D}R$  ad  $\mathcal{D}F$ . Pergat autem corpus versus  $k$ , centroque  $C$  & intervallo  $Ck$  describatur circulus  $ke$  occurrens rectæ  $PD$  in  $e$ , & erigantur curvarum  $ALMm$ ,  $BFGg$ ,  $abzv$ ,  $dcxw$



ordinatim applicatæ  $em$ ,  $eg$ ,  $ev$ ,  $ew$ . Ex dato rectangulo  $\mathcal{P}DRQ$ , dataque lege vis centripetæ qua corpus primum agitur, dantur curvæ lineæ  $BFGg$ ,  $ALMm$ , per constructionem Problematis xxvii, & ejus Corol. 1. Deinde ex dato angulo  $CIT$  datur proportio nascentium  $IK$ ,  $KN$ , & inde, per constructionem Prob. xxviii, datur quantitas  $Q$ , una cum curvis lineis  $abzv$ ,  $dcxw$ : adcoque completo tempore quovis  $\mathcal{D}bve$ , datur tum corporis altitudo  $Ce$  vel  $Ck$ , tum area  $\mathcal{D}cwe$ , eique æqualis Sector  $XCy$ , angulusque  $ICK$  & locus  $k$  in quo corpus tunc versabitur.  $\mathcal{Q}E. I.$

Supponimus autem in his Propositionibus Vim centripetam in recessu quidem a centro variari secundum legem quamcunque quam quis imaginari potest, in æqualibus autem a centro distantis esse undeque eandem. Atque hætenus Motum corporum in Orbibus immobilibus consideravimus. Superest ut de Motu eorum in Orbibus qui circa centrum virium revolvuntur adjiciamus pauca.

## SECTIO


## SECTIO IX.

*De Motu Corporum in Orbibus mobilibus, deque motu Apfidum.*

## PROPOSITIO XLIII. PROBLEMA XXX.

*Efficiendum est ut corpus in Trajectoria quacunque circa centrum Virium revolvante perinde moveri possit, atque corpus aliud in eadem Trajectoria quiescente.*

In Orbe  $VPK$  positione dato revolvatur corpus  $P$  pergendo a  $V$  versus  $K$ . A centro  $C$  agatur semper  $Cp$ , quæ sit ipsi  $CP$  æqualis, angulumque  $VCp$  angulo  $VCP$  proportionalem constituat, & area quam linea  $Cp$  describit erit ad aream  $VCP$  quam linea  $CP$  simul describit, ut velocitas lineæ describentis  $Cp$  ad velocitatem lineæ describentis  $CP$ ,



hoc est, ut angulus  $VCp$  ad angulum  $VCP$ , adeoque in data ratione, & propterea temporis proportionalis. Cum area temporis proportionalis sit quam linea  $Cp$  in plano immobili describit, manifestum est quod corpus, cogente justæ quantitatis Vi centripeta, revolvī possit, una cum puncto  $p$  in Curva illa linea quam punctum idem  $p$  ratione jam exposita describit in plano immobili. Fiat angulus  $VCp$  æ angulo  $PCp$ , & linea  $Cp$  lineæ  $CV$ , atque Figura  $pCp$  Figuræ  $VCP$  æqualis, & corpus in  $p$  semper existens movebitur in peri-

R


DE MOTU  
CORPORUM

perimetro Figuræ revolvētis  $u C p$ , eodemque tempore describet arcum ejus  $u p$  quo corpus aliud  $P$  arcum ipsi similem & æqualem  $VP$  in Figura quiescente  $VPK$  describere potest. Quærat igitur, per Corollarium quintum propositionis  $v1$ , Vis centripeta qua corpus revolvī possit in Curva illa quam punctum  $p$  describit in plano immobili, & solvetur Problema. *Q. E. F.*

## PROPOSITIO XLIV. THEOREMA XIV.

*Differentia Virium, quibus corpus in Orbe quiescente, & corpus aliud in eodem Orbe revolvēte æqualiter moveri possunt, est in triplicata ratione communis altitudinis inverse.*

Partibus Orbis quiescentis  $VP$ ,  $PK$  sunt similes & æquales Orbis revolvētis partes  $u p$ ,  $p k$ , & punctorum  $P$ ,  $K$  distantia intelligatur esse quam minima. A puncto  $k$  in rectam  $p C$  demitte perpendicularum  $k r$ , idemque producat  $m$ , ut sit  $m r$  ad  $k r$  ut angulus  $V C p$  ad angulum  $V C P$ . Quoniam corporum altitudines  $P C$  &  $p C$ ,  $K C$  &  $k C$  semper æquantur, manifestum est quod linearum  $P C$  &  $p C$  incrementa vel decrementa semper sint æqualia, ideoque si corporum in locis  $P$  &  $p$  existentium distinguantur motus singuli (per Legum Corol. 2.) in binos, quorum hi versus centrum, sive secundum lineas  $P C$ ,  $p C$  determinentur, & alteri prioribus transversī sint, & secundum lineas ipsis  $P C$ ,  $p C$  perpendiculares directionem habeant; motus versus centrum erunt æquales, & motus transversus corporis  $p$  erit ad motum transversum corporis  $P$ , ut motus angularis lineæ  $p C$ , ad motum angularem lineæ  $P C$ , id est,



ut

ut angulus  $VCp$  ad angulum  $VCP$ . Igitur eodem tempore quo corpus  $P$  motu suo utroque pervenit ad punctum  $K$ , corpus  $p$  æquali in centrum motu æqualiter movebitur a  $p$  versus  $C$ , adeoque completo illo tempore reperietur alicubi in linea  $mk$ , quæ per punctum  $k$  in lineam  $pC$  perpendicularis est; & motu transverso acquireret distantiam a linea  $pC$ , quæ sit ad distantiam quam corpus alterum  $P$  acquirit a linea  $PC$ , ut est motus transversus corporis  $p$  ad motum transversum corporis alterius  $P$ . Quare cum  $kr$  æqualis sit distantie quam corpus  $P$  acquirit a linea  $PC$ , sitque  $mr$  ad  $kr$  ut angulus  $VCp$  ad angulum  $VCP$ , hoc est, ut motus transversus corporis  $p$  ad motum transversum corporis  $P$ , manifestum est quod corpus  $p$  completo illo tempore reperietur in loco  $m$ . Hæc ita se habebunt ubi corpora  $p$  &  $P$  æqualiter secundum lineas  $pC$  &  $PC$  moventur, adeoque æqualibus Viribus secundum lineas illas urgentur. Capiatur autem angulum  $pCn$  ad angulum  $pCk$  ut est angulus  $VCp$  ad angulum  $VCP$ , sitque  $nC$  æqualis  $kC$ , & corpus  $p$  completo illo tempore revera reperietur in  $n$ ; adeoque  $Vi$  majore urgetur quam corpus  $P$ , si modo angulus  $mCp$  angulo  $kCp$  major est, id est si Orbis  $upk$  vel movetur in consequentia, vel movetur in antecedentia majore celeritate quam sit dupla ejus qua linea  $CP$  in consequentia fertur; &  $Vi$  minore si Orbis tardius movetur in antecedentia. Estque Virium differentia ut locorum intervallum  $mn$ , per quod corpus illud  $p$  ipsius actione, dato illo temporis spatio, transferri debet. Centro  $C$  intervallo  $Cn$  vel  $Ck$  describi intelligatur Circulus secans lineas  $mr$ ,  $mn$  productas in  $s$  &  $t$ , & erit rectangulum  $mn \times ms$  æquale rectangulo  $mk \times ms$ , adeoque  $mn$  æquale  $\frac{mk \times ms}{mt}$ . Cum autem triangula  $pCk$ ,  $pCn$  dentur magnitudine, sunt  $kr$  &  $mr$ , earumque differentia  $mk$  & summa  $ms$  reciproce ut altitudo  $pC$ , adeoque rectangulum  $mk \times ms$  est reciproce ut quadratum altitudinis  $pC$ . Est &  $mt$  directe ut  $\frac{1}{2} ms$ , id est, ut altitudo  $pC$ . Hæc sunt primæ rationes linearum nascentium; & hinc fit  $\frac{mk \times ms}{mt}$ , id est lineola nascent  $mn$ , eique proportionalis Virium differentia reciproce ut cubus altitudinis  $pC$ . Q. E. D.

*Corol. 1.* Hinc differentia virium in locis  $P$  &  $p$  vel  $K$  &  $k$ , est ad vim qua corpus motu Circulari revolvi possit ab  $R$  ad  $K$  eodem tempore quo corpus  $P$  in Orbe immobili describit arcum  $PK$ , ut lineola nascent  $mn$  ad sinum versum arcus nascentis  $KK$ , id est

R 2

ut

DE MOTU  
CORPORUMut  $\frac{mk \times ms}{mt}$  ad  $\frac{rkq}{2kC}$ , vel ut  $mk \times ms$  ad  $rk$  quadratum, hoc est, si

capiantur datæ quantitates  $F$ ,  $G$  in ea ratione ad invicem quam habet angulus  $VCP$  ad angulum  $VCp$ , ut  $GG - FF$  ad  $FF$ . Et propterea, si centro  $C$  intervallo quovis  $CP$  vel  $Cp$  describatur Sector circularis æqualis aræ toti  $VPC$ , quam corpus  $P$  tempore quovis in Orbe immobili revolvens radio ad centrum ducto descripsit: differentia virium, quibus corpus  $P$  in Orbe immobili & corpus  $p$  in Orbe mobili revolvuntur, erit ad vim centripetam qua corpus aliquod radio ad centrum ducto Sectorem illum, eodem tempore quo descripta sit area  $VPC$  uniformiter describere potuisset, ut  $GG - FF$  ad  $FF$ . Namque Sector ille & area  $pCk$  sunt ad invicem ut tempora quibus describuntur.

*Corol. 2.* Si Orbis  $VPK$  Ellipsis sit umbilicum habens  $C$  & Apfidem summam  $V$ ; eique similis & æqualis ponatur Ellipsis  $upk$ , ita ut sit semper  $pC$  æqualis  $PC$ , & angulus  $VCP$  sit ad angulum  $VCP$  in data ratione  $G$  ad  $F$ ; pro altitudine autem  $PC$  vel  $pC$  scribatur  $A$ , & pro Ellipseos latere recto ponatur  $2R$ : erit vis qua corpus in Ellipsi mobili revolvitur potest, ut  $\frac{FF}{AA} + \frac{RGG - RFF}{A \text{ cub.}}$

& contra. Exponatur enim vis qua corpus revolvatur in immota Ellipsi per quantitatem  $\frac{FF}{AA}$ , & vis in  $V$  erit  $\frac{FF}{CV \text{ quad.}}$ . Vis au-

tem qua corpus in Circulo ad distantiam  $CV$  ea cum velocitate revolvitur posset quam corpus in Ellipsi revolvens habet in  $V$ , est ad vim qua corpus in Ellipsi revolvens urgetur in Apfide  $V$ , ut dimidium lateris recti Ellipseos ad Circuli semidiametrum  $CV$ , adeoque valet  $\frac{RFF}{CV \text{ cub.}}$ : & vis quæ sit ad hanc ut  $GG - FF$  ad

$FF$ , valet  $\frac{RGG - RFF}{CV \text{ cub.}}$ : estque hæc vis (per hujus Corol. 1.)

differentia virium in  $V$  quibus corpus  $P$  in Ellipsi immota  $VPK$ , & corpus  $p$  in Ellipsi mobili  $upk$  revolvuntur. Unde cum (per hanc Prop.) differentia illa in alia quavis altitudine  $A$  sit ad seipsam in altitudine  $CV$  ut  $\frac{1}{A \text{ cub.}}$  ad  $\frac{1}{CV \text{ cub.}}$ , eadem differentia

in omni altitudine  $A$  valebit  $\frac{RGG - RFF}{A \text{ cub.}}$ . Igitur ad vim  $\frac{FF}{AA}$

qua corpus revolvitur potest in Ellipsi immobili  $VPK$ , addatur excessus  $\frac{RGG - RFF}{A \text{ cub.}}$  & componetur vis tota  $\frac{FF}{AA} + \frac{RGG - RFF}{A \text{ cub.}}$

qua




qua corpus in Ellipsi mobili  $upk$  iisdem temporibus revolvi possit.

*Corol. 3.* Ad eundem modum colligetur quod, si Orbis immobilis  $VPK$  Ellipsis sit centrum habens in virium centro  $C$ , eique similis, æqualis & concentrica ponatur Ellipsis mobilis  $upk$ , sitque  $2R$  Ellipseos hujus latus rectum principale, &  $2T$  latus transversum sive axis major, atque angulus  $VCP$  semper sit ad angulum  $VCP$  ut  $G$  ad  $F$ ; vires quibus corpora in Ellipsi immobili & mobili temporibus æqualibus revolvi possunt, erunt ut  $\frac{FFA}{T cub.}$  &  $\frac{FFA}{T cub.} + \frac{RGG - RFF}{A cub.}$  respective.

*Corol. 4.* Et universaliter, si corporis altitudo maxima  $CV$  nominetur  $T$ , & radius curvaturæ quam Orbis  $VPK$  habet in  $V$ , id est radius Circuli æqualiter curvi, nominetur  $R$ , & vis centripeta qua corpus in Trajectoria quacunque immobili  $VPK$  revolvi potest, in loco  $V$  dicatur  $\frac{VFF}{TT}$ , atque aliis in locis  $P$  indefinite dicatur  $X$ , altitudine  $CP$  nominata  $A$ , & capiatur  $G$  ad  $F$  in data ratione anguli  $VCP$  ad angulum  $VCP$ : erit vis centripeta qua corpus idem eodem motus in eadem Trajectoria  $upk$  circulariter mora temporibus iisdem peragere potest, ut summa virium  $X + \frac{VRGG - VRFF}{A cub.}$

*Corol. 5.* Dato igitur motu corporis in Orbe quocunque immobili, augeri vel minui potest ejus motus angularis circa centrum virium in ratione data, & inde inveniri novi Orbes immobiles in quibus corpora novis viribus centripetis gyrentur.

*Corol. 6.* Igitur si ad rectam  $CV$  positione datam erigatur perpendicularum  $VP$  longitudinis indeterminatæ, jungaturque  $CP$ , & ipsi æqualis agatur  $Cp$ , constituens angulum  $VCP$ , qui sit ad angulum  $VCP$  in data ratione; vis qua corpus gyriari potest in Curva illa  $Vpk$  quam punctum  $p$  perpetuo tangit, erit reciproce ut cubus altitudinis  $Cp$ . Nam corpus  $P$ , per vim inertiae, nulla alia vi urgente, uniformiter progredi potest in recta  $VP$ . Addatur vis in centrum  $C$ , cubo altitudinis  $Cp$  vel  $Cp$  reciproce proportionalis, & (per jam demonstrata) detorquebitur motus ille rectilineus in lineam



curvam.

DE MOTU curvam  $Vpk$ . Est autem hæc Curva  $Vpk$  eadem cum Curva illa  
CORPORUM  $VPQ$  in Corol. 3. Prop. xli inventa, in qua ibi diximus corpora  
hujusmodi viribus attracta oblique ascendere.

# PROPOSITIO XLV. PROBLEMA XXXI.

*Orbium qui sunt Circulis maxime finitimi requiruntur motus Ap-  
sidum.*

Problema solvitur Arithmetice faciendo ut Orbis, quem corpus  
in Ellipsi mobili (ut in Propositionis superioris Corol. 2, vel 3)  
revolvens describit in plano immobili, accedat ad formam Orbis  
cujus Apfides requiruntur, & quærendo Apfides Orbis quem cor-  
pus illud in plano immobili describit. Orbes autem eandem ac-  
quirent formam, si vires centripetæ quibus describuntur, inter se  
collatæ, in æqualibus altitudinibus reddantur proportionales. Sit  
punctum  $V$  Apfis summa, & scribantur  $T$  pro altitudine maxima  
 $CV$ ,  $A$  pro altitudine quavis alia  $CP$  vel  $Cp$ , &  $X$  pro alti-  
tudinum differentia  $CV - CP$ ; & vis qua corpus in Ellipsi  
circa umbilicum suum  $C$  (ut in Corollario 2.) revolvente move-  
tur, quæque in Corollario 2. erat ut  $\frac{FF}{AA} + \frac{RGG - RFF}{A cub.}$ , id est

ut  $\frac{FFA + RGG - RFF}{A cub.}$ , substituendo  $T - X$  pro  $A$ , erit ut  
 $\frac{RGG - RFF + TFF - FFX}{A cub.}$ . Reducenda similiter est vis alia

quævis centripeta ad fractionem cujus denominator sit  $A cub.$ , &  
numeratores, facta homologorum terminorum collatione, statuendi  
sunt analogi. Res Exemplis patebit.

*Exempl. 1.* Ponamus vim centripetam uniformem esse, adeoque  
ut  $\frac{A cub.}{A cub.}$ , sive (scribendo  $T - X$  pro  $A$  in Numeratore) ut  
 $\frac{T cub. - 3 TTX + 3 TXX - X cub.}{A cub.}$ ; & collatis Numeratorum ter-

minis correspondentibus, nimirum datis cum datis & non datis  
cum non datis, fiet  $RGG - RFF + TFF$  ad  $T cub.$  ut  $-FFX$  ad  
 $-3 TTX + 3 TXX - X cub.$  sive ut  $-FF$  ad  $-3 TT + 3 TX$   
 $- XX$ . Jam cum Orbis ponatur Circulo quam maxime finitimus,  
coeat Orbis cum Circulo; & ob factas  $R, T$  æquales, atque  $X$  in infi-  
nitum

nitum diminutam, rationes ultimæ erunt RGG ad T cub. ut FF  
 ad -3 TT seu GG ad TT ut FF ad 3 TT & vicissim GG ad  
 FF ut TT ad 3 TT id est, ut 1 ad 3; adeoque G ad F,  
 hoc est angulus  $\angle C P$  ad angulum  $\angle C P$ , ut 1 ad  $\sqrt{3}$ . Er-  
 go cum corpus in Ellipsi immobili, ab Apfide summa ad Ap-  
 sidem imam descendendo conficiat angulum  $\angle C P$  (ut ita di-  
 cam) gradum 180; corpus aliud in Ellipsi mobili, atque adeo in  
 Orbe immobili de quo agimus, ab Apfide summa ad Apfidem  
 imam descendendo conficiet angulum  $\angle C P$  gradum  $\frac{180}{\sqrt{3}}$ : id  
 adeo ob similitudinem Orbis hujus, quem corpus agente uniformi  
 vi centripeta describit, & Orbis illius quem corpus in Ellipsi re-  
 volvente gyros peragens describit in plano quiescente. Per su-  
 periores terminorum collationem similes redduntur hi Orbes, non  
 universaliter, sed tunc cum ad formam circularem quam maxime  
 appropinquant. Corpus igitur uniformi cum vi centripeta in  
 Orbe propemodum circulari revolvens, inter Apfidem summam  
 & Apfidem imam conficiet semper angulum  $\frac{180}{\sqrt{3}}$  graduum, seu  
 103 gr. 55 m. 23 sec. ad centrum; perveniens ab Apfide summa ad  
 Apfidem imam ubi semel confecit hunc angulum, & inde ad Apfi-  
 dem summam rediens ubi iterum confecit eundem angulum; &  
 sic deinceps in infinitum.

*Exempl. 2.* Ponamus vim centripetam esse ut altitudinis A dig-  
 nitas quælibet  $A^{n-3}$  seu  $\frac{A^n}{A^3}$ : ubi  $n-3$  &  $n$  significant digni-  
 tatum indices quoscunque integros vel fractos, rationales vel irratio-  
 nales, affirmativos vel negativos. Numerator ille  $A^n$  seu  $T-X^n$   
 in seriem indeterminatam per Methodum nostram Serierum conver-  
 gentium reducta, evadit  $T^n - nXT^{n-1} + \frac{n(n-1)}{2}XXT^{n-2}$  &c.

Et collatis hujus terminis cum terminis Numeratoris alterius  
 $RGG - RFF + TFF$ , fit  $RGG - RFF + TFF$  ad  $T^n$   
 ut  $-FF$  ad  $-nT^{n-1} + \frac{n(n-1)}{2}XT^{n-2}$  &c. Et sumendo ratio-  
 nes ultimas ubi Orbes ad formam circularem accedunt, fit  $RGG$   
 ad  $T^n$  ut  $-FF$  ad  $-nT^{n-1}$ , seu  $G$  ad  $T^{n-1}$  ut  $FF$  ad  $nT^{n-1}$ ,  
 & vicissim  $GG$  ad  $FF$  ut  $T^{n-1}$  ad  $nT^{n-1}$  id est ut 1 ad  $n$ ,  
 adeoque  $G$  ad  $F$ , id est angulus  $\angle C P$  ad angulum  $\angle C P$ ,  
 ut

DE MOTU  
CORPORUM

ut 1 ad  $\sqrt{n}$ . Quare cum angulus  $VCP$ , in descensu corporis ab Apfide summa ad Apfidem imam in Ellipsi confectus, sit graduum 180; conficietur angulus  $VCP$ , in descensu corporis ab Apfide summa ad Apfidem imam, in Orbe propemodum Circulari quem corpus quodvis vi centripeta dignitati  $A^{n-3}$  proportionali describit, æqualis angulo graduum  $\frac{180}{\sqrt{n}}$ ; & hoc angulo repetito corpus redibit ab Apfide ima ad Apfidem summam, & sic deinceps in infinitum. Ut si vis centripeta sit ut distantia corporis a centro, id est, ut  $A$  seu  $\frac{A^1}{A^1}$ , erit  $n$  æqualis 4 &  $\sqrt{n}$  æqualis 2;

adeoque angulus inter Apfidem summam & Apfidem imam æqualis  $\frac{180}{2}$  gr. seu 90 gr. Completa igitur quarta parte revolutionis unius corpus perveniet ad Apfidem imam, & completa alia quarta parte ad Apfidem summam, & sic deinceps per vices in infinitum. Id quod etiam ex Propositione x. manifestum est. Nam corpus urgente hac vi centripeta revolvetur in Ellipsi immobili, cujus centrum est in centro virium. Quod si vis centripeta sit reciproce ut distantia, id est directe ut  $\frac{1}{A}$  seu  $\frac{A^1}{A^1}$ , erit  $n$  æqualis 2, ad-

coque inter Apfidem summam & imam angulus erit graduum  $\frac{180}{\sqrt{2}}$  seu 127 gr. 16 m. 45 sec. & propterea corpus tali vi revolvens, perpetua anguli hujus repetitione, vicibus alternis ab Apfide summa ad imam & ab ima ad summam perveniet in æternum. Porro si vis centripeta sit reciproce ut latus quadrato-quadratum undecimæ dignitatis altitudinis, id est reciproce ut  $A^{\frac{1}{11}}$ , adeoque directe ut  $\frac{1}{A^{\frac{1}{11}}}$  seu ut  $\frac{A^{\frac{11}{11}}}{A^{\frac{1}{11}}}$  erit  $n$  æqualis  $\frac{1}{11}$ , &  $\frac{180}{\sqrt{n}}$  gr. æqualis 360 gr. & propterea corpus de Apfide summa discedens & subinde perpetuo descendens, perveniet ad Apfidem imam ubi complevit revolutionem integram, dein perpetuo ascensu complendo aliam revolutionem integram, redibit ad Apfidem summam: & sic per vices in æternum.

*Exempl. 3.* Assumentes  $m$  &  $n$  pro quibuscvis indicibus dignitatum Altitudinis, &  $b, c$  pro numeris quibuscvis datis, ponamus vim centripetam esse ut  $\frac{bA^m + cA^n}{A^{cub.}}$ , id est, ut  $\frac{b \text{ in } T - X^m + c \text{ in } T - X^n}{A^{cub.}}$

seu (per eandem Methodum nostram Serierum convergentium) ut  $bT^m + cT^n - mbXT^{m-1} - ncXT^{n-1} + \frac{mm-mb}{2}XXT^{m-2} + \frac{nn-n}{2}cXXT^{n-2} \&c.$   
 $A^{cub.}$  &c

& collatis numeratorum terminis, fiet  $RGG - RFF + TFF$   
 ad  $bT^m + cT^n$ , ut  $-FF$  ad  $-mbT^{m-1} - ncT^{n-1}$   
 $+ \frac{mm-m}{2}bXT^{m-2} + \frac{nn-n}{2}cXT^{n-2}$  &c. Et fumendo rationes ulti-  
 mas quæ prodeunt ubi Orbes ad formam circularem accedunt, fit  
 $GG$  ad  $bT^{m-1} + cT^{n-1}$ , ut  $FF$  ad  $mbT^{m-1} + ncT^{n-1}$ , &  
 vicissim  $GG$  ad  $FF$  ut  $bT^{m-1} + cT^{n-1}$  ad  $mbT^{m-1} + ncT^{n-1}$ .  
 Quæ proportio, exponendo altitudinem maximam  $CV$  seu  $T$  Arith-  
 metice per Unitatem, fit  $GG$  ad  $FF$  ut  $b+c$  ad  $mb+nc$ , adcoque ut  
 $1$  ad  $\frac{mb+nc}{b+c}$ . Unde est  $G$  ad  $F$ , id est angulus  $VCp$  ad angulum

$VCp$ , ut  $1$  ad  $\sqrt{\frac{mb+nc}{b+c}}$ . Et propterea cum angulus  $VCp$  inter  
 Apfidem summam & Apfidem imam in Ellipfi immobili sit  $180^{\circ}$  gr.  
 erit angulus  $VCp$  inter easdem Apfides, in Orbe quem corpus vi  
 centripeta quantitati  $\frac{bA^m + cA^n}{Acub.}$  proportionali describit, æqua-  
 lis angulo graduum  $180 \sqrt{\frac{b+c}{mb+nc}}$ . Et eodem argumento si vis cen-  
 tripeta sit ut  $\frac{bA^m - cA^n}{Acub.}$ , angulus inter Apfides invenietur graduum

$180 \sqrt{\frac{b-c}{mb-nc}}$ . Nec secus resolvetur Problema in casibus diffi-  
 ciliores. Quantitas cui vis centripeta proportionalis est, re-  
 solvi semper debet in Series convergentes denominatorem ha-  
 bentes  $Acub.$ . Dein pars data numeratoris qui ex illa operatione  
 provenit ad ipsius partem alteram non datam, & pars data nu-  
 meratoris hujus  $RGG - RFF + TFF - FFX$  ad ipsius partem  
 alteram non datam in eadem ratione ponendæ sunt: Et quantitates  
 superfluas delendo, scribendoque Unitatem pro  $T$ , obtinebitur  
 proportio  $G$  ad  $F$ .

*Corol. 1.* Hinc si vis centripeta sit ut aliqua altitudinis digni-  
 tas, inveniri potest dignitas illa ex motu Apfidum; & contra.  
 Nimirum si motus totus angularis, quo corpus redit ad Apfidem  
 eandem, sit ad motum angularem revolutionis unius, seu graduum  
 $360$ , ut numerus aliquis  $m$  ad numerum alium  $n$ , & altitudo no-  
 minetur  $A$ : erit vis ut altitudinis dignitas illa  $A^{\frac{n}{m}} - 3$ , cujus In-  
 dex

DE MOTU  
CORPORUM

dex est  $\frac{nn}{mm} - 3$ . Id quod per Exempla secunda manifestum est.

Unde liquet vim illam in majore quam triplicata altitudinis ratione, in recessu a centro, decrefcere non posse: Corpus tali vi revolvens deque Apfide difcedens, si experit descendere nunquam perveniet ad Apfidem imam seu altitudinem minimam, sed descendet usque ad centrum, describens Curvam illam lineam de qua egimus in Cor. 3. Prop. XL1. Sin experit illud, de Apfide difcedens, vel minimum ascendere; ascendet in infinitum, neque unquam perveniet ad Apfidem summam. Describet enim Curvam illam lineam de qua actum est in eodem Corol. & in Corol. 6, Prop. XLIV. Sic & ubi vis, in recessu a centro, decrefcit in majore quam triplicata ratione altitudinis, corpus de Apfide difcedens, perinde ut experit descendere vel ascendere, vel descendet ad centrum usque vel ascendet in infinitum. At si vis, in recessu a centro, vel decrefcit in minore quam triplicata ratione altitudinis, vel crescat in altitudinis ratione quacunque; corpus nunquam descendet ad centrum usque, sed ad Apfidem imam aliquando perveniet: & contra, si corpus de Apfide ad Apfidem alternis vicibus descendens & ascendens nunquam appellat ad centrum; vis in recessu a centro aut augebitur, aut in minore quam triplicata altitudinis ratione decrefcet: & quo citius corpus de Apfide ad Apfidem redierit, eo longius ratio virium recedet a ratione illa triplicata. Ut si corpus revolutionibus 8 vel 4 vel 2 vel  $1\frac{1}{2}$  de Apfide summa ad Apfidem summam alterno descensu & ascensu redierit; hoc est, si fuerit  $m$  ad  $n$  ut 8 vel 4 vel 2 vel  $1\frac{1}{2}$  ad 1, adeoque  $\frac{nn}{mm} - 3$  valeat  $\frac{1}{4} - 3$  vel  $\frac{1}{6} - 3$  vel  $\frac{1}{8} - 3$

vel  $\frac{5}{8} - 3$ : erit vis ut  $A^{\frac{1}{4}-3}$  vel  $A^{\frac{1}{6}-3}$  vel  $A^{\frac{1}{8}-3}$  vel  $A^{\frac{5}{8}-3}$ , id est, reciproce ut  $A^{3-\frac{1}{4}}$  vel  $A^{3-\frac{1}{6}}$  vel  $A^{3-\frac{1}{8}}$  vel  $A^{3-\frac{5}{8}}$ .

Si corpus singulis revolutionibus redierit ad Apfidem eandem immotam; erit  $m$  ad  $n$  ut 1 ad 1, adeoque  $A^{\frac{nn}{mm}-3}$  æqualis  $A^{-2}$  seu  $\frac{1}{AA}$ ;

& propterea decrementum virium in ratione duplicata altitudinis, ut in præcedentibus demonstratum est. Si corpus partibus revolutionis unius vel tribus quartis, vel duabus tertiis, vel una tertia, vel una quarta, ad Apfidem eandem redierit; erit  $m$  ad  $n$  ut  $\frac{1}{4}$  vel  $\frac{2}{3}$  vel  $\frac{1}{3}$  vel  $\frac{1}{4}$  ad 1, adeoque  $A^{\frac{nn}{mm}-3}$  æqualis  $A^{\frac{1}{4}-3}$  vel  $A^{\frac{2}{3}-3}$  vel  $A^{\frac{1}{3}-3}$  vel  $A^{\frac{1}{4}-3}$ , & propterea vis aut reciproce ut  $A^{\frac{3}{4}}$

$A^{11}$  vel  $A^4$ , aut directe ut  $A^6$  vel  $A^{13}$ . Denique si corpus pergendo ab Apside summa ad Apsidem summam confecerit revolutionem integram, & præterea gradus tres, adeoque Apfis illa singulis corporis revolutionibus confecerit in consequentia gradus tres, erit  $m$  ad  $n$  ut 363 gr. ad 360 gr. sive ut 121 ad 120, adeoque  $A^{\frac{nn}{mm}-3}$  erit æquale  $A^{\frac{29121}{14641}}$ , & propterea vis centripeta reciproce ut  $A^{\frac{29121}{14641}}$  seu reciproce ut  $A^{2\frac{4}{141}}$  proxime. Decrescit igitur vis centripeta in ratione paulo majore quam duplicata, sed quæ vicibus 59½ propius ad duplicatam quam ad triplicatam accedit.

*Corol. 2.* Hinc etiam si corpus, vi centripeta quæ sit reciproce ut quadratum altitudinis, revolvatur in Ellipsi umbilicum habente in centro virium, & huic vi centripetæ addatur vel auferatur vis alia quævis extranea; cognosci potest (per Exempla tertia) motus Apfidum qui ex vi illa extranea oriatur: & contra. Ut si vis qua corpus revolvitur in Ellipsi sit ut  $\frac{1}{AA}$ , & vis extranea ab lata ut  $cA$ , adeoque vis reliqua ut  $\frac{A-cA^2}{A^3 cub.}$ , erit (in Exemplis tertijs)  $b$  æqualis 1,  $m$  æqualis 1,  $n$  æqualis 4, adeoque angulus revolutionis inter Apfides æqualis angulo graduum  $180 \sqrt{\frac{1-c}{1-4c}}$ . Ponatur vim illam extraneam esse 357,45 partibus minorem quam vis altera qua corpus revolvitur in Ellipsi, id est  $c$  esse  $\frac{100}{11143}$ , existente  $A$  vel  $T$  æquali 1; &  $180 \sqrt{\frac{1-c}{1-4c}}$  evadet  $180 \sqrt{\frac{31643}{33343}}$ , seu 180,7623, id est, 180 gr. 45 m. 44 f. Igitur corpus de Apside summa discedens, motu angulari 180 gr. 45 m. 44. f. perveniet ad Apsidem imam, & hoc motu duplicato ad Apsidem summam redibit: adeoque Apfis summa singulis revolutionibus progrediendo conficiet 1 gr. 31 m. 28 sec.

Hætenus de Motu corporum in Orbibus quorum plana per centrum Virium transeunt. Superest ut Motus etiam determinemus in planis excentricis. Nam Scriptores qui Motum gravium tractant, considerare solent ascensus & descensus ponderum, tam obliquos in planis quibuscunque datis, quam perpendiculares: & pari jure Motus corporum Viribus quibuscunque ten-

tra petentium, & planis excentricis innitentium hic considerandus venit. Plana autem supponimus esse politissima & absolute lubrica ne corpora retardent. Quinimo, in his demonstrationibus, vice planorum quibus corpora incumbunt quæque tangunt incumbendo, usurpamus plana his parallela, in quibus centra corporum moventur & Orbitas movendo describunt. Et eadem lege Motus corporum in superficiebus Curvis peractos subinde determinamus.

## SECTIONO X.

*De Motu Corporum in Superficiebus datis, deque Funipendulorum Motu reciproco.*

### PROPOSITIO XLVI. PROBLEMA XXXII.

*Posita cujuscunque generis Vi centripeta, datoque tum Virium centro tum Plano quocunque in quo corpus revolvitur, & concessis Figurarum curvilinearum quadraturis: requiritur Motus corporis de loco dato, data cum Velocitate, secundum rectam in Plano illo datam egressi.*

Sit  $S$  centrum Virium,  $SC$  distantia minima centri hujus a Plano dato,  $P$  corpus de loco  $P$  secundum rectam  $PZ$  egrediens,  $Q$  corpus idem in Trajectoria sua revolvens, &  $PQ$  Trajectoria illa, in Plano dato descripta, quam invenire oportet. Jungantur  $CQ$ ,  $QS$ , & si in  $QS$  capiatur  $SV$  proportionalis vi centripetæ qua corpus trahitur versus centrum  $S$ , & agatur  $VT$  quæ sit parallela  $CQ$  & occurrat  $SC$  in  $T$ : Vis  $SV$  resolvetur (per Legum Corol. 2.) in vires  $ST$ ,  $TV$ ; quarum  $ST$  trahendo corpus secundum lineam plano perpendicularem, nil mutat motum ejus in hoc plano. Vis autem altera  $TV$ , agendo secundum positionem plani, trahit corpus directe versus punctum  $C$  in plano datum, adeoque facit illud in hoc plano perinde moveri ac si vis  $ST$  tolleretur, & corpus vi sola  $TV$  revolveretur circa centrum  $C$  in spatio libero. Data autem

vi





æqualibus, vel describent Ellipses in plano illo circa centrum  $C$ , vel periodos movendi ultro citroque in lineis rectis per centrum  $C$  in plano illo ductis, complebunt.  $\text{Q. E. D.}$

*Scholium.*

His affines sunt ascensus ac descensus corporum in superficiebus curvis. Concepe lineas curvas in plano describi, dein circa axes quosvis datos per centrum Virium transeuntes revolvi, & ea revolutione superficies curvas describere; tum corpora ita moveri ut eorum centra in his superficiebus perpetuo reperiantur. Si corpora illa oblique ascendendo & descendendo currant ultro citroque peragentur eorum motus in planis per axem transeuntibus, atque adeo in lineis curvis quarum revolutione curvæ illæ superficies genitæ sunt. Istis igitur in casibus sufficit motum in his lineis curvis considerare.

PROPOSITIO XLVIII. THEOREMA XVI.


*Si Rota Globo extrinsecus ad angulos rectos insistat, & more rotarum revolvendo progrediatur in circulo maximo; longitudo Itineris curvilinei, quod punctum quodvis in Rotæ perimetro datum, ex quo Globum tetigit, confecit, (quodque Cycloidem vel Epicycloidem nominare licet) erit ad duplicatum finum versus arcus dimidiæ qui Globum ex eo tempore inter eundem tetigit, ut summa diametrorum Globi & Rotæ ad semidiametrum Globi.*

PROPOSITIO XLIX. THEOREMA XVII.

*Si Rota Globo concavo ad rectos angulos intrinsecus insistat & revolvendo progrediatur in circulo maximo; longitudo Itineris curvilinei quod punctum quodvis in Rotæ perimetro datum, ex quo Globum tetigit, confecit, erit ad duplicatum finum versus arcus dimidiæ qui Globum toto hoc tempore inter eundem tetigit, ut differentia diametrorum Globi & Rotæ ad semidiametrum Globi.*

Sit

Sit  $ABL$  Globus,  $C$  centrum ejus,  $BPV$  Rota ei insistent,  $E$  centrum Rotæ,  $B$  punctum contactus, &  $P$  punctum datum in perimetro Rotæ. Concipe hanc Rotam pergere in circulo maximo  $ABL$  ab  $A$  per  $B$  versus  $L$ , & inter eundem ita revolvi ut arcus  $AB$ ,  $PB$  sibi invicem semper æquantur, atque punctum illud  $P$  in perimetro Rotæ datum interea describere Viam curvilineam  $AP$ . Sit autem  $AP$  Via tota curvilinea descripta ex quo Rota Globum tetigit in  $A$ , & erit Viæ hujus longitudo  $AP$  ad duplum




finum versum arcus  $\frac{1}{2} PB$ , ut  $2 CE$  ad  $CB$ . Nam recta  $CE$  (si opus est producta) occurrat Rotæ in  $V$ , junganturque  $CP$ ,  $BP$ ,  $EP$ ,  $VP$ , & in  $CP$  productam demittatur normalis  $VF$ . Tangant  $PH$ ,  $VH$  Circulum in  $P$  &  $V$  concurrentes in  $H$ , secetque  $PH$  ipsam  $VF$  in  $G$ , & ad  $VP$  demittantur normales  $GL$ ,  $HK$ . Centro

DE MOTU  
CORPORUM

Centro item  $C$  & intervallo quovis describatur circulus  $nom$  secans rectam  $CP$  in  $n$ , Rotæ perimetrum  $Bp$  in  $o$ , & Viam curvilineam  $AP$  in  $m$ , centroque  $V$  & intervallo  $Vo$  describatur circulus secans  $VP$  productam in  $q$ .

Quoniam Rota eundo semper revolvitur circa punctum contactus  $B$ , manifestum est quod recta  $BP$  perpendicularis est ad



lineam illam curvam  $AP$  quam Rotæ punctum  $P$  describit, atque adeo quod recta  $VP$  tanget hanc curvam in puncto  $P$ . Circuli  $nom$  radius sensim auctus vel diminutus æquetur tandem distantie  $CP$ ; &, ob similitudinem Figuræ evanescentis  $Pnomq$  & Figuræ  $PFGL$ , ratio ultima linearum evanescentium  $Pm, Pn, Po, Pq$ , id

id est, ratio mutationum momentanearum curvæ  $AP$ , rectæ  $CP$ , arcus circularis  $BP$ , ac rectæ  $VP$ , eadem erit quæ linearum  $PV$ ,  $PF$ ,  $PG$ ,  $PI$  respective. Cum autem  $VF$  ad  $CF$  &  $VH$  ad  $CV$  perpendiculares sunt, angulique  $HVG$ ,  $VCV$  propterea æquales, & angulus  $VHG$  (ob angulos quadrilateri  $HVEP$  ad  $V$  &  $P$  rectos) angulo  $CEP$  æqualis est, similia erunt triangula  $VHG$ ,  $CEP$ , & inde fiet ut  $EP$  ad  $CE$  ita  $HG$  ad  $HV$  seu  $HP$  & ita  $KI$  ad  $KP$ , & compositæ vel divisim ut  $CB$  ad  $CE$  ita  $PI$  ad  $PK$ , & duplicatis consequentibus ut  $CB$  ad 2  $CE$  ita  $PI$  ad  $PV$ , atque ita adeo  $Pq$  ad  $Pm$ . Est igitur decrementum linearæ  $VP$ , id est, incrementum linearæ  $BV - VP$  ad incrementum linearæ curvæ  $AP$  in data ratione  $CB$  ad 2  $CE$ , & propterea (per Corol. Lem. 1v.) longitudines  $BV - VP$  &  $AP$ , incrementis illis genitæ, sunt in eadem ratione. Sed, existente  $BV$  radio, est  $VP$  co-sinus anguli  $BVP$  seu  $\frac{1}{2} BEP$ , adeoque  $BV - VP$  sinus versus ejusdem anguli, & propterea in hac Rota, cujus radius est  $\frac{1}{2} BV$ , erit  $BV - VP$  duplus sinus versus arcus  $\frac{1}{2} BP$ . Ergo  $AP$  est ad duplum sinum versus arcus  $\frac{1}{2} BP$  ut 2  $CE$  ad  $CB$ . *Q. E. D.*

Lineam autem  $AP$  in Propositione priore Cycloidem extra Globum, alteram in posteriore Cycloidem intra Globum distinctionis gratia nominabimus.

*Corol. 1.* Hinc si describatur Cyclois integra  $ASL$  & bisecetur ea in  $S$ , erit longitudo partis  $PS$  ad longitudinem  $VP$  (quæ duplus est sinus anguli  $VBP$ , existente  $EB$  radio) ut 2  $CE$  ad  $CB$ , atque adeo in ratione data.

*Corol. 2.* Et longitudo semiperimetri Cycloidis  $AS$  æquabitur linearæ rectæ quæ est ad Rotæ diametrum  $BV$ , ut 2  $CE$  ad  $CB$ .

## PROPOSITIO L. PROBLEMA XXXIII.

*Facere ut Corpus pendulum oscilletur in Cycloide data.*


Intra Globum  $QVS$ , centro  $C$  descriptum, detur Cyclois  $QRS$  bisecta in  $R$  & punctis suis extremis  $Q$  &  $S$  superficiei Globi hinc inde occurrens. Agatur  $CR$  bisecans arcum  $QS$  in  $O$ , & producat eam ad  $A$ , ut sit  $CA$  ad  $CO$  ut  $CO$  ad  $CR$ . Centro  $C$  intervallo

T

tervallo

DE MOTU  
CORPORUM

tervallo  $CA$  describatur Globus exterior  $ABD$ , & intra hunc Globum a Rota, cujus diameter sit  $AO$ , describantur duæ Semicycloides  $AQ, AS$ , quæ Globum interiorem tangent in  $Q$  &  $S$  & Globo exteriori occurrant in  $A$ . A puncto illo  $A$ , Filo  $APT$  longitudinem  $AR$  æquante, pendeat corpus  $T$ , & ita intra Semicycloides  $AQ, AS$  oscilletur, ut quoties pendulum digreditur a perpendiculari  $AR$ ,



Filum parte sui superiore  $AP$  applicetur ad Semicycloidem illam  $APS$  versus quam peragitur motus, & circum eam ceu obstaculum flectatur, partemque reliqua  $PT$  cui Semicyclois nondum obijciatur, protendatur in lineam rectam, & pondus  $T$  oscillabitur in Cycloide data  $QRS$ .  $Q. E. F.$

Occurrat enim Filum  $PT$  tum Cycloidi  $QRS$  in  $T$ , tum circulo  $QOS$  in  $V$ , agaturque  $CV$ , & ad Fili partem rectam  $PT$ , e punctis extremis  $P$  ac  $T$ , erigantur perpendiculara  $PB, TW$ , occurrentia rectæ  $CV$  in  $B$  &  $W$ . Pater, ex constructione & genesi similium Figurarum  $AS, SR$ , perpendiculara illa  $PB, TW$  abscindere de  $CV$  longitudines  $VB, VW$  Rotarum diametris  $OA, OR$  æquales. Est igitur  $TP$  ad  $VP$  (duplum sinum anguli  $VBP$  existente  $\frac{1}{2} BV$  radio)

dio) ut  $BW$  ad  $BV$ , seu  $AO + OR$  ad  $AO$ , id est (cum sint  $CA$  ad  $CO$ ,  $CO$  ad  $CR$  & divisim  $AO$  ad  $OR$  proportionales,) ut  $CA + CO$  ad  $CA$  vel, si bisecetur  $BV$  in  $E$ , ut  $2CE$  ad  $CB$ . Proinde, per Corol. 1. Prop. XLIX, longitudo partis rectæ Fili  $PT$  æquatur semper Cycloidis arcui  $PS$ , & Filum totum  $APT$  æquatur semper Cycloidis arcui dimidio  $APS$ , hoc est (per Corol. 2. Prop. XLIX) longitudini  $AR$ . Et propterea vicissim si Filum manet semper æquale longitudini  $AR$  movebitur punctum  $T$  in Cycloide data  $QRS$ .  $Q. E. D.$

*Corol.* Filum  $AR$  æquatur Semicycloidi  $AS$ , adeoque ad semidiametrum  $AC$  eandem habet rationem quam similis illi Semicyclois  $SR$  habet ad semidiametrum  $CO$ .

## PROPOSITIO LI. THEOREMA XVIII.

*Si Vis centripeta tendens undique ad Globi centrum C sit in locis singulis ut distantia loci cujusque a centro, & hac sola Vi agente corpus T oscilletur (modo jam descripto) in perimetro Cycloidis QRS: dico quod oscillationum utcumque inæqualium equalia erunt Tempora.*

Nam in Cycloidis tangentem  $TW$  infinite productam cadat perpendicularum  $CX$  & jungatur  $CT$ . Quoniam vis centripeta qua corpus  $T$  impellitur versus  $C$  est ut distantia  $CT$ , atque hæc (per Legum Corol. 2.) resolvitur in partes  $CX$ ,  $TX$ , quarum  $CX$  impellendo corpus directe a  $P$  distendit filum  $PT$  & per ejus resistantiam tota cessat, nullum alium edens effectum; pars autem altera  $TX$ , urgendo corpus transversim seu versus  $X$ , directe accelerat motum ejus in Cycloide; manifestum est quod corporis acceleratio, huic vi acceleratrici proportionalis, sit singulis momentis ut longitudo  $TX$ , id est, (ob datas  $CV$ ,  $WV$  iisque proportionales  $TX$ ,  $TW$ ;) ut longitudo  $TW$ , hoc est (per Corol. 1. Prop. XLIX,) ut longitudo arcus Cycloidis  $TR$ . Pendulis igitur duobus  $APT$ ,  $Apt$  de perpendicularo  $AR$  inæqualiter deductis & simul dimissis, accelerationes eorum semper erunt ut arcus describendi  $TR$ ,  $tR$ . Sunt autem partes sub initio descriptæ ut accelerationes, hoc est, ut totæ sub initio describendæ, & propterea partes quæ manent describen-

da & accelerationes subsequentes, his partibus proportionales, sunt etiam ut totæ; & sic deinceps. Sunt igitur accelerationes atque adeo velocitates genitæ & partes his velocitatibus descriptæ partesque describendæ, semper ut totæ; & propterea partes describendæ datam servant rationem ad invicem simul evanescent, id est, corpora duo oscillantia simul pervenient ad perpendicularum  $AR$ . Cumque vicissim ascensus perpendicularorum de loco infimo  $R$ , per eosdem arcus Cycloides motu retrogrado facti, retardentur in locis singulis a viribus iisdem a quibus descensus accelerabantur, patet velocitates ascensuum ac descensuum per eosdem arcus factorum æquales esse, atque adeo temporibus æqualibus fieri; & propterea, cum Cycloidis partes duæ  $RS$  &  $RQ$  ad utrumque perpendiculari latus jacentes sint similes & æquales, pendula duo oscillationes suas tam totas quam dimidias iisdem temporibus semper peragent.  $Q. E. D.$

*Corol.* Vis qua corpus  $T$  in loco quovis  $T$  acceleratur vel retardatur in Cycloide, est ad totum corporis ejusdem Pondus in loco altissimo  $S$  vel  $Q$ , ut Cycloidis arcus  $TR$  ad ejusdem arcum  $SR$  vel  $QR$ .

## PROPOSITIO LII. PROBLEMA XXXIV.


*Definire & Velocitates Pendulorum in locis singulis, & Tempora quibus tum oscillationes totæ, tum singulæ oscillationum partes peraguntur.*

Centro quovis  $G$ , intervallo  $GH$  Cycloidis arcum  $RS$  æquante, describe semicirculum  $HKMG$  semidiametro  $GK$  bisectum. Et si vis centripeta, distantis locorum a centro proportionalis, tendat ad centrum  $G$ , sitque ea in perimetro  $HIK$  æqualis vi centripetæ in perimetro Globi  $QOS$  (*Vide Fig. Prop. L.*) ad ipsius centrum tendenti; & eodem tempore quo pendulum  $T$  dimittitur e loco supremo  $S$ , cadat corpus aliquod  $L$  ab  $H$  ad  $G$ ; quoniam vires quibus corpora urgentur sunt æquales sub initio & spatiis describendis  $TR$ ,  $LG$  semper proportionales, atque adeo, si æquantur  $TR$  &  $LG$ , æquales in locis  $T$  &  $L$ ; patet corpora illa describere spatia  $ST$ ,  $HL$  æqualia sub initio, adeoque subinde pergere æqualiter urgeri, & æqualia spatia describere. Quare, per Prop. xxxviii, tempus quo corpus describit arcum  $ST$  est ad tempus oscil-



oscillationis unius, ut arcus  $HI$  (tempus quo corpus  $H$  perveniet ad  $L$ ) ad semiperipheriam  $HKM$  (tempus quo corpus  $H$  perveniet ad  $M$ .) Et velocitas corporis penduli in loco  $T$  est ad velocitatem ipsius in loco infimo  $R$ , (hoc est, velocitas corporis  $H$  in loco  $L$  ad velocitatem ejus in loco  $G$ , seu incrementum momentaneum lineæ  $HL$  ad incrementum momentaneum lineæ  $LG$ , arcubus  $HI$ ,  $HK$  æquabili fluxu crescentibus) ut ordinatim applicata  $LI$  ad radium  $GK$ , sive ut  $\sqrt{SRq. - TRq.}$  ad  $SR$ . Unde cum, in oscillationibus inæqualibus, describantur æqualibus temporibus arcus totis oscillationum arcubus proportionales, habentur, ex datis temporibus, & velocitates & arcus descripti in oscillationibus universis. Quæ erant primo inveniendæ.

Oscillantur jam Funipendula corpora in Cycloidibus diversis intra Globos diversos, quorum diversæ sunt etiam Vires absolutæ, descriptis: & si Vis absoluta Globi cujusvis  $QOS$  dicatur  $V$ , Vis acceleratrix qua Pendulū urge-  
tur in circumferentia hujus Globi, ubi incipit directe versus centrum ejus moveri, erit ut distantia Cor-



poris penduli a centro illo & Vis absoluta Globi conjunctim, hoc est, ut  $CO \times V$ . Itaque lincola  $HT$ , quæ fit ut hæc Vis acceleratrix  $CO \times V$ , describetur dato tempore; & si erigatur normalis  $TZ$  circumferentiæ occurrens in  $Z$ , arcus nascens  $HZ$  denotabit datum illud tempus. Est autem arcus hic nascens  $HZ$  in subduplicata ratione rectanguli  $GHT$ , adeoque ut  $\sqrt{GH \times CO \times V}$ . Unde Tempus oscillationis integræ in Cycloide  $QOS$  (cum sit ut semiperipheria  $HKM$ , quæ oscillationem illam integram denotat, directe, utque arcus  $HZ$ , qui datum tempus similiter denotat, inverse) fiet ut  $GH$  directe &  $\sqrt{GH \times CO \times V}$  inverse, hoc est, ob æquales  $GH$  &  $SK$ , ut  $\sqrt{\frac{SR}{CO \times V}}$ , sive (per Corol. Prop. 1.) ut  $\sqrt{\frac{AR}{AC \times V}}$ .

Itaque Oscillationes in Globis & Cycloidibus omnibus, quibuscunque cum Viribus absolutis factæ, sunt in ratione quæ componitur ex subduplicata ratione longitudinis Fili directe, & subduplicata ratione distantie inter punctum suspensionis & centrum Globi

Globi inverſe, & ſubduplicata ratione Viſ abſolutæ Globi etiam inverſe. *Q. E. I.*

*Corol. 1.* Hinc etiam Oſcillantium, Cadentium & Revolventium corporum tempora poſſunt inter ſe conferri. Nam ſi Rotæ, qua Cyclois intra globum deſcribitur, diameter conſtituatur æqualis ſemidiametro globi, Cyclois evadet Linea recta per centrum-globi tranſiens, & Oſcillatio jam erit deſcenſus & ſubſequens aſcenſus in hac recta. Unde datur tum tempus deſcenſus de loco quovis ad centrum, tum tempus huic æquale quo corpus uniformiter circa centrum globi ad diſtantiam quamvis revolvens arcum quadrantalem deſcribit. Eſt enim hoc tempus (per Caſum ſecundum) ad tempus ſemioſcillationis in Cycloide quavis *QRS* ut

$$1 \text{ ad } \sqrt{\frac{AR}{AC}}.$$

*Corol. 2.* Hinc etiam conſectantur quæ *Wrennus* & *Hugenius* de Cycloide vulgari adinvenerunt. Nam ſi Globi diameter augeatur in infinitum: mutabitur ejus ſuperficies ſphærica in planum, Viſque centripeta aget uniformiter ſecundum lineas huic plano perpendiculares, & Cyclois noſtra abibit in Cycloidem vulgi. Iſto autem in caſu longitudo arcus Cycloidis, inter planum illud & punctum deſcribens, æqualis evadet quadruplicato ſinui verſo dimidii arcus Rotæ inter idem planum & punctum deſcribens, ut invenit *Wrennus*: Et Pendulum inter duas ejuſmodi Cycloides in ſimili & æquali Cycloide temporibus æqualibus Oſcillabitur, ut demonſtravit *Hugenius*. Sed & Deſcenſus gravium, tempore Oſcillationis unius, is erit quem *Hugenius* indicavit.


Aptantur autem Propositiones a nobis demonſtratæ ad veram conſtitutionem Terræ, quatenus Rotæ eundo in ejus circulis maximis deſcribunt motu Clavorum, perimetris ſuis infixorum, Cycloides extra globum; & Pendula inferius in fodinis & cavernis Terræ ſuſpenſa, in Cycloidibus intra globos Oſcillari debent, ut Oſcillationes omnes evadant Iſochronæ. Nam Gravitās (ut in Libro tertio docebitur) decreſcit in progreſſu a ſuperficie Terræ, ſuſum quidem in duplicata ratione diſtantiarum a centro ejus, deorſum vero in ratione ſimplici.

PROPO-

## PROPOSITIO LIII. PROBLEMA XXXV.

*Concessis Figurarum curvilinearum quadraturis, invenire Vires quibus corpora in datis curvis lineis Oscillationes semper Isochronas peragent.*

Oscilletur corpus  $T$  in curva quavis linea  $STRQ$ , cujus axis sit  $OR$  transiens per virium centrum  $C$ . Agatur  $TX$  quæ curvam illam in corporis loco quovis  $T$  contingat, inque hac tangente  $TX$



capiatur  $TT$  æqualis arcui  $TR$ . Nam longitudo arcus illius ex Figurarum quadraturis (per Methodos vulgares) innotescit. De puncto  $T$  educatur recta  $TZ$  tangenti perpendicularis. Agatur  $CT$  perpendiculari illi occurrens in  $Z$ , & erit Vis centripeta proportionalis rectæ  $TZ$ .  $Q. E. I.$

Nam

DE MOTU  
CORPORUM

Nam si vis, qua corpus trahitur de  $T$  versus  $C$ , exponatur per rectam  $TZ$  captam ipsi proportionalem, resolvetur hæc in vires  $TT$ ,  $TZ$ ; quarum  $TZ$  trahendo corpus secundum longitudinem Fili  $PT$ , motum ejus nil mutat, vis autem altera  $TT$  motum ejus in curva  $STRQ$  directe accelerat vel directe retardat. Proinde cum hæc sit ut via describenda  $TR$ , accelerationes corporis vel retardationes in Oscillationum duarum (majoris & minoris) partibus proportionalibus describendis, erunt semper ut partes illæ, & propterea facient ut partes illæ simul describantur. Corpora autem quæ partes totis semper proportionales simul describunt, simul describent totas.  $Q. E. D.$

*Corol. 1.* Hinc si corpus  $T$  Filo rectilineo  $AT$  a centro  $A$  pendens, describat arcum circulem  $STRQ$ , & interea urgeatur secundum lineas parallelas deorsum a vi aliqua, quæ sit ad vim uniformem Gravitatis, ut arcus  $TR$  ad ejus sinum  $TN$ : æqualia erunt Oscillationum singularum tempora. Etenim ob parallelas  $TZ$ ,  $AR$ , similia erunt triangula  $ATN$ ,  $ZTT$ ; & propterea  $TZ$  erit ad  $AT$  ut  $TT$  ad  $TN$ ; hoc est, (si Gravitatis vis uniformis exponatur per longitudinem datam  $AT$ ) vis  $TZ$ , qua Oscillationes evadent Isochronæ, erit ad vim Gravitatis  $AT$ , ut arcus  $TR$  ipsi  $TT$  æqualis ad arcus illius sinum  $TN$ .

*Corol. 2.* Igitur in Horologiis, si vires a Machina in Pendulum ad motum conservandum impressæ ita cum vi Gravitatis componi possint, ut vis tota deorsum semper sit ut linea quæ oritur applicando rectangulum sub arcu  $TR$  & radio  $AR$  ad sinum  $TN$ , Oscillationes omnes erunt Isochronæ.

## PROPOSITIO LIV. PROBLEMA XXXVI.

*Concessis Figurarum curvilinearum quadraturis, invenire Tempora quibus corpora Vi qualibet centripeta in lineis quibuscunque curvis, in plano per centrum Virium transeunte descriptis, descendant & ascendant.*

Descendat corpus de loco quovis  $S$  per lineam quamvis curvam  $SttR$ , in plano per virium centrum  $C$  transeunte datam. Jungatur  $CS$  & dividatur eadem in partes innumeras æquales, sitque  $Dd$  partium



DE MOTU  
CORPORUM

a superficie, proportiona-  
lis;  $PHTF$  recta axi  
parallela per corpus tran-  
siens, &  $GF$ ,  $IH$  rectæ  
a punctis  $G$  &  $I$  in pa-  
rallalam illam  $PHTF$   
perpendiculariter demis-  
sæ. Dico jam quod area  
 $AOP$ , radio  $OP$  ab ini-  
tío motus descripta, sit  
tempori proportionalis.  
Nam vis  $TG$  (per Le-  
gum Corol. 2.) resolvitur  
in vires  $TF$ ,  $FG$ ; & vis  
 $TI$  in vires  $TH$ ,  $HI$ :  
Vires autem  $TF$ ,  $TH$   
agendo secundum lineam  
 $PF$  plano  $AOP$  per-  
pendicularem mutant so-  
lummodo motum cor-  
poris quatenus huic plano perpendicularem.


Ideoque motus ejus  
quatenus secundum positionem plani factus, hoc est, motus pun-  
cti  $P$  quo Trajectoriæ vestigium  $AP$  in hoc plano descri-  
bitur, idem est ac si vires  $TF$ ,  $TH$  tollerentur, & corpus solis vi-  
ribus  $FG$ ,  $HI$  ageretur, hoc est, idem ac si corpus in plano  
 $AOP$ , vi centripeta ad centrum  $O$  tendente & summam virium  
 $FG$  &  $HI$  æquante, describeret curvam  $AP$ . Sed vi tali describi-  
tur area  $AOP$  (per Prop. 1.) tempori proportionalis. *Q. E. D.*

*Corol.* Eodem argumento si corpus a viribus agitarum ad centra  
duo vel plura in eadem quavis recta  $CO$  data tendentibus, descri-  
beret in spatio libero lineam quamcunque curvam  $ST$ ; foret area  
 $AOP$  tempori semper proportionalis.

## PROPOSITIO LVI. PROBLEMA XXXVII.

*Concessis Figurarum curvilinearum quadraturis, datisque tum lege  
Vis centripetæ ad centrum datum tendentis, tum superficie cur-  
va cujus axis per centrum illud transit; inveniendæ est Traje-  
ctoria quam corpus in eadem superficie describet, de loco dato, data  
cum Velocitate, versus plagam in superficie illa datam egressum.*

Stanti-



Stantibus quæ in superiore Propositione constructa sunt, excut corpus de loco  $S$  in Trajectoriam inveniendam  $STtR$ , & ex data ejus velocitate in altitudine  $SC$ , dabitur ejus velocitas in alia quavis altitudine  $TC$ . Ea cum velocitate, dato tempore quam minimo, describat corpus Trajectoriæ suæ particulam  $Tt$ , sitque  $Pp$  vestigium ejus in plano  $AOP$  descriptum. Jungatur  $Op$ , & Circelli centro  $T$  intervallo  $Tt$  in superficie curva descripti sit  $PpQ$  vestigium Ellipticum in eodem plano  $OAPp$  descriptum. Et ob datum magnitudine & positione Circellum, dabitur Ellipsis illa  $PpQ$ . Cumque area  $POp$  sit tempori proportionalis, atque adeo ex dato tempore detur, dabitur  $Op$  positione, & inde dabitur communis ejus & Ellipseos intersectio  $p$ , una cum angulo  $OPp$ , in quo Trajectoriæ vestigium  $APp$  secat lineam  $OP$ . Inde autem inveniatur Trajectoriæ vestigium illud  $APp$ , eadem methodo qua curva linea  $VIKk$ , in Propositione  $XL1$ , ex similibus datis inventa fuit. Tum ex singulis vestigii punctis  $P$  erigendo ad planum  $AOP$  perpendiculara  $PT$  superficiei curvæ occurrentia in  $T$ , dabuntur singula Trajectoriæ puncta  $T$ . *Q. E. I.*

## SECTIO XI.

### *De Motu Corporum Viribus centripetis se mutuo pesentium.*

Haftenus exposui Motus corporum attractorum ad centrum Immobile, quale tamen vix extat in rerum natura. Attractiones enim fieri solent ad corpora, & corporum trahentium & attractorum actiones semper mutue sunt & æquales, per Legem tertiam: adeo ut neque attrahens possit quiescere neque attractum, si duo sint corpora, sed ambo (per Legum Corollarium quartum) quasi attractione mutua, circum gravitatis centrum commune revolvantur: & si plura sint corpora (quæ vel ab unico attrahantur vel omnia se mutuo attrahant) hæc ita inter se moveri debeant, ut gravitatis centrum commune vel quiescat vel uniformiter moveatur in directum. Qua de causa jam pergo Motum exponere corporum se mutuo trahentium, considerando Vires centripetas tanquam Attractiones, quamvis fortasse, si physice loquamur, verius dicantur Impulsus. In Mathematicis enim jam versamur, & propterea missis disputationibus Physicis, familiari utimur sermone, quo possimus a Lectoribus Mathematicis facilius intelligi.

## PROPOSITIO LVII. THEOREMA XX.


*Corpora duo se invicem trahentia describunt, & circum commune centrum gravitatis, & circum se mutuo, Figuras similes.*

Sunt enim distantie a communi gravitatis centro reciproce proportionales corporibus, atque adeo in data ratione ad invicem, & componendo, in data ratione ad distantiam totam inter corpora. Feruntur autem hæ distantie circum terminos suos communi motu angulari, propterea quod in directum semper jacentes non mutant inclinationem ad se mutuo. Lineæ autem rectæ, quæ sunt in data ratione ad invicem, & æquali motu angulari circum terminos suos feruntur, Figuras circum eisdem terminos (in planis quæ una cum his terminis vel quiescunt vel motu quovis non angulari moventur) describunt omnino similes. Proinde similes sunt Figuræ quæ his distantis circumactis describuntur. *Q. E. D.*

## PROPOSITIO LVIII. THEOREMA XXI.

*Si corpora duo Viribus quibuscumque se mutuo trahunt, & interea revolvuntur circa gravitatis centrum commune: dico quod Figuris, quas corpora sic mota describunt circum se mutuo, potest Figura similis & æqualis, circum corpus alterutrum immotum, Viribus iisdem describi.*

Revolvantur corpora *S, P* circa commune gravitatis centrum *C*, pergendo de *S* ad *T* deque *P* ad *Q*. A dato puncto *s* ipsi



*SP, TQ* æquales & parallelæ ducantur semper *sp, sq*, & Curva *pqv* quam punctum *p*, revolvendo circum punctum immotum *s*, describit,



describit, erit similis & æqualis Curvis quas corpora  $S$ ,  $P$  describunt circum se mutuo: proindeque (per Theor. xx) similis Curvis  $ST$  &  $PQV$ , quas eadem corpora describunt circum commune gravitatis centrum  $C$ : id adeo quia proportionones linearum  $SC$ ,  $CP$  &  $SP$  vel  $sp$  ad invicem dantur.

*Cas. 1.* Commune illud gravitatis centrum  $C$ , per Legum Corollarium quantum, vel quiescit vel movetur uniformiter in directum. Ponamus primo quod id quiescit, inque  $s$  &  $p$  locentur corpora duo, immobile in  $s$ , mobile in  $p$ , corporibus  $S$  &  $P$  similia & æqualia. Dein tangant rectæ  $PR$  &  $pr$  Curvas  $PQ$  &  $pq$  in  $P$  &  $p$ , & producantur  $CQ$  &  $sq$  ad  $R$  &  $r$ . Et, ob similitudinem Figurarum  $CPRQ$ ,  $sprq$ , erit  $RQ$  ad  $rq$  ut  $CP$  ad  $sp$ , adeoque in data ratione. Proinde si vis qua corpus  $P$  versus corpus  $S$ , atque adeo versus centrum intermedium  $C$  attrahitur, esset ad vim qua corpus  $p$  versus centrum  $s$  attrahitur in eadem illa ratione data; hæ vires æqualibus temporibus attraherent semper corpora de tangentibus  $PR$ ,  $pr$  ad arcus  $PQ$ ,  $pq$ , per intervalla ipsis proportionalia  $RQ$ ,  $rq$ ; adeoque vis posterior efficeret ut corpus  $p$  gyraretur in Curva  $pqv$ , quæ similis esset Curvæ  $PQV$ , in qua vis prior efficit ut corpus  $P$  gyretur, & revolutiones iisdem temporibus complerentur. At quoniam vires illæ non sunt ad invicem in ratione  $CP$  ad  $sp$ , sed (ob similitudinem & æqualitatem corporum  $S$  &  $s$ ,  $P$  &  $p$ , & æqualitatem distantiarum  $SP$ ,  $sp$ ) sibi mutuo æquales; corpora æqualibus temporibus æqualiter trahentur de tangentibus: & propterea, ut corpus posterius  $p$  trahatur per intervallum majus  $rq$ , requiritur tempus majus, idque in subduplicata ratione intervallorum; propterea quod (per Lemma decimum) spatia, ipso motus initio descripta, sunt in duplicata ratione temporum. Ponatur igitur velocitas corporis  $p$  esse ad velocitatem corporis  $P$  in subduplicata ratione distantie  $sp$  ad distantiam  $CP$ , eo ut temporibus quæ sint in eadem subduplicata ratione describantur arcus  $pq$ ,  $PQ$ , qui sunt in ratione integra: Et corpora  $P$ ,  $p$  viribus æqualibus semper attracta describent circum centra quiescentia  $C$  &  $s$  Figuras similes  $PQV$ ,  $pqv$ , quarum posterior  $pqv$  similis est & æqualis Figuræ quam corpus  $P$  circum corpus mobile  $S$  describit. *Q. E. D.*

*Cas. 2.* Ponamus jam quod commune gravitatis centrum, una cum spatio in quo corpora moventur inter se, progreditur uniformiter in directum; &, per Legum Corollarium sextum, motus omnes in hoc spatio peragentur ut prius, adeoque corpora descri-

bent

bent circum se mutuo Figuras easdem ac prius, & propterea Figuræ  $pq$  v similes & æquales. Q. E. D.

*Corol. 1.* Hinc corpora duo Viribus distantia suæ proportionalibus se mutuo trahentia, describunt (per Prop. x,) & circum commune gravitatis centrum, & circum se mutuo, Ellipses concentricas: & vice versa, si tales Figuræ describuntur, sunt Vires distantia proportionales.

*Corol. 2.* Et corpora duo Viribus quadrato distantia suæ reciproce proportionalibus describunt (per Prop. xi, xii, xiii) & circum commune gravitatis centrum, & circum se mutuo, Sectiones conicas umbilicum habentes in centro circum quod Figuræ describuntur. Et vice versa, si tales Figuræ describuntur, Vires centripetæ sunt quadrato distantia reciproce proportionales.

*Corol. 3.* Corpora duo quævis circum gravitatis centrum commune gyrantia, radiis & ad centrum illud & ad se mutuo ductis, describunt areas temporibus proportionales.

## PROPOSITIO LIX. THEOREMA XXII.

*Corporum duorum S & P circa commune gravitatis centrum C revolvendum Tempus periodicum esse ad Tempus periodicum corporis alterutrius P, circa alterum immotum S gyrantis & Figuris quæ corpora circum se mutuo describunt Figuram similem & æqualem describentis, in subduplicata ratione corporis alterius S, ad summam corporum S + P.*

Namque, ex demonstratione superioris Propositionis, tempora quibus arcus quivis similes  $PQ$  &  $pq$  describuntur, sunt in subduplicata ratione distantiarum  $CP$  &  $SP$  vel  $sp$ , hoc est, in subduplicata ratione corporis  $S$  ad summam corporum  $S + P$ . Et componendo, summæ temporum quibus arcus omnes similes  $PQ$  &  $pq$  describuntur, hoc est, tempora tota quibus Figuræ totæ similes describuntur, sunt in eadem subduplicata ratione. Q. E. D.

PRO.

## PROPOSITIO LX. THEOREMA XXIII.

*Si corpora duo S & P, Viribus quadrato distantie suæ reciproce proportionalibus se mutuo trahentia, revolvuntur circa gravitatis centrum commune: dico quod Ellipseos, quam corpus alterutrum P hoc motu circa alterum S describit, Axis principalis erit ad Axem principalem Ellipseos, quam corpus idem P circa alterum quiescens S eodem tempore periodico describere posset, ut summa corporum duorum S + P ad primam duarum medie proportionalium inter hanc summam & corpus illud alterum S.*

Nam si descriptæ Ellipses essent sibi invicem æquales, tempora periodica (per Theorema superius) forent in subduplicata ratione corporis S ad summam corporum S + P. Minuatur in hac ratione tempus periodicum in Ellipsi posteriore, & tempora periodica evadent æqualia; Ellipseos autem axis principalis (per Prop. xv.) minuetur in ratione cujus hæc est sesquuplicata, id est in ratione, cujus ratio S ad S + P est triplicata; adeoque erit ad axem principalem Ellipseos alterius, ut prima duarum medie proportionalium inter S + P & S ad S + P. Et inverse, axis principalis Ellipseos circa corpus mobile descriptæ erit ad axem principalem descriptæ circa immobile, ut S + P ad primam duarum medie proportionalium inter S + P & S. Q. E. D.

## PROPOSITIO LXI. THEOREMA XXIV.

*Si corpora duo Viribus quibuscunque se mutuo trahentia, neque alias agitata vel impedita, quomodocunque moveantur; motus eorum perinde se habebunt ac si non traherent se mutuo, sed utrumque a corpore tertio in communi gravitatis centro constituto Viribus iisdem traheretur: Et Virium trahentium eadem erit Lex respectu distantie corporum a centro illo communi atque respectu distantie totius inter corpora.*

Nam vires illæ, quibus corpora se mutuo trahunt, tendendo ad corpora, tendunt ad commune gravitatis centrum intermedium,

dium, adeoque eadem sunt ac si a corpore intermedio manarent. *Q. E. D.*

Et quoniam data est ratio distantiae corporis utriusvis a centro illo communi ad distantiam corporis ejusdem a corpore altero, dabitur ratio-cujusvis potestatis distantiae unius ad eandem potestatem distantiae alterius; ut & ratio quantitatis cujusvis, quæ ex una distantia & quantitativibus datis utcumque derivatur, ad quantitatem aliam, quæ ex altera distantia & quantitativibus totidem datis datamque illam distantiarum rationem ad priores habentibus similiter derivatur. Proinde si vis, qua corpus unum ab altero trahitur, sit directe vel inverse ut distantia corporum ab invicem; vel ut quælibet hujus distantiae potestas; vel denique ut quantitas quævis ex hac distantia & quantitativibus datis quomodocunque derivata: erit eadem vis, qua corpus idem ad commune gravitatis centrum trahitur, directe itidem vel inverse ut corporis attracti distantia a centro illo communi, vel ut eadem distantiae hujus potestas, vel denique ut quantitas ex hac distantia & analogis quantitativibus datis similiter derivata. Hoc est, Vis trahentis eadem erit Lex respectu distantiae utriusque. *Q. E. D.*

#### PROPOSITIO LXII. PROBLEMA XXXVIII.

*Corporum duorum quæ Viribus quadrato distantiae suæ reciproce proportionalibus se mutuo trahunt, ac de locis datis demittuntur, determinare Motus.*

Corpora (per Theorema novissimum) perinde movebuntur ac si a corpore tertio, in communi gravitatis centro constituto, traherentur; & centrum illud ipso motus initio quiescet per Hypothesin; & propterea (per Legum Corol. 4.) semper quiescet. Determinandi sunt igitur motus corporum (per Prob. xxv.) perinde ac si a viribus ad centrum illud tendentibus urgerentur, & habebuntur motus corporum se mutuo trahentium. *Q. E. I.*

#### PROPOSITIO LXIII. PROBLEMA XXXIX.

*Corporum duorum quæ Viribus quadrato distantiae suæ reciproce proportionalibus se mutuo trahunt, deque locis datis, secundum datas rectas, datis cum Velocitatibus exeunt, determinare Motus.*

Ex


Ex datis corporum motibus sub initio, datur uniformis motus centri communis gravitatis, ut & motus spatii quod una cum hoc centro movetur uniformiter in directum, nec non corporum motus initiales respectu hujus spatii. Motus autem subsequentes (per Legum Corollarium quintum, & Theorema novissimum) perinde fiunt in hoc spatio, ac si spatium ipsum una cum communi illo gravitatis centro quiesceret, & corpora non traherent se mutuo, sed a corpore tertio sito in centro illo traherentur. Corporis igitur alterutrius in hoc spatio mobili, de loco dato, secundum datam rectam, data cum velocitate exeuntis, & vi centripeta ad centrum illud tendente correpti, determinandus est motus per Problema nonum & vicissimum sextum: & habebitur simul motus corporis alterius e regione. Cum hoc motu componendus est uniformis ille Systematis spatii & corporum in eo gyrantium motus progressivus supra inventus, & habebitur motus absolutus corporum in spatio immobili. *Q. E. I.*

## PROPOSITIO LXIV. PROBLEMA XL.

*Viribus quibus Corpora se mutuo trahunt crescentibus in simplici variatione distantiarum a centrīs: requiruntur Motus plurimum Corporum inter se.*

Ponantur primo corpora duo *T* & *L* commune habentia gravitatis centrum *D*. Describent hæc (per Corollarium primum Theorematis xxxi) Ellipses centra habentes in *D*, quarum magnitudo ex Problemate v, innotescit.


Trahat jam corpustertium *S* priora duo *T* & *L* viribus acceleratricibus *ST*, *SL*, & ab ipsis vicissim trahatur. Vis *ST* (per Legum Cor. 2.) resolvitur in vires *SD*, *DT*, & vis *SL* in vires *SD*, *DL*. Vires autem *DT*, *DL*, quæ sunt ut ipsarum summa *TL*, atque adeo ut vires acceleratrices quibus corpora *T* & *L* se mutuo trahunt, additæ his viribus corporum *T* & *L*, prior priori & posterior posteriori, componunt vires distantis *DT* ac *DL* proportionales, ut prius, sed



viribus

DE MOTU  
CORPORUM

viribus prioribus majores, adeoque (per Corol. 1. Prop. x. & Corol. 1 & 8. Prop. 1v) efficiunt ut corpora illa describant Ellipses ut prius, sed motu celeriore. Vires reliquæ acceleratrices  $SD$  &  $SD$ , actionibus motricibus  $SD \times T$  &  $SD \times L$ , quæ sunt ut corpora, trahendo corpora illa æqualiter & secundum lineas  $TI$ ,  $LK$ , ipsi  $DS$  parallelas, nil mutant situs eorum ad invicem, sed faciunt ut ipsa æqualiter accedant ad lineam  $IK$ , quam ductam concipe per medium corporis  $S$ , & lineæ  $DS$  perpendicularem. Impedietur autem iste ad lineam  $IK$  accessus faciendo ut Systema corporum  $T$  &  $L$  ex una parte, & corpus  $S$  ex altera, justis cum velocitatibus, gyrentur circa commune gravitatis centrum  $C$ . Tali motu corpus  $S$  (eo quod summa virium motricium  $SD \times T$  &  $SD \times L$ , distantia  $CS$  proportionalium, tendit versus centrum  $C$ ) describit Ellipsin circa idem  $C$ ; & punctum  $D$ , ob proportionales  $CS$ ,  $CD$ , describet Ellipsin consimilem e regione. Corpora autem  $T$  &  $L$  viribus motricibus  $SD \times T$  &  $SD \times L$ , (prius priore, posterius posteriore) æqualiter & secundum lineas parallelas  $TI$  &  $LK$  (ut dictum est) attracta, pergent (per Legum Corollarium quintum & sextum) circa centrum mobile  $D$  Ellipses suas describere, ut prius. *Q. E. I.*



Addatur jam corpus quartum  $V$ , & simili argumento concludetur hoc & punctum  $C$  Ellipses circa omnium commune centrum gravitatis  $B$  describere, manentibus motibus priorum corporum  $T$ ,  $L$  &  $S$  circa centra  $D$  &  $C$ , sed paulo acceleratis. Et eadem methodo corpora plura adjungere licebit. *Q. E. I.*

Hæc ita se habent ubi corpora  $T$  &  $L$  trahunt se mutuo viribus acceleratricibus majoribus vel minoribus quam quibus trahunt corpora reliqua pro ratione distantiarum. Sunt mutue omnium attractiones acceleratrices ad invicem ut distantia ductæ in corpora trahentia, & ex præcedentibus facile deducetur quod corpora omnia æqualibus temporibus periodicis Ellipses varias, circa omnium commune gravitatis centrum  $B$ , in plano immobili describunt. *Q. E. I.*

PRO.

## PROPOSITIO LXV. THEOREMA XXV.

*Corpora plura, quorum Vires decrescunt in duplicata ratione distantiarum ab eorundem centris, moveri posse inter se in Ellipsis; & radiis ad umbilicos ductis areas describere temporibus proportionales quam proxime.*

In Propositione superiore demonstratus est casus ubi motus plures peraguntur in Ellipsis accurate. Quo magis recedit Lex virium a Lege ibi posita, eo magis corpora perturbabunt mutuos motus; neque fieri potest ut corpora, secundum Legem hic positam se mutuo trahentia, moveantur in Ellipsis accurate, nisi servando certam proportionem distantiarum ab invicem. In sequentibus autem casibus non multum ab Ellipsis errabitur.

*Cas. 1.* Pone corpora plura minora circa maximum aliquod ad varias ab eo distantias revolvī, tendantque ad singula vires absolutæ proportionales iisdem corporibus. Et quoniam omnium commune gravitatis centrum (per Legum Corol. quartum) vel quiescit vel movetur uniformiter in directum, fingamus corpora minora tam parva esse, ut corpus maximum nunquam distet sensibiler ab hoc centro: & maximum illud vel quiescet vel movebitur uniformiter in directum, absque errore sensibili; minora autem revolvuntur circa hoc maximum in Ellipsis, atque radiis ad idem ductis describent areas temporibus proportionales; nisi quatenus errores inducuntur, vel per errorem maximi a communi illo gravitatis centro, vel per actiones minorum corporum in se mutuo. Diminui autem possunt corpora minora usque donec error iste & actiones mutue sint datis quibuscvis minores, atque adeo donec Orbes cum Ellipsis quadrent, & areæ respondeant temporibus, absque errore qui non sit minor quovis dato. *Q. E. O.*

*Cas. 2.* Fingamus jam Systema corporum minorum modo jam descripto circa maximum revolvētiū, aliudve quodvis duorum circum se mutuo revolvētiū corporum Systema progredi uniformiter in directum, & interea vi corporis alterius longe maximi & ad magnam distantiam siti urgeri ad latus. Et quoniam æquales vires acceleratrices, quibus corpora secundum lineas parallelas urgentur, non mutant situs corporum ad invicem, sed ut Systema totum, servatis partium motibus inter se, simul transferatur efficiunt: manifestum est quod, ex attractionibus in corpus maximum,

nulla prorsus oritur mutatio motus attractorum inter se, nisi vel ex attractionum acceleratricum inæqualitate, vel ex inclinatione linearum ad invicem, secundum quas attractiones fiunt. Pone ergo attractiones omnes acceleratrices in corpus maximum esse inter se reciproce ut quadrata distantiarum; &, augendo corporis maximi distantiam, donec rectarum ab hoc ad reliqua ductarum differentia respectu earum longitudinis & inclinationes ad invicem minores sint quam data quavis, perseverabunt motus partium Systematis inter se absque erroribus qui non sint quibuscumque datis minores. Et quoniam, ob exiguum partium illarum ab invicem distantiam, Systema totum ad modum corporis unius attrahitur; movebitur idem hac attractione ad modum corporis unius; hoc est, centro suo gravitatis describet circa corpus maximum Sectionem aliquam Conicam (*viz.* Hyperbolam vel Parabolam attractione languida, Ellipsin fortiore,) & Radio ad maximum ducto describet areas temporibus proportionales, absque ullis erroribus, nisi quas partium distantia (perexigua sane & pro lubitu minuenda) valeant efficere. *Q. E. O.*

Simili argumento pergere licet ad casus magis compositos in infinitum.

*Corol. 1.* In casu secundo; quo propius accedit corpus omnium maximum ad Systema duorum vel plurium, eo magis turbabuntur motus partium Systematis inter se; propterea quod linearum a corpore maximo ad has ductarum jam major est inclinatio ad invicem, majorque proportionis inæqualitas.

*Corol. 2.* Maxime autem turbabuntur, ponendo quod attractiones acceleratrices partium Systematis versus corpus omnium maximum, non sint ad invicem reciproce ut quadrata distantiarum a corpore illo maximo; præsertim si proportionis hujus inæqualitas major sit quam inæqualitas proportionis distantiarum a corpore maximo: Nam si vis acceleratrix, æqualiter & secundum lineas parallelas agendo, nil perturbat motus inter se, necesse est ut ex actionis inæqualitate perturbatio oriatur, majorque sit vel minor pro majore vel minore inæqualitate. Excessus impulsuum majorum, agendo in aliqua corpora & non agendo in alia, necessario mutant situm eorum inter se. Et hæc perturbatio, addita perturbationi quæ ex linearum inclinatione & inæqualitate oritur, majorem reddet perturbationem totam.

*Corol. 3.* Unde si Systematis hujus partes in Ellipsis vel Circulis sine perturbatione insigni moveantur; manifestum est, quod eadem



eadem a viribus acceleratricibus ad alia corpora tendentibus, aut. LIBER PRIMUS.  
non urgentur nisi levissime, aut urgentur æqualiter & secundum lineas parallelas quamproxime.

PROPOSITIO LXVI. THEOREMA XXVI.

Si Corpora tria, quorum Vires decreſcent in duplicata ratione diſtantiarum, ſe mutuo trahant, & attraſiones acceleratrices binorum quorumcunque in tertium ſint inter ſe reciproce ut quadrata diſtantiarum; minora autem circa maximum revolvantur: Dico quod interius circa intimum & maximum, radiis ad ipſum ductis, deſcribet areas temporibus magis proportionales, & Figuram ad formam Ellipſeos umbilicum in conſuſu radiorum habentis magis accedentem, ſi corpus maximum his attraſionibus agitur, quam ſi maximum illud vel a minoribus non attraſtum quieſcat, vel multo minus vel multo magis attraſtum aut multo minus aut multo magis agitur.


Liquet fere ex demonstratione Corollarii secundi Propositionis præcedentis; sed argumento magis distincto & latius cogente sic evincitur.

*Cas. 1. Revolvantur corpora minora P & S in eodem plano circa maximum T, quorum P describat Orbem interiore PAB, & S exteriorem SE. Sit SK mediocris distantia corporum P & S, & corporis P versus S attractio acceleratrix in mediocri illa distantia exponatur per eandem. In duplicata ratione SK ad SP capiatur SL ad SK, & erit SL attractio acceleratrix corporis P versus S in distantia quavis SP. Junge PT, eique parallelam age LM occurrentem ST in M, & attractio SL resolvetur (per Legum Corol. 2.) in attractiones SM, LM. Et sic urgebitur corpus P vi acceleratrice triplici: una*

DE MOTU  
CORPORUM

una tendente ad  $T$  & oriunda a mutua attractione corporum  $T$  &  $P$ . Hac vi sola corpus  $P$  circum corpus  $T$ , sive immotum sive hac attractione agitatum, describere deberet & areas, radio  $PT$ , temporibus proportionales, & Ellipsin cui umbilicus est in centro corporis  $T$ . Patet hoc per Prop. xi. & Corollaria 2 & 3 Theor. xxi. Vis altera est attractionis  $LM$ , quæ quoniam tendit a  $P$  ad  $T$ , superaddita vi priori coincidet cum ipsa, & sic faciet ut areæ etiamnum temporibus proportionales describantur per Corol. 3. Theor. xxi. At quoniam non est quadrato distantiae  $PT$  reciproce proportionalis, componet ea cum vi priore vim ab hac proportionem aberrantem, idque eo magis quo major est proportio hujus vis ad vim priorem, cæteris paribus. Proinde cum (per Prop. xi, & per Corol. 2. Theor. xxi) vis qua Ellipsis circa umbilicum  $T$  describitur tendere debeat ad umbilicum illum, & esse quadrato distantiae  $PT$  reciproce proportionalis; vis illa

composita, aberrando ab hac proportionem, faciet ut Orbis  $PAB$  aberret a forma Ellipticæ umbilicum habentis in  $S$ ; idque eo magis quo major est aberratio ab hac proportionem; atque adeo etiam



quo major est proportio vis secundæ  $LM$  ad vim primam, cæteris paribus. Jam vero vis tertia  $SM$ , trahendo corpus  $P$  secundum lineam ipsi  $ST$  parallelam, componet cum viribus prioribus vim quæ non amplius dirigitur a  $P$  in  $T$ , quæque ab hac determinatione tanto magis aberrat, quanto major est proportio hujus tertiæ vis ad vires priores, cæteris paribus; atque adeo quæ faciet ut corpus  $P$ , radio  $TP$ , areas non amplius temporibus proportionales describat, atque aberratio ab hac proportionalitate ut tanto major sit, quanto major est proportio vis hujus tertiæ ad vires cæteras. Orbis vero  $PAB$  aberrationem a forma Elliptica præfata hæc vis tertia duplici de causa adaugebit, tum quod non dirigatur a  $P$  ad  $T$ , tum etiam quod non sit proportionalis quadrato distantiae  $PT$ . Quibus intellectis, manifestum est quod areæ temporibus tum maxime sunt proportionales, ubi vis tertia, manentibus viribus cæteris, sit minima, & quod Orbis  $PAB$  tum maxime accedit ad præfatam formam Ellipticam, ubi vis tam secunda quam tertia, sed præcipue vis tertia, sit minima, vi prima manente.

Expo-

Exponatur corporis  $T$  attractio acceleratrix versus  $S$  per lineam  $SN$ ; & si attractiones acceleratrices  $SM$ ,  $SN$  æquales essent; hæc, trahendo corpora  $T$  &  $P$  æqualiter & secundum lineas parallelas, nil mutarent situm eorum ad invicem. Iidem jam forent corporum illorum motus inter se (per Lēgum Corol. 6.) ac si hæc attractiones tollerentur. Et pari ratione si attractio  $SN$  minor esset attractione  $SM$ , tolleretur ipsa attractionis  $SM$  pars  $SN$ , & maneret pars sola  $MN$ , qua temporum & arearum proportionalitas & Orbitæ forma illa Elliptica perturbaretur. Et similiter si attractio  $SN$  major esset attractione  $SM$ , oriretur ex differentia sola  $MN$  perturbatio proportionalitatis & Orbitæ. Sic per attractionem  $SN$  reducitur semper attractio tertia superior  $SM$  ad attractionem  $MN$ , attractione prima & secunda manentibus prorsus immutatis: & propterea areæ ac tempora ad proportionalitatem, & Orbita  $PAB$  ad formam præfatam Ellipticam tum maxime accedunt, ubi attractio  $MN$  vel nulla est, vel quam fieri possit minima; hoc est, ubi corporum  $P$  &  $T$  attractiones acceleratrices, factæ versus corpus  $S$ , accedunt quantum fieri potest ad æqualitatem; id est, ubi attractio  $SN$  non est nulla, neque minor minima attractionum omnium  $SM$ , sed inter attractionum omnium  $SM$  maximam & minimam quasi mediocris, hoc est, non multo major neque multo minor attractione  $SK$ . *Q. E. D.*

*Cas. 2.* Revolvantur jam corpora minora  $P$ ,  $S$  circa maximum  $T$  in planis diversis; & vis  $LM$ , agendo secundum lineam  $PT$  in plano Orbitæ  $PAB$  sitam, eundem habebit effectum ac prius, neque corpus  $P$  de plano Orbitæ suæ deturbabit. At vis altera  $NM$ , agendo secundum lineam quæ ipsi  $ST$  parallela est, (atque adeo, quando corpus  $S$  versatur extra lineam Nodorum, inclinatur ad planum Orbitæ  $PAB$ ;) præter perturbationem motus in Longitudinem jam ante expositam, inducet perturbationem motus in Latitudinem, trahendo corpus  $P$  de plano suæ Orbitæ. Et hæc perturbatio, in dato quovis corporum  $P$  &  $T$  ad invicem situ, erit ut vis illa generans  $MN$ , adeoque minima evadet ubi  $MN$  est minima, hoc est (uti jam exposui) ubi attractio  $SN$  non est multo major, neque multo minor attractione  $SK$ . *Q. E. D.*

*Corol. 1.* Ex his facile colligitur quod, si corpora plura minora  $P$ ,  $S$ ,  $R$ , &c. revolvantur circa maximum  $T$ , motus corporis intimi  $P$  minime perturbabitur attractionibus exteriorum, ubi corpus maximum  $T$  pariter a cæteris, pro ratione virium acceleratricum, attrahitur & agitur atque cætera a se mutuo.


*Corol.*

DE MOTU  
CORPORUM

*Corol. 2.* In Systemate vero trium corporum  $T, P, S$ , si attractiones acceleratrices binorum quorumcunque in tertium sint ad invicem reciproce ut quadrata distantiarum, corpus  $P$ , radio  $PT$ , aream circa corpus  $T$  velocius describet prope Conjunctionem  $A$  & Oppositionem  $B$ , quam prope Quadraturas  $C, D$ . Namque vis omnis qua corpus  $P$  urgetur & corpus  $T$  non urgetur, quæque non agit secundum lineam  $PT$  accelerat vel retardat descriptionem areæ, perinde ut ipsa in consequentia vel in antecedentia dirigitur. Talis est vis  $NM$ . Hæc in transitu corporis  $P$  a  $C$  ad  $A$  tendit in consequentia, motumque accelerat; dein usque ad  $D$  in antecedentia, & motum retardat; tum in consequentia usque ad  $B$ , & ultimo in antecedentia transiendo a  $B$  ad  $C$ .

*Corol. 3.* Et eodem argumento patet quod corpus  $P$ , cæteris paribus, velocius movetur in Conjunctione & Oppositione quam in Quadraturis.

*Corol. 4.* Orbita corporis  $P$ , cæteris paribus, curvior est in Quadraturis quam in Conjunctione & Oppositione. Nam corpora velociora minus deflectunt a recto tramite. Et præterea vis  $KL$  vel  $NM$ , in Conjunctione & Oppositione, contraria est vi qua corpus  $T$  trahit corpus  $P$ , adeoque vim illam minuit; corpus autem  $P$  minus deflectet a recto tramite, ubi minus urgetur in corpus  $T$ .



*Corol. 5.* Unde corpus  $P$ , cæteris paribus, longius recedet a corpore  $T$  in Quadraturis, quam in Conjunctione & Oppositione. Hæc ita se habent excluso motu Excentricitatis. Nam si Orbita corporis  $P$  excentrica sit: Excentricitas ejus (ut mox in hujus Corol. 9. ostendetur) evadet maxima ubi Apsides sunt in Syzygiis, indeque fieri potest ut corpus  $P$ , ad Apsidem summam appellans, absit longius a corpore  $T$  in Syzygiis quam in Quadraturis.

*Corol. 6.* Quoniam vis centripeta corporis centralis  $T$ , qua corpus  $P$  retinetur in Orbe suo, augetur in Quadraturis per additionem vis  $LM$ , ac diminuitur in Syzygiis per ablationem vis  $KL$ , & ob magnitudinem vis  $KL$ , magis diminuitur quam augetur; est autem vis illa centripeta (per Corol. 2, Prop. 1 v.) in ratione composita ex ratione simplici radii  $TP$  directe & ratione duplicata temporis

ris periodici inverſe: patet hanc rationem compoſitam diminui per actionem viſ  $KL$ , adeoque tempus periodicum, ſi maneat Orbis radius  $TP$ , augeri, idque in ſubduplicata ratione qua viſ illa centripeta diminuitur: auſtoque adeo vel diminuto hoc Radio, tempus periodicum augeri magis, vel diminui minus quam in Radii huius ratione ſeſquuplicata, per Corol. 6. Prop. 1v. Si viſ illa corporis centralis paulatim langueſceret, corpus  $P$  minus ſemper & minus attractum perpetuo recederet longius a centro  $T$ ; & contra, ſi viſ illa augeretur, accederet propius. Ergo ſi actio corporis longinqui  $S$ , qua viſ illa diminuitur, augeatur ac diminuatur per vices, augebitur ſimul ac diminuetur Radius  $TP$  per vices, & tempus periodicum augebitur ac diminuetur in ratione compoſita ex ratione ſeſquuplicata Radii & ratione ſubduplicata qua viſ illa centripeta corporis centralis  $T$ , per incrementum vel decrementum actionis corporis longinqui  $S$ , diminuitur vel augetur.

*Corol. 7.* Ex præmiſſis conſequitur etiam quod Ellipſeos a corpore  $P$  deſcriptæ Axis, ſeu Apſidum linea, quoad motum angularem progreditur & regreditur per vices, ſed magis tamen progreditur, & in ſingulis corporis revolutionibus per exceſſum progreſſionis fertur in conſequentia. Nam viſ qua corpus  $P$  urgetur in corpus  $T$  in Quadraturis, ubi viſ  $MN$  evanuit, componitur ex vi  $LM$  & vi centripeta qua corpus  $T$  trahit corpus  $P$ . Viſ prior  $LM$ , ſi augeatur diſtantia  $PT$ , augetur in eadem fere ratione cum hac diſtantia, & viſ poſterior decreſcit in duplicata illa ratione, adeoque ſumma harum virium decreſcit in minore quam duplicata ratione diſtantie  $PT$ , & propterea (per Corol. 1. Prop. xlv) efficit ut Aux, ſeu Apſiſ ſumma, regrediatur. In Conjunctione vero & Oppoſitione, viſ qua corpus  $P$  urgetur in corpus  $T$  differentia eſt inter vim qua corpus  $T$  trahit corpus  $P$  & vim  $KL$ ; & differentia illa, propterea quod viſ  $KL$  augetur quamproxime in ratione diſtantie  $PT$ , decreſcit in majore quam duplicata ratione diſtantie  $PT$ , adeoque (per Corol. 1. Prop. xlv) efficit ut Aux progrediatur. In locis inter Syzygias & Quadraturas pendet motus Augis ex cauſa utraque conjunctim, adeo ut pro huius vel alterius exceſſu progrediatur ipſa vel regrediatur. Unde cum viſ  $KL$  in Syzygiis ſit quaſi duplo major quam viſ  $LM$  in Quadraturis, exceſſus in tota revolutione erit penes vim  $KL$ , transferetque Augem ſingulis revolutionibus in conſequentia. Veritas autem huius & præcedentis Corollarii facilius intelligitur concipiendo Systema corporum duorum  $T$ ,  $P$  corporibus pluribus  $S$ ,  $S$ ,  $S$ , &c. in Orbe  $ESE$  conſiſtentibus, undique cingi. Namque horum actioni-

Y

bus



& maxima fit ubi Apfides sunt in Syzygiis. Si Apfides constituentur in Quadraturis, ratio prope Apfides minor est & prope Syzygias major quam duplicata distantiarum, & ex ratione illa major oritur Augis motus velocissimus, uti jam dictum est. At si consideretur ratio incrementi vel decrementi totius in progressu inter Apfides, hæc minor est quam duplicata distantiarum. Vis in Apfide ima est ad vim in Apfide summa in minore quam duplicata ratione distantie Apfidis summe ab umbilico Ellipseos ad distantiam Apfidis imæ ab eodem umbilico: & e contra, ubi Apfides constituuntur in Syzygiis, vis in Apfide ima est ad vim in Apfide summa in majore quam duplicata ratione distantiarum. Nam vires  $LM$  in Quadraturis additæ viribus corporis  $T$  component vires in ratione minore, & vires  $KL$  in Syzygiis subductæ viribus corporis  $T$  relinquunt vires in ratione majore. Est igitur ratio decrementi & incrementi totius, in transitu inter Apfides, minima in Quadraturis, maxima in Syzygiis: & propterea in transitu Apfidum a Quadraturis ad Syzygias perpetuo augetur, augetque Excentricitatem Ellipseos; inque transitu a Syzygiis ad Quadraturas perpetuo diminuitur, & Excentricitatem diminuit.

*Corol. 10.* Ut rationem incamus errorum in Latitudinem, fingamus planum Orbis  $EST$  immobile manere, & ex errorum exposita causa manifestum est quod, ex viribus  $NM$ ,  $ML$ , quæ sunt causa illa tota, vis  $ML$  agendo semper secundum planum Orbis  $PAB$ , nunquam perturbat motus in Latitudinem; quodque vis  $NM$ , ubi Nodi sunt in Syzygiis, agendo etiam secundum idem Orbis planum, non perturbat hos motus; ubi vero sunt in Quadraturis eos maxime perturbat, corpusque  $P$  de plano Orbis sui perpetuo trahendo, minuit inclinationem plani in transitu corporis a Quadraturis ad Syzygias, augetque vicissim eandem in transitu a Syzygiis ad Quadraturas. Unde fit ut corpore in Syzygiis existente inclinatio evadat omnium minima, redeatque ad priorem magnitudinem circiter, ubi corpus ad Nodum proximum accedit. At si Nodi constituentur in Octantibus post Quadraturas, id est, inter  $C$  &  $A$ ,  $D$  &  $B$ , intelligitur ex modo expositis quod, in transitu corporis  $P$  a Nodo alterutro ad gradum inde nonagesimum, inclinatio plani perpetuo minuitur; deinde in transitu per proximos 45 gradus, usque ad Quadraturam proximam, inclinatio augetur, & postea de novo in transitu per alios 45 gradus, usque ad Nodum proximum, diminuitur. Magis itaque diminuitur inclinatio quam augetur, & propterea minor est semper in Nodo subsequente quam in precedente.

dente. Et simili ratiocinio, inclinatio magis augetur quam diminuitur ubi Nodi sunt in Octantibus alteris inter  $A$  &  $D$ ,  $B$  &  $C$ . Inclinatio igitur ubi Nodi sunt in Syzygiis est omnium maxima. In transitu eorum a Syzygiis ad Quadraturas, in singulis corporis ad Nodos appulsibus, diminuitur, fitque omnium minima ubi Nodi sunt in Quadraturis & corpus in Syzygiis: dein crescit iisdem gradibus quibus antea decreverat, Nodisque ad Syzygias proximas appulsis ad magnitudinem primam revertitur.

*Corol. 11.* Quoniam corpus  $P$  ubi Nodi sunt in Quadraturis perpetuo trahitur de plano Orbis sui, idque in partem versus  $S$ , in transitu suo a Nodo  $C$  per Conjunctionem  $A$  ad Nodum  $D$ ; & in contrariam partem in transitu a Nodo  $D$  per Oppositionem  $B$  ad Nodum  $C$ ; manifestum est quod in motu suo a Nodo  $C$ , corpus perpetuo recedit ab Orbis sui plano primo  $CD$ , usque dum perventum est ad Nodum proximum; adeoque in hoc Nodo, longissime distans a plano illo primo  $CD$ , transit per planum Orbis  $EST$  non in plani illius Nodo altero  $D$ , sed in puncto quod inde vergit ad partes corporis  $S$ , quodque proinde novus est Nodi locus in anteriora vergens. Et simili argumento pergent Nodi recedere in transitu corporis de hoc Nodo in Nodum proximum. Nodi igitur in Quadraturis constituti perpetuo recedunt; in Syzygiis (ubi motus in Latitudinem nil perturbatur) quiescunt; in locis intermediis, conditionis utriusque participes, recedunt tardius; adeoque, semper vel retrogradi vel stationarii, singulis revolutionibus feruntur in antecedentia.

*Corol. 12.* Omnes illi in his Corollariis descripti Errores sunt paulo majores in Conjunctione corporum  $P$ ,  $S$  quam in eorum Oppositione, idque ob majores vires generantes  $NM$  &  $ML$ .

*Corol. 13.* Cumque rationes horum Corollariorum non pendeant a magnitudine corporis  $S$ , obtinent præcedentia omnia, ubi corporis  $S$  tanta statuitur magnitudo ut circa ipsum revolvatur corporum duorum  $T$  &  $P$  Systema. Et ex aucto corpore  $S$  auctaque adeo ipsius vi centripeta, a qua errores corporis  $P$  oriuntur, evadent errores illi omnes (paribus distantis) majores in hoc casu quam in altero, ubi corpus  $S$  circum Systema corporum  $P$  &  $T$  revolvitur.


*Corol. 14.* Cum autem vires  $NM$ ,  $ML$ , ubi corpus  $S$  longinquum est, sint quamproxime ut vis  $SK$  & ratio  $PT$  ad  $ST$  conjunctim, hoc est, si detur tum distantia  $PT$ , tum corporis  $S$  vis absoluta, ut  $ST$  cub. reciproce; sint autem vires illæ  $NM$ ,  $ML$  causæ errorum & effectuum omnium de quibus actum est in præcedentibus



dentibus Corollariis: manifestum est quod effectus illi omnes, stante corporum  $T$  &  $P$  Systemate, & mutatis tantum distantia  $ST$  & vi absoluta corporis  $S$ , sint quamproxime in ratione composita ex ratione directæ vis absolutæ corporis  $S$  & ratione triplicata inversæ distantix  $ST$ . Unde si Systema corporum  $T$  &  $P$  revolvatur circa corpus longinquum  $S$ , vires illæ  $NM$ ,  $ML$  & earum effectus erunt (per Corol. 2. & 6. Prop. 1v.) reciproce in duplicata ratione temporis periodici. Et inde etiam, si magnitudo corporis  $S$  proportionalis sit ipsius vi absolutæ, erunt vires illæ  $NM$ ,  $ML$  & earum effectus directæ ut cubus diametri apparentis longinqui corporis  $S$  e corpore  $T$  spectati, & vice versa. Namque hæ rationes eadem sunt atque ratio superior composita.


*Corol. 15.* Et quoniam si, manentibus Orbium  $ESE$  &  $PAB$  forma, proportionibus & inclinatione ad invicem, mutetur eorum magnitudo, & si corporum  $S$  &  $T$  vel maneat vel mutantur vires in data quavis ratione, hæ vires (hoc est, vis corporis  $T$  qua corpus  $P$  de recto tramite in Orbitam  $PAB$  deflectere, & vis corporis  $S$  qua corpus idem  $P$  de Orbita illa deviare cogitur) agunt semper eodem modo & eadem proportionem: necesse est ut similes & proportionales sint effectus omnes & proportionalia effectuum tempora; hoc est, ut errores omnes lineares sint ut Orbium diametri, angulares vero iidem qui prius, & errorum linearium similium vel angularium æqualium tempora ut Orbium tempora periodica.

*Corol. 16.* Unde, si dentur Orbium formæ & inclinatio ad invicem, & mutantur utcumque corporum magnitudines, vires & distantix; ex datis erroribus & errorum temporibus in uno Casu, colligi possunt errores & errorum tempora in alio quovis, quam proxime: Sed brevius hac Methodo. Vires  $NM$ ,  $ML$ , cæteris stantibus, sunt ut Radius  $TP$ , & harum effectus periodici (per Corol. 2, Lem. x) ut vires & quadratum temporis periodici corporis  $P$  conjunctim. Hi sunt errores lineares corporis  $P$ ; & hinc errores angulares e centro  $T$  spectati (id est, tam motus Augis & Nodorum, quam omnes in Longitudinem & Latitudinem errores apparentes) sunt, in qualibet revolutione corporis  $P$ , ut quadratum temporis



revolutionis quam proxime. Conjungantur hæ rationes cum rationibus Corollarii 14, & in quolibet corporum  $T$ ,  $P$ ,  $S$  Systemate, ubi  $P$  circum  $T$  sibi propinquum, &  $T$  circum  $S$  longinquum revolvitur, errores angulares corporis  $P$ , de centro  $T$  apparentes, erunt, in singulis revolutionibus corporis illius  $P$ , ut quadratum temporis periodici corporis  $P$  directe & quadratum temporis periodici corporis  $T$  inverse. Et inde motus medius Augis erit in data ratione ad motum medium Nodorum, & motus uterque erit ut quadratum temporis periodici corporis  $P$  directe & quadratum temporis periodici corporis  $T$  inverse. Augendo vel minuendo Excentricitatem & Inclinationem Orbis  $PAB$  non mutantur motus Augis & Nodorum sensibilibiter, nisi ubi eadem sunt nimis magnæ.

*Corol. 17.* Cum autem linea  $LM$  nunc major sit nunc minor quam radius  $PT$ , exponatur vis mediocris  $LM$  per radium illum  $PT$ ; & erit hæc ad vim mediocrem  $SK$  vel  $SN$  (quam exponere licet per  $ST$ ) ut longitudo  $PT$  ad longitudinem  $ST$ . Est autem vis mediocris  $SN$  vel  $ST$ , qua corpus  $T$  retinetur in Orbe suo circum  $S$ , ad vim qua



corpus  $P$  retinetur in Orbe suo circum  $T$ , in ratione composita ex ratione radii  $ST$  ad radium  $PT$ , & ratione duplicata temporis periodici corporis  $P$  circum  $T$  ad tempus periodicum corporis  $T$  circum  $S$ . Et ex æquo, vis mediocris  $LM$ , ad vim qua corpus  $P$  retinetur in Orbe suo circum  $T$  (quæ corpus idem  $P$ , eodem tempore periodico, circum punctum quodvis immobile  $T$  ad distantiam  $PT$  revolvi posset) est in ratione illa duplicata periodicorum temporum. Datis igitur temporibus periodicis una cum distantia  $PT$ , datur vis mediocris  $LM$ ; & ea data, datur etiam vis  $MN$  quamproxime per analogiam linearum  $PT$ ,  $MN$ .

*Corol. 18.* Iisdem legibus quibus corpus  $P$  circum corpus  $T$  revolvitur, fingamus corpora plura fluida circum idem  $T$  ad æquales ab ipso distantias moveri; deinde ex his contiguis factis conflari Annulum fluidum, rotundum ac corpori  $T$  concentricum; & singulæ Annuli partes, motus suos omnes ad legem corporis  $P$  peragendo,

agendo, propius accedent ad corpus  $T$ , & celerius movebuntur in Conjunctione & Oppositione ipsarum & corporis  $S$ , quam in Quadraturis. Et Nodi Annuli hujus seu intersectiones ejus cum plano Orbitæ corporis  $S$  vel  $T$ , quiescent in Syzygiis, extra Syzygias vero movebuntur in antecedentia, & velocissime quidem in Quadraturis, tardius aliis in locis. Annuli quoque inclinatio variabitur, & axis ejus singulis revolutionibus oscillabitur, completaque revolutione ad pristinum situm redibit, nisi quatenus per præcessionem Nodorum circumfertur.

*Corol. 19.* Fingas jam Globum corporis  $T$ , ex materia non fluida constantem, ampliari & extendi usque ad hunc Annulum, & alveo per circuitum excavato continere Aquam, motuque eodem periodico circa axem suum uniformiter revolvi. Hic liquor per vices acceleratus & retardatus (ut in superiore Corollario) in Syzygiis velocior erit, in Quadraturis tardior quam superficies Globi, & sic fluet in alveo refluetque ad modum Maris. Aqua revolvendo circa Globi centrum quiescens, si tollatur attractio corporis  $S$  nullum acquireret motum fluxus & refluxus. Par est ratio Globi uniformiter progredientis in directum & interea revolventis circa centrum suum (per Legum Corol. 5.) ut & Globi de cursu rectilineo uniformiter tracti, per Legum Corol. 6. Accedat autem corpus  $S$ , & ab ipsius inæquabili attractione mox turbabitur Aqua. Etenim major erit attractio aquæ propioris, minor ea remotioris. Vis autem  $LM$  trahet aquam deorsum in Quadraturis, facietque ipsam descendere usque ad Syzygias, & vis  $KL$  trahet eandem sursum in Syzygiis, sistetque descensum ejus & faciet ipsam ascendere usque ad Quadraturas.

*Corol. 20.* Si Annulus jam rigeat & minuatür Globus, cessabit motus fluendi & refluentis, sed Oscillatorius ille inclinationis motus & præcessio Nodorum manebunt. Habeat Globus eundem axem cum Annulo, gyrosque compleat iisdem temporibus, & superficiem suam contingat ipsum interius, eique inhæreat; & participando motum ejus, compages utriusque Oscillabitur & Nodi regredientur. Nam Globus, ut mox dicetur, ad suscipiendas impressiones omnes indifferens est. Annuli Globo orbiati maximus inclinationis angulus est ubi Nodi sunt in Syzygiis. Inde in progressu Nodorum ad Quadraturas conatur is inclinationem suam minuire, & isto conatu motum imprimi Globo toti. Retinet Globus motum impressum usque dum Annulus conatu contrario motum hunc tollat, imprimatque motum novum in contrariam partem: Atque hac ratione

DE MOTU  
CORPORUM

tione maximus decrefcantis inclinationis motus fit in Quadraturis Nodorum, & minimus inclinationis angulus in Oftantibus poft Quadraturas; dein maximus reclinacionis motus in Syzygiis, & maximus angulus in Oftantibus proximis. Et eadem eft ratio Globi Annulo nudati, qui in regionibus æquatoris vel altior eft paulo quam juxta polos, vel conftat ex materia paulo denfiorc. Supplet enim vicem Annuli ifte materiæ in æquatoris regionibus exceffus. Et quanquam, aucta utcunque Globi hujus vi centripeta, tendere fupponantur omnes ejus partes deorfum, ad modum gravitantium partium telluris, tamen Phænomena hujus & præcedentis Corollarii vix inde mutabuntur.

*Corol. 21.* Eadem ratione qua materia Globi juxta æquatorem redundans efficit ut Nodi regrediantur, atque adeo per hujus incrementum augetur ifte regreffus, per diminutionem vero diminuitur & per ablationem tollitur; fi materia plusquam redundans tollatur, hoc eft, fi Globus juxta æquatorem vel depreffior reddatur vel rarior quam juxta polos, orietur motus Nodorum in confequentia.

*Corol. 22.* Et inde viciffim, ex motu Nodorum innotefcit conftitutio Globi. Nimirum fi Globus polos eofdem conftanter fervat, & motus fit in antecedentia, materia juxta æquatorem redundat; fi in confequentia, deficit. Pone Globum uniformem & perfecte circumatum in fpatiis liberis primo quiefcere; dein impetu quocunque oblique in fuperficiem fuam facto propelli, & motum inde concipere partim circularem, partim in directum. Quoniam Globus ifte ad axes omnes per centrum fuum tranfeuntes indifferenter fe habet, neque propenfior eft in unum axem, unumve axis fitum, quam in alium quemvis; perfpicuum eft quod is axem fuum axifque inclinationem vi propria nunquam mutabit. Impellatur jam Globus oblique, in eadem illa fuperficie parte qua prius, impulfu quocunque novo; & cum citior vel ferior impulfus effectum nil mutet, manifefturn eft quod hi duo impulfus fucceffive impreffus eundem producent motum ac fi fimul impreffus fuiffent, hoc eft, eundem ac fi Globus vi fimplici ex utroque (per Legum Corol. 2.) composita impulfus fuiffet, atque adeo fimplicem, circa axem inclinatione datum. Et par eft ratio impulfus fecundi facti in locum alium quemvis in æquatore motus primi; ut & impulfus primi facti in locum quemvis in æquatore motus, quem impulfus fecundus abfque primo generaret; atque adeo impulfuum amborum factorum in loca quæcunque: Generabunt hi eundem motum circularem

cularem ac si simul & semel in locum intersectionis æquatorum motuum illorum, quos seorsim generarent, fuissent impressi. Globus igitur homogeneus & perfectus non retinet motus plures distinctos, sed impressos omnes componit & ad unum reducit, & quatenus in se est, gyratur semper motu simplici & uniformi circa axem unicum, inclinatione semper invariabili datum. Sed nec vis centripeta inclinationem axis, aut rotationis velocitatem mutare potest. Si Globus plano quocunque, per centrum suum & centrum in quod vis dirigitur transeunte, dividi intelligatur in duo hemisphæria, urgebit semper vis illa utrumque hemisphærium æqualiter, & propterea Globum, quoad motum rotationis, nullam in partem inclinabit. Addatur vero alicubi inter polum & æquatorem materia nova in formam montis cumulata, & hæc, perpetuo conatu recedendi a centro sui motus, turbabit motum Globi, facietque polos ejus errare per ipsius superficiem, & circulos circum se punctumque sibi oppositum perpetuo describere. Neque corrigetur ista vagationis enormitas, nisi locando montem illum vel in polo alterutro, quo in Casu (per Corol. 21) Nodi æquatoris progredientur, vel in æquatore, qua ratione (per Corol. 20) Nodi regredientur, vel denique ex altera axis parte addendo materiam novam, qua mons inter movendum libretur, & hoc pacto Nodi vel progredientur, vel recedent, perinde ut mons & hæc nova materia sunt vel polo vel æquatori propiores.

## PROPOSITIO LXVII. THEOREMA XXVII.

*Positis iisdem attractionum legibus, dico quod corpus exterius S, circa interiorum P, T commune gravitatis centrum C, radiis ad centrum illud ductis, describit areas temporibus magis proportionales & Orbem ad formam Ellipseos umbilicum in centro eodem habentis magis accedentem, quam circa corpus intimum & maximum T, radiis ad ipsum ductis, describere potest.*

Nam corporis S attractiones versus T & P componunt ipsius attractionem absolutam, quæ magis dirigitur in corporum T & P commune gravitatis centrum C, quam in corpus maximum T, quæque quadrato distantie SC magis est proportionalis reciproce, quam quadrato distantie ST: ut rem perpendenti facile constabit.


Z

PRO.

PROPOSITIO LXVIII. THEOREMA XXVIII.

*Positis iisdem attractionum legibus, dico quod corpus exterius S, circa interiorum P & T commune gravitatis centrum C, radiis ad centrum illud ductis, describit areas temporibus magis proportionales, & Orbem ad formam Ellipseos umbilicum in centro eodem habentis magis accedentem, si corpus intimum & maximum his attractionibus perinde atque cetera agitetur, quam si id vel non attractum quiescat, vel multo magis aut multo minus attractum aut multo magis aut multo minus agitetur.*

Demonstratur eodem fere modo cum Prop. LXVI, sed argumento prolixiore, quod ideo prætereo. Suffecerit rem sic æstimare. Ex demonstratione Propositionis novissimæ liquet centrum in quod corpus



*S* conjunctis viribus urgetur, proximum esse communi centro gravitatis duorum illorum. Si coincideret hoc centrum cum centro illo communi, & quiesceret commune centrum gravitatis corporum trium; describerent corpus *S* ex una parte, & commune centrum aliorum duorum ex altera parte, circa commune omnium centrum quiescens, Ellipses accuratas. Liqueat hoc per Corollarium secundum Propositionis LVIII collatum cum demonstratis in Propos. LXIV & LXV. Perturbatur iste motus Ellipticus aliquantulum per distantiam centri duorum a centro in quod tertium *S* attrahitur. Decur præterea motus communi trium centro, & augebitur perturbatio. Proinde minima est perturbatio ubi commune trium centrum quiescit, hoc est, ubi corpus intimum & maximum *T* lege cæterorum attrahitur: fitque major semper ubi trium commune illud centrum, minuendo motum corporis *T*, moveri incipit & magis deinceps magisque agitur.

*Coral.*

*Corol.* Et hinc, si corpora plura minora revolvantur circa maximum, colligere licet quod Orbitæ descriptæ propius accedent ad Ellipticas, & arearum descriptiones fient magis æquabiles, si corpora omnia viribus acceleratricibus, quæ sunt ut eorum vires absolutæ directæ & quadrata distantiarum inversæ, se mutuo trahant agentisque, & Orbitæ cujusque umbilicus collocetur in communi centro gravitatis corporum omnium interiorum (nimirum umbilicus Orbitæ primæ & intimæ in centro gravitatis corporis maximi & intimi; ille Orbitæ secundæ, in communi centro gravitatis corporum duorum intimorum; iste tertiæ, in communi centro gravitatis trium interiorum; & sic deinceps) quam si corpus intimum quiescat & statuatur communis umbilicus Orbitalium omnium.

## PROPOSITIO LXIX. THEOREMA XXIX.

*In Systemate corporum plurium A, B, C, D, &c. si corpus aliquod A trahit cetera omnia B, C, D, &c. viribus acceleratricibus quæ sunt reciproce ut quadrata distantiarum a trahente; & corpus aliud B trahit etiam cetera A, C, D, &c. viribus quæ sunt reciproce ut quadrata distantiarum a trahente: erunt Absolutæ corporum trahentium A, B vires ad invicem, ut sunt ipsa corpora A, B, quorum sunt vires.*

Nam attractiones acceleratrices corporum omnium B, C, D versus A, paribus distantiiis, sibi invicem æquantur ex Hypothesi; & similiter attractiones acceleratrices corporum omnium versus B, paribus distantiiis, sibi invicem æquantur. Est autem absoluta vis attractiva corporis A ad vim absolutam attractivam corporis B, ut attractio acceleratrix corporum omnium versus A ad attractionem acceleratricem corporum omnium versus B, paribus distantiiis; & ita est attractio acceleratrix corporis B versus A, ad attractionem acceleratricem corporis A versus B. Sed attractio acceleratrix corporis B versus A est ad attractionem acceleratricem corporis A versus B, ut massa corporis A ad massam corporis B; propterea quod vires motrices, quæ (per Definitionem secundam, septimam & octavam) ex viribus acceleratricibus in corpora attracta ductis oriuntur, sunt (per motus Legem tertiam) sibi invicem æquales.

les. Ergo absoluta vis attractiva corporis *A* est ad absolutam vim attractivam corporis *B*, ut massa corporis *A* ad massam corporis *B*. *Q. E. D.*

*Corol. 1.* Hinc si singula Systematis corpora *A, B, C, D, &c.* seorsim spectata trahant cætera omnia viribus acceleratricibus quæ sunt reciproce ut quadrata distantiarum a trahente, erunt corporum illorum omnium vires absolutæ ad invicem ut sunt ipsa corpora.

*Corol. 2.* Eodem argumento, si singula Systematis corpora *A, B, C, D, &c.* seorsim spectata trahant cætera omnia viribus acceleratricibus quæ sunt vel reciproce vel directe in ratione dignitatis cujuscunque distantiarum a trahente, quæve secundum Legem quæcunque communem ex distantiiis ab unoquoque trahente definiuntur, constat quod corporum illorum vires absolutæ sunt ut corpora.

*Corol. 3.* In Systemate corporum, quorum vires decreſcunt in ratione duplicata distantiarum, si minora circa maximum in Ellipsis umbilicum communem in maximi illius centro habentibus quam fieri potest accuratissimis revolvantur, & radiis ad maximum illud ductis describant areas temporibus quam maxime proportionales: erunt corporum illorum vires absolutæ ad invicem, aut accurate aut quamproxime in ratione corporum, & contra. Patet per Corol. Prop. LXVIII collatum cum hujus Corol. 1.

### *Scholium.*

His Propositionibus manuducimur ad analogiam inter vires centripetas & corpora centralia, ad quæ vires illæ dirigi solent. Rationi enim consentaneum est, ut vires quæ ad corpora diriguntur pendeant ab eorundem natura & quantitate, ut fit in Magneticis. Et quoties hujusmodi casus incidunt, æstimandæ erunt corporum attractiones, assignando singulis eorum particulis vires proprias, & colligendo summas virium. Vocem Attractionis hic generaliter usurpo pro corporum conatu quocunque accedendi ad invicem, sive conatus iste fiat ab actione corporum, vel se mutuo petentium, vel per Spiritus emissos se invicem agitantium, sive is ab actione Ætheris, aut Aeris, Mediæve cujuscunque seu corporei seu incorporei oriatur corpora innatantia in se invicem utcunque impellentis. Eodem sensu generali usurpo vocem Impulsus, non species virium &



& qualitates Physicas, sed quantitates & proportiones Mathematicas in hoc Tractatu expendens, ut in Definitionibus explicui. In Mathesi investigandæ sunt virium quantitates & rationes illæ, quæ ex conditionibus quibuscunque positis consequuntur: deinde, ubi in Physicam descenditur, conferendæ sunt hæ rationes cum Phænomenis, ut innotescat quænam virium conditiones singulis corporum attractivorum generibus competant. Et tum demum de virium speciebus, causis & rationibus Physicis tutius disputare licebit. Videamus igitur quibus viribus corpora Sphærica, ex particulari modo jam exposito attractivis constantia, debeant in se mutuo agere, & quales motus inde consequantur.


## SECTIO XII.

*De Corporum Sphæricorum Viribus attractivis.*

### PROPOSITIO LXX. THEOREMA XXX.

*Si ad Sphæricæ superficiei puncta singula tendant vires æquales centripetæ decrescentes in duplicata ratione distantiarum a punctis: dico quod corpusculum intra superficiem constitutum his viribus nullam in partem attrahitur.*

Sit  $HIKL$  superficies illa Sphærica, &  $P$  corpusculum intus constitutum. Per  $P$  agantur ad hanc superficiem lineæ duæ  $HK$ ,  $IL$ , arcus quam minimos  $HI$ ,  $KL$  intercipientes, & ob triangula  $HPI$ ,  $LPK$  (per Corol. 3. Lem. vii) similia, arcus illi erunt distantis  $HP$ ,  $LP$  proportionales; & superficiei Sphæricæ particulæ quævis ad  $HI$  &  $KL$ , rectis per punctum  $P$  transeuntibus undique terminatæ, erunt in duplicata illa ratione. Ergo vires harum particularum in corpus  $P$  exercitæ sunt inter se æquales. Sunt enim ut particulæ directæ & quadrata distantiarum inversæ. Et hæ duæ rationes componunt rationem æquali-




æqualitatis. Attractiones igitur, in contrarias partes æqualiter factæ, se mutuo destruunt. Et simili argumento, attractiones omnes per totam Sphæricam superficiem a contrariis attractionibus destruuntur. Proinde corpus  $P$  nullam in partem his attractionibus impellitur. *Q. E. D.*

## PROPOSITIO LXXI. THEOREMA XXXI.

*Isdem positis, dico quod corpusculum extra Sphæricam superficiem constitutum attrahitur ad centrum Sphære, vi reciproce proportionali quadrato distantie suæ ab eodem centro.*

Sint  $AHKB$ ,  $abkb$  æquales duæ superficies Sphæricæ, centris  $S$ ,  $s$ , diametris  $AB$ ,  $ab$  descriptæ, &  $P$ ,  $p$  corpuscula sita extrinsecus in diametris illis productis. Agantur a corpusculis lineæ



$PHK$ ,  $PIL$ ,  $phk$ ,  $pil$ , auferentes a circulis maximis  $AHB$ ,  $abk$ , æquales arcus  $HK$ ,  $hk$  &  $IL$ ,  $il$ : Et ad eas demittantur perpendiculara  $SD$ ,  $sd$ ;  $SE$ ,  $se$ ;  $IR$ ,  $ir$ ; quorum  $SD$ ,  $sd$  secant  $PL$ ,  $pl$  in  $F$  &  $f$ : Demittantur etiam ad diametros perpendiculara  $IQ$ ,  $iq$ . Evanescant anguli  $DPE$ ,  $dpe$ : & (ob æquales  $DS$  &  $ds$ ,  $ES$  &  $es$ ,) lineæ  $PE$ ,  $PF$  &  $pe$ ,  $pf$  & lineolæ  $DF$ ,  $df$  pro æqualibus habeantur, quippe quarum ratio ultima, angulis illis  $DPE$ ,  $dpe$  simul evanescentibus, est æqualitatis. His itaque constitutis, erit  $PI$  ad  $PF$  ut  $RI$  ad  $DF$ , &  $pf$  ad  $pi$  ut  $df$  vel  $DF$  ad  $ri$ ; & ex æquo  $PI \times pf$  ad  $PF \times pi$  ut  $RI$  ad  $ri$ , hoc est (per Corol. 3. Lem. VII,) ut arcus  $IH$  ad arcum  $ib$ . Rursus  $PI$  ad  $PS$  ut  $IQ$  ad  $SE$ , &  $ps$  ad  $pi$  ut  $se$  vel  $SE$  ad  $iq$ ; & ex æquo  $PI \times ps$  ad  $PS \times pi$  ut  $IQ$  ad  $iq$ . Et conjunctis rationibus  $PI \text{ quad.} \times pf \times ps$  ad  $pi \text{ quad.} \times PF \times PS$ , ut  $IH \times IQ$  ad  $ib \times iq$ ; hoc est, ut superficies circularis, quam  
arcus

arcus  $IH$  convolutione semicirculi  $AKB$  circa diametrum  $AB$  describet, ad superficiem circulearem, quam arcus  $ih$  convolutione semicirculi  $akb$  circa diametrum  $ab$  describet. Et vires, quibus hæ superficies secundum lineas ad se tendentes attrahunt corpuscula  $P$  &  $p$ , sunt (per Hypothesin) ut ipsæ superficies applicatæ ad quadrata distantiarum suarum a corporibus, hoc est, ut  $pf \times ps$  ad  $PF \times PS$ . Suntque hæ vires ad ipsarum partes obliquas quæ (facta per Legum Corol. 2. resolutione virium) secundum lineas  $PS$ ,  $ps$  ad centra tendunt, ut  $Pl$  ad  $PQ$ , &  $pl$  ad  $pq$ ; id est (ob similia triangula  $PIQ$  &  $PSF$ ,  $piq$  &  $psf$ ) ut  $PS$  ad  $PF$  &  $ps$  ad  $pf$ . Unde, ex æquo, fit attractio corpusculi hujus  $P$  versus  $S$  ad attractionem corpusculi  $p$  versus  $s$ , ut  $\frac{PF \times pf \times ps}{PS}$  ad

$\frac{pf \times PF \times PS}{ps}$ , hoc est, ut  $ps$  quad. ad  $PS$  quad. Et simili argumento vires, quibus superficies convolutione arcuum  $KL$ ,  $kl$  descriptæ trahunt corpuscula, erunt ut  $ps$  quad. ad  $PS$  quad.; inque eadem ratione erunt vires superficialium omnium circularium in quas utraque superficies Sphærica, capiendo semper  $sd$  æqualem  $SD$  &  $se$  æqualem  $SE$ , distingui potest. Et, per compositionem, vires totarum superficialium Sphæricarum in corpuscula exercitæ erunt in eadem ratione.  $Q. E. D.$

## PROPOSITIO LXXII. THEOREMA XXXII.

*Si ad Sphæræ cujuscvis puncta singula tendant vires æquales centripetæ decrefcentes in duplicata ratione distantiarum a punctis, ac detur tum Sphæræ densitas, tum ratio diametri Sphæræ ad distantiam corpusculi a centro ejus; dico quod vis qua corpusculum attrahitur proportionalis erit semidiametro Sphæræ.*

Nam concipe corpuscula duo seorsim a Sphæris duabus attrahi, unum ab una & alterum ab altera, & distantias eorum a Sphærarum centris proportionales esse diametris Sphærarum respectivæ, Sphæras autem resolvere in particulas similes & similiter positas ad corpuscula. Et attractiones corpusculi unius, factæ versus singulas particulas Sphæræ unius, erunt ad attractiones alterius versus analogas totidem particulas Sphæræ alterius, in ratione composita ex ratione particularum directe & ratione duplicata distantiarum inverse.

verse. Sed particulæ sunt ut Sphæræ, hoc est, in ratione triplicata diametrorum, & distantia sunt ut diametri, & ratio prior directe una cum ratione posteriore bis inverse est ratio diametri ad diametrum. *Q. E. D.*

*Corol. 1.* Hinc si corpuscula in Circulis, circa Sphæræ ex materia æqualiter attractiva constantes, revolvantur, sintque distantia a centris Sphærarum proportionales earundem diametris: Tempora periodica erunt æqualia.


*Corol. 2.* Et vice versa, si Tempora periodica sunt æqualia, distantia erunt proportionales diametris. Constant hæc duo per *Corol. 3. Prop. 1v.*

*Corol. 3.* Si ad Solidorum duorum quorumvis similium & æqualiter densorum puncta singula tendant vires æquales centripetæ decrescentes in duplicata ratione distantiarum a punctis: vires quibus corpuscula, ad Solida illa duo similiter sita, attrahentur ab iisdem, erunt ad invicem ut diametri Solidorum.

### PROPOSITIO LXXIII. THEOREMA XXXIII.

*Si ad Sphæræ alicujus datæ puncta singula tendant æquales vires centripetæ decrescentes in duplicata ratione distantiarum a punctis: dico quod corpusculum intra Sphæram constitutum attrahitur vi proportionali distantia suâ ab ipsius centro.*

In Sphæra *ABCD*, centro *S* descripta, locetur corpusculum *P*; & centro eodem *S*, intervallo *SP*, concipe Sphæram interiorem *PEQF* describi. Manifestum est, per *Prop. Lxx*, quod Sphæricæ superficies concentricæ ex quibus Sphærarum differentia *AEBF* componitur, attractionibus per attractiones contrarias destructis, nil agunt in corpus *P*. Restat sola attractio Sphære interioris *PEQF*. Et per *Prop. Lxxii*, hæc est ut distantia *PS*. *Q. E. D.*



#### Scholium.

Superficies ex quibus solida componuntur, hic non sunt pure Mathematicæ, sed Orbis adeo tenues ut eorum crassitudo instar nihili

nihili sit; nimirum Orbes evanescentes ex quibus Sphæra ultimo constat, ubi Orbium illorum numerus augetur & crassitudo minuitur in infinitum. Similiter per Puncta, ex quibus lineæ, superficies & solida componi dicuntur, intelligendæ sunt particulæ æquales magnitudinis contemnendæ.

LIBER  
PRIMUS.

# PROPOSITIO LXXIV. THEOREMA XXXIV.

*Isdem positis, dico quod corpusculum extra Sphæram constitutum attrahitur vi reciproce proportionali quadrato distantie suæ ab ipsius centro.*

Nam distinguatur Sphæra in superficies Sphæricas innumeras concentricas, & attractiones corpusculi a singulis superficiebus oriundæ erunt reciproce proportionales quadrato distantie corpusculi a centro, per Prop. LXXI. Et componendo, fiet summa attractionum, hoc est attractio corpusculi in Sphæram totam, in eadem ratione. *Q. E. D.*

*Corol. 1.* Hinc in æqualibus distantis a centris homogenearum Sphærarum, attractiones sunt ut Sphæræ. Nam per Prop. LXXII, si distantie sunt proportionales diametris Sphærarum, vires erunt ut diametri. Minuatur distantia major in illa ratione, & distantis jam factis æqualibus, augebitur attractio in duplicata illa ratione, adeoque erit ad attractionem alteram in triplicata illa ratione, hoc est, in ratione Sphærarum.

*Corol. 2.* In distantis quibusvis attractiones sunt ut Sphæræ applicatæ ad quadrata distantiarum.

*Corol. 3.* Si corpusculum, extra Sphæram homogeneam positum, trahitur vi reciproce proportionali quadrato distantie suæ ab ipsius centro, constet autem Sphæra ex particulis attractivis; decrescet vis particulæ cujusque in duplicata ratione distantie a particula.

# PROPOSITIO LXXV. THEOREMA XXXV.

*Si ad Sphæra datæ puncta singula tendant vires æquales centripetæ, decrescentes in duplicata ratione distantiarum a punctis; dico quod Sphæra quævis alia similis ab eadem attrahitur vi reciproce proportionali quadrato distantie centrorum.*

Nam particulæ cujusvis attractio est reciproce ut quadratum distantie suæ a centro Sphæræ trahentis, (per Prop. LXXIV) & prop-

A a

terea

terea eadem est ac si vis tota attrahens maneret de corpusculo unico sito in centro hujus Sphæræ. Hæc autem attractio tanta est quanta foret vicissim attractio corpusculi ejusdem, si modo illud a singulis Sphæræ attractæ particulis eadem vi traheretur qua ipsas attrahit. Foret autem illa corpusculi attractio (per Prop. LXXIV) reciproce proportionalis quadrato distantie suæ a centro Sphæræ; adeoque huic æqualis attractio Sphæræ est in eadem ratione. Q. E. D.

*Corol. 1.* Attractiones Sphærarum, versus alias Sphæras homogeneas, sunt ut Sphæræ trahentes applicatæ ad quadrata distantiarum centrorum suorum a centris earum quas attrahunt.

*Corol. 2.* Idem valet ubi Sphæra attracta etiam attrahit. Namque hujus puncta singula trahent singula alterius, eadem vi qua ab ipsis vicissim trahuntur, adeoque cum in omni attractione urgeatur (per Legem III) tam punctum attrahens, quam punctum attractum, geminabitur vis attractionis mutue, conservatis proportionibus.

*Corol. 3.* Eadem omnia, quæ superius de motu corporum circa umbilicum Conicarum Sectionum demonstrata sunt, obtinent ubi Sphæra attrahens locatur in umbilico & corpora moventur extra Sphæram.


*Corol. 4.* Ea vero quæ de motu corporum circa centrum Conicarum Sectionum demonstrantur, obtinent ubi motus peraguntur intra Sphæram.

## PROPOSITIO LXXVI. THEOREMA XXXVI.

*Si Sphæra in progressu a centro ad circumferentiam (quoad materiæ densitatem & vim attractivam) utcumque dissimiles, in progressu vero per circuitum ad datam omnem a centro distantiam sunt undique similes, & vis attractiva puncti cujusque decrescit in duplicata ratione distantie corporis attracti: dico quod vis tota qua hujusmodi Sphæra una attrahit aliam sit reciproce proportionalis quadrato distantie centrorum.*

Sunto Sphæræ quocunque concentricæ similes  $AB, CD, EF$ , &c. quarum interiores additæ exterioribus componant materiam densiorem

densiorem versus centrum, vel subductæ relinquant tenuiorem; & hæ (per Prop. LXXV) trahent Sphæras alias quocunque concentricas similes  $GH$ ,  $IK$ ,  $LM$ , &c. singulæ singulas, viribus reciproce proportionalibus quadrato distantie  $SP$ . Et componendo vel dividendo, summa virium illarum omnium, vel excessus aliquarum supra alias, hoc est, vis quas Sphæra tota ex concentricis quibuscunque vel concentricarum differentiis composita  $AB$ , trahit totam ex concentricis quibuscunque vel concentricarum differentiis compositam  $GH$ , erit in eadem ratione. Augeatur numerus Sphærarum concentricarum in infinitum sic, ut materiæ densitas una cum vi attractiva, in progressu a circumferentia ad centrum, secundum Legem quamcunque crescat vel decreascit: & ad-



dita materia non attractiva, compleatur ubivis densitas deficiens, eo ut Sphæra acquirant formam quamvis optatam; & vis qua harum una attrahet alteram erit etiamnum (per argumentum superius) in eadem illa distantie quadratæ ratione inversa. *Q. E. D.*

*Corol. 1.* Hinc si ejusmodi Sphæra complures, sibi invicem per omnia similes, se mutuo trahant; attractiones acceleratrices singulorum in singulas erunt, in æqualibus quibuscunque centrorum distantis, ut Sphæra attrahentes.

*Corol. 2.* Inque distantis quibuscunque inæqualibus, ut Sphæra attrahentes applicatæ ad quadrata distantiarum inter centra.

*Corol. 3.* Attractiones vero motrices, seu pondera Sphærarum in Sphæras erunt, in æqualibus centrorum distantis, ut Sphæra attrahentes & attractæ conjunctim, id est, ut contenta sub Sphæris per multiplicationem producta.

*Corol. 4.* Inque distantis inæqualibus, ut contenta illa applicata ad quadrata distantiarum inter centra.

*Corol. 5.* Eadem valent ubi attractio oritur a Sphæræ utriusque virtute attractiva, mutuo exercita in Sphæram alteram. Nam viribus ambabus geminatur attractio, proportionem servata.

*Corol. 6.* Si hujusmodi Sphæræ aliquæ circa alias quiescentes revolvantur, singulæ circa singulas, sintque distantiae inter centra revolvantium & quiescentium proportionales quiescentium diametris; æqualia erunt Tempora periodica.

*Corol. 7.* Et vicissim, si Tempora periodica sunt æqualia; distantiae erunt proportionales diametris.


*Corol. 8.* Eadem omnia, quæ superius de motu corporum circa umbilicos Conicarum Sectionum demonstrata sunt, obtinent ubi Sphæra attrahens, formæ & conditionis cujuscvis jam descriptæ, locatur in umbilico.

*Corol. 9.* Ut & ubi gyrantia sunt etiam Sphæræ attrahentes, conditionis cujuscvis jam descriptæ.

### PROPOSITIO LXXVII. THEOREMA XXXVII.

*Si ad singula Sphærarum puncta tendant vires centripetæ, proportionales distantis punctorum a corporibus attractis: dico quod vis composita, qua Sphæra due se mutuo trahent, est ut distantia inter centra Sphærarum.*

*Cas. 1.* Sit  $AEBF$  Sphæra,  $S$  centrum ejus,  $P$  corpusculum attractum,  $PASB$  axis Sphæræ per centrum corpusculi transiens,  $EF$ ,  $ef$  plana duo quibus Sphæra secatur, huic axi perpendicularia & hinc inde æqualiter distantia a centro Sphæræ;  $G, g$  intersectiones planorum & axis, &  $H$  punctum quodvis in plano  $EF$ . Pun-



cti  $H$  vis centripeta in corpusculum  $P$ , secundum lineam  $PH$  exercita, est ut distantia  $PH$ ; & (per Legum Corol. 2.) secundum lineam  $PG$ , seu versus centrum  $S$ , ut longitudo  $PG$ . Igitur punctorum omnium in plano  $EF$ , hoc est plani totius vis, qua corpusculum  $P$  trahitur versus centrum  $S$ , est ut numerus punctorum ductus in distantiam  $PG$ : id est, ut contentum sub plano ipso  $EF$  & distantia illa  $PG$ . Et similiter vis plani  $ef$ , qua corpusculum  $P$  trahitur



trahitur versus centrum  $S$ , est ut planum illud ductum in distantiam suam  $Pg$ , sive ut huic æquale planum  $EF$  ductum in distantiam illam  $Pg$ ; & summa virium plani utriusque ut planum  $EF$  ductum in summam distantiarum  $PG + Pg$ , id est, ut planum illud ductum in duplam centri & corpusculi distantiam  $PS$ , hoc est, ut duplum planum  $EF$  ductum in distantiam  $PS$ , vel ut summa æqualium planorum  $EF + ef$  ducta in distantiam eandem. Et simili argumento, vires omnium planorum in Sphæra tota, hinc inde æqualiter a centro Sphære distantium, sunt ut summa planorum ducta in distantiam  $PS$ , hoc est, ut Sphæra tota ducta in distantiam centri sui  $S$  a corpusculo  $P$ . *Q. E. D.*

*Cas. 2.* Trahat jam corpusculum  $P$  Sphæram  $AEBF$ . Et eodem argumento probabitur quod vis, qua Sphæra illa trahitur, erit ut distantia  $PS$ . *Q. E. D.*

*Cas. 3.* Componatur jam Sphæra altera ex corpusculis innumeris  $P$ ; & quoniam vis, qua corpusculum unumquodque trahitur, est ut distantia corpusculi a centro Sphære primæ ducta in Sphæram eandem, atque adeo eadem est ac si prodiret tota de corpusculo unico in centro Sphære; vis tota qua corpuscula omnia in Sphæra secunda trahuntur, hoc est, qua Sphæra illa tota trahitur, eadem erit ac si Sphæra illa traheretur vi prodeunte de corpusculo unico in centro Sphære primæ, & propterea proportionalis est distantie inter centra Sphærarum. *Q. E. D.*

*Cas. 4.* Trahant Sphære se mutuo, & vis geminata proportionem priorem servabit. *Q. E. D.*

*Cas. 5.* Locetur jam corpusculum  $p$  intra Sphæram  $AEBF$ ; & quoniam vis plani  $ef$  in corpusculum est ut contentum sub plano illo & distantia  $pg$ ; & vis contraria plani  $EF$  ut contentum sub plano illo & distantia  $pG$ ; erit vis ex utraque composita ut differentia contentorum, hoc est, ut summa æqualium planorum ducta in semissem differentie distantiarum, id est, ut summa illa ducta in  $pS$  distantiam corpusculi a centro Sphære. Et simili argumento, attractio planorum omnium  $EF$ ,  $ef$  in Sphæra tota, hoc est, attractio Sphære totius, est ut summa planorum omnium, seu Sphæra tota, ducta in  $pS$  distantiam corpusculi a centro Sphære. *Q. E. D.*

*Cas. 6.* Et si ex corpusculis innumeris  $p$  componatur Sphæra nova, intra Sphæram priorem  $AEBF$  sita; probabitur ut prius quod attractio, sive simplex Sphære unius in alteram, sive mutua utriusque in se invicem, erit ut distantia centrorum  $pS$ . *Q. E. D.*

PRO.

## PROPOSITIO LXXVIII. THEOREMA XXXVIII.

*Si Sphæræ in progressu a centro ad circumferentiam sint utcumque dissimilares & inæquabiles, in progressu vero per circuitum ad datam omnem a centro distantiam sint undique similes; & vis attractiva puncti cujusque sit ut distantia corporis attracti: dico quod vis tota qua hujusmodi Sphæræ duæ se mutuo trahunt sit proportionalis distantie inter centra Sphærarum.*

Demonstratur ex Propositione præcedente, eodem modo quo Propositio LXXVI ex Propositione LXXV demonstrata fuit.

*Corol.* Quæ superius in Propositionibus x & LXIV de motu corporum circa centra Conicarum Sectionum demonstrata sunt, valent ubi attractiones omnes fiunt vi Corporum Sphæricorum conditionis jam descriptæ, suntque corpora attracta Sphæræ conditionis ejusdem.

*Scholium.*


Attractionum Casus duos insigniores jam dedi expositos, nimirum ubi Vires centripetæ decrescunt in duplicata distantiarum ratione, vel crescunt in distantiarum ratione simplici; efficientes in utroque Casu ut corpora gyrentur in Conicis Sectionibus, & componentes corporum Sphæricorum Vires centripetas eadem Lege, in recessu a centro, decrescunt vel crescunt cum seipsis: Quod est notatu dignum. Casus cæteros, qui conclusiones minus elegantes exhibent, sigillatim percurrere longum esset. Malim cunctos methodo generali simul comprehendere ac determinare, ut sequitur.

## L E M M A XXIX.

*Si describantur centro S circulus quilibet AEB, & centro P circuli duo EF, ef, secantes priorem in E, e, lineamque PS in F, f; & ad PS demittantur perpendiculara ED, ed: dico quod, si distantia arcuum EF, ef in infinitum minui intelligatur, ratio ultima lineæ evanescentis Dd ad lineam evanescentem Ff ea sit, quæ lineæ PE ad lineam PS.*

Nam

Nam si linea  $Pe$  secet arcum  $EF$  in  $q$ ; & recta  $Ee$ , quæ cum arcu evanescente  $Ee$  coincidit, producta occurrat rectæ  $PS$  in  $T$ ; & ab  $S$  demittatur in  $PE$  normalis  $SG$ : ob similia triangula  $DTE, dTe, DES$ , erit  $Dd$  ad  $Ee$ , ut  $DT$  ad  $TE$ , seu  $DE$  ad



$ES$ ; & ob triangula  $Eeq, ESG$  (per Lem. VIII, & Corol. 3. Lem. VII) similia, erit  $Ee$  ad  $eq$  seu  $Ff$ , ut  $ES$  ad  $SG$ ; & ex æquo,  $Dd$  ad  $Ff$  ut  $DE$  ad  $SG$ ; hoc est (ob similia triangula  $PDE, PGS$ ) ut  $PE$  ad  $PS$ . Q. E. D.


# PROPOSITIO LXXIX. THEOREMA XXXIX.

Si superficies ob latitudinem infinite diminutam jamjam evanescens  $EFfe$ , convolutione sui circa axem  $PS$ , describat solidum Sphericum concavo-convexum, ad cujus particulas singulas æquales tendant æquales vires centripetæ: dico quod Vis, qua solidum illud trahit corpusculum situm in  $P$ , est in ratione composita ex ratione solidi  $DEq \times Ff$  & ratione vis qua particula data in loco  $Ff$  traheret idem corpusculum.

Nam si primo consideremus vim superficiiei Sphæricæ  $FE$ , quæ convolutione arcus  $FE$  generatur, & a linea  $de$  ubivis secatur in  $r$ , erit superficiiei pars annularis, convolutione arcus  $rE$  genita, ut lineola  $Dd$ , manente Sphære radio  $PE$ , (uti demonstravit Archimedes in Lib. de Sphæra & Cylindro.) Et hujus vis secundum lineas  $PE$  vel  $Pr$  undique in superficie conica sitas exercita, ut hæc ipsa superficiiei pars annularis; hoc est, ut lineola  $Dd$  vel, quod perinde est, ut rectangulum sub dato Sphære radio  $PE$  & lineola

DE MOTU  
CORPORUM

lineola illa  $Dd$ : at secundum lineam  $PS$  ad centrum  $S$  tendentem minor, in ratione  $PD$  ad  $PE$ , adeoque ut  $PD \times Dd$ . Dividi jam intelligatur linea  $DF$  in particulas innumeras æquales, quæ singulæ nominentur  $Dd$ ; & superficies  $FE$  dividetur in totidem æquales annulos, quorum vires erunt ut summa omnium  $PD \times Dd$ , hoc est, ut  $\frac{1}{2} PFq - \frac{1}{2} PDq$ , adeoque ut  $DE$  quad. Ducatur



jam superficies  $FE$  in altitudinem  $Ff$ ; & fiet solidi  $EFfe$  vis exercita in corpusculum  $P$  ut  $DEq \times Ff$ : puta si detur vis quam particula aliqua data  $Ff$  in distantia  $PF$  exercet in corpusculum  $P$ . At si vis illa non detur, fiet vis solidi  $EFfe$  ut solidum  $DEq \times Ff$  & vis illa non data conjunctim. Q. E. D.

## PROPOSITIO LXXX. THEOREMA XL.

Si ad Sphæræ alicujus  $ABE$ , centro  $S$  descriptæ, particulas singulas æquales tendant æquales vires centripetæ, & ad Sphæræ axem  $AB$ , in quo corpusculum aliquod  $P$  locatur, erigantur de punctis singulis  $D$  perpendiculara  $DE$ , Sphæræ occurrentia in  $E$ , & in ipsis capiantur longitudines  $DN$ , quæ sint ut quantitas  $\frac{DEq \times PS}{PE}$  & vis quam Sphæræ particula sita in axe ad di-

stantiam  $PE$  exercet in corpusculum  $P$  conjunctim: dico quod Vis tota, qua corpusculum  $P$  trahitur versus Sphæræ, est ut area comprehensa sub axe Sphæræ  $AB$  & linea curva  $ANB$ , quam punctum  $N$  perpetuo tangit.

Etenim

Etenim stantibus quæ in Lemmate & Theoremate novissimo constructa sunt, concipe axem Sphæræ  $AB$  dividi in particulas innumeras æquales  $Dd$ , & Sphæram totam dividi in totidem laminas Sphæricas concavo-convexas  $EFfe$ , & erigatur perpendiculum  $dn$ . Per Theorema superius, vis qua lamina  $EFfe$  trahit corpusculum  $P$  est ut  $DEq \times Ff$  & vis particulæ unius ad distantiam  $PE$  vel  $PF$  exercita conjunctim. Est autem per Lemma novissimum,  $Dd$  ad  $Ff$  ut  $PE$  ad  $PS$ , & inde  $Ff$  æqualis  $\frac{PS \times Dd}{PE}$ , &  $DEq \times Ff$  æquale  $Dd$  in  $\frac{DEq \times PS}{PE}$ , & propterea

vis laminæ  $EFfe$  est ut  $Dd$  in  $\frac{DEq \times PS}{PE}$  & vis particulæ ad distantiam  $PF$  exercita conjunctim, hoc est (ex Hypothesi) ut  $DN \times Dd$ , seu area evanescens  $DNnd$ . Sunt igitur laminarum omnium vires in corpus  $P$  exercitæ, ut areæ omnes  $DNnd$ , hoc est, Sphæræ vis tota ut area tota  $ABNA$ . *Q.E.D.*

*Corol. 1.* Hinc si vis centripeta, ad particulas singulas tendens, eadem semper maneat in omnibus distantis, & fiat  $DN$  ut  $\frac{DEq \times PS}{PE}$ : erit vis tota qua corpusculum a Sphæra attrahitur, ut area  $ABNA$ .

*Corol. 2.* Si particularum vis centripeta sit reciproce ut distantia corpusculi a se attracti, & fiat  $DN$  ut  $\frac{DEq \times PS}{PEq}$ : erit vis qua corpusculum  $P$  a Sphæra tota attrahitur ut area  $ABNA$ .


*Corol. 3.* Si particularum vis centripeta sit reciproce ut cubus distantie corpusculi a se attracti, & fiat  $DN$  ut  $\frac{DEq \times PS}{PEqq}$ : erit vis qua corpusculum a tota Sphæra attrahitur ut area  $ABNA$ .

*Corol. 4.* Et universaliter si vis centripeta ad singulas Sphæræ particulas tendens ponatur esse reciproce ut quantitas  $V$ , fiat autem  $DN$  ut  $\frac{DEq \times PS}{PE \times V}$ ; erit vis qua corpusculum a Sphæra tota attrahitur ut area  $ABNA$ .

## PROPOSITIO LXXXI. PROBLEMA XLI.

*Stantibus jam positis, mensuranda est Area ABNA.*

A puncto  $P$  ducatur recta  $PH$  Sphæram tangens in  $H$ , & ad axem  $PAB$  demissa normali  $HI$ , bisecetur  $PI$  in  $L$ ; & erit (per Prop. 12, Lib. 2. Elem.)  $PEq$  æquale  $PSq + SEq + 2PSD$ . Est autem  $SEq$  seu  $SHq$  (ob similitudinem triangulorum  $SPH$ ,  $SHI$ ) æquale rectangulo  $PSI$ . Ergo  $PEq$  æquale est contento sub  $PS$  &  $PS + SI + 2SD$ , hoc est, sub  $PS$  &  $2LS + 2SD$ , id est, sub  $PS$  &  $2LD$ . Porro  $DE$  quad æquale est  $SEq - SDq$ , seu  $SEq - LSq + 2SLD - LDq$ , id est,  $2SLD - LDq - ALB$ . Nam  $LSq - SEq$  seu  $LSq - SAq$



(per Prop. 6, Lib. 2. Elem.) æquatur rectangulo  $ALB$ . Scribatur itaque  $2SLD - LDq - ALB$  pro  $DEq$ , & quantitas  $\frac{DEq \times PS}{PE \times V}$ , quæ secundum Corollarium quartum Propositionis præcedentis est ut longitudo ordinatim applicatæ  $DN$ , resolvet sese in tres partes  $\frac{2SLD \times PS}{PE \times V} - \frac{LDq \times PS}{PE \times V} - \frac{ALB \times PS}{PE \times V}$ ; ubi si pro  $V$  scribatur ratio inversa vis centripetæ, & pro  $PE$  medium proportionale inter  $PS$  &  $2LD$ , tres illæ partes evadent ordinatim applicatæ linearum totidem curvarum, quarum aræ per Methodos vulgatas innotescunt. *Q. E. F.*


*Ex-*

*Exempl. 1.* Si vis centripeta ad singulas Sphæræ particulas tendens sit reciproce ut distantia; pro  $V$  scribe distantiam  $PE$ , dein  $2PS \times LD$  pro  $PEq$ , & fiet  $DN$  ut  $SL - \frac{1}{2}LD - \frac{ALB}{2LD}$ .

Pone  $DN$  æqualem duplo ejus  $2SL - LD - \frac{ALB}{LD}$ ; & ordinatæ pars data  $2SL$  ducta in longitudinem  $AB$  describet aream rectangulam  $2SL \times AB$ ; & pars indefinita  $LD$  ducta normaliter in eandem longitudinem per motum continuum, ea lege ut inter movendum crescendo vel decrecendo æquetur semper longitudini  $LD$ , describet aream  $\frac{LBq - LAq}{2}$ , id est, aream  $SL \times AB$ ; quæ

subducta de area priore  $2SL \times AB$  relinquit aream  $SL \times AB$ .

Pars autem tertia  $\frac{ALB}{LD}$  ducta itidem per motum localem normaliter in eandem longitudinem, describet aream Hyperbolicam, quæ subducta de area  $SL \times AB$  relinquet aream quæsitam  $ABNA$ . Unde talis emergit Problematis constructio. Ad puncta  $L, A, B$  erige perpendiculara  $Ll, Aa, Bb$ , quorum  $Aa$  ipsi  $LB$ , &  $Bb$  ipsi  $LA$  æquetur. Asymptotis  $Ll, LB$ , per puncta  $a, b$  describatur Hyperbola  $ab$ . Et æstæ chorda  $ba$  claudet aream  $aba$  areæ quæsitæ  $ABNA$  æqualem.



*Exempl. 2.* Si vis centripeta ad singulas Sphæræ particulas tendens sit reciproce ut cubus distantiae, vel (quod perinde est) ut cubus ille applicatus ad planum quodvis datum, scribe  $\frac{PE cub}{2ASq}$  pro  $V$ , dein  $2PS \times LD$  pro  $PEq$ , & fiet  $DN$  ut  $\frac{SL \times ASq}{PS \times LD} - \frac{ASq}{2PS} - \frac{ALB \times ASq}{2PS \times LDq}$ , id est (ob continue proportionales  $PS, AS, SI$ ) ut  $\frac{LSI}{LD} - \frac{1}{2}SI - \frac{ALB \times SI}{2LDq}$ . Si ducantur hujus partes tres in longitudinem  $AB$ , prima  $\frac{LSI}{LD}$  generabit aream Hyperbolicam;


Bb 2

bolicam;

DE MOTU  
CORPORUM

bolicam; secunda  $\frac{1}{2} SI$  aream  $\frac{1}{2} AB \times SI$ ; tertia  $\frac{ALB \times SI}{2LDq}$  aream  $\frac{ALB \times SI}{2LA} - \frac{ALB \times SI}{2LB}$ , id est  $\frac{1}{2} AB \times SI$ . De prima sub-

ducatur summa secundæ & tertiæ, & manebit area quæsitæ  $ABNA$ . Unde talis emergit Problematis constructio. Ad puncta  $L, A, S, B$  erige perpendiculara  $Ll, Aa, Ss, Bb$ , quorum  $Ss$  ipsi  $SI$  æquetur, perque punctum  $s$  Asymptotis  $Ll, LB$  describatur Hyperbola  $asb$  occurrens perpendiculari  $Aa, Bb$  in  $a$  &  $b$ ; & rectangulum  $2ASI$  subductum de area Hyperbolica  $AasbB$  reliquet aream quæsitam  $ABNA$ .



*Exempl. 3.* Si Vis centripeta, ad singulas Sphæræ particulas tendens, decrefcit in quadruplicata ratione distantie a particulis, scribe  $\frac{PEqq}{2AScub}$  pro  $V$ , dein  $\sqrt{2PS \times LD}$  pro  $PE$ , & fiet  $DN$  ut

$$\frac{SIq \times SL}{\sqrt{2SI}} \times \frac{1}{\sqrt{LDc}} - \frac{SIq}{2\sqrt{2SI}} \times \frac{1}{\sqrt{LD}} - \frac{SIq \times ALB}{2\sqrt{2SI}} \times \frac{1}{\sqrt{LDq}}$$

Cujus tres partes ductæ in longitudinem  $AB$ , producunt areas totidem, viz.  $\frac{2SIq \times SL}{\sqrt{2SI}}$  in  $\frac{1}{\sqrt{LA}} - \frac{1}{\sqrt{LB}}$ ,  $\frac{SIq}{\sqrt{2SI}}$  in  $\sqrt{LB} - \sqrt{LA}$ ,

$$\text{ \& } \frac{SIq \times ALB}{3\sqrt{2SI}} \text{ in } \frac{1}{\sqrt{LAcub}} - \frac{1}{\sqrt{LBcub}}. \text{ Et hæc post debitam redu-}$$

$$\text{ ctionem fiunt } \frac{2SIq \times SL}{LI}, SIq, \text{ \& } SIq + \frac{2SIcub}{3LI}. \text{ Hæc vero, sub-}$$

$$\text{ ctis posterioribus de priore, evadunt } \frac{4SIcub}{3LI}. \text{ Igitur vis tota, qua}$$

$$\text{ corpusculum } P \text{ in Sphæræ centrum trahitur, est ut } \frac{SIcub}{PI}, \text{ id est;}$$

$$\text{ reciproce ut } PS \text{ cub} \times PI. \text{ Q. E. I.}$$

Eadem Methodo determinari potest Attractio corpusculi siti intra Sphæram, sed expeditius per Theorema sequens.


PRO,



## PROPOSITIO LXXXII. THEOREMA XLI.

*In Sphæra centro S intervallo SA descripta, si capiantur SI, SA, SP continue proportionales: dico quod corpusculi intra Sphæram in loco quovis I attractio est ad attractionem ipsius extra Sphæram in loco P, in ratione composita ex subduplicata ratione distantiarum a centro IS, PS & subduplicata ratione virium centripetarum, in locis illis P & I, ad centrum tendentium.*

Ut si vires centripetæ particularum Sphære sint reciproce ut distantie corpusculi a se attracti; vis, qua corpusculum situm in *I* trahitur a Sphæra tota, erit ad vim qua trahitur in *P*, in ratione



composita ex subduplicata ratione distantie *SI* ad distantiam *SP* & ratione subduplicata vis centripetæ in loco *I*, a particula aliqua in centro oriundæ, ad vim centripetam in loco *P* ab eadem in centro particula oriundam, id est, ratione subduplicata distantiarum *SI*, *SP* ad invicem reciproce. Hæ duæ rationes subduplicatæ componunt rationem æqualitatis, & propterea attractiones in *I* & *P* a Sphæra tota factæ æquantur. Simili computo, si vires particularum Sphære sunt reciproce in duplicata ratione distantiarum, colligetur quod attractio in *I* sit ad attractionem in *P*, ut distantia *SP* ad Sphære semidiametrum *SA*: Si vires illæ sunt reciproce in triplicata ratione distantiarum, attractiones in *I* & *P* erunt ad invicem

DE MOTU  
CORPORUM

cem ut  $SP$  quad ad  $SA$  quad: Si in quadruplicata, ut  $SP$  cub ad  $SA$  cub. Unde cum attractio in  $P$ , in hoc ultimo casu, inventa fuit reciproce ut  $PS$  cub  $\times PI$ , attractio in  $I$  erit reciproce ut  $SA$  cub  $\times PI$ , id est (ob datum  $SA$  cub) reciproce ut  $PI$ . Et similis est progressus in infinitum. Theorema vero sic demonstratur.

Stantibus jam ante constructis, & existente corpore in loco quovis  $P$ , ordinatim applicata  $DN$  inventa fuit ut  $\frac{DEq \times PS}{PE \times V}$ . Ergo si agatur  $IE$ , ordinata illa ad alium quemvis locum  $I$ , mutatis mutandis, evadet ut  $\frac{DEq \times IS}{IE \times V}$ . Pone vires centripetas, e Sphæræ puncto quovis  $E$  manantes, esse ad invicem in distantiiis  $IE$ ,  $PE$ , ut  $PE^n$  ad  $IE^n$ , (ubi numerus  $n$  designet indicem potestatum  $PE$  &  $IE$ ) & ordinatæ illæ fient ut  $\frac{DEq \times PS}{PE \times PE^n}$  &  $\frac{DEq \times IS}{IE \times IE^n}$ , quarum ratio ad invicem est ut  $PS \times IE \times IE^n$  ad  $IS \times PE \times PE^n$ . Quoniam ob similia triangula  $SPE$ ,  $SEI$ , fit  $IE$  ad  $PE$  ut  $IS$  ad  $SE$  vel  $SA$ , pro ratione  $IE$  ad  $PE$  scribe rationem  $IS$  ad  $SA$ , & ordinarum ratio evadet  $PS \times IE^n$  ad  $SA \times PE^n$ . Sed  $PS$  ad  $SA$  subduplicata est ratio distantiarum  $PS$ ,  $SI$ , &  $IE^n$  ad  $PE^n$  subduplicata est ratio virium in distantiiis  $PS$ ,  $IS$ . Ergo ordinatæ, & propterea areæ quas ordinatæ describunt, hisque proportionales attractiones, sunt in ratione composita ex subduplicatis illis rationibus. *Q. E. D.*

## PROPOSITIO LXXXIII. PROBLEMA XLII.

*Invenire vim qua corpusculum in centro Sphæræ locatum ad ejus Segmentum quodcunque attrahitur.*

Sit  $P$  corpus in centro Sphæræ, &  $RBSD$  Segmentum ejus plano  $RDS$  & superficie Sphærica  $RBS$  contentum. Superficie Sphærica  $EFG$  centro  $P$  descripta secetur  $DB$  in  $F$ , ac distinguatur Segmentum in partes  $BREFGS$ ,  $FEDG$ . Sit autem superficies illa non pure Mathematica, sed Physica, profunditatem habens quam minimam. Nominetur ista profunditas  $O$ ,



## SECTIO XIII.

*De Corporum non Sphæricorum viribus attractivis.*

## PROPOSITIO LXXXV. THEOREMA XLII.

*Si corporis attracti, ubi attrahenti contiguum est, attractio longe fortior sit, quam cum vel minimo intervallo separantur ab invicem: vires particularum trahentis, in recessu corporis attracti, decrescunt in ratione plusquam duplicata distantiarum a particulis.*

Nam si vires decrescunt in ratione duplicata distantiarum a particulis; attractio versus corpus Sphæricum, propterea quod (per Prop. LXXIV) sit reciproce ut quadratum distantiae attracti corporis a centro Sphære, haud sensibilibiter augebitur ex contactu; atque adhuc minus augebitur ex contactu, si attractio in recessu corporis attracti decrescat in ratione minore. Patet igitur Propositio de Sphæris attractivis. Et par est ratio Orbium Sphæricorum concavorum corpora externa trahentium. Et multo magis res constat in Orbibus corpora interius constituta trahentibus, cum attractiones passim per Orbium cavitates ab attractionibus contrariis (per Prop. LXX) tollantur, ideoque vel in ipso contactu nullæ sunt. Quod si Sphæris hisce Orbibusque Sphæricis partes quælibet a loco contactus remotæ auferantur, & partes novæ ubivis addantur: mutari possunt figuræ horum corporum attractivorum pro lubitu, nec tamen partes additæ vel subduktæ, cum sint a loco contactus remotæ, augebunt notabiliter attractionis excessum qui ex contactu oritur. Constat igitur Propositio de corporibus Figurarum omnium. *Q. E. D.*

PRO-

## PROPOSITIO LXXXVI. THEOREMA XLIII.

*Si particularum, ex quibus corpus attractivum componitur, vires in recessu corporis attracti decrescunt in triplicata vel plusquam triplicata ratione distantiarum a particulis: attractio longe fortior erit in contactu, quam cum attrahens & attractum intervallo vel minimo separantur ab invicem.*

Nam attractionem in accessu attracti corpusculi ad hujusmodi Sphæram trahentem augeri in infinitum, constat per solutionem Problematis XLI, in Exemplo secundo ac tertio exhibitam. Idem, per Exempla illa & Theorema XLI inter se collata, facile colligitur de attractionibus corporum versus Orbes concavo-convexos, sive corpora attracta collocentur extra Orbes, sive intra in eorum cavitatibus. Sed & addendo vel auferendo his Sphæris & Orbibus ubi-vis extra locum contactus materiam quamlibet attractivam, eo ut corpora attractiva induant figuram quamvis assignatam, constabit Propositio de corporibus universis. *Q. E. D.*

## PROPOSITIO LXXXVII. THEOREMA XLIV.

*Si corpora duo sibi invicem similia, & ex materia equaliter attractiva constantia, seorsim attrahant corpuscula sibi ipsis proportionalia & ad se similiter posita: attractiones acceleratrices corpusculorum in corpora tota erunt ut attractiones acceleratrices corpusculorum in eorum particulas totis proportionales & in totis similiter positas.*

Nam si corpora distinguantur in particulas, quæ sint totis proportionales & in totis similiter sitæ; erit, ut attractio in particulam quamlibet unius corporis ad attractionem in particulam correspondentem in corpore altero, ita attractiones in particulas singulas primi corporis ad attractiones in alterius particulas singulas correspondentes; & componendo, ita attractio in totum primum corpus ad attractionem in totum secundum. *Q. E. D.*

*Corol. 1. Ergo si vires attractivæ particularum, augendo distantias corpusculorum attractorum, decrescant in ratione dignitatis*  
Cc cujusvis

DE MOTU  
CORPORUM


cujusvis distantiarum: attractiones acceleratrices in corpora tota erunt ut corpora directe & distantiarum dignitates illæ inverse. Ut si vires particularum decreſcant in ratione duplicata distantiarum a corpusculis attractis, corpora autem ſint ut  $A \text{ cub.}$  &  $B \text{ cub.}$  adæque tum corporum latera cubica, tum corpusculorum attractorum distantia a corporibus, ut  $A$  &  $B$ : attractiones acceleratrices in corpora erunt ut  $\frac{A \text{ cub.}}{A \text{ quad.}}$  &  $\frac{B \text{ cub.}}{B \text{ quad.}}$  id eſt, ut corporum latera illa cubica  $A$  &  $B$ . Si vires particularum decreſcant in ratione triplicata distantiarum a corpusculis attractis, attractiones acceleratrices in corpora tota erunt ut  $\frac{A \text{ cub.}}{A \text{ cub.}}$  &  $\frac{B \text{ cub.}}{B \text{ cub.}}$  id eſt, æquales. Si vires decreſcant in ratione quadruplicata, attractiones in corpora erunt ut  $\frac{A \text{ cub.}}{A \text{ qq.}}$  &  $\frac{B \text{ cub.}}{B \text{ qq.}}$  id eſt, reciproce ut latera cubica  $A$  &  $B$ . Et ſic in cæteris.

*Corol. 2.* Unde viciffim, ex viribus quibus corpora ſimilia trahunt corpuscula ad ſe ſimiliter poſita, colligi poteſt ratio decrementi virum particularum attractivarum in reſſu corpusculi attracti, ſi modo decrementum illud ſit directe vel inverse in ratione aliqua distantiarum.

## PROPOSITIO LXXXVIII. THEOREMA XLV.

*Si particularum equalium Corporis cuſcuſque vires attractivæ ſint ut distantia locorum a particulis: vis corporis totius tendet ad ipſius centrum gravitatis; & eadem erit cum vi Globi ex materia conſimili & æquali conſtantis & centrum habentis in ejus centro gravitatis.*

Corporis  $RSTV$  particulae  $A$ ,  $B$  trahant corpusculum aliquod  $Z$  viribus quæ, ſi particulae æquantur inter ſe, ſint ut distantia  $AZ$ ,  $BZ$ ; ſi particulae ſtuantur inæquales, ſint ut hæ particulae in distantias ſuas  $AZ$ ,  $BZ$  reſpective ductæ. Et exponantur hæ vires per contenta illa  $A \times AZ$  &  $B \times BZ$ . Jungatur  $AB$ , & ſecetur ea in  $G$  ut ſit  $AG$  ad  $BG$  ut particula  $B$  ad particulam  $A$ ;



&amp;

& erit  $G$  commune centrum gravitatis particularum  $A$  &  $B$ . Vis  $A \times AZ$  (per Legum Corol. 2.) resolvitur in vires  $A \times GZ$  &  $A \times AG$  & vis  $B \times BZ$  in vires  $B \times GZ$  &  $B \times BG$ . Vires autem  $A \times AG$  &  $B \times BG$ , ob proportionales  $A$  ad  $B$  &  $BG$  ad  $AG$ , æquantur; adeoque cum dirigantur in partes contrarias, se mutuo destruunt. Restant vires  $A \times GZ$  &  $B \times GZ$ . Tendunt hæ ab  $Z$  versus centrum  $G$ , & vim  $A + B \times GZ$  componunt; hoc est, vim eandem ac si particulæ attractivæ  $A$  &  $B$  consisterent in eorum communi gravitatis centro  $G$ , Globum ibi componentes.

Eodem argumento, si adjungatur particula tertia  $C$ , & componatur hujus vis cum vi  $A + B \times GZ$  tendente ad centrum  $G$ ; vis inde oriunda tendet ad commune centrum gravitatis Globi illius  $G$  & particulæ  $C$ ; hoc est, ad commune centrum gravitatis trium particularum  $A$ ,  $B$ ,  $C$ ; & eadem erit ac si Globus & particula  $C$  consisterent in centro illo communi, Globum majorem ibi componentes. Et sic pergitur in infinitum. Eadem est igitur vis tota particularum omnium corporis cujuscunque  $RSTV$  ac si corpus illud, servato gravitatis centro, figuram Globi indueret. *Q. E. D.*

*Corol.* Hinc motus corporis attracti  $Z$  idem erit ac si corpus attrahens  $RSTV$  esset Sphæricum; & propterea si corpus illud attrahens vel quiescat, vel progreditur uniformiter in directum; corpus attractum movebitur in Ellipsi centrum habente in attrahentis centro gravitatis.

## PROPOSITIO LXXXIX. THEOREMA XLVI.

*Si Corpora sint plura ex particulis equalibus constantia; quarum vires sint ut distantie locorum a singulis: vis ex omnium viribus composita, qua corpusculum quodcunque trahitur, tendet ad trahentium commune centrum gravitatis, & eadem erit ac si trahentia illa, servato gravitatis centro communi, coirent & in Globum formarentur.*


Demonstratur eodem modo, atque Propositio superior.

*Corol.* Ergo motus corporis attracti idem erit ac si corpora trahentia, servato communi gravitatis centro, coirent & in Globum formarentur. Ideoque si corporum trahentium commune gravitatis centrum vel quiescat, vel progreditur uniformiter in lineâ rectâ: corpus attractum movebitur in Ellipsi, centrum habente in communi illo trahentium centro gravitatis.

## PROPOSITIO XC. PROBLEMA XLIV.

*Si ad singula Circuli cujuscunque puncta tendant vires æquales centripetæ, decreſcentes in quacunque diſtantiarum ratione: invenire vim qua corpusculum attrahitur ubivis poſitum in recta quæ plano Circuli ad centrum ejus perpendiculariter inſiſſit.*

Centro  $A$  intervallo quovis  $AD$ , in plano cui recta  $AP$  perpendicularis eſt, deſcribi intelligatur Circulus; & invenienda ſit viſ qua corpusculum quodvis  $P$  in eundem attrahitur. A Circuli puncto quovis  $E$  ad corpusculum attractum  $P$ , agatur recta  $PE$ : In recta  $PA$  capiatur  $PF$  ipſi  $PE$  æqualis, & erigatur normalis  $FK$ , quæ ſit ut viſ qua punctum  $E$  trahit corpusculum  $P$ . Sitque  $IKL$  curva linea quam punctum  $K$  perpetuo tangit. Occurrat eadem Circuli plano in  $L$ . In  $PA$  capiatur  $PH$  æqualis  $PD$ , & erigatur perpendiculum  $HI$  curvæ prædictæ occurrens in  $I$ , & erit corpusculi  $P$  attractio in Circulo ut area  $AHIL$  ducta in altitudinem  $AP$ . *Q. E. I.*



Etenim in  $AE$  capiatur linea quam minima  $Ee$ . Jungatur  $Pe$ , & in  $PE$ ,  $PA$  capiantur  $PC$ ,  $Pf$  ipſi  $Pe$  æquales. Et quoniam viſ, qua annuli punctum quodvis  $E$  trahit ad ſe corpus  $P$ , ponitur eſſe ut  $FK$ , & inde viſ qua punctum illud trahit corpus  $P$  verſus  $A$  eſt ut  $\frac{AP \times FK}{PE}$ , & viſ qua annulus totus trahit corpus  $P$  verſus  $A$ , ut annulus &  $\frac{AP \times FK}{PE}$  conjunctim; annulus autem iſte eſt ut rectangulum ſub radio  $AE$  & latitudine  $Ee$ , & hoc rectangulum (ob proportionales  $PE$  &  $AE$ ,  $Ee$  &  $CE$ ) æquatur rectangulo  $PE \times CE$  feu  $PE \times Ff$ ; erit viſ qua annulus iſte trahit corpus  $P$  verſus  $A$ , ut  $PE \times Ff$  &  $\frac{AP \times FK}{PE}$  conjunctim, id eſt, ut contentum  $Ff \times FK \times AP$ , ſive ut area  $FKkf$  ducta in  $AP$ . Et propterea ſumma virium, quibus annuli omnes in Circulo, qui centro  $A$  & intervallo



tervallo  $AD$  describitur, trahunt corpus  $P$  versus  $A$ , est ut area tota  $AHIKL$  ducta in  $AP$ . *Q. E. D.*

*Corol. 1.* Hinc si vires punctorum decrescunt in duplicata distantiarum ratione, hoc est, si sit  $FK$  ut  $\frac{1}{PFquad}$ , atque adeo area  $AHIKL$  ut  $\frac{1}{PA} - \frac{1}{PH}$ , erit attractio corpusculi  $P$  in Circulum ut  $1 - \frac{PA}{PH}$ , id est, ut  $\frac{AH}{PH}$ .


*Corol. 2.* Et universaliter, si vires punctorum ad distantias  $D$  sint reciproce ut distantiarum dignitas quælibet  $D^n$ , hoc est, si sit  $FK$  ut  $\frac{1}{D^n}$ , adcoque area  $AHIKL$  ut  $\frac{1}{PA^{n-1}} - \frac{1}{PH^{n-1}}$ , erit attractio corpusculi  $P$  in Circulum ut  $\frac{1}{PA^{n-1}} - \frac{PA}{PH^{n-1}}$ .

*Corol. 3.* Et si diameter Circuli augeatur in infinitum, & numerus  $n$  sit unitate major, attractio corpusculi  $P$  in planum totum infinitum erit reciproce ut  $PA^{n-2}$ , propterea quod terminus alter  $\frac{PA}{PH^{n-1}}$  evanescet.

# PROPOSITIO XCI. PROBLEMA XLV..

*Invenire attractionem corpusculi siti in axe Solidi rotundi, ad cujus puncta singula tendunt vires æquales centripetæ in quacunque distantiarum ratione decrescentes.*


In Solidum  $ADEFG$  trahatur corpusculum  $P$ , situm in ejus axe  $AB$ . Circulo quolibet  $RFS$  ad hunc axem perpendiculari secetur hoc Solidum, & in ejus diametro  $FS$ , in plano aliquo  $PALKB$  per axem transeunte, capiatur (per Prop. xc) longitudo  $FK$  vi qua corpusculum  $P$  in circulum illum attrahitur proportionalis. Tangat autem punctum  $K$  curvam lineam  $LKI$ , planis extimorum circulorum  $AL$  &  $BI$  occurrentem in  $L$  &  $I$ , & erit attractio corpusculi  $P$  in Solidum ut area  $LABI$ . *Q. E. I.*



*Corol.*

DE MOTU  
CORPORUM


*Corol. 1.* Unde si Solidum Cylindrus sit, parallelogrammo  $ADEB$  circa axem  $AB$  revolutus descriptus, & vires centripetæ in singula ejus puncta tendentes sint reciproce ut quadrata distantiarum a punctis: erit attractio corpusculi  $P$  in hunc Cylindrum ut  $AB - PE + PD$ . Nam ordinatim applicata  $FK$



(per *Corol. 1. Prop. xc*) erit ut  $1 - \frac{PF}{PR}$ . Hujus pars 1 ducta in lon-

gitudinem  $AB$ , describit aream  $1 \times AB$ , & pars altera  $\frac{PF}{PR}$  ducta in longitudinem  $PB$ , describit aream 1 in  $PE - AD$  (id quod ex curvæ  $L IK$  quadratura facile ostendi potest:) & similiter pars eadem ducta in longitudinem  $PA$  describit aream 1 in  $PD - AD$ , ductaque in ipsam  $PB$ ,  $PA$  differentiam  $AB$  describit arearum differentiam 1 in  $PE - PD$ . De contento primo  $1 \times AB$  auferatur contentum postremum 1 in  $PE - PD$ , & restabit area  $LABI$  æqualis 1 in  $AB - PE + PD$ . Ergo vis, huic areæ proportionalis, est ut  $AB - PE + PD$ .

*Corol. 2.* Hinc etiam vis innotescit qua Sphæroidis  $AGBCD$  attrahit corpus quodvis  $P$ , exterius in axe suo  $AB$  situm. Sit  $NKRM$  Sectio Conica cujus ordinatim applicata  $ER$ , ipsi  $PE$  perpendicularis, æquetur semper longitudini  $PD$ , quæ ducitur ad punctum illud  $D$ , in quo applicata ista Sphæroidem secat. A Sphæroidis verticibus  $A, B$




ad ejus axem  $AB$  erigantur perpendiculara  $AK, BM$  ipsis  $AP, BP$  æqualia respective, & propterea Sectioni Conicæ occurrentia in  $K$  &  $M$ ; & jungatur  $KM$  auferens ab eadem segmentum  $KMRK$ . Sit autem Sphæroidis centrum  $S$  & semidiameter maxima  $SC$ : & vis qua

qua Sphæroidis trahit corpus  $P$  erit ad vim qua Sphæra, diametro  $AB$  descripta, trahit idem corpus, ut  $\frac{AS \times CSq - PS \times KMRK}{PSq + CSq - ASq}$

ad  $\frac{AS^3}{3PS^2}$  quad. Et eodem computandi fundamento invenire licet vires segmentorum Sphæroidis.

*Corol. 3.* Quod si corpusculum intra Sphæroidem, in data quavis ejusdem diametro, collocetur; attractio erit ut ipsius distantia a centro. Id quod facilius colligetur hoc argumento. Sit  $AGOF$  Sphæroidis attrahens,  $S$  centrum ejus &  $P$  corpus attractum. Per corpus illud  $P$  agantur tum semidiameter  $SPA$ , tum rectæ duæ quævis  $DE$ ,  $FG$  Sphæroidi hinc inde occurrentes in  $D$  &  $E$ ,  $F$  &  $G$ : Sintque  $PCM$ ,  $HLN$  superficies Sphæroidum duarum interiorum, exteriori similium & concentricarum, quarum prior transeat per corpus  $P$  & secet rectas  $DE$  &  $FG$  in  $B$  &  $C$ , posterior secet easdem rectas in  $H$ ,  $I$  &  $K$ ,  $L$ . Habeant autem Sphæroides

omnes axem communem, & erunt rectarum partes hinc inde interceptæ  $DP$  &  $BE$ ,  $FP$  &  $CG$ ,  $DH$  &  $IE$ ,  $FK$  &  $LG$  sibi mutuo æquales, propterea quod rectæ  $DE$ ,  $PB$  &  $HI$  bisecantur in eodem puncto, ut & rectæ  $FG$ ,  $PC$  &  $KL$ . Concipe jam  $DPF$ ,  $EPG$  designare Conos oppositos, angulis verticalibus  $DPF$ ,  $EPG$  infinite parvis descriptos, & lineas etiam  $DH$ ,  $EI$  infinite parvas esse; & Conorum particule Sphæroidum superficiebus abscissæ  $DHKF$ ,  $GLIE$ , ob æqualitatem linearum  $DH$ ,  $EI$ , erunt ad invicem ut quadrata distantiarum suarum a corpusculo  $P$ , & propterea corpusculum illud æqualiter trahent. Et pari ratione, si superficiebus Sphæroidum innumerarum similium concentricarum & axem communem habentium dividantur spatia  $DPF$ ,  $EGCB$  in particulas, hæc omnes utrinque æqualiter trahent corpus  $P$  in partes contrarias. Æquales igitur sunt vires Coni  $DPF$  & segmenti Coni  $EGCB$ , & per contrarietatem se mutuo destruunt. Et par est ratio virium materiæ omnis extra Sphæroidem intimam  $PCBM$ . Trahitur igitur corpus  $P$  a sola Sphæroide intima  $PCBM$ , & propterea (per Corol. 3. Prop. LXXII) attractio ejus est ad vim, qua corpus  $A$  trahitur a Sphæroide tota  $AGOD$ , ut distantia  $PS$  ad distantiam  $AS$ . Q. E. D.



PRO.

## PROPOSITIO XCII. PROBLEMA XLVI.


*Dato Corpore attractivo, invenire rationem decrementi virium centripetarum in ejus puncta singula tendentium.*

E Corpore dato formanda est Sphæra vel Cylindrus aliave figura regularis, cujus lex attractionis, cuivis decrementi rationi congruens (per Prop. LXXX, LXXXI, & XCI) inveniri potest. Dein factis experimentis invenienda est vis attractionis in diversis distantiiis, & lex attractionis in totum inde patefacta dabit rationem decrementi virium partium singularum, quam invenire oportuit.

## PROPOSITIO XCIII. THEOREMA XLVII.

*Si Solidum ex una parte planum, ex reliquis autem partibus infinitum, constet ex particulis equalibus equaliter attractivis, quarum vires in recessu a Solido decrescunt in ratione potestatis cujusvis distantiarum plusquam quadratice, & vi Solidi totius corpusculum ad utramvis plani partem constitutum trahatur: dico quod Solidi vis illa attractiva, in recessu ab ejus superficie plana, decrescet in ratione potestatis, cujus latus est distantia corpusculi a plano, & Index ternario minor quam Index potestatis distantiarum.*

*Cas. 1.* Sit  $LG\ell$  planum quo Solidum terminatur. Jaceat Solidum autem ex parte plani hujus versus  $I$ , inque plana innumera  $mHM$ ,  $nIN$ , &c. ipsi  $GL$  parallela resolvatur. Et primo collocetur corpus attractum  $C$  extra Solidum. Agatur autem  $CGHI$  planis illis innumerus perpendicularis, & decrescant vires attractivæ punctorum Solidi in ratione potestatis distantiarum, cujus index sit numerus  $n$  ternario non minor. Ergo (per Corol. 3. Prop. xc)



vis

vis qua planum quodvis  $mHM$  trahit punctum  $C$  est reciproce ut  $CH^{-2}$ . In plano  $mHM$  capiatur longitudo  $HM$  ipsi  $CH^{-2}$  reciproce proportionalis, & erit vis illa ut  $HM$ . Similiter in planis singulis  $IGL, IN, OKO$ , &c. capiantur longitudines  $GL, IN, KO$ , &c. ipsis  $CG^{-1}, CI^{-1}, CK^{-1}$ , &c. reciproce proportionales; & vires planorum eorundem erunt ut longitudines captæ, adeoque summa virium ut summa longitudinum, hoc est, vis Solidi totius ut area  $GLOK$  in infinitum versus  $OK$  producta. Sed area illa (per notas quadraturarum methodos) est reciproce ut  $CG^{-3}$ , & propterea vis Solidi totius est reciproce ut  $CG^{-3}$ . *Q. E. D.*

*Cas. 2.* Collocetur jam corpusculum  $C$  ex parte plani  $IGL$  intra Solidum, & capiatur distantia  $CK$  æqualis distantiæ  $CG$ . Et Solidi pars  $LGLKO$ , planis parallelis  $IGL, OKO$  terminata, corpusculum  $C$  in medio situm nullam in partem trahet, contrariis oppositorum punctorum actionibus se mutuo per æqualitatem tollentibus. Proinde corpusculum  $C$  sola vi Solidi ultra planum  $OK$  situm trahitur. Hæc autem vis (per Casum primum) est reciproce ut  $CK^{-3}$ , hoc est (ob æquales  $CG, CK$ ) reciproce ut  $CG^{-3}$ . *Q. E. D.*

*Corol. 1.* Hinc si Solidum  $LGIN$  planis duobus infinitis parallelis  $LG, IN$  utrinque terminetur; innoscit ejus vis attractiva, subducendo de vi attractiva Solidi totius infiniti  $LGKO$  vim attractivam partis ulterioris  $NICO$ , in infinitum versus  $KO$  productæ.

*Corol. 2.* Si Solidi hujus infiniti pars ulterior, quando attractio ejus collata cum attractione partis citerioris nullius pene est momenti, rejiciatur: attractio partis illius citerioris augendo distantiam decrescet quam proxime in ratione potestatis  $CG^{-3}$ .

*Corol. 3.* Et hinc si corpus quodvis finitum & ex una parte planum trahat corpusculum e regione medii illius plani, & distantia inter corpusculum & planum collata cum dimensionibus corporis attrahentis perexigua sit, constet autem corpus attrahens ex particulis homogeneis, quarum vires attractivæ decrescunt in ratione potestatis cujusvis plusquam quadruplicatæ distantiarum, vis attractiva corporis totius decrescet quamproxime in ratione potestatis, cujus latus sit distantia illa perexigua, & Index ternario minor quam Index potestatis prioris. De corpore ex particulis constante, quarum vires attractivæ decrescunt in ratione potestatis triplicatæ distantiarum, assertio non valet; propterea quod, in hoc casu, attractio partis illius ulterioris corporis infiniti in Corollario secundo, semper est infinite major quam attractio partis citerioris.

*Scholium.*

Si corpus aliquod perpendiculariter versus planum datum trahatur, & ex data lege attractionis quærat<sup>ur</sup> motus corporis: Solvetur Problema quærendo (per Prop. xxxix) motum corporis rectâ descendentis ad hoc planum, & (per Legum Corol. 2.) componendo motum istum cum uniformi motu, secundum lineas eidem plano parallelas fact<sup>o</sup>. Et contra, si quærat<sup>ur</sup> Lex attractionis in planum secundum lineas perpendiculares factæ, ea conditione ut corpus attractum in data quacunque curva linea moveatur, solvetur Problema operando ad exemplum Problematis tertii.

Operationes autem contrahi solent resolvendo ordinatim applicatas in Series convergentes. Ut si ad basem A in angulo quovis dato ordinatim applicetur longitudo B, quæ sit ut basis dignitas quælibet  $A^{\frac{m}{n}}$ ; & quærat<sup>ur</sup> vis qua corpus, secundum positionem ordinatim applicatæ, vel in basem attractum vel a basi fugatum, moveri possit in curva linea quam ordinatim applicata termino suo superiore semper attingit: Suppono basem augeri parte

quam minima O, & ordinatim applicatam  $\overline{A+O}^{\frac{m}{n}}$  resolvo in Seriem infinitam  $A^{\frac{m}{n}} + \frac{m}{n} O A^{\frac{m-n}{n}} + \frac{m(m-n)}{2nn} O O A^{\frac{m-2n}{n}}$  &c. atque hujus termino in quo O duarum est dimensionum, id est, termino  $\frac{m(m-n)}{2nn} O O A^{\frac{m-2n}{n}}$  vim proportionalem esse suppono. Est igitur vis quæsitâ ut  $\frac{m(m-n)}{nn} A^{\frac{m-2n}{n}}$ , vel quod perinde est, ut  $\frac{m(m-n)}{nn} B^{\frac{m-2n}{m}}$ . Ut si ordinatim applicata Parabolam attingat,

existente  $m=2$ , &  $n=1$ : fiet vis ut data  $2B^0$ , adeoque dabitur. Data igitur vi corpus movebitur in Parabola, quemadmodum *Galileus* demonstravit. Quod si ordinatim applicata Hyperbolam attingat, existente  $m=0-1$ , &  $n=1$ ; fiet vis ut  $2A^{-3}$  seu  $2B^3$ : adeoque vi, quæ sit ut cubus ordinatim applicatæ, corpus movebitur in Hyperbola. Sed missis hujusmodi Propositionibus, pergo ad alias quasdam de Motu, quas nondum attigi.

## SECTIO

## SECTIO XIV.


*De Motu corporum minimorum, quæ Viribus centripetis ad singulas magni alicujus corporis partes tendentibus agitantur.*

## PROPOSITIO XCIV. THEOREMA XLVIII.

*Si Media duo similiaria, spatio planis parallelis utrinque terminato, distinguantur ab invicem, & corpus in transitu per hoc spatium attrahatur vel impellatur perpendiculariter versus Medium alterutrum, neque ulla alia vi agitetur vel impediatur: Sit autem attractio, in æqualibus ab utroque plano distantis ad eandem ipsius partem captis, ubique eadem: dico quod sinus incidentiæ in planum alterutrum erit ad sinum emergentiæ ex plano altero in ratione data.*

Cas. I. Sinto  $Aa, Bb$

planis duo parallela. Incidat corpus in planum prius  $Aa$  secundum lineam  $AH$ , ac toto suo per spatium intermedium transitu attrahatur vel impellatur versus Medium incidentiæ, eaque actione describat lineam curvam  $HI$ , & emergat secundum lineam  $IK$ . Ad planum emergentiæ  $Bb$  erigatur perpendicularum  $IM$ , occurrens tum lineæ incidentiæ  $GH$  productæ in  $M$ , tum plano incidentiæ  $Aa$  in  $R$ , & linea emergentiæ  $KI$  producta occurrat  $HM$  in  $L$ . Centro  $L$  intervallo  $LI$  describatur Circulus,



Dd 2


fecans

DE MOTU  
CORPORUM

secans tam  $HM$  in  $P$  &  $Q$ , quam  $MI$  productam in  $N$ , & primo si attractio vel impulsus ponatur uniformis, erit (ex demonstratis *Galilei*) curva  $HI$  Parabola, cujus hæc est proprietas, ut rectangulum sub dato latere recto & linea  $IM$  æquale sit  $HM$  quadrato; sed & linea  $HM$  bifecabitur in  $L$ . Unde si ad  $MI$  demittatur

perpendiculum  $LO$ , æquales erunt  $MO$ ,  $OR$ , & additis æqualibus  $ON$ ,  $OI$ , fient totæ æquales  $MN$ ,  $IR$ . Proinde cum  $IR$  detur, datur etiam  $MN$ ; estque rectangulum  $NMI$  ad rectangulum sub latere recto &  $IM$ , hoc est, ad  $HMq$ , in data ratione. Sed rectangulum  $NMI$  æquale est rectangulo  $PMQ$ , id est, differentiæ quadratorum  $MLq$ , &  $PLq$  seu  $Liq$ ; &  $HMq$  datam

rationem habet ad sui ipsius quartam partem  $MLq$ ; ergo datur ratio  $MLq - Liq$  ad  $MLq$ , & divisim, ratio  $Liq$  ad  $MLq$ , & ratio dimidiata  $LI$  ad  $ML$ . Sed in omni triangulo  $LMI$ , sinus angulorum sunt proportionales lateribus oppositis. Ergo datur ratio sinus anguli incidentiæ  $LMR$  ad sinum anguli emergentiæ  $LIR$ . *Q. E. D.*



*Cas. 2.* Transeat jam corpus successive per spatia plura parallelis planis terminata,  $AabB$ ,  $BbcC$ , &c. & agitur vi quæ sit in singulis



singulis separatim uniformis, at in diversis diversa, & per jam demonstrata, sinus incidentiæ in planum primum  $Aa$  erit ad sinum emergentiæ ex plano secundo  $Bb$ , in data ratione; & hic sinus, qui est sinus incidentiæ in planum secundum  $Bb$ , erit ad sinum emergentiæ ex plano tertio  $Cc$ , in data ratione; & hic sinus ad sinum emergentiæ ex plano quarto  $Dd$ , in data ratione; & sic in infinitum: & ex æquo, sinus incidentiæ in planum primum ad sinum emergentiæ ex plano ultimo in data ratione. Minuantur jam planorum intervalla & augeatur numerus in infinitum, eo ut attractionis vel impulsus actio, secundum legem quamcunque assignatam, continua reddatur, & ratio sinus incidentiæ in planum primum ad sinum emergentiæ ex plano ultimo, semper data existens, etiamnum dabitur. *Q. E. D.*

## PROPOSITIO XCV. THEOREMA XLIX.

*Isidem positis; dico quod velocitas corporis ante incidentiam est ad ejus velocitatem post emergentiam, ut sinus emergentiæ ad sinum incidentiæ.*


Capiantur  $AH$ ,  $Id$  æquales, & erigantur perpendiculara  $AG$ ,  $dK$  occurrentia lineis incidentiæ & emergentiæ  $GH$ ,  $IK$ , in  $G$  &  $K$ . In  $GH$  capiatur  $TH$  æqualis  $IK$ , & ad planum  $Aa$  demittatur normaliter  $Tv$ . Et (per Legum Corol. 2) distinguatur motus corporis in duos, unum planis  $Aa$ ,  $Bb$ ,  $Cc$ , &c. perpendiculararem, alterum iisdem parallelum. Vis attractionis vel impulsus, agendo secundum lineas perpendiculares, nil mutat motum secundum parallelas, & propterea corpus hoc motu conficiet æqualibus temporibus æqualia illa secundum parallelas intervalla, quæ sunt inter lineam  $AG$  & punctum  $H$ , interque punctum  $I$  & lineam  $dK$ ; hoc est, æqualibus temporibus describet lineas  $GH$ ,  $IK$ . Proinde velocitas ante incidentiam est ad velocitatem post emergentiam, ut  $GH$  ad  $IK$  vel  $TH$ , id est, ut  $AH$  vel  $Id$  ad  $vH$ , hoc est (respectu radii  $TH$  vel  $IK$ ) ut sinus emergentiæ ad sinum incidentiæ. *Q. E. D.*

PRO.

## PROPOSITIO XCVI. THEOREMA L.

*Iisdem positis & quod motus ante incidentiam velocior sit quam postea: dico quod corpus, inclinando lineam incidentiæ, reflectetur tandem, & angulus reflexionis fiet æqualis angulo incidentiæ.*

Nam concipe corpus inter parallela plana  $Aa, Bb, Cc, &c.$  describere arcus Parabolicos, ut supra; sintque arcus illi  $HP, PQ, QR, &c.$  Et sit ea lineæ incidentiæ  $GH$  obliquitas ad planum primum  $Aa$ , ut sinus incidentiæ sit ad radium circuli, cujus est sinus, in ea ratione quam habet idem sinus incidentiæ ad sinum emergentiæ ex plano  $Dd$ , in spatium  $DdeE$ : & ob sinum emergentiæ jam factum æqualem radio, angulus emergentiæ erit rectus, adeoque linea emergentiæ coincidet cum plano  $Dd$ . Perveniat corpus ad hoc planum in puncto  $R$ ; & quoniam linea emergentiæ coincidit cum eodem plano, perspicuum est quod corpus non potest ultra pergere versus planum  $Ee$ . Sed nec potest idem pergere in linea emergentiæ  $Rd$ , propterea quod perpetuo attrahitur vel impellitur versus Medium incidentiæ. Revertetur itaque inter plana  $Cc, Dd$ , describendo arcum Parabolæ  $QRq$ , cujus vertex principalis (juxta demonstrata *Galilei*) est in  $R$ ; secabit planum  $Cc$  in eodem angulo in  $q$ , ac prius in  $Q$ ; dein pergendo in arcubus parabolicis  $qp, pb, &c.$  arcubus prioribus  $QP, PH$  similibus & æqualibus, secabit reliqua plana in iisdem angulis in  $p, b, &c.$  ac prius in  $P, H, &c.$  emergetque tandem eadem obliquitate in  $b$ , qua incidit in  $H$ . Concipe jam planorum  $Aa, Bb, Cc, Dd, Ee, &c.$  intervalla in infinitum minui & numerum augeri, eo ut actio attractionis vel impulsus secundum legem quæcunque assignatam continua reddatur; & angulus emergentiæ semper angulo incidentiæ æqualis existens, eidem etiamnum manebit æqualis. *Q. E. D.*




*Scholium.*

## Scholium.

LIBER  
PRIMUS.

Harum attractionum haud multum dissimiles sunt Lucis reflexiones & refractiones, factæ secundum datam Secantium rationem, ut invenit *Snellius*, & per consequens secundum datam Sinuum rationem, ut exposuit *Cartesius*. Namque Lucem successive propagari & spatio quasi septem vel octo minorum primorum a Sole ad Terram venire, jam constat per Phænomena Satellitum *Jovis*, Observationibus diversorum Astronomorum confirmata. Radii autem in aere existentes (uti dudum *Grimaldus*, luce per foramen in tenebrosam cubiculum admissa, invenit, & ipse quoque expertus) in transitu suo prope corporum vel opacorum vel perspicuorum angulos (quales sunt nummorum ex auro, argento & ære cultorum termini rectanguli circulares, & cultorum, lapidum aut fractorum vitrorum acies) incurvantur circum corpora, quasi attracti in eadem; & ex his radii, qui in transitu illo propius accedunt

ad corpora incurvantur magis, quasi magis attracti, ut ipse etiam diligenter observavi. In figura designat *s* aciem cultri vel cunei cujusvis *AsB*, & *gowog*, *fnunf*, *emtme*, *dlsl*, sunt radii, arcubus *owo*, *nun*, *mtm*, *lsl* versus cultrum incurvati; idque magis vel minus pro distantia eorum a cultro. Cum autem talis incurvatio radiorum fiat in aere extra cultrum, de-




bebunt etiam radii, qui incidunt in cultrum, prius incurvari in aere: quam cultrum attingunt. Et par est ratio incidentium in vitrum. Fit igitur refraction, non in puncto incidentiæ, sed paulatim per continuum incurvationem radiorum, factam partim in aere antequam attingunt vitrum, partim (ni fallor) in vitro, postquam illud ingressi sunt: uti in radiis *ckzkc*, *bixib*, *ahxha* incidentibus ad *r*, *q*, *p*, & inter *k* & *z*, *i* & *y*, *h* & *x* incurvatis, delineatum est. Igitur ob analogiam quæ est inter propagationem radiorum lucis, & progressum corporum, visum est Propositiones sequentes in usus Opticos subungere; interea de natura radiorum (utrum sint corpora necne) nihil omnino disputans, sed Trajectorias corporum: Trajectorias radiorum persimiles solummodo determinans.

PROPO-

## PROPOSITIO XCVII. PROBLEMA XLVII.

*Posito quod sinus incidentiæ in superficiem aliquam sit ad sinum emergentiæ in data ratione, quodque incurvatio viæ corporum juxta superficiem illam fiat in spatio brevissimo, quod ut punctum considerari possit; determinare superficiem quæ corpuscula omnia de loco dato successive manantia convergere faciat ad alium locum datum.*

Sit  $A$  locus a quo corpuscula divergunt;  $B$  locus in quem convergere debent;  $CDE$  curva linea quæ circa axem  $AB$  revoluta describat superficiem quæsitam;  $D, E$  curvæ illius puncta duo quævis; &  $EF, EG$  perpendiculara in corporis vias  $AD, DB$  demissa. Accedat punctum  $D$  ad punctum  $E$ ; & lineæ  $DF$  qua  $AD$  augetur, ad lineam  $DG$  qua  $DB$  diminuitur, ratio ultima erit eadem quæ sinus incidentiæ ad sinum emergentiæ. Datur ergo ratio



incrementi lineæ  $AD$  ad decrementum lineæ  $DB$ ; & propterea si in axe  $AB$  sumatur ubivis punctum  $C$ , per quod curva  $CDE$  transire debet, & capiatur ipsius  $AC$  incrementum  $CM$ , ad ipsius  $BC$  decrementum  $CN$  in data illa ratione; centrisque  $A, B$ , & intervallis  $AM, BN$  describantur circuli duo se mutuo secantes in  $D$ : punctum illud  $D$  tanget curvam quæsitam  $CDE$ , eandemque ubivis tangendo determinabit. *Q. E. I.*


*Corol. 1.* Faciendo autem ut punctum  $A$  vel  $B$  nunc abeat in infinitum, nunc migret ad alteras partes puncti  $C$ , habebuntur Figure illæ omnes quas *Cartesius* in *Optica* & *Geometria* ad Refractiones exposuit. Quarum inventionem cum *Cartesius* maximi fecerit & studiose celaverit, visum fuit hac propositione exponere.

*Corol.*



DE MOTU  
CORPORUM

& divisim ut  $DL - FB$  seu  $PH - PD - FB$  ad  $FD$  seu  $FQ - QD$ ;  
 & composite ut  $PH - FB$  ad  $FQ$ , id est (ob æquales  $PH$   
 &  $CG$ ,  $QS$  &  $CE$ )  
 $CE + BG - FR$  ad  
 $CE - FS$ . Verum (ob  
 proportionales  $BG$  ad  
 $CE$  &  $M - N$  ad  $N$ )  
 est etiam  $CE + BG$  ad  
 $CE$  ut  $Ma$  ad  $N$ ; adeoque  
 divisim  $FR$  ad  $FS$  ut  
 $Ma$  ad  $N$ , & propterea per  
 Corol. 2. Prop. xcvii,  
 superficies  $EF$  cogit cor-  
 pus, in ipsam secundum lineam  $DF$  incidens, pergere in linea  $FR$   
 ad locum  $B$ .  $Q. E. D.$

*Scholium.*

Eadem methodo pergere liceret ad superficies tres vel plures. Ad usum autem Opticos maxime accommodatæ sunt figuræ Sphæricæ. Si Perspicillorum vitra Objectiva ex vitris duobus Sphæricæ figuratis & Aquam inter se cludentibus consentur; fieri potest ut a refractionibus Aquæ errores refractionum, quæ sunt in vitrorum superficiebus extremis, satis accurate corrigantur. Talia autem vitra Objectiva vitris Ellipticis & Hyperbolicis præferenda sunt, non solum quod facilius & accuratius formari possint, sed etiam quod Penicillos radiorum extra axem vitri sitos accuratius refringant. Verum tamen diversa diversorum radiorum Refrangibilitas impedimento est, quo minus Optica per Figuras vel Sphæricas vel alias quascunque perfici possit. Nisi corrigi possint errores illinc oriundi, labor omnis in cæteris corrigendis imperite collocabitur.

DE

D E

# MOTU CORPORUM

## LIBER SECUNDUS.

---

### SECTIO I.

*De Motu Corporum quibus resistitur in ratione  
Velocitatis.*

#### PROPOSITIO I. THEOREMA I.

*Corporis, cui resistitur in ratione velocitatis, motus ex resistentia  
amissus est ut spatium movendo confectum.*

**N**Am cum motus singulis temporis particulis æqualibus amissus sit ut velocitas, hoc est, ut itineris confecti particula: erit, componendo, motus toto tempore amissus ut iter totum. *Q.E.D.*

*Corol.* Igitur si corpus, gravitate omni destitutum, in spatiis liberis sola vi insita moveatur; ac detur tum motus totus sub initio, tum etiam motus reliquus post spatium aliquod confectum: dabitur spatium totum quod corpus infinito tempore describere potest. Erit enim spatium illud ad spatium jam descriptum, ut motus totus sub initio ad motus illius partem amissam.

#### LEMMA I.

*Quantitates differentis suis proportionales, sunt continue proportionales.*

Sit A ad A - B ut B ad B - C & C ad C - D, &c. & dividendo fiet A ad B ut B ad C & C ad D, &c. *Q.E.D.*

E c 2

PRO.


## PROPOSITIO II. THEOREMA II.

*Si Corpori resistitur in ratione velocitatis, & idem sola vi insita per Medium simile moveatur, sumantur autem tempora æqualia: velocitates in principiis singulorum temporum sunt in progressionem Geometricam, & spatia singulis temporibus descripta sunt ut velocitates.*

*Cas. 1.* Dividatur tempus in particulas æquales; & si ipsis particularum initiis agat vis resistentiæ impulso unico, quæ sit ut velocitas: erit decrementum velocitatis singulis temporis particulis ut eadem velocitas. Sunt ergo velocitates differentiis suis proportionales, & propterea (per Lem. 1. Lib. 11.) continue proportionales. Proinde si ex æquali particularum numero componantur tempora quælibet æqualia, erunt velocitates ipsis temporum initiis, ut termini in progressionem continua, qui per saltum capiuntur, omisso passim æquali terminorum intermediorum numero. Componuntur autem horum terminorum rationes ex æqualibus rationibus terminorum intermediorum æqualiter repetitis, & propterea sunt æquales. Igitur velocitates, his terminis proportionales, sunt in progressionem Geometricam. Minuantur jam æquales illæ temporum particule, & augeatur earum numerus in infinitum, eo ut resistentiæ impulsus reddatur continuus; & velocitates in principiis æqualium temporum, semper continue proportionales, erunt in hoc etiam casu continue proportionales. *Q. E. D.*

*Cas. 2.* Et divisim velocitatum differentiarum, hoc est, earum partes singulis temporibus amissæ, sunt ut totæ: Spatia autem singulis temporibus descripta sunt ut velocitatum partes amissæ, (per Prop. 1. Lib. 11.) & propterea etiam ut totæ. *Q. E. D.*

*Corol.* Hinc si Asymptotis rectangulis *ADC*, *CH* describatur Hyperbola *BG*, sintque *AB*, *DG* ad Asymptoton *AC* perpendiculares, & exponatur tum corporis velocitas tum resistentia Medii, ipso motus initio, per lineam quamvis datam *AC*, elapso autem tempore aliquo per lineam indefinitam *DC*: exponi potest tempus per arcam *ABGD*, & spatium eo tempore descriptum per lineam *AD*. Nam si area illa per motum puncti *D* augeatur uniformiter ad modum tempo-






ris, decreſcet recta  $DC$  in ratione Geometrica ad modum velocitatis, & partes rectæ  $AC$  æqualibus temporibus deſcriptæ decreſcent in eadem ratione.

LIBER  
SECUNDUS.


## PROPOSITIO III. PROBLEMA I.

*Corporis, cui dum in Medio ſimilari recta aſcendit vel deſcendit, reſiſtitur in ratione velocitatis, quodque ab uniformi gravitate urgetur, deſignare motum.*

Corpore aſcendente, exponatur gravitas per datum quodvis rectangulum  $BC$ , & reſiſtentia Medii initio aſcenſus per rectangulum  $BD$  ſumprum ad contrarias partes. Aſymptotis rectangulis  $AC, CH$ , per punctum  $B$  deſcribatur Hyperbola ſecans perpendiculara  $DE, de$  in  $G, g$ ; & corpus aſcendendo, tempore  $DGgd$ , deſcribet ſpatium  $EGge$ , tempore  $DGBA$  ſpatium aſcenſus totius  $EGB$ ; tempore  $AB2G2D$  ſpatium deſcenſus  $BF2G$ , atque tempore  $2D2G2g2d$  ſpatium deſcenſus  $2GF2e2g$ ; & velocitates corporis (reſiſtentia Medii proportionales) in horum temporum periodis erunt  $ABED$ ,  $ABed$ , nulla,  $ABF2D$ ,  $AB2e2d$  reſpective; atque maxima velocitas, quam corpus deſcendendo poteſt acquirere, erit  $BC$ .



Reſolvatur enim rectangulum  $AH$  in rectangula innumera  $Ak, Kl, Lm, Mn$ , &c. quæ ſint ut incrementa velocitatum æqualibus totidem temporibus facta; & erunt nihil,  $Ak, Al, Am, An$ , &c. ut velocitates totæ, atque adeo (per Hypotheſin) ut reſiſtentia Medii principio ſingulorum temporum æqualium. Fiat  $AC$  ad  $AK$  vel  $ABHC$  ad  $ABkK$ , ut vis gravitatis ad reſiſtentiam in principio temporis ſecundi, deque vi gravitatis



tatis subducantur resistentiæ, & manebunt  $ABHC$ ,  $KkHC$ ,  $LlHC$ ,  $NnHC$ , &c. ut vires absolutæ quibus corpus in principio singulorum temporum urgetur, atque adeo (per motus Legem 11) ut incrementa velocitatum, id est, ut rectangula  $Ak$ ,  $Kl$ ,  $Lm$ ,  $Mn$ , &c. & propterea (per Lem. 1. Lib. 11) in progressionem Geometricam. Quare si rectæ  $Kk$ ,  $Ll$ ,  $Mm$ ,  $Nn$ , &c. productæ occurrant Hyperbolæ in  $q$ ,  $r$ ,  $s$ ,  $t$ , &c. erunt areæ  $ABqK$ ,  $KqrL$ ,  $LrsM$ ,  $MstN$ , &c. æquales, adeoque tum temporibus tum viribus gravitatis semper æqualibus analogæ. Est autem area  $ABqK$  (per Corol. 3. Lem. VII, & Lem. VIII, Lib. 1) ad arcam  $Bkq$  ut  $Kq$  ad  $\frac{1}{2}kq$  seu  $AC$  ad  $\frac{1}{2}AK$ , hoc est, ut vis gravitatis ad resistentiam in medio temporis primi.

Et simili argumento areæ  $qKLr$ ,  $rLMs$ ,  $sMnt$ , &c.

sunt ad areæ  $qklr$ ,  $rlms$ ,  $smnt$ , &c. ut vires gravi-

tatis ad resistentias in medio temporis secundi, ter-

tii, quarti, &c. Proinde cum areæ æquales  $BAKq$ ,  $qKLr$ ,

$rLMs$ ,  $sMnt$ , &c. sint vir-

ibus gravitatis analogæ, e-

runt areæ  $Bkq$ ,  $qklr$ ,  $rlms$ ,

$smnt$ , &c. resistentiis in mediis singulorum temporum, hoc est (per

Hypothesin) velocitatibus, atque adeo descriptis spatiis analogæ.

Sumantur analogarum summæ, & erunt areæ  $Bkq$ ,  $Blr$ ,  $Bms$ ,  $Bnt$ ,


&c. spatiis totis descriptis analogæ; necnon areæ  $ABqK$ ,  $ABrL$ ,

$ABsM$ ,  $ABtN$ , &c. temporibus. Corpus igitur inter descenden-

dum, tempore quovis  $ABrL$ , describit spatium  $Blr$ , & tempore

$LrtN$  spatium  $rlnt$ . Q. E. D. Et similis est demonstratio motus

expositi in ascensu. Q. E. D.



**Corol. 1.** Igitur velocitas maxima, quam corpus cadendo potest acquirere, est ad velocitatem dato quovis tempore acquisitam, ut vis data gravitatis qua perpetuo urgetur, ad vim resistentiæ qua in fine temporis illius impeditur.

**Corol. 2.** Tempore autem aucto in progressionem Arithmetica, summa velocitatis illius maximæ ac velocitatis in ascensu (atque etiam earundem differentia in descensu) decrescit in progressionem Geometricam.

**Corol. 3.** Sed & differentiæ spatiorum, quæ in æqualibus temporum differentis describuntur, decrescunt in eadem progressionem Geometricam.


**Corol.**

*Corol. 4.* Spatium vero a corpore descriptum differentia est duorum spatiorum, quorum alterum est ut tempus sumptum ab initio descensus, & alterum ut velocitas, quæ etiam ipso descensus initio æquantur inter se.

## PROPOSITIO IV. PROBLEMA II.

*Posito quod vis gravitatis in Medio aliquo similari uniformis sit, ac tendat perpendiculariter ad planum Horizontis; definire motum Projectilis in eodem, resistantiam velocitati proportionalem patientis.*

E loco quovis *D* egrediatur Projectile secundum lineam quamvis rectam *DP*, & per longitudinem *DP* exponatur ejusdem velocitas sub initio motus. A puncto *P* ad lineam Horizontalem *DC* demittatur perpendicularum *PC*, & secetur *DC* in *A* ut sit *DA* ad *AC* ut resistantia Medii, ex motu in altitudine sub initio orta, ad vim gravitatis; vel (quod perinde est) ut sit rectangulum sub *DA* & *DP* ad rectangulum sub *AC* & *CP* ut resistantia tota sub initio motus ad vim gravitatis. Asymptotis *DC*, *CP*, describatur Hyperbola quævis *GTBS* secans perpendiculara *DG*, *AB* in *G* & *B*, & compleatur parallelogrammum *DGKC*, cujus latus *GK* secet *AB* in *Q*. Capiatur linea *N* in ratione ad *QB* qua *DC* sit ad *CP*; & ad rectæ *DC* punctum quodvis *R* erecto perpendicularo *RT*, quod Hyperbolæ in *T*, & rectis *EH*, *GK*, *DP*



in *I*, *t* & *V* occurrat; in eo cape *Vr* æqualem  $\frac{tGT}{N}$ , vel quod perinde






DE MOTU  
CORPORUM

datur latus rectum Parabolæ, ut notum est. Et sumendo  $2DP$  ad latus illud rectum, ut est vis gravitatis ad vim resistantiæ, datur  $DP$ . Dein secando  $DC$  in  $A$ , ut sit  $CP \times AC$  ad  $DP \times DA$  in eadem illa ratione gravitatis ad resistantiam, dabitur punctum  $A$ . Et inde datur Curva  $DraF$ .

*Corol. 5.* Et contra, si datur Curva  $DraF$ , dabitur & velocitas corporis & resistantia Medii in locis singulis  $r$ . Nam ex data ratione  $CP \times AC$  ad  $DP \times DA$ , datur tum resistantia Medii sub initio motus, tum latus rectum Parabolæ: & inde datur etiam velocitas sub initio motus. Deinde ex longitudine tangentis  $rL$ , datur & huic proportionalis velocitas, & velocitati proportionalis resistantia in loco quovis  $r$ .

*Corol. 6.* Cum autem longitudine  $2DP$  sit ad latus rectum Parabolæ ut gravitas ad resistantiam in  $D$ , & ex aucta velocitate augeatur resistantia in eadem ratione, at latus rectum Parabolæ augeatur in ratione illa duplicata: patet longitudinem  $2DP$  augeri in ratione illa simplici, adeoque velocitati semper proportionalem esse, neque ex angulo  $CDP$  mutato augeri vel minui, nisi mutetur quoque velocitas.

*Corol. 7.* Unde liquet methodus determinandi Curvam  $DraF$  ex Phenomenis quamproxime, & inde colligendi resistantiam & velocitatem quacum corpus projicitur. Proficiantur corpora duo similia & æqualia eadem cum velocitate, de loco  $D$ , secundum angulos diversos  $CDP$ ,  $cDp$  (minuscularum litterarum locis subintellectis) & cognoscantur loca  $F, f$ , ubi incidunt in horizontale planum  $DC$ . Tum, assumpta quacunque longitudine pro  $DP$  vel  $Dp$ , fingatur quod resistantia in  $D$  sit ad gravitatem in ratione



tione qualibet, & exponatur ratio illa per longitudinem quamvis  $SM$ . Deinde per computationem, ex longitudine illa assumpta

$DP$ , inveniantur longitudines  $DF$ ,  $Df$ , ac de ratione  $\frac{Ff}{DF}$  per

calculus inventa, auferatur ratio eadem per experimentum inventa, & exponatur differentia per perpendicularum  $MN$ . Idem fac iterum ac tertio, assumendo semper novam resistantiæ ad gravitatem rationem  $SM$ , & colligendo novam differentiam  $MN$ . Ducantur autem differentiæ affirmativæ ad unam partem

rectæ  $SM$ , & negativæ ad alteram; & per puncta  $N, N, N$  agatur curva regularis  $NNN$  secans rectam  $SM$  in  $X$ , & erit  $SX$  vera ratio resistantiæ ad gravitatem, quam invenire oportuit. Ex hac ratione colligenda est longitudo  $DF$  per calculum; & longitudo quæ sit ad assumptam longitudinem  $DP$ , ut longitudo  $DF$  per experimentum cognita ad longitudinem  $DF$  modo inventam, erit vera longitudo  $DP$ . Qua inventa, habetur tum Curva linea  $DrAF$  quam corpus describit, tum corporis velocitas & resistantia in locis singulis.



*Scholium.*

Cæterum, resistantiam corporum esse in ratione velocitatis, Hypothesis est magis Mathematica quam Naturalis. Obtinet hæc ratio quamproxime ubi corpora in Mediis rigore aliquo præditis tardissime moventur. In Mediis autem quæ rigore omni vacant resistantiæ corporum sunt in duplicata ratione velocitatum. Etenim actione corporis velocioris communicatur eidem Medii quantitati, tempore minore, motus major in ratione majoris velocitatis; adeoque tempore æquali (ob majorem Medii quantitatem perturbatam) communicatur motus in duplicata ratione major; estque resistantia (per motus Legem II & III) ut motus communicatus. Videamus igitur quales oriantur motus ex hac lege Resistentiæ.


## S E C T I O II.

*De motu Corporum quibus resistitur in duplicata ratione Velocitatum.*

## PROPOSITIO V. THEOREMA III.

*Si Corpori resistitur in velocitatis ratione duplicata, & idem sola vi insita per Medium simile movetur; tempora vero sumantur in progressione Geometrica a minoribus terminis ad majores pergente: dico quod velocitates initio singulorum temporum sunt in eadem progressione Geometrica inverte, & quod spatia sunt equalia quæ singulis temporibus describuntur.*

Nam quoniam quadrato velocitatis proportionalis est resistentia Medii, & resistentiæ proportionale est decrementum velocitatis; si tempus in particulas innumeras æquales dividatur, quadrata velocitatum singulis temporum initiis erunt velocitatum earundem differentiis proportionalia. Sunt temporis particulæ illæ  $AK, KL, LM, &c.$  in recta  $C'D$  sumptæ, & erigantur perpendiculara  $AB, Kk, Ll, Mm, &c.$  Hyperbolæ  $BklmG$ , centro  $C$  Asymptotis rectangulis  $CD, CH$  descriptæ, occurrentia in  $B, k, l, m, &c.$  & erit  $AB$  ad  $Kk$  ut  $CK$  ad  $CA$ , & divisim  $AB - Kk$  ad  $Kk$  ut  $AK$  ad  $CA$ , & vicissim  $AB - Kk$  ad  $AK$  ut  $Kk$  ad  $CA$ , adeoque ut  $AB \times Kk$  ad  $AB \times CA$ . Unde, cum  $AK$  &  $AB \times CA$  dentur, erit  $AB - Kk$  ut  $AB \times Kk$ , & ultimo, ubi coeunt  $AB$  &  $Kk$ , ut  $ABq$ . Et simili argumento erunt  $Kk - Ll, Ll - Mm, &c.$  ut  $Kkq, Llq, &c.$  Linearum igitur  $AB, Kk, Ll, Mm$  qua-





quadrata sunt ut earundem differentiarum, & idcirco cum quadrata velocitatum fuerint etiam ut ipsarum differentiarum, similis erit amborum progressio. Quo demonstrato, consequens est etiam ut areae his lineis descriptae sint in progressionem confluam cum spatiis quae velocitatibus describuntur. Ergo si velocitas initio primi temporis  $AK$  exponatur per lineam  $AB$ , & velocitas initio secundi  $KL$  per lineam  $Kk$ , & longitudo primo tempore descripta per aream  $AKkB$ , velocitates omnes subsequentes exponantur per lineas subsequentes  $Ll$ ,  $Mm$ , &c. & longitudines descriptae per areas  $Kl$ ,  $Lm$ , &c. Et compositae, si tempus totum exponatur per summam partium suarum  $AM$ , longitudo tota descripta exponetur per summam partium suarum  $AMmB$ . Concipe jam tempus  $AM$  ita dividi in partes  $AK$ ,  $KL$ ,  $LM$ , &c. ut sint  $CA$ ,  $CK$ ,  $CL$ ,  $CM$ , &c. in progressionem Geometricam, & erunt partes illae in eadem progressionem, & velocitates  $AB$ ,  $Kk$ ,  $Ll$ ,  $Mm$ , &c. in progressionem eadem inversa, atque spatia descripta  $Ak$ ,  $Kl$ ,  $Lm$ , &c. aequalia:  $Q. E. D.$

*Corol. 1.* Patet ergo quod, si tempus exponatur per Asymptotam partem quamvis  $AD$ , & velocitas in principio temporis per ordinatam applicatam  $AB$ , velocitas in fine temporis exponetur per ordinatam  $DG$ , & spatium totum descriptum per aream Hyperbolicam adjacentem  $ABGD$ , necnon spatium quod corpus aliquod eodem tempore  $AD$ , velocitate prima  $AB$ , in Medio non resistente describere posset, per rectangulum  $AB \times AD$ .

*Corol. 2.* Unde datur spatium in Medio resistente descriptum, capiendum illud ad spatium quod velocitate uniformi  $AB$  in medio non resistente simul describi posset, ut est area Hyperbolica  $ABGD$  ad rectangulum  $AB \times AD$ .

*Corol. 3.* Datur etiam resistentia Medii, statuendo eam ipso motus initio aequalem esse vi uniformi centripetae, quae in cadente corpore, tempore  $AC$ , in Medio non resistente, generare posset velocitatem  $AB$ . Nam si ducatur  $BT$  quae tangat Hyperbolam in  $B$ , & occurrat Asymptoto in  $T$ , recta  $AT$  aequalis erit ipsi  $AC$ , & tempus exponet quo resistentia prima uniformiter continuata tollere posset velocitatem totam  $AB$ .

*Corol. 4.* Et inde datur etiam proportio hujus resistentiae ad vim gravitatis, aliamve quamvis datam vim centripetam.


*Corol. 5.* Et viceversa, si datur proportio resistentiae ad datam quamvis vim centripetam, datur tempus  $AC$ , quo vis centripeta resistentiae aequalis generare possit velocitatem quamvis  $AB$ : & inde

de datur punctum  $B$  per quod Hyperbola, Asymptotis  $CH$ ,  $CD$ , describi debet, ut & spatium  $ABGD$ , quod corpus incipiendo motum suum cum velocitate illa  $AB$ , tempore quovis  $AD$ , in Medio simili resistente describere potest.

## PROPOSITIO VI. THEOREMA IV.

*Corpora Spherica homogenea & equalia, resistentiis in duplicata ratione velocitatum impedita, & solis viribus infinitis incitata, temporibus quæ sunt reciproce ut velocitates sub initio, describunt semper equalia spatia, & amittunt partes velocitatum proportionales totis.*

Asymptotis rectangulis  $CD$ ,  $CH$  descripta Hyperbola quavis  $BbEe$  secante perpendicularia  $AB$ ,  $ab$ ,  $DE$ ,  $de$ , in  $B$ ,  $b$ ,  $E$ ,  $e$ , exponantur velocitates initiales per perpendicularia  $AB$ ,  $DE$ , & tempora per lineas  $Aa$ ,  $Dd$ . Est ergo ut  $Aa$  ad  $Dd$  ita (per Hypothesin)  $DE$  ad  $AB$ , & ita (ex natura Hyperbolæ)  $Ca$  ad  $Cd$ , & componendo, ita  $Ca$  ad  $Cd$ . Ergo areæ  $ABba$ ,  $DEed$ , hoc est, spatia descripta æquantur inter se, & velocitates primæ  $AB$ ,  $DE$  sunt ultimis  $ab$ ,  $de$ , & propterea (dividendo) partibus etiam suis amissis  $AB-ab$ ,  $DE-de$  proportionales. Q. E. D.



## PROPOSITIO VII. THEOREMA V.

*Corpora Spherica quibus resistitur in duplicata ratione velocitatum, temporibus quæ sunt ut motus primi directe & resistentia primæ inverse, amittunt partes motuum proportionales totis, & spatia describunt temporibus istis in velocitates primas ductis proportionalia.*

Namque motuum partes amissæ sunt ut resistentiæ & tempora con-

conjunctim. Igitur ut partes illæ sint totis proportionales, debet resistētia & tempus conjunctim esse ut motus. Proinde tempus erit ut motus directè & resistētia inversè. Quare temporum particulis in ea ratione sumptis, corpora amittent semper particulas motuum proportionales totis, adeoque retinebunt velocitates in ratione prima. Et ob datam velocitatum rationem, describent semper spatia quæ sunt ut velocitates primæ & tempora conjunctim. Q. E. D.

*Corol. 1.* Igitur si æquivelocibus corporibus resistitur in duplicata ratione diametrorum: Globi homogenei quibuscunque cum velocitatibus moti, describendo spatia diametris suis proportionalia, amittent partes motuum proportionales totis. Motus enim Globi cuiusque erit ut ejus velocitas & Massa conjunctim, id est, ut velocitas & cubus diametri; resistētia (per Hypothesin) erit ut quadratum diametri & quadratum velocitatis conjunctim; & tempus (per hanc Propositionem) est in ratione priorè directè & ratione posteriore inversè, id est, ut diameter directè & velocitas inversè; adeoque spatium (tempori & velocitati proportionale) est ut diameter.

*Corol. 2.* Si æquivelocibus corporibus resistitur in ratione sesquialtera diametrorum: Globi homogenei quibuscunque cum velocitatibus moti, describendo spatia in sesquialtera ratione diametrorum, amittent partes motuum proportionales totis.

*Corol. 3.* Et universaliter, si æquivelocibus corporibus resistitur in ratione dignitatis cujuscunque diametrorum: spatia quibus Globi homogenei, quibuscunque cum velocitatibus moti, amittent partes motuum proportionales totis, erunt ut cubi diametrorum ad dignitatem illam applicati. Sunto diametri  $D$  &  $E$ , & si resistētiæ, ubi velocitates æquales ponuntur, sint ut  $D^n$  &  $E^n$ : spatia quibus Globi, quibuscunque cum velocitatibus moti, amittent partes motuum proportionales totis, erunt ut  $D^{3-n}$  &  $E^{3-n}$ . Igitur describendo spatia ipsi  $D^{3-n}$  &  $E^{3-n}$  proportionalia, retinebunt velocitates in eadem ratione ad invicem ac sub initio.

*Corol. 4.* Quod si Globi non sint homogenei, spatium a Globo densiore descriptum augeri debet in ratione densitatis. Motus enim, sub pari velocitate, major est in ratione densitatis, & tempus (per hanc Propositionem) augetur in ratione motus directè, ac spatium descriptum in ratione temporis.

*Corol.*

*Corol. 5.* Et si Globi moveantur in Mediis diversis, spatium in Medio, quod cæteris paribus magis resistit, diminuendum erit in ratione majoris resistentiæ. Tempus enim (per hanc Propositionem) diminuetur in ratione resistentiæ auctæ, & spatium in ratione temporis.

## L E M M A II.

*Momentum Genitæ æquatur Momentis laterum singulorum generantium in eorundem laterum indices dignitatum & coefficientia continue ductis.*

Genitam voco quantitatem omnem quæ ex lateribus vel terminis quibuscunque, in Arithmetica per multiplicationem, divisionem, & extractionem radicum, in Geometria per inventionem vel contentorum & laterum, vel extremarum & mediarum proportionalium, absque additione & subtractione generatur. Ejusmodi quantitates sunt Facti, Quori, Radices, Rectangula, Quadrata, Cubi, Latera quadrata, Latera cubica, & similes. Has quantitates ut indeterminatas & instabiles, & quasi motu fluxuve perpetuo crescentes vel decrecentes, hic considero; & earum incrementa vel decrementa momentanea sub nomine Momentorum intelligo: ita ut incrementa pro momentis additiis seu affirmativis, ac decrementa pro subductiis seu negativis habeantur. Cave tamen intellexeris particulas finitas. Particulæ finitæ non sunt momenta, sed quantitates ipsæ ex momentis genitæ. Intelligenda sunt principia jamjam nascentia finitarum magnitudinum. Neque enim spectatur in hoc Lemmate magnitudo momentorum, sed prima nascentium proportio. Eodem recidit si loco momentorum usurpentur vel velocitates incrementorum ac decrementorum, (quas etiam motus, mutationes & fluxiones quantitatum nominare licet) vel finitæ quævis quantitates velocitatibus hisce proportionales. Lateris autem cujusque generantis Coefficientis est quantitas, quæ oritur applicando Genitam ad hoc latum.

Igitur sensus Lemmatis est, ut, si quantitatum quarumcunque perpetuo motu crescentium vel decrecentium A, B, C, &c. momenta, vel mutationum velocitates dicantur  $a$ ,  $b$ ,  $c$ , &c. momentum vel mutatio geniti rectanguli AB fuerit  $aB + bA$ , & geniti contenti ABC momentum fuerit  $aBC + bAC + cAB$ : & genitarum digni-

dignitatum  $A^1, A^2, A^3, A^{\frac{1}{2}}, A^{\frac{1}{3}}, A^{\frac{1}{4}}, A^{-1}, A^{-2},$  &  $A^{-\frac{1}{2}}$  momenta

$2aA^1, 3aA^2, 4aA^3, \frac{1}{2}aA^{-\frac{1}{2}}, \frac{2}{3}aA^{-\frac{1}{3}}, \frac{1}{3}aA^{-\frac{2}{3}}, \frac{2}{3}aA^{-\frac{1}{2}}, -aA^{-1},$   
 $-2aA^{-2},$  &  $-\frac{1}{2}aA^{-\frac{1}{2}}$  respective. Et generaliter, ut dignitatis

cujuscunque  $A^{\frac{n}{m}}$  momentum fuerit  $\frac{n}{m}aA^{\frac{n-m}{m}}$ . Item ut Genitæ  
 $A^1B$  momentum fuerit  $2aAB + bA^2$ ; & Genitæ  $A^1B^1C^1$  momen-  
 tum  $3aA^1B^1C^1 + 4bA^2B^1C^1 + 2cA^1B^2C^1$ ; & Genitæ  $\frac{A^1}{B^1}$  si-  
 ve  $A^1B^{-1}$  momentum  $3aA^1B^{-2} - 2bA^2B^{-3}$ ; & sic in cæteris.  
 Demonstratur vero Lemma in hunc modum.

*Cas. 1.* Rectangulum quodvis motu perpetuo auctum  $AB$ ,  
 ubi de lateribus  $A$  &  $B$  decrant momentorum dimidia  $\frac{1}{2}a$  &  $\frac{1}{2}b$ ,  
 fuit  $A^{-\frac{1}{2}}a$  in  $B^{-\frac{1}{2}}b$ , seu  $AB^{-\frac{1}{2}}aB^{-\frac{1}{2}}bA + \frac{1}{2}ab$ ; & quam pri-  
 mum latera  $A$  &  $B$  alteris momentorum dimidiis aucta sunt, eva-  
 dit  $A + \frac{1}{2}a$  in  $B + \frac{1}{2}b$  seu  $AB + \frac{1}{2}aB + \frac{1}{2}bA + \frac{1}{2}ab$ . De hoc rectan-  
 gulo subducatur rectangulum prius, & manebit excessus  $aB + bA$ .  
 Igitur laterum incrementis totis  $a$  &  $b$  generatur rectanguli incre-  
 mentum  $aB + bA$ . *Q. E. D.*

*Cas. 2.* Ponatur  $AB$  semper æquale  $G$ , & contenti  $ABC$  seu  
 $GC$  momentum (per *Cas. 1.*) erit  $gC + cG$ , id est (si pro  $G$  &  $g$   
 scribantur  $AB$  &  $aB + bA$ )  $aBC + bAC + cAB$ . Et par est ra-  
 tio contenti sub lateribus quocunque. *Q. E. D.*

*Cas. 3.* Ponantur latera  $A, B, C$  sibi mutuo semper æqualia; &  
 ipsius  $A^1$ , id est rectanguli  $AB$ , momentum  $aB + bA$  erit  $2aA^1$ , ip-  
 sius autem  $A^1$ , id est contenti  $ABC$ , momentum  $aBC + bAC$   
 +  $cAB$  erit  $3aA^1$ . Et eodem argumento momentum dignitatis  
 cuiuscunque  $A^n$  est  $naA^{n-1}$ . *Q. E. D.*

*Cas. 4.* Unde cum  $\frac{1}{A}$  in  $A$  sit 1, momentum ipsius  $\frac{1}{A}$  ductum  
 in  $A$ , una cum  $\frac{1}{A}$  ducto in  $a$  erit momentum ipsius 1, id est, ni-  
 hil. Proinde momentum ipsius  $\frac{1}{A}$  seu ipsius  $A^{-1}$  est  $-\frac{a}{A^2}$ . Et ge-  
 neraliter cum  $\frac{1}{A^n}$  in  $A^n$  sit 1, momentum ipsius  $\frac{1}{A^n}$  ductum in  $A^n$

Gg

una

DE MOTU  
CORPORUM

una cum  $\frac{1}{A^n}$  in  $n a A^{n-1}$  erit nihil. Et propterea momentum ipsius  $\frac{1}{A^n}$  seu  $A^{-n}$  erit  $-\frac{n a}{A^{n+1}}$ . Q. E. D.

Cas. 5. Et cum  $A^{\frac{1}{2}}$  in  $A^{\frac{1}{2}}$  sit  $A$ , momentum ipsius  $A^{\frac{1}{2}}$  ductum in  $2 A^{\frac{1}{2}}$  erit  $a$ , per Cas. 3: ideoque momentum ipsius  $A^{\frac{1}{2}}$  erit  $\frac{a}{2 A^{\frac{1}{2}}}$

sive  $\frac{1}{2} a A^{-\frac{1}{2}}$ . Et generaliter si ponatur  $A^{\frac{m}{n}} x$  quale  $B$ , erit  $A^m x$  quale  $B^n$ , ideoque  $m a A^{m-1} x$  quale  $n b B^{n-1}$ , &  $m a A^{-1} x$  quale  $n b B^{-1}$  seu  $n b A^{-\frac{m}{n}}$ , adeoque  $\frac{m}{n} a A^{\frac{m-n}{n}}$  quale  $b$ , id est,  $x$  quale momento ipsius  $A^{\frac{m}{n}}$ . Q. E. D.

Cas. 6. Igitur Genitæ cujuscunque  $A^m B^n$  momentum est momentum ipsius  $A^m$  ductum in  $B^n$ , una cum momento ipsius  $B^n$  ducto in  $A^m$ , id est  $m a A^{m-1} B^n + n b B^{n-1} A^m$ ; idque sive dignitarum indices  $m$  &  $n$  sint integri numeri vel fracti, sive affirmativi vel negativi. Et par est ratio contenti sub pluribus dignitatibus. Q. E. D.

Corol. 1. Hinc in continue proportionalibus, si terminus unus datur, momenta terminorum reliquorum erunt ut iidem termini multiplicati per numerum intervallorum inter ipsos & terminum datum. Sunt  $A, B, C, D, E, F$  continue proportionales; & si detur terminus  $C$ , momenta reliquorum terminorum erunt inter se ut  $-2A, -B, D, 2E, 3F$ .

Corol. 2. Et si in quatuor proportionalibus duæ mediæ dentur, momenta extremarum erunt ut eadem extremæ. Idem intelligendum est de lateribus rectanguli cujuscunque dati.

Corol. 3. Et si summa vel differentia duorum quadratorum detur, momenta laterum erunt reciproce ut latera.

### Scholium.

In literis quæ mihi cum Geometra peritissimo G. G. Leibnitio annis adhuc decem intercedebant, cum significarem me compossem esse methodi determinandi Maximas & Minimas, ducendi Tangentes, & similia peragendi, quæ in terminis sardis æque ac in rationalibus procederet, & literis transpositis hanc sententiam involventibus

tibus [*Data Equatione quocunque Fluentes quantitates involvente, Fluxiones invenire, & vice versa*] eandem celarem: rescripsit Vir Clarissimus se quoque in ejusmodi methodum incidisse, & methodum suam communicavit a mea vix abludentem præterquam in verborum & notarum formulis, & Idea generationis quantitatum. Utriusque fundamentum continetur in hoc Lemmate.

LITER  
SECUNDUS

## PROPOSITIO VIII. THEOREMA VI.

*Si corpus in Medio uniformi, Gravitate uniformiter agente, recta ascendat vel descendat, & spatium totum descriptum distinguatur in partes æquales, inque principiis singularum partium (addendo resistentiam Medii ad vim gravitatis, quando corpus ascendit, vel subducendo ipsam quando corpus descendit) colligantur vires absolutæ; dico quod vires illæ absolutæ sunt in progressionē Geometrica.*

Exponatur enim vis gravitatis per datam lineam  $AC$ ; resistentia per lineam indefinitam  $AK$ ; vis absoluta in descensu corporis per differentiam  $KC$ ; velocitas corporis per lineam  $AP$  (quæ sit media proportionalis inter  $AK$  &  $AC$ , ideoque in subduplicata ratione resistentiæ;) incrementum resistentiæ data temporis particula factum per lineolam  $KL$ , & contemporaneum velocitatis incrementum per lineolam  $PQ$ , & centro  $C$  Asymptotis rectangulis  $CA$ ,  $CH$  describatur Hyperbola quavis  $BNS$ , erectis perpendicularibus  $AB$ ,  $KN$ ,  $LO$ ,  $PR$ ,  $QS$  occurrens in  $B$ ,  $N$ ,  $O$ ,  $R$ ,  $S$ . Quoniam  $AK$  est ut  $APq$ , erit hujus momentum  $KL$  ut illius momentum  $2APQ$ , id est, ut  $AP$  in  $KC$ . Nam velocitatis incrementum  $PQ$ , (per motus Leg. 11.) proportionale est vi generanti  $KC$ . Componatur ratio ipsius  $KL$  cum ratione ipsius  $KN$ , & fiet rectangulum  $KL \times KN$  ut  $AP \times KC \times KN$ , hoc est, ob datum rectangulum  $KC \times KN$ , ut  $AP$ . Atqui areæ Hyperbolicæ  $KNO$  ad rectangulum  $KL \times KN$  ratio ultima, ubi coeunt puncta  $K$  &  $L$ , est æqualitatis. Ergo area illa Hyperbolica evanescens est ut  $AP$ . Componitur igitur area tota Hyperbolica  $ABOL$  ex particulis  $KNO$  velocitati  $AP$  semper proportionalibus, & propterea spatio velocitate ista descripto proportionalis est. Dividatur jam area illa in partes æquales  $ABMI$ ,  $IMNK$ ,  $KNO$ , &c. & vi-





tatem illam datam in subduplicata ratione, quam habet vis Gravitatis ad Medii resistentiam illam cognitam.

## PROPOSITIO IX. THEOREMA VII.

*Positis jam demonstratis, dico quod si Tangentes angulorum sectoris Circularis & sectoris Hyperbolici sumantur velocitatibus proportionales, existente radio justæ magnitudinis: erit tempus omne ascensus futuri ut sector Circuli, & tempus omne descensus præteriti ut sector Hyperbolæ.*

Rectæ  $AC$ , qua vis gravitatis exponitur, perpendicularis & æqualis ducatur  $AD$ . Centro  $D$  semidiametro  $AD$  describatur tum Circuli quadrans  $AtE$ , tum Hyperbola rectangula  $AVZ$  axem habens  $AX$ , verticem principalem  $A$  & Asymptoton  $DC$ . Jungantur  $Dp$ ,  $DP$ , & erit sector Circularis  $AtD$  ut tempus ascensus omnis futuri, & sector Hyperbolicus  $ATD$  ut tempus descensus omnis præteriti. Si modo sectorum Tangentes  $Ap$ ,  $AP$  sint ut velocitates.

*Cas. 1.* Agatur enim  $Dvq$  abscindens sectoris  $ADt$  & trianguli  $ADp$  momenta, seu particulas quam minimas simul descriptas  $tDv$  &  $pDq$ . Cum particulae illæ, ob angulum communem  $D$ , sunt in duplicata ratione laterum, erit particula  $tDv$  ut  $\frac{qDp}{pDquad}$ . Sed  $pDquad$  est  $ADquad + Apquad$ . id est,  $ADquad + AD \times Ak$  seu  $AD \times Ck$ ; &  $qDp$  est  $\frac{1}{2} AD \times pq$ . Ergo sectoris particula  $tDv$  est ut  $\frac{pq}{Ck}$ , id est, ut velocitatis decrementum quam minimum  $pq$  directe & vis illa  $Ck$  quæ velocitatem diminuit inverse, atque adeo ut particula temporis decremento respondens. Et componendo fit summa particularum omnium  $tDv$  in sectore  $ADt$ , ut summa particularum temporis singulis velocitatis decrefcentis  $Ap$  particulis amissis  $pq$  respondentium, usque dum velocitas illa in nihilum diminuta evanuerit; hoc est, sector totus  $ADt$  est ut ascensus totius futuri tempus. *Q. E. D.*

*Cas.*



*PQ* generantur, ut summa particularum sectoris *ATD*, id est, tempus totum ut sector totus. *Q.E.D.*

LIBER  
SECUNDUS.

*Corol. 1.* Hinc si *AB* æquetur quartæ parti ipsius *AC*, spatium quod corpus tempore quovis cadendo describit, erit ad spatium quod corpus velocitate maxima *AC*, eodem tempore uniformiter progrediendo describere potest, ut area *ABNK*, qua spatium cadendo descriptum exponitur, ad arcum *ATD* qua tempus exponitur. Nam cum sit *AC* ad *AP* ut *AP* ad *AK*, erit (per *Corol. 1*, Lem. 11 hujus) *LK* ad *PQ* ut *AK* ad *AP*, hoc est, ut *AP* ad *AC*, & inde *LK* ad  $\frac{1}{2}PQ$  ut *AP* ad ( $\frac{1}{2}AC$  vel) *AB*; est & *KN* ad (*AC* vel) *AD* ut *AB* ad *CK*; itaque ex æquo *LKN* ad *DPQ* ut *AP* ad *CK*. Sed erat *DPQ* ad *DTV* ut *CK* ad *AC*. Ergo rursus ex æquo *LKN* est ad *DTV* ut *AP* ad *AC*; hoc est, ut velocitas corporis cadentis ad velocitatem maximam quam corpus cadendo potest acquirere. Cum igitur arearum *ABNK* & *ATD* momenta *LKN* & *DTV* sunt ut velocitates, erunt arearum illarum partes omnes simul genitæ ut spatia simul descripta, ideoque areæ totæ ab initio genitæ *ABNK* & *ATD* ut spatia tota ab initio descensus descripta. *Q.E.D.*

*Corol. 2.* Idem consequitur etiam de spatio quod in ascensu describitur. Nimirum quod spatium illud omne sit ad spatium, uniformi cum velocitate *AC* eodem tempore descriptum, ut est area *ABnk* ad sectorem *ADt*.

*Corol. 3.* Velocitas corporis tempore *ATD* cadentis est ad velocitatem, quam eodem tempore in spatio non resistente acquireret, ut triangulum *APD* ad sectorem Hyperbolicum *ATD*. Nam velocitas in Medio non resistente foret ut tempus *ATD*, & in Medio resistente est ut *AP*, id est, ut triangulum *APD*. Et velocitates illæ initio descensus æquantur inter se, perinde ut areæ illæ *ATD*, *APD*.

*Corol. 4.* Eodem argumento velocitas in ascensu est ad velocitatem, qua corpus eodem tempore in spatio non resistente omnem suum ascendendi motum amittere posset, ut triangulum *APd* ad sectorem Circularem *AtD*; sive ut recta *Ap* ad arcum *At*.

*Corol. 5.* Est igitur tempus quo corpus in Medio resistente cadendo velocitatem *AP* acquirit, ad tempus quo velocitatem maximam *AC* in spatio non resistente cadendo acquirere posset, ut sector *ADT* ad triangulum *ADC*: & tempus, quo velocitatem *Ap* in Medio

Medio resistente ascendendo possit amittere, ad tempus quo velocitatem eandem in spatio non resistente ascendendo possit amittere, ut arcus  $At$  ad ejus tangentem  $Ap$ .

*Corol. 6* Hinc ex dato tempore datur spatium ascensu vel descensu descriptum. Nam corporis in infinitum descendentis datur velocitas maxima, per *Corol. 2, & 3, Theor. vi, Lib. 11*; indeque datur tempus quo corpus velocitatem illam in spatio non resistente cadendo possit acquirere. Et sumendo Sectorem  $ADT$  vel  $ADt$  ad triangulum  $ADC$  in ratione temporis dati ad tempus modo inventum, dabitur tum velocitas  $AP$  vel  $Ap$ , tum area  $ABNK$  vel  $ABnk$ , quæ est ad sectorem  $ADT$  vel  $ADt$  ut spatium quæsitum ad spatium quod tempore dato, cum velocitate illa maxima jam ante invenra, uniformiter describi potest.


*Corol. 7.* Et regrediendo, ex dato ascensus vel descensus spatio  $ABnk$  vel  $ABNK$ , dabitur tempus  $ADt$  vel  $ADT$ .

## PROPOSITIO X. PROBLEMA III.

*Tendat uniformis vis gravitatis directe ad planum Horizontis, sitque resistentia ut Medii densitas & quadratum velocitatis conjunctim: requiritur tum Medii densitas in locis singulis, quæ faciat ut corpus in data quavis linea curva moveatur, tum corporis velocitas & Medii resistentia in locis singulis.*

Sit  $PQ$  planum illud plano Schematis perpendicularè;  $PFHQ$  linea curva plano huic occurrens in punctis  $P$  &  $Q$ ;  $G, H, I, K$  loca quatuor corporis in hac curva ab  $F$  ad  $Q$  pergentis; &  $GB, HC, ID, KE$  ordinatæ quatuor parallelæ ab his punctis ad horizontem demissæ & lineæ horizontali  $PQ$  ad puncta  $B, C, D, E$  insistentes; & sint  $BC, CD, DE$  distantia Ordinarum inter se æquales. A punctis  $G$  &  $H$  ducantur rectæ  $GL, HN$  curvam tangentibus in  $G$  &  $H$ , & Ordinatis  $CH, DI$  sursum productis occurrentes in  $L$  &  $N$ , & compleatur parallelogrammum  $HCDM$ .

Et



Et tempora quibus corpus describit arcus  $GH$ ,  $HI$ , erunt in subduplicata ratione altitudinum  $LH$ ,  $NI$  quas corpus temporibus illis describere posset, a tangentibus cadendo: & velocitates erunt ut longitudines descriptæ  $GH$ ,  $HI$  directe & tempora inverse. Exponentur tempora per  $T$  &  $t$ , & velocitates per  $\frac{GH}{T}$  &  $\frac{HI}{t}$ : & decrementum velocitatis tempore  $t$  factum ex-

ponetur per  $\frac{GH}{T} - \frac{HI}{t}$ . Hoc decrementum oritur a resistentia

corpus retardante & gravitate corpus accelerante. Gravitas in corpore cadente & spatium  $NI$  cadendo describente, generat velocitatem qua duplum illud spatium eodem tempore describi potuisset (ut *Galileus* demonstravit) id est, velocitatem  $\frac{2NI}{t}$ : at

in corpore arcum  $HI$  describente, auget arcum illum sola longitudine  $HI - HN$  seu  $\frac{MI \times NI}{HI}$ , ideoque generat tantum velocitatem  $\frac{2MI \times NI}{t \times HI}$ .

Addatur hæc velocitas ad decrementum prædictum, & habebitur decrementum velocitatis ex resistentia sola oriundum, nempe  $\frac{GH}{T} - \frac{HI}{t} + \frac{2MI \times NI}{t \times HI}$ .

Proindeque cum gravitas eodem tempore in corpore cadente generet velocitatem  $\frac{2NI}{t}$ , Resistentia erit ad Gravitatem ut  $\frac{GH}{T} - \frac{HI}{t} + \frac{2MI \times NI}{t \times HI}$

ad  $\frac{2NI}{t}$ , sive ut  $\frac{t \times GH}{T} - HI + \frac{2MI \times NI}{HI}$  ad  $2NI$ .

Jam pro abscissis  $CB$ ,  $CD$ ,  $CE$  scribantur  $-o$ ,  $o$ ,  $2o$ . Pro Ordinata  $CH$  scribatur  $P$ , & pro  $MI$  scribatur series quælibet  $Qo + Ro + So^3 + \&c.$  Et seriei termini omnes post primum, nempe  $Ro + So^3 + \&c.$  erunt  $NI$ , & Ordinatæ  $DI$ ,  $EK$ , &  $BG$  erunt  $P - Qo - Ro - So^3 - \&c.$ ,  $P - 2Qo - 4Ro - 8So^3 - \&c.$ , &  $P + Qo - Ro + So^3 - \&c.$  respective. Et quadrando differentias Ordinarum  $BG - CH$  &  $CH - DI$ , & ad quadrata proceduntia addendo quadrata ipsarum  $BC$ ,  $CD$ , habebuntur arcuum  $GH$ ,  $HI$  quadrata  $oo + QQoo - 2QRo^3 + \&c.$  &  $oo + QQoo$

+  $2QRo + \&c.$  Quorum radices  $o\sqrt{1+QQ} - \frac{QRoo}{\sqrt{1+QQ}}$ , &

Hh

$o\sqrt{1+}$

DE MOTU  
CORPORUM

$o\sqrt{1+QQ} + \frac{QRoo}{\sqrt{1+QQ}}$  sunt arcus  $GH$  &  $HI$ . Præterea si ab

Ordinata  $CH$  subducatur semisumma Ordinarum  $BG$  ac  $DI$ , & ab Ordinata  $DI$  subducatur semisumma Ordinarum  $CH$  &  $EK$ , manebunt arcuum  $GI$  &  $HK$  sagittæ  $Roo$  &  $Roo+3So$ . Et hæc sunt lineolis  $LH$  &  $NI$  proportionales, adeoque in duplicata ratione temporum infinite parvorum  $T$  &  $t$ , & inde ratio  $\frac{t}{T}$  est  $\sqrt{\frac{R+3So}{R}}$  seu  $\frac{R+\frac{1}{2}So}{R}$ : &  $\frac{t \times GH}{T} - HI + \frac{2M \times NI}{HI}$ ,

substituendo ipsorum  $\frac{t}{T}$ ,  $GH$ ,  $HI$ ,  $MI$  &  $NI$  valores jam in-

ventos, evadit  $\frac{3So}{2R} \sqrt{1+QQ}$ . Et cum  $2NI$  sit  $2Roo$ , Re-

sistentia jam erit ad Gravitatem ut  $\frac{3So}{2R} \sqrt{1+QQ}$  ad  $2Roo$ ,

id est, ut  $3S\sqrt{1+QQ}$  ad  $4RR$ .

Velocitas autem ea est quacum corpus de loco quovis  $H$ , secundum tangentem  $HN$  egrediens, in Parabola diametrum  $HC$  & latus rectum  $\frac{HNq}{NI}$  seu  $\frac{1+QQ}{R}$  habente, deinceps in vacuo moveri potest.

Et resistentia est ut Medii densitas & quadratum velocitatis conjunctim, & propterea Medii densitas est ut resistentia directe & quadratum velocitatis inverse, id est, ut  $\frac{3S\sqrt{1+QQ}}{4RR}$  directe &  $\frac{1+QQ}{R}$  inverse, hoc est, ut  $\frac{S}{R\sqrt{1+QQ}}$ .  $Q.E.I.$

*Corol. 1.* Si tangens  $HN$  producatut utrinque donec occurrat Ordinatæ cuilibet  $AF$  in  $T$ : erit  $\frac{HT}{AC}$  æqualis  $\sqrt{1+QQ}$ , adeoque in superioribus pro  $\sqrt{1+QQ}$  scribi potest. Qua ratione Resistentia erit ad Gravitatem ut  $3S \times HT$  ad  $4RR \times AC$ , Velocitas erit ut  $\frac{HT}{AC\sqrt{R}}$ , & Medii densitas erit ut  $\frac{S \times AC}{R \times HT}$ .

*Corol. 2.* Et hinc, si Curva linea  $PFHQ$  definiatur per relationem inter basem seu abscissam  $AC$  & ordinatim applicatam  $CH$ ,



termini subsequentes evadent infinite minores tertio, ideoque neg-  
ligi possunt. Terminus quartus determinat variationem curva-  
turæ, quintus variationem variationis, & sic deinceps. Unde obi-  
ter patet usus non contemnendus harum Serierum in solutione  
Problematum quæ pendent a tangentibus & curvatura curvarum.

Conferatur jam series  $e - \frac{ao}{e} - \frac{nnoo}{2e^2} - \frac{annoo^3}{2e^3} - \&c$ , cum serie  
 $P - Qo - Roo - So^3 - \&c$ . & perinde pro  $P, Q, R$  &  $S$  scribatur  
 $e, \frac{a}{e}, \frac{nn}{2e^2}$ , &  $\frac{ann}{2e^3}$ , & pro  $\sqrt{1+QQ}$  scribatur  $\sqrt{1+\frac{aa}{ee}}$  seu  $\frac{n}{e}$ , &  
prodibit Medii densitas ut  $\frac{a}{ne}$ , hoc est, (ob datam  $n$ .) ut  $\frac{a}{e}$ , seu

$AC$ , id est, ut tangentis longitudo illa  $HT$  quæ ad semidiamet-  
 $CH$ , id est, ut tangentis longitudo illa  $HT$  quæ ad semidiamet-  
rum  $AF$  ipsi  $PQ$  normaliter insistentem terminatur: & resisten-  
tia erit ad gravitatem ut  $3a$  ad  $2n$ , id est, ut  $3AC$  ad Circuli  
diametrum  $PQ$ : velocitas autem erit ut  $\sqrt{CH}$ . Quare si corpus  
justa cum velocitate secundum lineam ipsi  $PQ$  parallelam exeat  
de loco  $F$ , & Medii densitas in singulis locis  $H$  sit ut longi-  
tudo tangentis  $HT$ , & resistentia etiam in loco aliquo  $H$  sit ad  
vim gravitatis ut  $3AC$  ad  $PQ$ , corpus illud describet Circuli  
quadrantem  $FHQ$ . *Q.E.I.*

At si corpus idem de loco  $P$ , secundum lineam ipsi  $PQ$  per-  
pendicularem egrederetur, & in arcu semicirculi  $PFQ$  moveri  
inciperet, sumenda esset  $AC$  seu  $a$  ad contrarias partes centri  $A$ ,  
& propterea signum ejus mutandum esset & scribendum  $-a$  pro  
 $+a$ . Quo pacto prodiret Medii densitas ut  $-\frac{a}{e}$ . Negativam  
autem densitatem, hoc est, quæ motus corporum accelerat, Na-  
tura non admittit: & propterea naturaliter fieri non potest, ut  
corpus ascendendo a  $P$  describat Circuli quadrantem  $PF$ . Ad  
hunc effectum deberet corpus a Medio impellente accelerari, non  
a resistente impediri.

*Exempl. 2.* Sit linea  $PFHQ$  Parabola, axem habens  $AF$  ho-  
rizonti  $PQ$  perpendicularem, & requiratur Medii densitas quæ  
faciat ut Projectile in ipsa moveatur.

Ex natura Parabolæ, rectangulum  $PDQ$  æquale est rectan-  
gulo sub ordinata  $DI$  & recta aliqua data: hoc est, si dicantur  
recta



recta illa  $b$ ,  $PC$   $a$ ,  $PQ$   $c$ ,  $CH$   $e$  &  $CD$   $o$ ; rectangulum  $a+o$  in  $c-a-o$  seu  $ac-aa-2ao+co-oo$  æquale est rectangulo  $b$  in  $DI$ , adeoque  $DI$  æquale  $\frac{ac-aa}{b} + \frac{c-2a}{b}o - \frac{oo}{o}$ . Jam scri-

bendus esset hujus seriei secundus terminus  $\frac{c-2a}{b}o$  pro  $Qo$ , ter-  
 tius item terminus  $\frac{oo}{b}$  pro  $Ro$ . Cum vero plures non sint ter-

mini, debet quarti coefficientens  $S$  evanescere, & propterea quan-  
 titas  $\frac{S}{R\sqrt{1+QQ}}$  cui Medii densitas proportionalis est, nihil  
 erit. Nulla igitur Medii densitate movebitur Projectile in Para-  
 bola, uti olim demonstravit *Galileus*. Q. E. I.

*Exempl. 3.* Sit linea  $AGK$  Hyperbola, Asymptoton habens  
 $NX$  plano horizontali  $AK$  perpendicularem; & quærat Medii  
 densitas quæ faciat ut Projectile moveatur in hac linea.

Sit  $MX$  Asymptotos altera, ordinatim applicatæ  $DG$  productæ  
 occurrens in  $V$ , & ex natura Hyperbolæ, rectangulum  $XV$  in  $VG$   
 dabitur. Datur autem ratio  $DN$  ad  $VX$ , & propterea datur etiam  
 rectangulum  $DN$  in  $VG$ . Sit illud  $bb$ , & completo parallelogrammo  
 $DNXZ$ , dicatur  $BN$   $a$ ,  $BD$   $o$ ,  $NX$   $c$ , & ratio data  $VZ$  ad  $ZX$   
 vel  $DN$  ponatur esse  $\frac{m}{n}$ . Et erit  $DN$  æqualis  $a-o$ ,  $VG$  æqualis

$\frac{bb}{a-o}$ ,  $VZ$  æqualis  $\frac{m}{n}a-o$ , &  $GD$  seu  $NX-VZ-VG$  æ-  
 qualis  $c-\frac{m}{n}a+\frac{m}{n}o-\frac{bb}{a-o}$ . Resolvatur terminus  $\frac{bb}{a-o}$  in seriem

convergentem  $\frac{bb}{a} + \frac{bb}{aa}o + \frac{bb}{a^2}o^2 + \frac{bb}{a^3}o^3$  &c. & fiet  $GD$  æqua-  
 lis  $c-\frac{m}{n}a-\frac{bb}{a}+\frac{m}{n}o-\frac{bb}{aa}o-\frac{bb}{a^2}o^2-\frac{bb}{a^3}o^3$  &c. Hujus seriei termi-


nus secundus  $\frac{m}{n}o-\frac{bb}{aa}o$  usurpandus est pro  $Qo$ , tertius cum signo  
 mutato  $\frac{bb}{a^2}o^2$  pro  $Ro$ , & quartus cum signo etiam mutato  $\frac{bb}{a^3}o^3$

pro  $So$ , eorumque coefficientes  $\frac{m}{n}-\frac{bb}{aa}$ ,  $\frac{bb}{a^2}$  &  $\frac{bb}{a^3}$  scribendæ sunt  
 in Regula superiore, pro  $Q$ ,  $R$  &  $S$ . Quo factò prodit medii densitas

ut

DE MOTU  
CORPORUM

ut  $\frac{bb}{a^3} \sqrt{1 + \frac{mm}{nn} - \frac{2mbb}{naa} + \frac{b^4}{a^4}}$  seu  $\frac{I}{\sqrt{aa + \frac{mm}{nn}aa - \frac{2mbb}{n} + \frac{b^4}{aa}}}$  id  
 est, si in  $VZ$  sumatur  $VT$  æqualis  $VG$ , ut  $\frac{I}{XT}$ . Namque  $aa$  &  
 $\frac{mm}{nn}aa - \frac{2mbb}{n} + \frac{b^4}{aa}$  sunt ipsarum  $XZ$  &  $ZT$  quadrata. Resisten-  
 tia autem invenitur in ratione ad gravitatem quam habet  $3XT$  ad



$2TG$  & velocitas ea est quacum corpus in Parabola pergeret verti-  
 cem  $G$ , diametrum  $DG$ , & latus rectum  $\frac{XT \text{ quad.}}{VG}$  habente. Pona-  
 tur itaque quod Medii densitates in locis singulis  $G$  sint reciproce  
 ut distantie  $XT$ , quodque resistentia in loco aliquo  $G$  sit ad gra-  
 vitatem ut  $3XT$  ad  $2TG$ , & corpus de loco  $A$ , iuxta cum veloci-  
 tate emissum, describet Hyperbolam illam  $AGK$ . Q.E.I.

*Exempl. 4.* Ponatur indefinite, quod linea  $AGK$  Hyperbola sit,  
 centro  $X$  Asymptotis  $MX$ ,  $NX$  ea lege descripta, ut constructo  
 rectangulo  $XZDN$  cujus latus  $ZD$  secet Hyperbolam in  $G$  &  
 Asymp-

Asymptoton ejus in  $V$ , fuerit  $VG$  reciproce ut ipsius  $ZX$  vel  $DN$  dignitas aliqua  $DN^n$ , cujus index est numerus  $n$ : & quærat Medii densitas, qua Projectile progrediatur in hac curva.

Pro  $BN$ ,  $BD$ ,  $NX$  scribantur  $A$ ,  $O$ ,  $C$  respective, sitque  $VZ$  ad  $XZ$  vel  $DN$  ut  $d$  ad  $e$ , &  $VG$  æqualis  $\frac{bb}{DN^n}$ , & erit  $DN$  æqua-

lis  $A - O$ ,  $VG = \frac{bb}{A - O}$ ,  $VZ = \frac{d}{e} A - O$ , &  $GD$  seu  $NX - VZ$

$- VG$  æqualis  $C - \frac{d}{e} A + \frac{d}{e} O - \frac{bb}{A - O}$ . Resolvatur terminus ille

$\frac{bb}{A - O}$  in seriem infinitam  $\frac{bb}{A^n} + \frac{nb b}{A^{n+1}} O + \frac{nn + n}{2 A^{n+2}} bb O^2 +$

$\frac{n^3 + 3nn + 2n}{6 A^{n+3}} bb O^3$  &c. ac fiet  $GD$  æqualis  $C - \frac{d}{e} A - \frac{bb}{A^n} +$

$\frac{d}{e} O - \frac{nb b}{A^{n+1}} O - \frac{nn + n}{2 A^{n+2}} bb O^2 - \frac{n^3 + 3nn + 2n}{6 A^{n+3}} bb O^3$  &c. Hu-

jus seriei terminus secundus  $\frac{d}{e} O - \frac{nb b}{A^{n+1}} O$  usurpandus est pro  $Q\theta$ ,

tertius  $\frac{nn + n}{2 A^{n+2}} bb O^2$  pro  $R\theta^2$ , quartus  $\frac{n^3 + 3nn + 2n}{6 A^{n+3}} bb O^3$  pro

$S\theta^3$ . Et inde Medii densitas  $\frac{S}{R\sqrt{1 + QQ}}$ , in loco quovis  $G$ , fit

$\frac{n+2}{3\sqrt{A^2 + \frac{dd}{ee} A^2 - \frac{2dnbb}{eA^n} A + \frac{nnb^4}{A^{2n}}}}$ , adeoque si in  $VZ$  capiatur  $VT$

æqualis  $n \times VG$ , densitas illa est reciproce ut  $XT$ . Sunt enim  $A^2$

&  $\frac{dd}{ee} A^2 - \frac{2dnbb}{eA^n} A + \frac{nnb^4}{A^{2n}}$  ipsarum  $XZ$  &  $ZT$  quadrata. Resisten-

tia autem in eodem loco  $G$  fit ad gravitatem ut  $3S$  in  $\frac{XT}{A}$  ad  $4RR$ ,

id est,  $XT$  ad  $\frac{2nn + 2n}{n+2} VG$ . Et velocitas ibidem ea ipsa est qua-

cum corpus projectum in Parabola pergeret, verticem  $G$ , diametrum  $GD$  & latus rectum  $\frac{1 + QQ}{R}$  seu  $\frac{2XTquad.}{nn + n \text{ in } VG}$  habente. *Q.E.I.*

*Scholium 1*

## Scholium.

Eadem ratione qua prodiit densitas Medii ut  $\frac{S \times AC}{R \times HT}$  in Collatorio primo, si resistentia ponatur ut velocitatis  $V$  dignitas quælibet  $V^n$  prodibit densitas Medii ut  $\frac{S}{R^{\frac{n+2}{2}}} \times \frac{AC}{HT}^{n-1}$ .

Et propterea si Curva inveniri potest ea lege ut data fuerit ratio  $\frac{S}{R^{\frac{n+2}{2}}}$  ad  $\frac{HT}{AC}^{n-1}$ , vel  $\frac{S^2}{R^{n+2}}$  ad  $1+QQ^{n-1}$ : corpus movebitur in hac Curva in uniformi Medio cum resistentia quæ sit ut velocitatis dignitas  $V^n$ . Sed redeamus ad Curvas simpliciores.

Quoniam motus non fit in Parabola nisi in Medio non resistente, in Hyperbolis vero hic descriptis fit per resistentiam perpetuam, perspicuum est quod Linea, quam projectile in Medio uniformiter resistente describit, propius accedit ad Hyperbolas hæc quam ad Parabolam. Est utique linea illa Hyperbolici generis, sed quæ circa verticem magis distat ab Asymptotis; in partibus a vertice remotioribus propius ad ipsas accedit quam pro ratione Hyperbolarum quas hic descripsi. Tanta vero non est inter has & illam differentia, quin illius loco possint hæ in rebus practicis non incommode adhiberi. Et utiliores forsitan futuræ sunt hæ, quam Hyperbola magis accurata & simul magis composita. Ipsæ vero in usum sic deducuntur.

Compleatur parallelogrammum  $XTGT$ , & recta  $GT$  tanget Hyperbolam in  $G$ , ideoque densitas Medii in  $G$  est reciproce ut tangens  $GT$ , & velocitas ibidem ut  $\sqrt{\frac{GTq}{GV}}$ , resistentia autem ad vim gravitatis ut  $GT$  ad  $\frac{2nn+2n}{n+2}GV$ .


Proinde si corpus de loco  $A$  secundum rectam  $AH$  projectum describat Hyperbolam  $AGK$ , &  $AH$  producta occurrat Asymptoto  $MX$  in  $H$ , actaque  $AI$  eidem parallela occurrat alteri Asymptoto  $MX$  in  $I$ : erit Medii densitas in  $A$  reciproce ut  $AH$ , & corporis velocitas ut  $\sqrt{\frac{AHq}{AI}}$ , ac resistentia ibidem ad gravitatem ut  $AH$  ad  $\frac{2nn+2n}{n+2}$  in  $AI$ . Unde prodeunt sequentes Regulæ.

Reg. 1.

*Reg. 1.* Si fervetur tum Medii densitas in  $A$ , tum velocitas quam corpus projicitur, & mutetur angulus  $NAH$ , manebunt longitudines  $AH$ ,  $AI$ ,  $HX$ . Ideoque si longitudines illæ in aliquo casu inveniantur, Hyperbola deinceps ex dato quovis angulo  $NAH$  expedite determinari potest.

*Reg. 2.* Si servetur tum angulus  $NAH$ , tum Medii densitas in  $A$ , & mutetur velocitas quacum corpus projicitur, servabitur longitudo  $AH$ , & mutabitur  $AI$  in duplicata ratione velocitatis reciproce.

Reg. 3. Si tam angulus  $NAH$  quam corporis velocitas in  $A$ ,  
gravitasque acceleratrix servetur, & proportio resistentiæ in  $A$  ad



gravitatem motricem augeatur in ratione quacunque: augebitur proportio  $AH$  ad  $AI$  in eadem ratione, manente Parabolæ latere recto, eique proportionali longitudine  $\frac{AHq}{AI}$ , & propterea minuetur  $AH$  in eadem ratione, &  $AI$  minuetur in ratione illa duplicata. Augeatur vero proportio resistentiæ ad pondus, ubi vel gravitas specifica sub æquali magnitudine fit minor, vel Medii densitas major, vel resistentia, ex magnitudine diminuta, diminuitur in minore ratione quam pondus.

Li

*Reg.*

DE MOTU  
CORPORUM


Reg. 4. Quoniam densitas Medii prope verticem Hyperbolæ major est quam in loco  $A$ , ut habeatur densitas mediocris, debet ratio minimæ tangentium  $GT$  ad tangentem  $AH$  inveniri, & densitas in  $A$  augeri in ratione paulo majore quam semisummarum tangentium ad minimam tangentium  $GT$ .

Reg. 5. Si dantur longitudines  $AB$ ,  $AI$ , & describenda sit Figura  $AGK$ : produc  $HN$  ad  $X$ , ut sit  $HX$  æqualis facto sub  $n+1$  &  $AI$ , centroque  $X$  & Asymptotis  $MX$ ,  $NX$  per punctum  $A$  describatur Hyperbola, ea lege, ut sit  $AI$  ad quamvis  $VG$  ut  $XV^n$  ad  $XI^n$ .

Reg. 6. Quo major est numerus  $n$ , eo magis accuratæ sunt hæ Hyperbolæ in ascensu corporis ab  $A$ , & minus accuratæ in ejus descensu ad  $K$ , & contra. Hyperbola Conica mediocrem rationem tenet, estque cæteris simplicior. Igitur si Hyperbola sit hujus generis, & punctum  $K$ , ubi corpus projectum incidet in rectam quamvis  $AN$  per punctum  $A$  transeuntem, queratur: occurrat producta  $AN$  Asymptotis  $MX$ ,  $NX$  in  $M$  &  $N$ , & sumatur  $NK$  ipsi  $AM$  æqualis.

Reg. 7. Et hinc liquet methodus expedita determinandi hanc Hyperbolam ex Phænomenis. Projiciantur corpora duo similia & æqualia, eadem velocitate, in angulis diversis  $HAK$ ,  $hak$ , incidantque in planum Horizontis in  $K$  &  $k$ , & notetur proportio  $AK$  ad  $ak$ . Sit ea  $d$  ad  $e$ . Tum erecto cujusvis longitudinis perpendicularo  $AI$ , assume utcumque longitudinem  $AH$  vel  $Ab$ , & inde collige graphice longitudines  $AK$ ,  $ak$ , per Reg. 6. Si ratio  $AK$  ad  $ak$  sit eadem cum ratione  $d$  ad  $e$ , longitudo  $AH$  recte assumpta fuit. Sin minus cape in recta infinita  $SM$  longitudinem  $SM$  æqualem assumptæ  $AH$ , & erige perpendicularum  $MN$  æquale rationum differentiarum  $\frac{AK}{ak} - \frac{d}{e}$  ductæ in rectam quamvis datam. Si-

milii methodo ex assumptis pluribus longitudinibus  $AH$  invenienda sunt plura puncta  $N$ , & per omnia agenda Curva linea regularis  $NNXN$ , secans rectam  $SMMI$  in  $X$ . Assumatur demum  $AH$  æqualis abscissæ  $SX$  & inde denuo inveniantur longitudo  $AK$ , & longitudines, quæ sint ad assumptam longitudinem  $AI$  & hanc ultimam  $AH$ , ut longitudo  $AK$ , per experimentum cognita ad ultimo inventam longitudinem  $AK$ , erunt veræ illæ longitudines  $AI$  &  $AH$ , quas invenire oportuit. Hicce vero datus dabitur & resistentia Medii in loco  $A$ , quippe quæ sit ad vim gravitatis ut  $AH$  ad  $AI$ . Augenda est autem densitas Medii per Reg. 4; & resistentia modo inventa, si in eadem ratione augeatur, sicut accuratior.



Reg.








## S E C T I O III.

*De Motu Corporum quibus resistitur partim in ratione velocitatis, partim in ejusdem ratione duplicata.*

## PROPOSITIO XI. THEOREMA VIII.

*Si Corpori resistitur partim in ratione velocitatis, partim in velocitatis ratione duplicata, & idem sola vi insita in Medio simili movetur, sumantur autem tempora in progressione Arithmetica: quantitates velocitatibus reciproce proportionales, data quadam quantitate auctæ, erunt in progressione Geometrica.*

Centro  $C$ , Asymptotis rectangulis  $CADd$  &  $CH$ , describatur Hyperbola  $BEeS$ , & Asymptoto  $CH$  parallelæ sint  $AB$ ,  $DE$ ,  $de$ . In Asymptoto  $CD$  dentur puncta  $A$ ,  $G$ : Et si tempus exponatur per aream Hyperbolicam  $ABED$  uniformiter crescentem; dico quod velocitas exponi potest per longitudinem  $DF$ , cujus reciproca  $GD$  una cum data  $CG$  componat longitudinem  $CD$  in progressione Geometrica crescentem.



Sit enim areola  $DEed$  datum temporis incrementum quædam minimum, & erit  $Dd$  reciproce ut  $DE$ , adeoque directe ut  $CD$ . Ipsi autem  $\frac{1}{GD}$  decrementum, quod (per hujus Lem. 11) est  $\frac{Dd}{GDq}$ , erit ut  $\frac{CD}{GDq}$  seu  $\frac{CG+GD}{GDq}$ , id est, ut  $\frac{1}{GD} + \frac{CG}{GDq}$ . Igitur tempore  $ABED$  per additionem datarum particularum  $EDde$  uniformiter crescente, decrescit  $\frac{1}{GD}$  in eadem ratione cum velocitate. Nam decrementum velocitatis est ut resistentia, hoc est (per Hypothesin) ut summa duarum quantitarum, quarum una est ut velo-

DE MOTU  
CORPORUM

velocitas, altera ut quadratum velocitatis: & ipsius  $\frac{1}{G \cdot D}$  decrementum est ut summa quantitatū  $\frac{1}{G \cdot D}$  &  $\frac{CG}{G \cdot D \cdot q}$ , quarum prior est ipsa  $\frac{1}{G \cdot D}$ , & posterior  $\frac{CG}{G \cdot D \cdot q}$  est ut  $\frac{1}{G \cdot D \cdot q}$ . Proinde  $\frac{1}{G \cdot D}$  ob analogum decrementum, est ut velocitas. Et si quantitas  $G \cdot D$ , ipsi  $\frac{1}{G \cdot D}$  reciproce proportionalis, quantitate data  $CG$  augeatur, summa  $C \cdot D$ , tempore  $ABED$  uniformiter crescente, crescat in progressione Geometrica. Q. E. D.


*Corol. 1.* Igitur si, datis punctis  $A$ ,  $G$ , exponatur tempus per aream Hyperbolicam  $ABED$ , exponi potest velocitas per ipsius  $G \cdot D$  reciprocā  $\frac{1}{G \cdot D}$ .

*Corol. 2.* Sumendo autem  $GA$  ad  $G \cdot D$  ut velocitatis reciproca sub initio, ad velocitatis reciprocā in fine temporis cujuscvis  $ABED$ , invenitur punctum  $G$ . Eo autem invento, velocitas ex dato quovis alio tempore inveniri potest.

## PROPOSITIO XII. THEOREMA IX.

*Hisdem positis, dico quod si spatia descripta sumantur in progressione Arithmetica, velocitates data quadam quantitate auctæ erunt in progressione Geometrica.*

In Asymptoto  $CD$  detur punctum  $R$ , & erecto perpendiculo  $RS$ , quod occurrat Hyperbolæ in  $S$ , exponatur descriptum spatium per aream Hyperbolicam  $RSED$ , & velocitas erit ut longitudo  $G \cdot D$ , quæ cum data  $CG$  componit longitudinem  $C \cdot D$ , in progressione Geometrica decrefcentem, interea dum spatium  $RSED$  augetur in Arithmetica.



Etenim ob datum spatii incrementum  $ED$  & lineolam  $da$ , quæ decre-

decrementum est ipsius  $GD$ , erit reciproce ut  $ED$ , adeoque directe ut  $CD$ , hoc est, ut summa ejusdem  $GD$  & longitudinis data  $CG$ . Sed velocitatis decrementum, tempore sibi reciproce proportionali, quo data spatii particula  $D$  de  $E$  describitur, est ut resistentia & tempus conjunctim, id est, directe ut summa duarum quantitarum, quarum una est ut velocitas, altera ut velocitatis quadratum, & inverse ut velocitas, adeoque directe ut summa duarum quantitarum, quarum una datur, altera est ut velocitas. Igitur decrementum tam velocitatis quam lineæ  $GD$ , est ut quantitas data & quantitas decrefcens conjunctim, & propter analogâ decrementa, analogæ semper erunt quantitates decrefcentes: nimirum velocitas & linea  $GD$ .  $Q. E. D.$

*Corol. 1.* Igitur si velocitas exponatur per longitudinem  $GD$ , spatium descriptum erit ut area Hyperbolica  $DES.R$ .

*Corol. 2.* Et si usunque assumatur punctum  $R$ , inveniatur punctum  $G$ , capiendo  $GR$  ad  $GD$ , ut est velocitas sub initio ad velocitatem post spatium quodvis  $RSED$  descriptum. Invenio autem puncto  $G$ , datur spatium ex data velocitate, & contra.

*Corol. 3.* Unde cum, per Prop. XI, detur velocitas ex dato tempore, & per hanc Propositionem detur spatium ex data velocitate, dabitur spatium ex dato tempore: & contra.

### PROPOSITIO XIII. THEOREMA X.

*Posito quod Corpus ab uniformi gravitate deorsum attractum recte ascendit vel descendit, & quod eidem resistitur partim in ratione velocitatis, partim in ejusdem ratione duplicata: dico quod si Circuli & Hyperbolæ diametris parallele recte per conjugatarum diametrorum terminos ducantur, & velocitates sint ut segmenta quadam parallelarum a dato puncto ducta, Tempora erunt ut arearum Sectores, rectis a centro ad segmentorum terminos ductis abscissi: & contra.*

*Cas. 1.* Ponamus primo quod corpus ascendit, centroque  $D$  & semidiametro quovis  $DB$  describatur Circuli quadrans  $BETF$ , & per semidiametri  $DB$  terminum  $B$  agatur infinita  $BAP$ , semidiametro  $DF$  parallela. In ea detur punctum  $A$ , & capiatur segmentum  $AP$  velocitati proportionale. Et cum resistentiæ pars aliqua sit  
ut



Nam velocitatis decrementum  $PQ$ , in data temporis particula factum, est ut summa resistentiæ  $APq + 2BAP$  & gravitatis  $ABq - BDq$ , id est, ut  $BPq - BDq$ . Est autem area  $DTV$  ad aream  $DPQ$  ut  $DTq$  ad  $DPq$  adeoque, si ad  $DF$  demittatur perpendicularum  $GT$ , ut  $GTq$  seu  $GDq - DFq$  ad  $BDq$  utque  $GDq$  ad  $BPq$  & divisum ut  $DFq$  ad  $BPq - BDq$ . Quare cum area  $DPQ$  sit ut  $PQ$ , id est, ut  $BPq - BDq$ , erit area  $DTV$  ut datum  $DFq$ . Decrescit igitur area  $EDT$  uniformiter singulis temporis particulis æqualibus, per subtractionem particularum totidem datarum  $DTV$ , & propterea tempori proportionalis est.  $Q.E.D.$


*Cas. 3.* Sit  $AP$  velocitas in descensu corporis, &  $APq + 2BAP$  resistentiæ, &  $BDq - ABq$  vis gravitatis, existente angulo  $DBA$  recto. Et si centro  $D$ , vertice principali  $B$ , describatur Hyperbola rectangula  $BETV$  secans productas  $DA$ ,  $DP$  &  $DQ$  in  $E$ ,  $T$  &  $V$ ; erit Hyperbolæ hujus sector  $DET$  ut tempus descensus.

Nam velocitatis incrementum  $PQ$ , eique proportionalis area  $DPQ$ , est ut excessus gravitatis supra resistentiæ, id est, ut  $BDq - ABq - 2BAP - APq$  seu  $BDq - BPq$ . Et area  $DTV$  est ad aream  $DPQ$  ut  $DTq$  ad  $DPq$ , adeoque ut  $GTq$  seu  $GDq - BDq$  ad  $BPq$  utque  $GDq$  ad  $BDq$  & divisum ut  $BDq$  ad  $BDq - BPq$ . Quare cum area  $DPQ$  sit ut  $BDq - BPq$ , erit area  $DTV$  ut datum  $BDq$ . Crescit igitur area  $EDT$  uniformiter singulis temporis particulis æqualibus, per additionem totidem datarum particularum  $DTV$ , & propterea tempori descensus proportionalis est.  $Q.E.D.$

*Corol.* Igitur velocitas  $AP$  est ad velocitatem quam corpus tempore  $EDT$ , in spatio non resistente, ascendendo amittere vel descendendo acquirere posset, ut area trianguli  $DAP$  ad aream sectoris centro  $D$ , radio  $DA$ , angulo  $ADT$  descripti, ideoque ex dato tempore datur. Nam velocitas, in Medio non resistente, tem-

Kk

pori



pori atque adeo sectori huic proportionalis est, in Medio resistente est ut triangulum; & in Medio utroque, ubi quam minima est, accedit ad rationem æqualitatis, pro more sectoris & trianguli.

## PROPOSITIO XIV. THEOREMA XI.

*Iisdem positis, dico quod spatium ascensu vel descensu descriptum, est ut differentia areae per quam tempus exponitur, & areae cujusdam alterius quæ augetur vel diminuitur in progressionē Arithmetica; si vires ex resistantia & gravitate compositæ sumantur in progressionē Geometrica.*

Capiatur  $AC$  (in Fig. tribus ultimis,) gravitati, &  $AK$  resistantiæ proportionalis. Capiantur autem ad easdem partes puncti  $A$  si corpus descendit, aliter ad contrarias. Erigatur  $Ab$  quæ sit ad  $DB$  ut  $DBq$  ad  $4BAC$ : & area  $AbNK$  augebitur vel diminuetur in progressionē Arithmetica, dum vires  $CK$  in progressionē Geometrica sumuntur. Dico igitur quod distantia corporis ab ejus altitudine maxima sit ut excessus areae  $AbNK$  supra aream  $DET$ .

Nam cum  $AK$  sit ut resistantia, id est, ut  $APq + 2BAP$ , assumatur data quævis quantitas  $Z$ , & ponatur  $AK$  æqualis  $\frac{APq + 2BAP}{Z}$ , & (per hujus Lemma II.) erit ipsius  $AK$  momentum  $KL$  æquale  $\frac{2APQ + 2BA \times PQ}{Z}$  seu  $\frac{2BPQ}{Z}$ , & areae  $AbNK$  momentum  $KLON$  æquale  $\frac{2BPQ \times LO}{Z}$  seu  $\frac{BPQ \times BD \text{ cub.}}{2Z \times CK \times AB}$ .

*Cas. 1.* Jam si corpus ascendit, sitque gravitas ut  $ABq + BDq$  existente  $BET$  Circulo, (in Fig. Cas. 1. Prop. XIII.) linea  $AC$ , quæ gravitati proportionalis est, erit  $\frac{ABq + BDq}{Z}$ , &  $DPq$  seu  $APq + 2BAP + ABq + BDq$  erit  $AK \times Z + AC \times Z$  seu  $CK \times Z$ ; ideoque area  $DTV$  erit ad aream  $DPQ$  ut  $DTq$  vel  $DBq$  ad  $CK \times Z$ .

*Cas.*

Caf. 2. Sin corpus ascendit, & gravitas fit ut  $ABq - BDq$   
 linea  $AC$  (Fig. Caf. 2. Prop. XIII) erit  $\frac{ABq - BDq}{Z}$ , &  $DTq$

erit ad  $DPq$  ut  $DFq$  seu  $DBq$  ad  $BPq - BDq$  seu  $APq + 2BAP + ABq - BDq$ , id est, ad  $AK \times Z + AC \times Z$  seu  $CK \times Z$ .  
 Ideoque area  $DTV$  erit ad aream  $DPQ$  ut  $DBq$  ad  $CK \times Z$ .

Caf. 3. Et eodem argumento, si corpus descendit, & propterea  
 gravitas sit ut  $BDq - ABq$ , & linea  $AC$  (Fig. Caf. 3. Prop. præced.)  
 æquetur  $\frac{BDq - ABq}{Z}$  erit area  $DTV$  ad aream  $DPQ$  ut  $DBq$   
 ad  $CK \times Z$ : ut supra.

Cum igitur areæ illæ semper sint in hac ratione; si pro area  
 $DTV$ , qua momentum temporis sibi met ipsi semper æquale ex-  
 ponitur, scribatur determinatum quodvis rectangulum, puta  
 $BD \times m$ , erit area  $DPQ$ , id est,  $\frac{1}{2}BD \times PQ$ , ad  $BD \times m$  ut  
 $CK \times Z$  ad  $BDq$ . Atque inde fit  $PQ \times BD$  cub. æquale  
 $2BD \times m \times CK \times Z$ , & areæ  $AbNK$  momentum  $KLON$  su-  
 perius inventum, fit  $\frac{BP \times BD \times m}{AB}$ . Auferatur areæ  $DET$  mo-

mentum  $DTV$  seu  $BD \times m$ , & restabit  $\frac{AP \times BD \times m}{AB}$ . Est igitur  
 differentia momentorum, id est, momentum differentie area-  
 rum, æqualis  $\frac{AP \times BD \times m}{AB}$ , & propterea (ob datum  $\frac{BD \times m}{AB}$ )  
 ut velocitas  $AP$ , id est, ut momentum spatii quod corpus ascen-  
 dendo vel descendendo describit. Ideoque differentia arearum  
 & spatium illud, proportionalibus momentis crescentia vel decre-  
 scentia & simul incipientia vel simul evanescencia, sunt proportio-  
 nalia. Q. E. D.

Corol. Igitur si longitudo aliqua  $V$  sumatur in ea ratione ad du-  
 plum longitudinis  $M$ , quæ oritur applicando aream  $DET$  ad  $BD$ ,  
 quam habet linea  $DA$  ad lineam  $DE$ ; spatium quod corpus ascen-  
 su vel descensu toto in Medio resistente describit, erit ad spatium  
 quod in Medio non resistente eodem tempore describere posset,  
 ut arearum illarum differentia ad  $\frac{BD \times V^2}{4AB}$ , ideoque ex dato tem-  
 pore datur. Nam spatium in Medio non resistente est in dupli-  
 cata ratione temporis, sive ut  $V^2$ , & ob datas  $BD$  &  $AB$ , ut  
 Kk 2 BD

DE MOTU  
CORPORUM

$\frac{BD \times V^2}{4AB}$ . Momentum hujus areæ sive huic æqualis  $\frac{DAq \times BD \times M^2}{DEq \times AB}$  est ad momentum differentię arearum  $DET$  &  $AbNK$ , ut  $\frac{DAq \times BD \times 2M \times m}{DEq \times AB}$  ad  $\frac{AP \times BD \times m}{AB}$ , hoc est, ut  $\frac{DAq \times BD \times M}{DEq}$ .

ad  $\frac{1}{2} BD \times AP$ , sive ut  $\frac{DAq}{DEq}$  in  $DET$  ad  $DAP$ ; adeoque ubi areæ  $DET$  &  $DAP$  quam minimæ sunt, in ratione æqualitatis.

Æqualis igitur est area quam minima  $\frac{BD \times V^2}{4AB}$  differentię quam minimæ arearum  $DET$  &  $AbNK$ . Unde cum spatia in Medio utroque, in principio descensus vel fine ascensus simul descripta accedunt ad æqualitatem, adeoque tunc sunt ad invicem ut area  $\frac{BD \times V^2}{4AB}$  & arearum  $DET$  &  $AbNK$  differentia; ob eorum analogia incrementa necesse est ut in æqualibus quibuscunque temporibus sint ad invicem ut area illa  $\frac{BD \times V^2}{4AB}$  & arearum  $DET$  &  $AbNK$  differentia. *Q. E. D.*

## SECTIO.




## SECTIO IV.

*De Corporum Circulari Motu in Mediis resistentibus.*

## L E M M A III.

*Sit PQRr Spiralis quæ secet radios omnes SP, SQ, SR, &c. in æqualibus angulis. Agatur recta PT quæ tangat eandem in puncto quovis P, secetque radium SQ in T; & ad Spiralem erectis perpendicularis PO, QO concurrentibus in O, jungatur SO. Dico quod si puncta P & Q accedant ad invicem & coeant, angulus PSO evadet rectus, & ultima ratio rectanguli  $TQ \times 2PS$  ad  $PQ$  quad. erit ratio æqualitatis.*

Etenim de angulis rectis  $OPQ$ ,  $OQR$  subducantur anguli æquales  $SPQ$ ,  $SQR$ , & manebunt anguli æquales  $OPS$ ,  $OQS$ : Ergo Circulus qui transit per puncta  $O$ ,  $S$ ,  $P$  transibit etiam per punctum  $Q$ . Cocant puncta  $P$  &  $Q$ , & hic Circulus in loco coitus  $PQ$  tanget Spiralem, adeoque perpendiculariter secabit rectam  $OP$ . Fiet igitur  $OP$  diameter Circuli hujus, & angulus  $OSP$  in semicirculo rectus. *Q. E. D.*




Ad  $OP$  demittantur perpendiculara  $QD$ ,  $SE$ , & linearum rationes ultimæ erunt hujusmodi:  $TQ$  ad  $PD$  ut  $TS$  vel  $PS$  ad  $PE$ , seu  $2PO$  ad  $2PS$ . Item  $PD$  ad  $PQ$  ut  $PQ$  ad  $2PO$ . Et ex æquo perturbate  $TQ$  ad  $PQ$  ut  $PQ$  ad  $2PS$ . Unde fit  $PQ$  æquale  $TQ \times 2PS$ . *Q. E. D.*

PROPOS.

## PROPOSITIO XV. THEOREMA XII.

*Si Medii densitas in locis singulis sit reciproce ut distantia locorum a centro immobili, sitque vis centripeta in duplicata ratione densitatis: dico quod corpus gyrari potest in Spirali, quæ radios omnes a centro illo ductos intersecat in angulo dato.*

Ponantur quæ in superiore Lemmate, & producat  $SQ$  ad  $V$ , ut sit  $SV$  æqualis  $SP$ . Tempore quovis, in Medio resistente, describat corpus arcum quam minimum  $PQ$ , & tempore duplo arcum quam minimum  $PR$ ; & decrementsa horum arcuum ex resistentia oriunda, sive defectus ab arcubus qui in Medio non resistente iisdem temporibus describerentur, erunt ad invicem ut quadrata temporum in quibus generantur: Est itaque decrementum arcus  $PQ$  pars quarta decrementi arcus  $PR$ . Unde etiam, si areæ  $PSQ$  æqualis capiatur area  $QSR$ , erit decrementum arcus



$PQ$  æquale dimidio lineolæ  $Rr$ ; adeoque vis resistentiæ & vis centripeta sunt ad invicem ut lineolæ  $\frac{1}{2}Rr$  &  $TQ$  quas simul generant. Quoniam vis centripeta, qua corpus urgetur in  $P$ , est reciproce ut  $SPq$ , & (per Lem. x. Lib. 1.) lineola  $TQ$ , quæ vi illa generatur, est in ratione composita ex ratione hujus vis & ratione duplicata temporis quo arcus  $PQ$  describitur, (Nam resistentiam in hoc casu, ut infinite minorem quam vis centripeta, negligo) erit  $TQ \times SPq$  id est (per Lemma novissimum)  $\frac{1}{2}PQq \times SP$ , in ratione duplicata temporis, adeoque tempus est ut  $PQ \times \sqrt{SP}$ ; & corporis velocitas, qua arcus  $PQ$  illo tempore describitur, ut  $\frac{PQ}{PQ \times \sqrt{SP}}$  seu

$\frac{1}{\sqrt{SP}}$ , hoc est, in subduplicata ratione ipsius  $SP$  reciproce. Et simili argumento, velocitas qua arcus  $QR$  describitur, est in subduplicata

duplicata ratione ipsius  $SQ$  reciproce. Sunt autem arcus illi  $PQ$  &  $QR$  ut velocitates descriptrices ad invicem, id est, in subduplicata ratione  $SQ$  ad  $SP$ , sive ut  $SQ$  ad  $\sqrt{SP \times SQ}$ ; & ob æquales angulos  $SPQ$ ,  $SQR$  & æquales areas  $PSQ$ ,  $QSR$ , est arcus  $PQ$  ad arcum  $QR$  ut  $SQ$  ad  $SP$ . Sumantur proportionalium consequentium differentia, & fiet arcus  $PQ$  ad arcum  $Rr$  ut  $SQ$  ad  $SP - \sqrt{SP \times SQ}$ , seu  $\frac{1}{2}VQ$ ; nam punctis  $P$  &  $Q$  coeuntibus, ratio ultima  $SP - \sqrt{SP \times SQ}$  ad  $\frac{1}{2}VQ$  fit æqualitatis. Quoniam decrementum arcus  $PQ$ , ex resistantia oriundum, sive hujus duplum  $Rr$ , est ut resistantia & quadratum temporis conjunctim, erit resistantia ut  $\frac{Rr}{PQ \times SP}$ . Erat autem  $PQ$  ad  $Rr$ ,

ut  $SQ$  ad  $\frac{1}{2}VQ$ , & inde  $\frac{Rr}{PQ \times SP}$  fit ut  $\frac{\frac{1}{2}VQ}{PQ \times SP \times SQ}$  sive

ut  $\frac{\frac{1}{2}OS}{OP \times SP^2}$ . Namque punctis  $P$  &  $Q$  coeuntibus,  $SP$  &  $SQ$  coincidunt, & angulus  $PVQ$  fit rectus, & ob similia triangula  $PVQ$ ,  $PSO$ , fit  $PQ$  ad  $\frac{1}{2}VQ$  ut  $OP$  ad  $\frac{1}{2}OS$ . Est igitur

$\frac{OS}{OP \times SP^2}$  ut resistantia, id est, in ratione densitatis Medii in  $P$  & ratione duplicata velocitatis conjunctim. Auferatur duplicata ratio velocitatis, nempe ratio  $\frac{1}{SP^2}$ , & manebit Medii densitas in

$P$  ut  $\frac{OS}{OP \times SP}$ . Detur Spiralis, & ob datam rationem  $OS$  ad

$OP$ , densitas Medii in  $P$  erit ut  $\frac{1}{SP}$ . In Medio igitur cujus densitas est reciproce ut distantia a centro  $SP$ , corpus gyari potest in hac Spirali. *Q. E. D.*

*Corol. 1.* Velocitas in loco quovis  $P$  ea semper est quacum corpus in Medio non resistente gyari potest in Circulo, ad eandem a centro distantiam  $SP$ .

*Corol. 2.* Medii densitas, si datur distantia  $SP$ , est ut  $\frac{OS}{OP}$ , sin distantia illa non datur, ut  $\frac{OS}{OP \times SP}$ . Et inde Spiralis ad quamlibet Medii densitatem aptari potest.

*Corol. 3.* Vis resistantiæ in loco quovis  $P$ , est ad vim centripetam

tam in eodem loco ut  $\frac{1}{2}OS$  ad  $OP$ . Nam vires illæ sunt ad invicem ut  $\frac{1}{2}Rr$  &  $TQ$  sive ut  $\frac{\frac{1}{2}VQ \times PQ}{SQ}$  &  $\frac{\frac{1}{2}PQ}{SP}$ , hoc est, ut  $\frac{1}{2}VQ$  &  $PQ$ , seu  $\frac{1}{2}OS$  &  $OP$ . Data igitur Spirali datur proportio resistentiæ ad vim centripetam, & viceversa ex data illa proportionem datur Spiralis.

*Corol. 4.* Corpus itaque gyron nequit in hac Spirali, nisi ubi vis resistentiæ minor est quam dimidium vis centripetæ. Fiat resistentia æqualis dimidio vis centripetæ & Spiralis conveniet cum linea recta  $PS$ , inque hac recta corpus descendet ad centrum, ea cum velocitate quæ sit ad velocitatem qua probavimus in superioribus in casu Parabolæ (Theor. x, Lib. 1.) descensum in Medio non resistente fieri, in subduplicata ratione unitatis ad numerum binarium. Et tempora descensus hic erunt reciproce ut velocitates, atque adeo dantur.


*Corol. 5.* Et quoniam in æqualibus a centro distantis velocitas eadem est in Spirali  $PQR$  atque in recta  $SP$ , & longitudo Spiralis ad longitudinem rectæ  $PS$  est in data ratione, nempe in ratione  $OP$  ad  $OS$ ; tempus descensus in Spirali erit ad tempus descensus in recta  $SP$  in eadem illa data ratione, proindeque datur.

*Corol. 6.* Si centro  $S$  intervallis duobus quibuscunque datis describantur duo Circuli, & manentibus hisce Circulis, mutetur utcumque angulus quem Spiralis continet cum radio  $PS$ : numerus revolutionum quas corpus intra Circulorum circumferentias, pergendo in Spirali a circumferentia ad circumferentiam, complere potest, est ut  $\frac{PS}{OS}$ , sive ut Tangens anguli illius quem Spiralis continet cum

radio  $PS$ ; tempus vero revolutionum earundem ut  $\frac{OP}{OS}$ , id est, ut Secans anguli ejusdem, vel etiam reciproce ut Medii densitas.

*Corol. 7.* Si corpus, in Medio cujus densitas est reciproce ut distantia locorum a centro, revolutionem in Curva quacunque  $AEB$  circa centrum illud fecerit, & Radium primum  $AS$  in eodem angulo secuerit in  $B$  quo prius in  $A$ , idque cum velocitate quæ fuerit ad velocitatem suam primam in  $A$  reciproce in subduplicata ratione distantiarum a centro (id est, ut  $AS$  ad mediam proportionalem inter  $AS$  &  $BS$ ) corpus illud perget innumeras confimiles revolutiones  $BFC$ ,  $CGD$  &c. facere, & intersectionibus

tionibus distinguet Radium  $AS$  in partes  $AS$ ,  $BS$ ,  $CS$ ,  $DS$ , &c. LIBER  
SECUNDUS.  
continue proportionales. Revolutionum vero tempora erunt ut



perimetri Orbitalium  $AEB$ ,  $BFC$ ,  $CGD$ , &c. directe, & velocitates in principiis  $A$ ,  $B$ ,  $C$ , inverse, id est, ut  $AS^{\frac{1}{2}}$ ,  $BS^{\frac{1}{2}}$ ,  $CS^{\frac{1}{2}}$ . Atque tempus totum, quo corpus perveniet ad centrum, erit ad tempus revolutionis primæ, ut summa omnium continue proportionalium  $AS^{\frac{1}{2}}$ ,  $BS^{\frac{1}{2}}$ ,  $CS^{\frac{1}{2}}$  pergentium in infinitum, ad terminum primum  $AS^{\frac{1}{2}}$ ; id est, ut terminus ille primus  $AS^{\frac{1}{2}}$  ad differentiam duorum primorum  $AS^{\frac{1}{2}} - BS^{\frac{1}{2}}$ , sive ut  $\frac{1}{2}AS$  ad  $AB$  quam proxime. Unde tempus illud totum expedite invenitur.

*Corol. 8.* Ex his etiam præter propter colligere licet motus corporum in Mediis, quorum densitas aut uniformis est, aut aliam quamcunque legem assignatam observat. Centro  $S$ , intervallis continue proportionalibus  $SA$ ,  $SB$ ,  $SC$ , &c. describe Circulos quotcunque, & statue tempus revolutionum inter perimetros duorum quorumvis ex his Circulis, in Medio de quo egimus, esse ad tempus revolutionum inter eosdem in Medio proposito, ut Medii propositi densitas mediocris inter hos Circulos ad Medii, de quo egimus, densitatem mediocrem inter eosdem quam proxime: Sed & in eadem quoque ratione esse Secantem anguli quo Spiralis præfinita, in Medio de quo egimus, secat radium  $AS$ , ad Secantem anguli

Ll

quo

quo Spiralis nova secat radium eundem in Medio proposito: Atque etiam ut sunt eorumdem angulorum Tangentes ita esse numeros revolutionum omnium inter Circulos eosdem duos quam proxime. Si hæc fiant passim inter Circulos binos, continuabitur motus per Circulos omnes. Atque hoc pacto haud difficulter imaginari possumus quibus modis ac temporibus corpora in Medio quocunque regulari gyroni debebunt.

*Corol. 9.* Et quamvis motus excentrici in Spiralibus ad formam Ovalium accedentibus peragantur, tamen concipiendo Spiralem illarum singulas revolutiones iisdem ab invicem intervallis distare, iisdemque gradibus ad centrum accedere cum Spirali superius descripta, intelligemus etiam quomodo motus corporum in huiusmodi Spiralibus peragantur.

### PROPOSITIO XVI. THEOREMA XIII.

*Si Medii densitas in locis singulis sit reciproce ut distantia locorum a centro immobili, sitque vis centripeta reciproce ut dignitas qualibet ejusdem distantie: dico quod corpus gyroni potest in Spirali quæ radios omnes a centro illo ductos intersecat in angulo dato.*

Demonstratur eadem methodo cum Propositione superiore. Nam si vis centripeta in  $P$  sit reciproce ut distantie  $SP$  dignitas qualibet  $SP^{n+1}$  cujus index est  $n+1$ ; colligetur ut supra, quod tempus quo corpus describit arcum quemvis  $PQ$  erit ut  $PQ \times SP^{\frac{1}{2}n}$ , & resistentia in  $P$  ut  $\frac{Rr}{PQ \times SP^n}$ , sive ut  $\frac{1-\frac{1}{2}n \times VQ}{PQ \times SP^n \times SQ}$ , adeoque ut  $\frac{1-\frac{1}{2}n \times OS}{OP \times SP^{n+1}}$ , hoc est, ob datum  $\frac{1-\frac{1}{2}n \times OS}{OP}$ , reciproce ut  $SP^{n+1}$ . Et propterea, cum velocitas sit reciproce ut  $SP^{\frac{1}{2}n}$ , densitas in  $P$  erit reciproce ut  $SP$ .

*Corol. 1.* Resistentia est ad vim centripetam, ut  $1-\frac{1}{2}n \times OS$  ad  $OP$ .

*Corol. 2.* Si vis centripeta sit reciproce ut  $SP^{cnb}$ , erit  $1-\frac{1}{2}n=0$ , adeoque resistentia & densitas Medii nulla erit, ut in Propositione nona Libri primi.

*Corol. 3.* Si vis centripeta sit reciproce ut dignitas aliqua radii  $SP$  cujus index est major numero 3, resistentia affirmativa in negativam mutabitur.

*Scho-*

*Scholium.*LIBER  
SECUNDUS.

Cæterum hæc Propositio & superiores, quæ ad Media inæqualiter densa spectant, intelligendæ sunt de motu corporum adeo parvorum, ut Medii ex uno corporis latere major densitas quam ex altero non consideranda veniat. Resistentiam quoque cæteris paribus densitati proportionalem esse suppono. Unde in Mediis quorum vis resistendi non est ut densitas, debet densitas eo usque augeri vel diminui, ut resistentiæ vel tollatur excessus vel defectus supplatur.

## PROPOSITIO XVII. PROBLEMA IV.

*Invenire & vim centripetam & Medii resistentiam qua corpus in data Spirali, data velocitatis Lege, revolvi potest.*

Sit Spiralis illa  $PQR$ . Ex velocitate qua corpus percurrit arcum quam minimum  $PQ$  dabitur tempus, & ex altitudine  $TQ$ , quæ est ut vis centripeta & quadratum temporis, dabitur vis. Deinde ex arearum, æqualibus temporum particulis confectarum  $PSQ$  &  $QSR$ , differentia  $RSr$ , dabitur corporis retardatio, & ex retardatione invenietur resistentia ac densitas Medii.

## PROPOSITIO XVIII. PROBLEMA V.

*Data Lege vis centripetæ, invenire Medii densitatem in locis singulis, qua corpus datam Spiralem describet.*

Ex vi centripetæ inveniendæ est velocitas in locis singulis, deinde ex velocitatis retardatione quærenda Medii densitas: ut in Propositione superiore.

Methodum vero tractandi hæc Problemata aperui in hujus Propositione decima, & Lemmate secundo; & Lectorem in hujusmodi perplexis disquisitionibus diutius detinere nolo. Addenda jam sunt aliqua de viribus corporum ad progrediendum, deque densitate & resistentia Mediorum, in quibus motus hætenus expostiti & his affines peraguntur.

## S E C T I O V.

*De Densitate & Compressione Fluidorum; deque  
Hydrostatica.*


## Definitio Fluidi.

*Fluidum est corpus omne cujus partes cedunt vi cuicunque illatæ,  
& cedendo facile moventur inter se.*

## PROPOSITIO XIX. THEOREMA XIV.

*Fluidi homogenei & immoti, quod in vase quocunque immoto claudatur & undique comprimitur, partes omnes (seposita condensationis, gravitatis & virium omnium centripetarum consideratione) æqualiter premuntur undique, & absque omni motu a pressione illa orto permanent in locis suis.*

*Cas. 1.* In vase sphærico *ABC* claudatur & uniformiter comprimitur fluidum undique: dico quod ejusdem pars nulla ex illa pressione movebitur. Nam si pars aliqua *D* moveatur, necesse est ut omnes hujusmodi partes, ad eandem a centro distantiam undique consistentes, simili motu simul moveantur; atque hoc adeo quia similis & æqualis est omnium pressio, & motus omnis exclusus supponitur, nisi qui a pressione illa oriatur. Atqui non possunt omnes ad centrum propius accedere, nisi fluidum ad *B* centrum condensetur; contra Hypothesin. Non possunt longius ab eo recedere, nisi fluidum ad circumferentiam condensetur; etiam contra Hypothesin. Non possunt servata sua a centro distantia moveri in plagam quancunque, quia pari ratione movebuntur in plagam contrariam; in plagas autem contrarias non potest pars





pars eadem, eodem tempore, moveri. Ergo fluidi pars nulla de loco suo movebitur. *Q. E. D.*

*Caf. 2.* Dico jam quod fluidi hujus partes omnes sphæricæ æqualiter premuntur undique: sit enim *EF* pars sphærica fluidi, & si hæc undique non premitur æqualiter, augeatur pressio minor, usque dum ipsa undique prematur æqualiter; & partes ejus, per Casum primum, permanebunt in locis suis. Sed ante auctam pressionem permanebunt in locis suis, per Casum eundem primum, & additione pressionis novæ movebuntur de locis suis, per definitionem Fluidi. Quæ duo repugnant. Ergo falso dicebatur quod Sphæra *EF* non undique premebatur æqualiter. *Q. E. D.*

*Caf. 3.* Dico præterea quod diversarum partium sphæricarum æqualis sit pressio. Nam partes sphæricæ contiguæ se mutuo premunt æqualiter in puncto contactus, per motus Legem III. Sed &, per Casum secundum, undique premuntur eadem vi. Partes igitur duæ quævis sphæricæ non contiguæ, quia pars sphærica intermedia tangere potest utramque, prementur eadem vi. *Q. E. D.*

*Caf. 4.* Dico jam quod fluidi partes omnes ubique premuntur æqualiter. Nam partes duæ quævis tangi possunt a partibus Sphæricis in punctis quibuscunque, & ibi partes illas Sphæricas æqualiter premunt, per Casum 3. & vicissim ab illis æqualiter premuntur, per Motus Legem tertiam. *Q. E. D.*

*Caf. 5.* Cum igitur fluidi pars quælibet *GHI* in fluido reliquo tanquam in vase claudatur, & undique prematur æqualiter, partes autem ejus se mutuo æqualiter premant & quiescant inter se; manifestum est quod Fluidi cujuscunque *GHI*, quod undique premitur æqualiter, partes omnes se mutuo premunt æqualiter, & quiescunt inter se. *Q. E. D.*

*Caf. 6.* Igitur si Fluidum illud in vase non rigido claudatur, & undique non prematur æqualiter, cedet idem pressioni fortiori, per Definitionem Fluiditatis.

*Caf. 7.* Idcoque in vase rigido Fluidum non sustinebit pressionem fortiorem ex uno latere quam ex alio, sed eidem cedet, idque in momento temporis, quia latus vasis rigidum non persequitur liquorem cedentem. Cedendo autem urgebit latus oppositum, & sic pressio undique ad æqualitatem verget. Et quoniam Fluidum, quam primum a parte magis pressa recedere conatur, inhibetur per resistantiam vasis ad latus oppositum; reducetur pressio undique ad æqualitatem, in momento temporis, absque motu locali: & subinde partes fluidi, per Casum quintum, se mutuo prement æqualiter, & quiescent inter se. *Q. E. D.*


*Coral.*

*Corol.* Unde nec motus partium fluidi inter se, per pressionem fluido ubivis in externa superficie illatam, mutari possunt, nisi quatenus aut figura superficiei alicubi mutatur, aut omnes fluidi partes intensius vel remissius sese premendo difficilius vel facilius labuntur inter se.

## PROPOSITIO XX. THEOREMA XV.

*Si Fluidi Sphærici, & in equalibus a centro distantis homogenei, fundo Sphærico concentrico incumbentis partes singulae versus centrum totius gravitent; sustinet fundum pondus Cylindri, cujus basis aequalis est superficiei fundi, & altitudo eadem que Fluidi incumbentis.*

Sit  $DHM$  superficies fundi, &  $AEI$  superficies superior fluidi. Superficiebus sphæricis innumeris  $BFK$ ,  $CGL$  distinguatur fluidum in Orbis concentricos æqualiter crassos; & concipe vim gravitatis agere solummodo in superficiem superiorem Orbis cujusque, & æquales esse actiones in æquales partes superficierum omnium. Premitur ergo superficies suprema  $AE$  vi simplici gravitatis propriæ, qua & omnes Orbis supremi partes & superficies secunda  $BFK$  (per Prop. XIX.) pro mensura sua æqualiter premuntur. Premitur præterea superficies secunda  $BFK$  vi propriæ gravitatis, quæ addita vi prioris facit pressionem duplam. Hac pressione, pro mensura sua, & insuper vi propriæ gravitatis, id est pressione tripla, urgetur superficies tertia  $CGL$ . Et similiter pressione quadrupla urgetur superficies quarta, quintupla quinta, & sic deinceps. Pressio igitur qua superficies unaquæque urgetur, non est ut quantitas solida fluidi incumbentis, sed ut numerus Orbium ad usque summam fluidi; & æquatur gravitati Orbis infimi multiplicatæ per numerum Orbium: hoc est, gravitati solidi cujus ultima ratio ad Cylindrum præfinitum, (si modo Orbium augeatur numerus & minuatur crassitudo in infinitum, sic ut actio gravitatis a superficie infima ad supremam continua reddatur) fiet ratio æqualitatis. Sustinet ergo superficies infima pondus Cylindri præfi-



præfiniti. *Q. E. D.* Et simili argumentatione patet Propositio, ubi gravitas decrefcit in ratione quavis affignata diftantiæ a centro, ut & ubi Fluidum furfum rarius eft, deorfum denfius. *Q. E. D.*

LIBER  
SECUNDUS

*Corol. 1.* Igitur fundum non urgetur a toto fluidi incumbētis pondere, fed eam folummodo ponderis partem fuftinet quæ in propofitione defcribitur; pondere reliquo a fluidi figura fornicata fuftentato.

*Corol. 2.* In æqualibus autem a centro diftantiis eadem femper eft preffionis quantitas, five superficies preffa fit Horizonti parallela vel perpendicularis vel obliqua; five fluidum, a superficie preffa furfum continuatum, furgat perpendiculariter fecundum lineam rectam, vel ferpit oblique per tortas cavitates & canales, easque regulares vel maxime irregulares, amplas vel anguftiffimas. Hifce circumftantiis preffionem nil mutari colligitur, applicando demonftrationem Theorematis hujus ad Cafus fingulos Fluidorum.

*Corol. 3.* Eadem Demonftratione colligitur etiam (per Prop. xix) quod fluidi gravis partes nullum, ex preffione ponderis incumbētis, acquirunt motum inter fe, fi modo excludatur motus qui ex condenfatione oriatur.

*Corol. 4.* Et propterea fi aliud ejufdem gravitatis specificæ corpus, quod fit condenfationis expers, fubmergatur in hoc fluido, id ex preffione ponderis incumbētis nullum acquireret motum: non descenderet, non afcenderet, non cogetur figuram fuam mutare. Si sphæricum eft manebit sphæricum, non obftante preffione; fi quadratum eft manebit quadratum: idque five molle fit, five fluidiffimum; five fluido libere innatet, five fundo incumbat. Habet enim fluidi pars quælibet interna rationem corporis fubmerfi, & par eft ratio omnium ejufdem magnitudinis, figuræ & gravitatis specificæ fubmerforum corporum. Si corpus fubmerfum fervato pondere liquefceret & indueret formam fluidi; hoc, fi prius afcenderet vel descenderet vel ex preffione figuram novam indueret, etiam nunc afcenderet vel descenderet vel figuram novam induere cogeretur: id adeo quia gravitas ejus cateræque motuum caufæ permanent. Atqui, per Caf. 5. Prop. xix, jam quiefceret & figuram retineret. Ergo & prius.

*Corol. 5.* Proinde corpus quod specificè gravius eft quam Fluidum fibi contiguum fubfidebit, & quod specificè levius eft afcendet, motumque & figuræ mutationem confequetur, quantum exceffus ille vel defectus gravitatis efficere poffit. Namque exceffus ille vel defectus rationem habet impulfus, quo corpus, alias in æquali-

æquilibrio cum fluidi partibus constitutum, urgetur, & comparari potest cum excessu vel defectu ponderis in lance alterutra libræ.

*Corol. 6.* Corporum igitur in fluidis constitutorum duplex est Gravititas: altera vera & absoluta, altera apparens, vulgaris & comparativa. Gravititas absoluta est vis tota qua corpus deorsum tendit: relativa & vulgaris est excessus gravitatis quo corpus magis tendit deorsum quam fluidum ambiens. Prioris generis Gravititate partes fluidorum & corporum omnium gravitant in locis suis: ideoque conjunctis ponderibus componunt pondus totius. Nam totum omne grave est, ut in vasis liquorum plenis experiri licet; & pondus totius æquale est ponderibus omnium partium, ideoque ex iisdem componitur. Alterius generis Gravitatie corpora non gravitant in locis suis, id est, inter se collata non prægravant, sed mutuos ad descendendum conatus impediencia permanent in locis suis, perinde ac si gravia non essent. Quæ in Aere sunt & non prægravant, vulgus gravia non judicat. Quæ prægravant vulgus gravia judicat, quatenus ab Aeris pondere non sustentur. Pondera vulgi nihil aliud sunt quam excessus verorum ponderum supra pondus Aeris. Unde & vulgo dicuntur levia, quæ sunt minus gravia, Aerique prægravanti cedendo superiora petunt. Comparative levia sunt, non vere, quia descendunt in vacuo. Sic & in Aqua, corpora, quæ ob majorem vel minorem gravitatem descendunt vel ascendunt, sunt comparative & apparenter gravia vel levia, & eorum gravitas vel levitas comparativa & apparens est excessus vel defectus quo vera eorum gravitas vel superat gravitatem aquæ vel ab ea superatur. Quæ vero nec prægravando descendunt, nec prægravanti cedendo ascendunt, etiamsi veris suis ponderibus adaugeant pondus totius, comparative tamen & in sensu vulgi non gravitant in aqua. Nam similis est horum Casuum Demonstratio.

*Corol. 7.* Quæ de gravitate demonstrantur, obtinent in aliis quibuscunque viribus centripetis.

*Corol. 8.* Proinde si Medium, in quo corpus aliquod movetur, urgeatur vel a gravitate propria, vel ab alia quacunque vi centripeta, & corpus ab eadem vi urgeatur fortius: differentia virium est vis illa motrix, quam in præcedentibus Propositionibus ut vim centripetam consideravimus. Sin corpus a vi illa urgeatur levius, differentia virium pro vi centrifuga haberi debet.

*Corol. 9.* Cum autem fluida premendo corpora inclusa non mutant eorum Figuras externas, patet insuper, per Corollarium Prop.

Prop. XIX, quod non mutabunt situm partium internarum inter se: proindeque, si Animalia immergantur, & sensatio omnis a motu partium oriatur, nec lædent corpora immersa, nec sensationem ullam excitabunt, nisi quatenus hæc corpora a compressione condensari possunt. Et par est ratio cujuscunque corporum Systematis fluido comprimente circumdati. Systematis partes omnes iisdem agitabuntur motibus, ac si in vacuo constituerentur, ac solum retinerent gravitatem suam comparativam, nisi quatenus fluidum vel motibus earum nonnihil resistat, vel ad easdem compressione conglutinandas requiratur.


## PROPOSITIO XXI. THEOREMA XVI.

*Sit Fluidi cujusdam densitas compressioni proportionalis, & partes ejus a vi centripeta distantius suis a centro reciproce proportionali deorsum trahantur: dico quod, si distantia ille sumantur continue proportionales, densitates Fluidi in iisdem distantius erunt etiam continue proportionales.*

Designet  $ATV$  fundum Sphæricum cui fluidum incumbit,  $S$  centrum,  $SA, SB, SC, SD, SE$ , &c. distantias continue proportionales. Erigantur perpendiculara  $AH, BI, CK, DL, EM$ , &c. quæ sint ut densitates Medii in locis  $A, B, C, D, E$ , & specificæ gravitates in iisdem locis erunt ut  $\frac{AH}{AS}, \frac{BI}{BS}, \frac{CK}{CS}$ , &c. vel, quod

perinde est, ut  $\frac{AH}{AB}, \frac{BI}{BC}, \frac{CK}{CD}$ , &c. Finge pri-

imum has gravitates uniformiter continuari ab  $A$  ad  $B$ , a  $B$  ad  $C$ , a  $C$  ad  $D$ , &c. factis per gradus decrementis in punctis  $B, C, D$ , &c. Et hæc gravitates ductæ in altitudines  $AB, BC, CD$ , &c. conficiunt pressiones  $AH, BI, CK$ , quibus fundum  $ATV$  (juxta Theorema xv.) urgetur. Sustinet ergo particula  $A$  pressiones omnes  $AH, BI, CK, DL$ , pergendo in infinitum, & particula  $B$  pressiones omnes præter primam  $AH$ , & particula  $C$  omnes præter duas primas  $AH, BI$ , & sic deinceps: adeoque particula primæ  $A$  densitas  $AH$  est ad particula secundæ  $B$  densitatem




DE MOTU  
CORPORUM

tatem  $BI$  ut summa omnium  $AH + BI + CK + DL$ , in infinitum, ad summam omnium  $BI + CK + DL$ , &c. Et  $BI$  densitas secundæ  $B$ , est ad  $CK$  densitatem tertiæ  $C$ , ut summa omnium  $BI + CK + DL$ , &c. ad summam omnium  $CK + DL$ , &c. Sunt igitur summæ illæ differentiis suis  $AH, BI, CK$ , &c. proportionales, atque adeo continue proportionales, per hujus Lem. 1. proindeque differentiæ  $AH, BI, CK$ , &c. summis proportionales, sunt etiam continue proportionales. Quare cum densitates in locis  $A, B, C$ , &c. sint ut  $AH, BI, CK$ , &c. erunt etiam hæ continue proportionales. Pergatur per saltum, & (ex æquo) in distantiiis  $SA, SC, SE$  continue proportionalibus, erunt densitates  $AH, CK, EM$  continue proportionales. Et eodem argumento, in distantiiis quibufvis continue proportionalibus  $SA, SD, SG$ , densitates  $AH, DL, GO$ ,  $GO$  erunt continue proportionales. Coeant jam puncta  $A, B, C, D, E$ , &c. eo ut progressio gravitatum specificarum a fundo  $A$  ad summam Fluidi continua reddatur, & in distantiiis quibufvis continue proportionalibus  $SA, SD, SG$ , densitates  $AH, DL, GO$ , semper existentes continue proportionales, manebunt etiamnum continue proportionales. *Q. E. D.*

*Corol.* Hinc si detur densitas Fluidi in duobus locis. puta  $A$  &  $E$ , colligi potest ejus densitas

in alio quovis loco  $Q$ . Centro  $S$ , Asymptotis rectangulis  $SQ, SX$ , describatur Hyperbola secans perpendiculara  $AH, EM, QT$  in  $a, e, q$ , ut & perpendiculara  $HX, MT, TZ$ , ad Asymptoton  $SX$  demissa, in  $b, m$  &  $t$ . Fiat area  $ZTmtZ$  ad aream datam  $TmbX$  ut area data  $EeqQ$  ad aream datam  $EeaA$ , & linea  $Zt$  producta abscondet lineam  $QT$  densitati proportionalem. Namque si lineæ  $SA, SE, SQ$  sunt continue proportionales, erunt areæ  $EeqQ, EeaA$  æquales, & inde areæ his proportionales  $TmtZ, XbmT$  etiam æquales, & lineæ  $SX, ST, SZ$ , id est  $AH, EM, QT$  continue proportionales, ut oportet. Et si lineæ  $SA, SE, SQ$  obtinent alium quemvis ordinem in serie continue proportionalium, lineæ  $AH, EM, QT$ , ob proportionales areæ Hyperbolicas, obtinebunt eundem ordinem in alia serie quantitatum continue proportionalium.




PROPO.

## PROPOSITIO XXII. THEOREMA XVII.

*Sit Fluidi cujusdam densitas compressioni proportionalis, & partes ejus a gravitate quadratis distantiarum suarum a centro reciproce proportionali deorsum trahantur: dico quod, si distantie sumantur in progressione Musica, densitates Fluidi in his distantius erunt in progressione Geometrica.*

Designet  $S$  centrum, &  $SA, SB, SC, SD, SE$  distantias in progressione Geometrica. Erigantur perpendiculara  $AH, BI, CK$ , &c. quæ sint ut Fluidi densitates in locis  $A, B, C, D, E$ , &c. & ipsius




gravitates specificæ in iisdem locis erunt  $\frac{AH}{SA}, \frac{BI}{SB}, \frac{CK}{SC}$ , &c. Finge has gravitates uniformiter continuari, primam ab  $A$  ad  $B$ , secundam a  $B$  ad  $C$ , tertiam a  $C$  ad  $D$ , &c. Et hæ ductæ in altitudines  $AB, BC, CD, DE$ , &c. vel, quod perinde est, in distantias  $SA, SB, SC$ , &c. altitudinibus illis proportionales,ificent exponentes pressionum  $\frac{AH}{SA}, \frac{BI}{SB}, \frac{CK}{SC}$ , &c. Quare cum densitates sint ut harum pressionum summa, differentia densitatum  $AH - BI, BI - CK$ , &c. erunt ut summarum differentia  $\frac{AH}{SA}, \frac{BI}{SB}, \frac{CK}{SC}$ , &c.

Mm 2

Centro

DE MOTU  
CORPORUM

Centro  $S$ , Asymptotis  $SA$ ,  $Sx$ , describatur Hyperbola quævis, quæ fecerit perpendiculara  $AH$ ,  $BI$ ,  $CK$ , &c. in  $a$ ,  $b$ ,  $c$ , &c. ut & perpendiculara ad Asymptoton  $Sx$  demissa  $Ht$ ,  $Iu$ ,  $Kw$  in  $b$ ,  $i$ ,  $k$ , & densitatum differentiarum  $tu$ ,  $uw$ , &c. erunt ut  $\frac{AH}{SA}$ ,  $\frac{BI}{SB}$ , &c. Et rectangula  $tu \times tb$ ,  $uw \times ui$ , &c. seu  $tp$ ,  $uq$ , &c. ut  $\frac{AH \times tb}{SA}$ ,  $\frac{BI \times ui}{SB}$ , &c. id est, ut  $Aa$ ,  $Bb$ , &c. Est enim, ex natura Hyperbolæ,  $SA$  ad  $AH$  vel  $St$ , ut  $tb$  ad  $Aa$ , adeoque  $\frac{AH \times tb}{SA}$  æquale  $Aa$ .



Et simili argumento est  $\frac{BI \times ui}{SB}$  æquale  $Bb$ , &c. Sunt autem  $Aa$ ,  $Bb$ ,  $Cc$ , &c. continue proportionales, & propterea differentiarum suis  $Aa - Bb$ ,  $Bb - Cc$ , &c. proportionales, ideoque differentiarum hinc proportionalia sunt rectangula  $tp$ ,  $uq$ , &c. ut & summis differentiarum  $Aa - Cc$  vel  $Aa - Dd$  summæ rectangulorum  $tp + uq$  vel  $tp + uq + wr$ . Sunt ejusmodi termini quam plurimi, & summa omnium differentiarum, puta  $Aa - Ff$ , erit summæ omnium rectangulorum, puta  $ztbn$ , proportionalis. Augetur numerus terminorum & minuantur distantie punctorum  $A$ ,  $B$ ,  $C$ , &c. in infinitum, & rectangula illa evadent æqualia aræ Hyperbolæ  $ztbn$ , adeoque huic aræ proportionalis est differentia  $Aa - Ff$ . Sumantur



tur jam distantie quælibet, puta  $SA, SD, SF$  in progressionē Musica, & differentie  $Aa - Dd, Dd - Ff$  erunt æquales, & propterea differentie hęc proportionales areæ  $t b l x, x l n x$  æquales erunt inter se, & densitates  $St, Sx, Sz$ , id est,  $AH, DL, FN$ , continue proportionales. Q. E. D.

*Corol.* Hinc si dentur Fluidi densitates duæ quævis, puta  $AH$  &  $CK$ , dabitur area  $t b k w$  harum differentie  $t w$  respondens, & inde invenietur densitas  $FN$  in altitudine quacunque  $SF$ , sumendo aream  $t b n x$  ad aream illam datam  $t b k w$  ut est differentia  $Aa - Ff$  ad differentiam  $Aa - Cc$ .

*Scholium.*

Simili argumentatione probari potest, quod si gravitas particularum Fluidi diminuat in triplicata ratione distantiarum a centro, & quadratorum distantiarum  $SA, SB, SC$ , &c. reciproca (nempe  $\frac{SA cub.}{SA q}, \frac{SA cub.}{SB q}, \frac{SA cub.}{SC q}$ ) sumantur in progressionē Arithmetica, densitates  $AH, BI, CK$ , &c. erunt in progressionē Geometrica. Et si gravitas diminuat in quadruplicata ratione distantiarum, & cuborum distantiarum reciproca (puta  $\frac{SA qq}{SA cub.}, \frac{SA qq}{SB cub.}$ ,


$\frac{SA qq}{SC cub.}$ , &c.) sumantur in progressionē Arithmetica, densitates  $AH, BI, CK$ , &c. erunt in progressionē Geometrica. Et sic in infinitum. Rursus si gravitas particularum Fluidi in omnibus distantis eadem sit, & distantie sint in progressionē Arithmetica, densitates erunt in progressionē Geometrica, uti Vir Cl. *Edmundus Halleus* invenit. Si gravitas sit ut distantia, & quadrata distantiarum sint in progressionē Arithmetica, densitates erunt in progressionē Geometrica. Et sic in infinitum. Hęc ita se habent ubi Fluidi compressione condensati densitas est ut vis compressionis, vel, quod perinde est, spatium a Fluido occupatum reciproce ut hæc vis. Fingi possunt aliæ condensationis Leges, ut quod cubus vis comprimētis sit ut quadrato-quadratum densitatis, seu triplicata ratio Vis æqualis quadruplicate rationi densitatis. Quo in casu, si gravitas est reciproce ut quadratum distantie a centro, densitas erit reciproce ut cubus distantie. Fingatur quod cubus vis comprimētis sit ut quadrato-cubus densitatis, & si gravitas est reciproce ut quadratum distantie, densitas erit reciproce in sesquuplicata ratione

tione distantia. Fingatur quod vis comprimens sit in duplicata ratione densitatis, & gravitas reciproce in ratione duplicata distantia, & densitas erit reciproce ut distantia. Casus omnes percurrere longum esset.

## PROPOSITIO XXIII. THEOREMA XVIII.

*Si Fluidi ex particulis se mutuo fugientibus compositi densitas sit ut compressio, vires centrifugæ particularum sunt reciproce proportionales distantia centrorum suorum. Et vice versa, particula viribus quæ sunt reciproce proportionales distantia centrorum suorum se mutuo fugientes componunt Fluidum Elasticum, cujus densitas est compressioni proportionalis.*

Includi intelligatur Fluidum in spatio cubico  $ACE$ , dein compressione redigi in spatium cubicum minus  $ace$ , & particularum, similem situm inter se in utroque spatio obrinentium, distantia erunt ut cuborum latera  $AB, ab$ , & Medii densitates reciproce ut spatia continentia  $ABcub.$  &  $abcub.$  In latere cubi majoris  $ABCD$  capiatur quadratum  $DP$  æquale lateri cubi minoris  $db$ , & ex Hypothesi, pressio qua quadratum  $DP$  urget Fluidum inclusum, erit ad pressionem qua latus illud quadratum  $db$  urget Fluidum inclusum ut Medii densitates ad invicem, hoc est, ut  $abcub.$  ad  $ABcub.$  Sed pressio qua quadratum  $DB$  urget Fluidum inclusum, est ad pressionem qua quadratum  $DP$  urget idem Fluidum, ut quadratum  $DB$  ad quadratum  $DP$ , hoc est, ut  $ABquad.$  ad  $abquad.$  Ergo, ex æquo, pressio qua latus  $DB$  urget Fluidum, est ad pressionem qua latus  $db$  urget Fluidum, ut  $ab$  ad  $AB$ . Planis  $FGH, fgh$ , per media cuborum ductis, distinguatur Fluidum in duas partes, & hæc se mutuo prement iisdem viribus, quibus premuntur a planis  $AC, ac$ , hoc est, in proportionem  $ab$  ad  $AB$ : adeoque vires centrifugæ, quibus hæc pressiones sustinentur, sunt in eadem ratione. Ob eundem particularum numerum similemque situm in utroque cubo, vires quas particulae omnes secundum plana  $FGH, fgh$  exercent in omnes,



nes, sunt ut vires quas singulæ exercent in singulas. Ergo vires, quas singulæ exercent in singulas secundum planum  $FGH$  in cubo majore, sunt ad vires quas singulæ exercent in singulas secundum planum  $fgb$  in cubo minore ut  $ab$  ad  $AB$ , hoc est, reciproce ut distantia particularum ad invicem. *Q. E. D.*

Et vice versa, si vires particularum singularum sunt reciproce ut distantia, id est, reciproce ut cuborum latera  $AB$ ,  $ab$ ; summæ virium erunt in eadem ratione, & pressiones laterum  $DB$ ,  $db$  ut summæ virium, & pressio quadrati  $DP$  ad pressionem lateris  $DB$  ut  $ab$  quad. ad  $AB$  quad. Et, ex æquo, pressio quadrati  $DP$  ad pressionem lateris  $db$  ut  $ab$  cub. ad  $AB$  cub. id est, vis compressionis ad vim compressionis ut densitas ad densitatem. *Q. E. D.*

*Scholium.*

Simili argumento, si particularum vires centrifugæ sint reciproce in duplicata ratione distantiarum inter centra, cubi virium comprimentium erunt ut quadrato-quadrata densitarum. Si vires centrifugæ sint reciproce in triplicata vel quadruplicata ratione distantiarum, cubi virium comprimentium erunt ut quadrato-cubi vel cubo-cubi densitatum. Et universaliter, si  $D$  ponatur pro distantia, &  $E$  pro densitate Fluidi compressi, & vires centrifugæ sint reciproce ut distantia dignitas quælibet  $D^n$ , cujus index est numerus  $n$ ; vires comprimentes erunt ut latera cubica dignitatis  $E^{n+1}$ , cujus index est numerus  $n+1$ ; & contra. Intelligenda vero sunt hæc omnia de particularum Viribus centrifugis quæ terminantur in particulis proximis, aut non longe ultra diffunduntur. Exemplum habemus in corporibus Magneticis. Horum Virtus attractiva terminatur fere in sui generis corporibus sibi proximis. Magnetis virtus per interpositam laminam ferri contrahitur, & in lamina fere terminatur. Nam corpora ulteriora non tam a Magnete quam a lamina trahuntur. Ad eundem modum si particulae fugant alias sui generis particulas sibi proximas, in particulas autem remotiores virtutem nullam exercent, ex hujusmodi particulis componentur Fluida de quibus actum est in hac Propositione. Quod si particulae cujusque virtus in infinitum propageretur, opus erit vi majori ad æqualem condensationem majoris quantitatis Fluidi. An vero Fluida Elastica ex particulis se mutuo fugantibus consent, Quæstio Physica est. Nos proprietatem Fluidorum ex ejusmodi particulis constantium Mathematicè demonstravimus, ut Philosophis ansam præbeamus Quæstionem illam tractandi.

SECTIO

## SECTIO VI

*De Motu & Resistentia Corporum Funependulorum.*

## PROPOSITIO XXIV. THEOREMA XIX.

*Quantitates materiae in corporibus funependulis, quorum centra oscillationum a centro suspensionis aequaliter distant, sunt in ratione composita ex ratione ponderum & ratione duplicata temporum oscillationum in vacuo.*

Nam velocitas, quam data vis in data materia dato tempore generare potest, est ut vis & tempus directe, & materia inverse. Quo major est vis vel majus tempus vel minor materia, eo major generabitur velocitas. Id quod per motus Legem secundam manifestum est. Jam vero si Pendula ejusdem sint longitudinis, vires motrices in locis a perpendiculari aequaliter distantibus sunt ut pondera: ideoque si corpora duo oscillando describant arcus æquales, & arcus illi dividantur in partes æquales; cum tempora quibus corpora describant singulas arcuum partes correspondentes sint ut tempora oscillationum totarum, erunt velocitates ad invicem in correspondentibus oscillationum partibus, ut vires motrices & tota oscillationum tempora directe & quantitates materiae reciproce: adeoque quantitates materiae ut vires & oscillationum tempora directe & velocitates reciproce. Sed velocitates reciproce sunt ut tempora, atque adeo tempora directe & velocitates reciproce sunt ut quadrata temporum, & propterea quantitates materiae sunt ut vires motrices & quadrata temporum, id est, ut pondera & quadrata temporum. *Q. E. D.*

*Corol. 1.* Ideoque si tempora sunt æqualia, quantitates materiae in singulis corporibus erunt ut pondera.

*Corol. 2.* Si pondera sunt æqualia, quantitates materiae erunt ut quadrata temporum.

*Corol. 3.* Si quantitates materiae æquantur, pondera erunt reciproce ut quadrata temporum.

*Corol.*

*Corol. 4.* Unde cum quadrata temporum, cæteris paribus, sint ut longitudines pendulorum; si & tempora & quantitates materiæ æqualia sunt, pondera erunt ut longitudines pendulorum.

*Corol. 5.* Et universaliter, quantitas materiæ pendulæ est ut pondus & quadratum temporis directe, & longitudo penduli inverse.


*Corol. 6.* Sed & in Medio non resistente quantitas materiæ pendulæ est ut pondus comparativum & quadratum temporis directe & longitudo penduli inverse. Nam pondus comparativum est vis motrix corporis in Medio quovis gravi, ut supra explicui; adeoque idem præstat in tali Medio non resistente atque pondus absolutum in vacuo.

*Corol. 7.* Et hinc liquet ratio tum comparandi corpora inter se, quoad quantitatem materiæ in singulis; tum comparandi pondera ejusdem corporis in diversis locis, ad cognoscendam variationem gravitatis. Factis autem experimentis quam accuratissimis inveni semper quantitatem materiæ in corporibus singulis eorum ponderi proportionalem esse.

## PROPOSITIO XXV. THEOREMA XX.

*Corpora Funependula quibus, in Medio quovis, resistitur in ratione momentorum temporis, & corpora Funependula quæ in ejusdem gravitatis specificæ Medio non resistente moventur, oscillationes in Cycloide eodem tempore peragunt, & arcuum partes proportionales simul describunt.*

Sit  $AB$  Cycloidis arcus, quem corpus  $D$  tempore quovis in Medio non resistente oscillando describit. Bisecetur idem in  $C$ , ita ut  $C$  sit infimum ejus punctum; & erit vis acceleratrix qua corpus urgetur in loco quovis  $D$  vel  $d$  vel  $E$  ut longitudo arcus  $CD$  vel  $Cd$  vel  $CE$ .




Exponatur vis illa per eundem arcum; & cum resistentia sit ut momentum temporis; adeoque detur, exponatur

N n

tur

DE MOTU  
CORPORUM

tur eadem per datam arcus Cycloidis partem  $CO$ , & sumatur arcus  $Od$  in ratione ad arcum  $CD$  quam habet arcus  $OB$  ad arcum  $CB$ : & vis qua corpus in  $d$  urgetur in Medio resistente, cum sit excessus vis  $Cd$  supra resistantiam  $CO$ , exponetur per arcum  $Od$ , adcoque erit ad vim qua corpus  $D$  urgetur in Medio non resistente, in loco  $D$ , ut arcus  $Od$  ad arcum  $CD$ ; & propterea etiam in loco  $B$  ut arcus  $OB$  ad arcum  $CB$ . Proinde si corpora duo,  $D$ ,  $d$  exeant de loco  $B$ , & his viribus urgeantur: cum vires sub initio sint ut arcus  $CB$  &  $OB$ , erunt velocitates primæ & arcus primo descripti in eadem ratione. Sunt arcus illi  $BD$  &  $Bd$ , & arcus reliqui  $CD$ ,  $Od$  erunt in eadem ratione. Proinde vires, ipsis  $CD$ ,  $Od$  proportionales, manebunt in eadem ratione ac sub initio, & propterea corpora pergent arcus in eadem ratione simul describere. Igitur vires & velocitates & arcus reliqui  $CD$ ,  $Od$  semper erunt ut arcus toti  $CB$ ,  $OB$ , & propterea arcus illi reliqui simul describentur. Quare corpora duo  $D$ ,  $d$  simul pervenient ad loca  $C$  &  $O$ , alterum quidem in Medio non resistente ad locum  $C$ , & alterum in Medio resistente ad locum  $O$ . Cum autem velocitates in  $C$  &  $O$  sint ut arcus  $CB$ ,  $OB$ , erunt arcus quos corpora ulterius pergendo simul describunt, in eadem ratione. Sunt illi  $CE$  &  $Oe$ . Vis qua corpus  $D$  in Medio non resistente retardatur in  $E$  est ut  $CE$ , & vis qua corpus  $d$  in Medio resistente retardatur in  $e$  est ut summa vis  $Ce$  & resistantiæ  $CO$ , id est ut  $Oe$ , ideoque vires, quibus corpora retardantur, sunt ut arcubus  $CE$ ,  $Oe$  proportionales arcus  $CB$ ,  $OB$ , proindeque velocitates, in data illa ratione retardata, manent in eadem illa data ratione. Velocitates igitur & arcus iisdem descripti semper sunt ad invicem in data illa ratione arcuum  $CB$  &  $OB$ ; & propterea si sumantur arcus toti  $AB$ ,  $aB$  in eadem ratione, corpora  $D$ ,  $d$  simul describent hos arcus, & in locis  $A$  &  $a$  motum omnem simul amittent. Isochronæ sunt igitur oscillationes totæ, & arcubus totis  $BA$ ,  $Ba$  proportionales sunt arcuum partes quolibet  $BD$ ,  $Bd$  vel  $BE$ ,  $Be$  quæ simul describuntur. *Q. E. D.*



Corol.

*Corol.* Igitur motus velocissimus in Medio resistente non incidit in punctum infimum C, sed reperitur in puncto illo O, quo arcus totus descriptus a B bifecatur. Et corpus subinde pergendo ad a, iisdem gradibus retardatur quibus antea accelerabatur in descensu suo a B ad O.

LIBR.  
SECUNDUS.

## PROPOSITIO XXVI. THEOREMA XXI.

*Corporum Funependulorum, quibus resistitur in ratione velocitatum, oscillationes in Cycloide sunt Isochronæ.*

Nam si corpora duo, a centris suspensionum æqualiter distantia, oscillando describant arcus inæquales, & velocitates in arcuum partibus correspondentibus sint ad invicem ut arcus toti: resistentiæ velocitatibus proportionales, erunt etiam ad invicem ut iidem arcus. Proinde si viribus motricibus a gravitate oriundis, quæ sint ut iidem arcus, auferantur vel addantur hæ resistentiæ, erunt differentiæ vel summæ ad invicem in eadem arcuum ratione: cumque velocitatum incrementa vel decrementsa sint ut hæ differentiæ vel summæ, velocitates semper erunt ut arcus toti: Igitur velocitates, si sint in aliquo casu ut arcus toti, manebunt semper in eadem ratione. Sed in principio motus, ubi corpora incipiunt descendere & arcus illos describere, vires, cum sint arcubus proportionales, generabunt velocitates arcubus proportionales. Ergo velocitates semper erunt ut arcus toti describendi, & propterea arcus illi simul describentur. Q. E. D.

## PROPOSITIO XXVII. THEOREMA XXII.

*Si Corporibus Funependulis resistitur in duplicata ratione velocitatum, differentia inter tempora oscillationum in Medio resistente ac tempora oscillationum in ejusdem gravitatis specificæ Medio non resistente, erunt arcubus oscillando descriptis proportionales, quam proxime.*

Nam pendulis æqualibus in Medio resistente describantur arcus inæquales A, B; & resistentia corporis in arcu A, erit ad resistentiam corporis in parte correspondente arcus B, in duplicata ratione velocitatum, id est, ut AA ad BB, quam proxime. Si resi-

N n 2

stentia

DE MOTU  
CORPORUM

stentia in arcu B esset ad resistantiam in arcu A ut AB ad AA, tempora in arcubus A & B forent æqualia, per Propositionem superiorem. Ideoque resistantia AA in arcu A, vel AB in arcu B, efficit excessum temporis in arcu A supra tempus in Medio non resistente; & resistantia BB efficit excessum temporis in arcu B supra tempus in Medio non resistente. Sunt autem excessus illi ut vires efficientes AB & BB quam proxime, id est, ut arcus A & B. Q. E. D.

*Corol. 1.* Hinc ex oscillationum temporibus, in Medio resistente, in arcubus inæqualibus factarum, cognosci possunt tempora oscillationum in ejusdem gravitatis specificæ Medio non resistente. Nam differentia temporum erit ad excessum temporis in arcu minore supra tempus in Medio non resistente, ut differentia arcuum ad arcum minorem.

*Corol. 2.* Oscillationes breviores sunt magis Isochronæ, & brevissimæ iisdem temporibus peraguntur ac in Medio non resistente, quam proxime. Earum vero quæ in majoribus arcubus fiunt, tempora sunt paulo majora, propterea quod resistantia in descensu corporis qua tempus producit, major sit pro ratione longitudinis in descensu descriptæ, quam resistantia in ascensu subsequente qua tempus contrahitur. Sed & tempus oscillationum tam brevium quam longarum nonnihil produci videtur per motum Medii. Nam corporibus tardescensibus paulo minus resistitur, pro ratione velocitatis, & corporibus acceleratis paulo magis quam iis quæ uniformiter progrediuntur: id adeo quia Medium, eo quem a corporibus accepit motu, in eandem plagam pergendo, in priore casu magis agitur, in posteriore minus, ac proinde magis vel minus cum corporibus motis conspirat. Pendulis igitur in descensu magis resistit, in ascensu minus quam pro ratione velocitatis, & ex utraque causa tempus producit.

## PROPOSITIO XXVIII. THEOREMA XXIII.

*Si Corpori Funependulo in Cycloide oscillanti resistitur in ratione momentorum temporis, erit ejus resistantia ad vim gravitatis ut excessus arcus descensu toto descripti supra arcum ascensu subsequente descriptum, ad penduli longitudinem duplicatam.*

Designet BC arcum descensu descriptum, Ca arcum ascensu descriptum, & Aa differentiam arcuum: & stantibus quæ in Propositione




fitione xxv constructa & demonstrata sunt, erit vis qua corpus  
 oscillans urgetur in loco quovis  $D$ , ad vim resistentiæ ut arcus  
 $CD$  ad arcum  $CO$ , qui semissis est differentiæ illius  $Aa$ . Ideoque  
 vis qua corpus oscillans urgetur in Cycloidis principio seu puncto  
 altissimo, id est, vis gravitatis, erit ad resistentiam ut arcus Cy-  
 cloidis inter punctum illud supremum & punctum infimum  $C$  ad  
 arcum  $CO$ ; id est (si arcus duplicentur) ut Cycloidis totius arcus,  
 seu dupla penduli longitudo, ad arcum  $Aa$ .  $\mathcal{Q} E. D.$

## PROPOSITIO XXIX. PROBLEMA VI.

*Posito quod Corpori in Cycloide oscillanti resistitur in duplicata ra-  
 tione velocitatis: invenire resistentiam in locis singulis.*

Sit  $Ba$  (Fig. Prop. xxv) arcus oscillatione integra descriptus,  
 sitque  $C$  infimum Cycloidis punctum, &  $CZ$  semissis arcus Cyclo-  
 idis totius, longitudini Penduli æqualis, & queratur resistentia cor-




poris in loco quovis  $D$ . Secetur recta infinita  $OQ$  in punctis  $O$ ,  
 $C, P, Q$ , ea lege, ut (si erigantur perpendiculara  $OK, CT, PI, QE$ ,  
 centroque  $O$  & Asymptotis  $OK, OQ$  describatur Hyperbola  $TIGE$   
 secans perpendiculara  $CT, PI, QE$  in  $T, I$  &  $E$ , & per punctum  $I$   
 agatur  $KF$  parallela Asymptoto  $OQ$  occurrens Asymptoto  $OK$  in  
 $K$ , & perpendicularis  $CT$  &  $QE$  in  $L$  &  $F$ ) fuerit area Hyperbolica  
 $PIEQ$  ad aream Hyperolicam  $PITC$  ut arcus  $BC$  descensu cor-  
 poris descriptus ad arcum  $Ca$  ascensu descriptum, & area  $IEF$  ad  
 aream

DE MOTU  
CORPORUM

aream  $ILT$  ut  $OQ$  ad  $OC$ . Dein perpendiculo  $MN$  abscindatur area Hyperbolica  $PINM$  quæ sit ad aream Hyperbolicam  $PIEQ$  ut arcus  $CZ$  ad arcum  $BC$  descensu descriptum. Et si perpendiculo  $RG$  abscindatur area Hyperbolica  $PIGR$ , quæ sit ad aream  $PIEQ$  ut arcus quilibet  $CD$  ad arcum  $BC$  descensu toto descriptum: erit resistentia in loco  $D$  ad vim gravitatis, ut area  $OR$   $IEF - IGH$  ad aream  $PIENM$ .

Nam cum vires a gravitate oriundæ quibus corpus in locis  $Z, B, D$ , a urgetur, sint ut arcus  $CZ, CB, CD, Ca$ , & arcus illi sint ut aræ  $PINM, PIEQ, PIGR, PITC$ , exponantur tum arcus tum vires per has aræ respective. Sit insuper  $Dd$  spatium quam minimum a corpore descendente descriptum, & exponatur idem per aream quam minimam  $RGgr$  parallelis  $RG, rg$  comprehensam, & pro-



ducatur  $rg$  ad  $h$ , ut sint  $GHhg$ , &  $RGgr$  contemporanea arearum  $IGH, PIGR$  decrementa. Et aræ  $OR$   $IEF - IGH$  incrementum  $GHhg - \frac{Rr}{OQ} IEF$ , seu  $Rr \times HG - \frac{Rr}{OQ} IEF$ , erit ad aræ  $PIGR$  decrementum  $RGgr$  seu  $Rr \times RG$ , ut  $HG - \frac{IEF}{OQ}$  ad  $RG$ ; adeoque ut  $OR \times HG - \frac{OR}{OQ} IEF$  ad  $OR \times GR$  seu  $OP \times PI$ , hoc est (ob æqualia  $OR \times HG, OR \times HR - OR \times GR, ORHK - OPIK, PIHR$  &  $PIGR + IGH$ ) ut  $PIGR + IGH - \frac{OR}{OQ} IEF$  ad  $OPIK$ . Igitur si area  $OR$   $IEF - IGH$  dicatur

dicatur  $Y$ , atque areæ  $PIGR$  decrementum  $RGgr$  detur, erit incrementum areæ  $Y$  ut  $PIGR - Y$ . LIBER  
SECUNDUS.

Quod si  $V$  designet vim a gravitate oriundam, arcui describendo  $CD$  proportionalem, qua corpus urgetur in  $\mathcal{D}$ : &  $R$  pro resistentia ponatur: erit  $V - R$  vis tota qua corpus urgetur in  $\mathcal{D}$ . Est itaque incrementum velocitatis ut  $V - R$  & particula illa temporis in qua factum est conjunctim: Sed & velocitas ipsa est ut incrementum contemporaneum spatii descripti directe & particula eadem temporis inverse. Unde, cum resistentia (per Hypothesin) sit ut quadratum velocitatis, incrementum resistentiæ (per Lem. 11) erit ut velocitas & incrementum velocitatis conjunctim, id est, ut momentum spatii &  $V - R$  conjunctim; atque adeo, si momentum spatii detur, ut  $V - R$ ; id est, si pro vi  $V$  scribatur ejus exponens  $PIGR$ , & resistentia  $R$  exponatur per aliam aliquam aream  $Z$ , ut  $PIGR - Z$ .

Igitur area  $PIGR$  per datorum momentorum subductionem uniformiter decrescente, crescunt area  $Y$  in ratione  $PIGR - Y$ , & area  $Z$  in ratione  $PIGR - Z$ . Et propterea si areæ  $Y$  &  $Z$  simul incipiant & sub initio æquales sint, hæc per additionem æqualium momentorum pergent esse æquales, & æqualibus itidem momentis subinde decrescentes simul evanescent. Et vicissim, si simul incipiunt & simul evanescent, æqualia habebunt momenta & semper erunt æquales: id adeo quia si resistentia  $Z$  augeatur, velocitas una cum arcu illo  $Ca$ , qui in ascensu corporis describitur, diminuetur; & puncto in quo motus omnis una cum resistentia cessat propius accedente ad punctum  $C$ , resistentia citius evanescet quam area  $Y$ . Et contrarium eveniet ubi resistentia diminuitur.

Jam vero area  $Z$  incipit desinitque ubi resistentia nulla est, hoc est, in principio & fine motus, ubi arcus  $CD$ ,  $CD$  arcubus  $CB$  &  $Ca$  æquantur, adeoque ubi recta  $RG$  incidit in rectas  $QE$  &  $CT$ .

Et area  $Y$  seu  $\frac{OR}{OQ} IEF - IGH$  incipit desinitque ubi nulla est, ad-

eoque ubi  $\frac{OR}{OQ} IEF$  &  $IGH$  æqualia sunt: hoc est (per constructionem) ubi recta  $RG$  incidit in rectas  $QE$  &  $CT$ . Proindeque areæ illæ simul incipiunt & simul evanescent, & propterea semper sunt æquales. Igitur area  $\frac{OR}{OQ} IEF - IGH$  æqualis est areæ  $Z$ , per quam resistentia exponitur, & propterea est ad aream  $PINM$  per quam gravitas exponitur, ut resistentia ad gravitatem.  $Q. E. D.$

Corol.

De Motu  
Corporum

*Corol. 1.* Est igitur resistentia in loco infimo  $C$  ad vim gravitatis, ut area  $\frac{OP}{OQ} IEF$  ad aream  $PINM$ .

*Corol. 2.* Fit autem maxima, ubi area  $PIHR$  est ad aream  $IEF$  ut  $OR$  ad  $OQ$ . Eo enim in casu momentum ejus (nimirum  $PIGR - Y$ ) evadit nullum.

*Corol. 3.* Hinc etiam innotescit velocitas in locis singulis: quippe quæ est in subduplicata ratione resistentiæ, & ipso motus initio æquatur velocitati corporis in eadem Cycloide absque omni resistentia oscillantis.

Cæterum ob difficilem calculum quo resistentia & velocitas per hanc Propositionem inveniendæ sunt, visum est Propositionem sequentem subungere, quæ & generalior sit & ad usum Philosophicos abunde satis accurata.

## PROPOSITIO XXX. THEOREMA XXIV.

*Si recta aB æqualis sit Cycloidis arcui quem corpus oscillando describit, & ad singula ejus puncta D erigantur perpendiculara DK, quæ sint ad longitudinem Penduli ut resistentia corporis in arcus punctis correspondentibus ad vim gravitatis: dico quod differentia inter arcum descensu toto descriptum, & arcum ascensu toto subsequente descriptum, ducta in arcuum eorundem semisummam, æqualis erit area BKaB a perpendicularis omnibus DK occupatæ.*

Exponatur enim tum Cycloidis arcus, oscillatione integra descriptus, per rectam illam sibi æqualem  $aB$ , tum arcus qui describeretur in vacuo per longitudinem  $AB$ . Bifecetur  $AB$  in  $C$ , & punctum  $C$  repræsentabit infimum Cycloidis punctum, & erit  $CD$  ut vis a gravitate oriunda, qua corpus in  $D$  secundum tangentem Cycloidis urgetur, eamque habebit rationem ad longitudinem Penduli quam habet vis in  $D$  ad vim gravitatis. Exponatur igitur vis illa per longitudinem  $CD$ , & vis gravitatis per longitudinem penduli, & si in  $DE$  capiatur  $DK$  in ea ratione ad longitudinem penduli





eum Figura  $BKVTa$  in puncto medio  $V$ , hæc si ad partem alterutram  $BRV$  vel  $VSa$  excedit Figuram illam, deficiet ab eadem ad partem alteram, & sic eidem æquabitur quam proxime.

# PROPOSITIO XXXI. THEOREMA XXV.

*Si Corporis oscillantis resistentia in singulis arcuum descriptorum partibus proportionalibus augeatur vel minuatur in data ratione; differentia inter arcum descensu descriptum & arcum subsequente ascensu descriptum, augebitur vel diminuetur in eadem ratione.*

Oritur enim differentia illa ex retardatione Penduli per resistentiam Medii, adeoque est ut retardatio tota eique proportionalis resistentia retardans. In superiore Propositione rectangulum sub recta  $\frac{1}{2}aB$  & arcuum illorum  $CB$ ,  $Ca$  differentia  $Aa$ , æqualis erat areæ  $BKT$ . Et area illa, si maneat longitudo  $aB$ , augeatur vel diminuitur in ratione ordinatim applicatarum  $DK$ , hoc est, in ratione resistentiæ, adeoque est ut longitudo  $aB$  & resistentia conjunctim. Proindeque rectangulum sub  $Aa$  &  $\frac{1}{2}aB$  est ut  $aB$  & resistentia conjunctim, & propterea  $Aa$  ut resistentia. Q. E. D.

*Corol. 1.* Unde si resistentia sit ut velocitas, differentia arcuum in eodem Medio erit ut arcus totus descriptus: & contra.

*Corol. 2.* Si resistentia sit in duplicata ratione velocitatis, differentia illa erit in duplicata ratione arcus totius: & contra.

*Corol. 3.* Et universaliter, si resistentia sit in triplicata vel alia quavis ratione velocitatis, differentia erit in eadem ratione arcus totius: & contra.

*Corol. 4.* Et si resistentia sit partim in ratione simplici velocitatis, partim in ejusdem ratione duplicata, differentia erit partim in ratione arcus totius & partim in ejus ratione duplicata: & contra. Eadem erit lex & ratio resistentiæ pro velocitate, quæ est differentiæ illius pro longitudine arcus.

*Corol. 5.* Ideoque si, pendulo inæquales arcus successive describente, inveniri potest ratio incrementi ac decrementi differentiæ hujus pro longitudine arcus descripti, habebitur etiam ratio incrementi ac decrementi resistentiæ pro velocitate majore vel minore.

*Scholium Generale.*

Ex his Propositionibus, per oscillationes Pendulorum in Mediis quibuscunque, invenire licet resistantiam Mediorum. Aeris vero resistantiam investigavi per Experimenta sequentia. Globum ligneum pondere unciarum *Romanarum*  $57\frac{1}{2}$ , diametro digitorum *Londinensium*  $6\frac{1}{2}$  fabricatum, filo tenui ab unco satis firmo suspendi, ita ut inter uncum & centrum oscillationis Globi distantia esset pedum  $10\frac{1}{2}$ . In filo punctum notavi pedibus decem & uncia una a centro suspensionis distans, & e regione puncti illius collocavi Regulam in digitos distinctam, quorum ope notarem longitudo-nes arcuum a Pendulo descriptas. Deinde numeravi oscillationes quibus Globus octavam motus sui partem amitteret. Si pendulum deducebatur a perpendiculari ad distantiam duorum digitorum, & inde demittebatur, ita ut toto suo descensu describeret arcum duorum digitorum, totaque oscillatione prima, ex descensu & ascensu subsequente composita, arcum digitorum fere quatuor: idem oscillationibus 164 amisit octavam motus sui partem, sic ut ultimo suo ascensu describeret arcum digiti unius cum tribus partibus quartis digiti. Si primo descensu descripsit arcum digitorum quatuor, amisit octavam motus partem oscillationibus 121, ita ut ascensu ultimo describeret arcum digitorum  $3\frac{1}{2}$ . Si primo descensu descripsit arcum digitorum octo, sexdecim, triginta duorum vel sexaginta quatuor, amisit octavam motus partem oscillationibus 69,  $3\frac{1}{2}$ , 18 $\frac{1}{2}$ , 9 $\frac{1}{2}$ , respective. Igitur differentia inter arcus descensu primo & ascensu ultimo descriptos, erat in casu primo, secundo, tertio, quarto, quinto, sexto, digitorum  $\frac{1}{4}$ ,  $\frac{1}{2}$ , 1, 2, 4, 8 respective. Dividuntur ex differentia per numerum oscillationum in casu unoquoque, & in oscillatione una mediocri, qua arcus digitorum  $3\frac{1}{2}$ ,  $7\frac{1}{2}$ , 15, 30, 60, 120 descriptus fuit, differentia arcuum descensu & subsequente ascensu descriptorum, erit  $\frac{1}{656}$ ,  $\frac{1}{242}$ ,  $\frac{1}{69}$ ,  $\frac{4}{71}$ ,  $\frac{8}{37}$ ,  $\frac{24}{19}$  partes digiti respective. Hæ autem in majoribus oscillationibus sunt in duplicata ratione arcuum descriptorum quam proxime, in minoribus vero paulo majores quam in ea ratione, & propterea (per Corol. 2. Prop. xxxi Libri hujus) resistantia Globi, ubi celerius movetur, est in duplicata ratione velocitatis quam proxime, ubi tardius, paulo major quam in ea ratione.

Designet



Designet jam  $V$  velocitatem maximam in oscillatione quavis, sintque  $A, B, C$  quantitates datæ, & fingamus quod differentia arcuum sit  $AV + BV^{\frac{1}{2}} + CV^{\frac{1}{4}}$ . Cum velocitates maximæ sint in Cycloide ut semisses arcuum oscillando descriptorum, in Circulo vero ut semissium arcuum illorum chordæ; adeoque paribus arcubus majores sint in Cycloide quam in Circulo, in ratione semissium arcuum ad eorundem chordas; tempora autem in Circulo sint majora quam in Cycloide in velocitatis ratione reciproca; patet arcuum differentias (quæ sunt ut resistentia & quadratum temporis conjunctim) easdem fore, quamproxime, in utraque Curva: deberent enim differentiæ illæ in Cycloide augeri, una cum resistentia, in duplicata circiter ratione arcus ad chordam, ob velocitatem in ratione illa simplici auctam; & diminui, una cum quadrato temporis, in eadem duplicata ratione. Itaque ut reductio fiat ad Cycloidem, eadem sumendæ sunt arcuum differentiæ quæ fuerunt in Circulo observatæ, velocitates vero maximæ ponendæ sunt arcubus dimidiatis vel integris, hoc est, numeris  $\frac{1}{2}, 1, 2, 4, 8, 16$  analogæ. Scribamus ergo in casu secundo, quarto & sexto numeros  $1, 4$  &  $16$  pro  $V$ ; & prodibit arcuum differentia

$$\frac{1}{121} = A + B + C \text{ in casu secundo, } \frac{2}{353} = 4A + 8B + 16C \text{ in casu}$$

$$\text{quarto, \& } \frac{8}{93} = 16A + 64B + 256C \text{ in casu sexto. Et ex his æ-$$

quationibus, per debitam collationem & reductionem Analyticam, sit  $A = 0,0000916$ ,  $B = 0,0010847$ , &  $C = 0,0029558$ . Est igitur differentia arcuum ut  $0,0000916 V + 0,0010847 V^{\frac{1}{2}} + 0,0029558 V^{\frac{1}{4}}$ ; & propterea cum (per Corollarium Propositionis xxx) resistentia Globi in medio arcus oscillando descripti, ubi velocitas est  $V$ , sit ad ipsius pondus ut  $\frac{1}{121} AV + \frac{1}{353} BV^{\frac{1}{2}} + \frac{1}{93} CV^{\frac{1}{4}}$  ad longitudinem Penduli; si pro  $A, B$  &  $C$  scribantur numeri inventi, fiet resistentia Globi ad ejus pondus, ut  $0,0000583 V + 0,0007546 V^{\frac{1}{2}} + 0,0022169 V^{\frac{1}{4}}$  ad longitudinem Penduli inter centrum suspensionis & Regulam, id est, ad 121 digitos. Unde cum  $V$  in casu secundo designet 1, in quarto 4, in sexto 16: erit resistentia ad pondus Globi in casu secundo ut  $0,0030298$  ad 121, in quarto ut  $0,0417402$  ad 121, in sexto ut  $0,61675$  ad 121.

Arcus quem punctum in filo notatum in casu sexto descripsit, erat  $120 - \frac{8}{93}$  seu  $119\frac{1}{93}$  digitorum. Et propterea cum radius effe-

121 digitorum, & longitudo Penduli inter punctum suspensionis &c.

DE MOTU  
CORPORUM

& centrum Globi esset 126 digitorum, arcus quem centrum Globi descripsit erat 124 $\frac{1}{2}$  digitorum. Quoniam corporis oscillantis velocitas maxima, ob resistentiam Aeris, non incidit in punctum infimum arcus descripti, sed in medio fere loco arcus totius versatur: hæc eadem erit circiter ac si Globus descensu suo toto in Medio non resistente describeret arcus illius partem dimidiam digitorum 62 $\frac{1}{2}$ , idque in Cycloide, ad quam motum Penduli supra reduximus: & propterea velocitas illa æqualis erit velocitati quam Globus, perpendiculariter cadendo & casu suo describendo altitudinem arcus illius sinui verso æqualem, acquirere posset. Est autem sinus ille versus in Cycloide ad arcum istum 62 $\frac{1}{2}$ , ut arcus idem ad penduli longitudinem duplam 152, & propterea æqualis digitis 15,278. Quare velocitas ea ipsa est quam corpus cadendo & casu suo spatium 15,278 digitorum describendo acquirere posset. Tali igitur cum velocitate Globus resistentiam patitur, quæ sit ad ejus pondus ut 0,61675 ad 121, vel (si resistentiæ pars illa sola spectetur quæ est in velocitatis ratione duplicata) ut 0,56752 ad 121.

Experimento autem Hydrostatico inveni quod pondus Globi hujus lignei esset ad pondus Globi aquei magnitudinis ejusdem, ut 55 ad 97: & propterea cum 121 sit ad 213,4 in eadem ratione, erit resistentia Globi aquei præfata cum velocitate progredientis ad ipsius pondus, ut 0,56752 ad 213,4 id est, ut 1 ad 376 $\frac{1}{2}$ . Unde cum pondus Globi aquei, quo tempore Globus cum velocitate uniformiter continuata describat longitudinem digitorum 30,556, velocitatem illam omnem in Globo cadente generare posset, manifestum est quod vis resistentiæ eodem tempore uniformiter continuata tollere posset velocitatem minorem in ratione 1 ad 376 $\frac{1}{2}$ ; hoc est, velocitatis totius partem  $\frac{1}{376\frac{1}{2}}$ . Et propterea quo tempore Globus, ea cum velocitate uniformiter continuata, longitudinem semidiametri suæ, seu digitorum 3 $\frac{1}{2}$ , describere posset, eodem amitteret motus sui partem  $\frac{1}{3342}$ .

Numerabam etiam oscillationes quibus Pendulum quartam motus sui partem amisit. In sequente Tabula numeri supremi denotant longitudinem arcus descensu primo descripti, in digitis & partibus digiti expressam: numeri medii significant longitudinem arcus ascensu ultimo descripti, & loco infimo stant numeri oscillationum. Experimentum descripsi tanquam magis accuratum quam cum motus pars tantum octava amitteretur. Calculum tentet qui volet.

*Descen-*

<i>Descensus primus</i>	2	4	8	16	32	64
<i>Ascensus ultimus</i>	1½	3	6	12	24	48
<i>Numerus Oscillat.</i>	374	272	162½	83½	41½	21½

Postea Globum plumbeum, diametro digitorum 2, & pondere unciarum *Romanarum* 26½, suspendi filo eodem, sic ut inter centrum Globi & punctum suspensionis intervallum esset pedum 10½, & numerabam oscillationes quibus data motus pars amitteretur. Tabularum subsequens prior exhibet numerum oscillationum quibus pars octava motus totius cessavit, secunda numerum oscillationum quibus ejusdem pars quarta amissa fuit.

<i>Descensus primus</i>	1	2	4	8	16	32	64
<i>Ascensus ultimus</i>	½	1	2	4	8	16	32
<i>Numerus Oscillat.</i>	226	228	193	140	90½	53	30

<i>Descensus primus</i>	1	2	4	8	16	32	64
<i>Ascensus ultimus</i>	½	1½	3	6	12	24	48
<i>Numerus Oscillat.</i>	510	518	420	318	204	121	70

In Tabula priore seligendo ex observationibus tertiam, quintam, & septimam, & exponendo velocitates maximas in his observationibus particulatim per numeros 1, 4, 16 respective, & generaliter per quantitatem  $V$  ut supra: emergit in observatione tertia

$$\frac{1}{193} = A + B + C, \text{ in quinta } \frac{2}{90\frac{1}{2}} = 4A + 8B + 16C, \text{ in septima}$$

$$\frac{8}{30} = 16A + 64B + 256C. \text{ Hæc vero æquationes reductæ dant}$$

$A = 0,001414$ ,  $B = 0,000297$ ,  $C = 0,000879$ . Et inde prodit resistentia Globi cum velocitate  $V$  moti, in ea ratione ad pondus suum unciarum 26½, quam habet  $0,0009 V + 0,000207 V^2 + 0,000659 V^3$  ad penduli longitudinem 121 digitorum. Et si spectemus eam solummodo resistentiæ partem quæ est in duplicata ratione velocitatis, hæc erit ad pondus Globi ut  $0,000659 V^2$  ad 121 digitos. Erat autem hæc pars resistentiæ in experimento primo ad pondus Globi lignei unciarum 57½, ut  $0,002217 V^2$  ad 121: & inde fit resistentia Globi lignei ad resistentiam Globi plumbei (paribus eorum velocitatibus) ut  $57\frac{1}{2}$  in  $0,002217$  ad  $26\frac{1}{2}$  in  $0,000659$ , id est, ut  $7\frac{1}{2}$  ad 1. Diametri Globorum duorum erant  $6\frac{1}{2}$  & 2 digitorum, & harum quadrata sunt ad invicem ut  $4\frac{1}{4}$  & 4, seu  $11\frac{1}{2}$  & 1 quamproxime. Ergo resistentiæ Globorum æquivelocium erant in minore ratione quam duplicata diametrorum. At nondum consideravimus resistentiam

DE MOTU  
CORPORUM

stentiam fili, quæ certe permagna erat, ac de pendulorum inventa resistèntia subduci debet. Hanc accurate definire non potui, sed majorem tamen inveni quam partem tertiam resistèntiæ totius minoris penduli; & inde didici quod resistèntiæ Globorum, dempta fili resistèntia, sunt quam proxime in duplicata ratione diametrorum. Nam ratio  $7\frac{1}{2} - \frac{1}{2}$  ad  $1 - \frac{1}{2}$ , seu  $10\frac{1}{2}$  ad 1, non longe abest a diametrorum ratione duplicata  $11\frac{1}{2}$  ad 1.

Cum resistèntia fili in Globis majoribus minoris sit momenti, tentavi etiam experimentum in Globo cujus diameter erat  $18\frac{1}{2}$  digitorum. Longitudo penduli inter punctum suspensionis & centrum oscillationis erat digitorum  $122\frac{1}{2}$ , inter punctum suspensionis & nodum in filo  $109\frac{1}{2}$  dig. Arcus primo penduli descensu a nodo descriptus, 32 dig. Arcus ascensu ultimo post oscillationes quinque ab eodem nodo descriptus, 28 dig. Summa arcuum seu arcus totus oscillatione mediocri descriptus, 60 dig. Differentia arcuum 4 dig. Ejus pars decima seu differentia inter descensum & ascensum in oscillatione mediocri  $\frac{4}{10}$  dig. Ut radius  $109\frac{1}{2}$  ad radium  $122\frac{1}{2}$ , ita arcus totus 60 dig. oscillatione mediocri a nodo descriptus, ad arcum totum  $67\frac{1}{2}$  dig. oscillatione mediocri a centro Globi descriptum: & ita differentia  $\frac{1}{2}$  ad differentiam novam 0,4475. Si longitudo penduli, manente longitudine arcus descripti, augeretur in ratione 126 ad  $122\frac{1}{2}$ , tempus oscillationis augeretur & velocitas penduli diminueretur in ratione illa subduplicata, maneret vero arcuum descensu & subsequente ascensu descriptorum differentia 0,4475. Deinde si arcus descriptus augeretur in ratione  $124\frac{1}{2}$  ad  $67\frac{1}{2}$ , differentia ista 0,4475 augeretur in duplicata illa ratione, adeoque evaderet 1,5295. Hæc ita se haberent, ex hypothèsi quod resistèntia Penduli esset in duplicata ratione velocitatis. Ergo si pendulum describeret arcum totum  $124\frac{1}{2}$  digitorum, & longitudo ejus inter punctum suspensionis & centrum oscillationis esset 126 digitorum, differentia arcuum descensu & subsequente ascensu descriptorum foret 1,5295 digitorum. Et hæc differentia ducta in pondus Globi penduli, quod erat unciarum 208, producit 318,136. Rursus ubi pendulum superius ex Globo ligneo constructum, centro oscillationis, quod a puncto suspensionis digitos 126 distabat, describebat arcum totum  $124\frac{1}{2}$  digitorum, differentia arcuum descensu & ascensu descriptum fuit  $\frac{126}{121}$  in  $\frac{8}{91}$ , quæ ducta in pondus Globi, quod erat unciarum 57,3, producit 49,396. Duxi autem differentias hæc in pondera Globorum ut invenirem eorum resistèntias. Nam differentię oriuntur

untur ex resistentiis, suntque ut resistentiæ directe & pondera inverse. Sunt igitur resistentiæ ut numeri 318,136 & 49,396. Pars autem resistentiæ Globi minoris, quæ est in duplicata ratione velocitatis, erat ad resistentiam totam, ut 0,56752 ad 0,61675, id est, ut 45,453 ad 49,396; & pars resistentiæ Globi majoris propemodum æquatur ipsius resistentiæ toti, adeoque partes illæ sunt ut 318,136 & 45,453 quamproxime, id est, ut 7 & 1. Sunt autem Globorum diametri  $18\frac{1}{2}$  &  $6\frac{1}{2}$ ; & harum quadrata  $351\frac{1}{4}$  &  $47\frac{1}{4}$  sunt ut  $7,438$  & 1, id est, ut Globorum resistentiæ 7 & 1 quamproxime. Differentia rationum haud major est quam quæ ex fili resistentia oriri potuit. Igitur resistentiarum partes illæ quæ sunt, paribus Globis, ut quadrata velocitatum, sunt etiam, paribus velocitatibus, ut quadrata diametrorum Globorum.

Cæterum Globorum, quibus usus sum in his experimentis, maximus non erat perfecte Sphæricus, & propterea in calculo hic allato minutias quasdam brevitatis gratia neglexi, de calculo accurato in experimento non satis accurato minime sollicitus. Optarim itaque (cum demonstratio Vacui ex his dependeat) ut experimenta cum Globis & pluribus & majoribus & magis accuratis tentarentur. Si Globi sumantur in proportionem Geometrica, puta quorum diametri sint digitorum 4, 8, 16, 32; ex progressionem experimentorum colligetur quid in Globis adhuc majoribus evenire debeat.

Jam vero conferendo resistentias diversorum Fluidorum inter se tentavi sequentia. Arcam ligneam paravi longitudine pedum quatuor, latitudine & altitudine pedis unius. Hanc operculo nudatam implevi aqua fontana, fecique ut immersa pendula in medio aque oscillando moverentur. Globus autem plumbeus pondere  $166\frac{1}{2}$  unciarum, diametro  $3\frac{1}{2}$  digitorum, movebatur ut in Tabula sequente descripsimus, existente videlicet longitudine penduli a puncto suspensionis ad punctum quoddam in filo notatum 126 digitorum, ad oscillationis autem centrum  $134\frac{1}{2}$  digitorum.

<i>Arcus descensu primo a puncto in filo notato descriptus, digitorum</i>	64	32	16	8	4	2	1	1	$\frac{1}{2}$
<i>Arcus ascensu ultimo descriptus, digitorum</i>	48	24	12	6	3	$1\frac{1}{2}$	$\frac{1}{2}$	$\frac{1}{4}$	$\frac{1}{8}$
<i>Arcuum differentia motui amisso proportionalis, digitorum</i>	16	8	4	2	1	$\frac{1}{2}$	$\frac{1}{4}$	$\frac{1}{8}$	$\frac{1}{16}$
<i>Numerus Oscillationum in aqua</i>				$\frac{11}{16}$	$1\frac{1}{2}$	3	7	$11\frac{1}{2}$	$12\frac{1}{2}$
<i>Numerus Oscillationum in aere</i>	85 $\frac{1}{2}$				287	535			
	Pp							In	

DE MOTU  
CORPORUM

In experimento columnæ quartæ, motus æquales oscillationibus 535 in aere, & 1½ in aqua amissi sunt. Erant quidem oscillationes in aere paulo celeriores quam in aqua. At si oscillationes in aqua in ea ratione accelerarentur ut motus pendulorum in Medio utroque fierent æquveloces, maneret numerus idem oscillationum 1½ in aqua, quibus motus idem ac prius amitteretur; ob resistantiam auctam & simul quadratum temporis diminutum in eadem ratione illa duplicata. Paribus igitur pendulorum velocitatibus motus æquales in aere oscillationibus 535 & in aqua oscillationibus 1½ amissi sunt; ideoque resistantia penduli in aqua est ad ejus resistantiam in aere ut 535 ad 1½. Hæc est proportio resistantiarum totarum in casu columnæ quartæ.

Designet jam  $A V + C V^2$  differentiam arcuum in descensu & subsequente ascensu descriptorum a Globo, in Aere cum velocitate maxima  $V$  moto; & cum velocitas maxima, in casu columnæ quartæ, sit ad velocitatem maximam in casu columnæ primæ, ut 1 ad 8; & differentia illa arcuum, in casu columnæ quartæ, ad differentiam in casu columnæ primæ ut  $\frac{2}{535}$  ad  $\frac{16}{85^2}$ , seu ut 85½ ad 4280: scribamus in his casibus 1 & 8 pro velocitatibus, atque 85½ & 4280 pro differentiis arcuum, & fiet  $A + C = 85½$  &  $8A + 64C = 4280$  seu  $A + 8C = 535$ ; indeque per reductionem æquationum proveniet  $7C = 449½$  &  $C = 64½$  &  $A = 21½$ : atque adeo resistantia, cum sit ut  $\frac{1}{1}$ ,  $A V + \frac{1}{4} C V^2$ , erit ut  $13½ V + 48½ V^2$ . Quare in casu columnæ quartæ, ubi velocitas erat 1, resistantia tota est ad partem suam quadrato velocitatis proportionalem, ut  $13½ + 48½$  seu 61½ ad 48½; & idcirco resistantia penduli in aqua est ad resistantiæ partem illam in aere quæ quadrato velocitatis proportionalis est, quæque sola in motibus velocioribus considerata venit, ut 61½ ad 48½ & 535 ad 1½ conjunctim, id est, ut 571 ad 1. Si penduli in aqua oscillantis filum totum fuisset immersum, resistantia ejus fuisset adhuc major; adeo ut penduli in aere oscillantis resistantia illa quæ velocitatis quadrato proportionalis est, quæque sola in corporibus velocioribus considerata venit, sit ad resistantiam ejusdem penduli totius, eadem cum velocitate, in aqua oscillantis, ut 800 vel 900 ad 1 circiter, hoc est, ut densitas aquæ ad densitatem aeris quamproxime.

In hoc calculo sumi quoque deberet pars illa resistantiæ penduli in aqua, quæ esset ut quadratum velocitatis, sed (quod mirum forte videatur) resistantia in aqua augebatur in ratione velocitatis plus-

plusquam duplicata. Ejus rei causam investigando, in hanc incidi, quod Arca nimis angusta esset pro magnitudine Globi penduli, & motum aquæ cedentis præ angustia sua nimis impediebat. Nam si Globus pendulus, cujus diameter erat digiti unius, immergeretur, resistentia augebatur in duplicata ratione velocitatis quam proxime. Id tentabam construendo pendulum ex Globis duobus, quorum inferior & minor oscillaretur in aqua, superior & major proxime supra aquam filo affixus esset, & in Aere oscillando, adjuvaret motum penduli eumque diuturniorem redderet. Experimenta autem hoc modo instituta se habebant ut in Tabula sequente describitur.

<i>Arcus descensu primo descriptus</i>	16	8	4	2	1	$\frac{1}{2}$	$\frac{1}{4}$
<i>Arcus ascensu ultimo descriptus</i>	12	6	3	$1\frac{1}{2}$	$\frac{3}{4}$	$\frac{1}{2}$	$\frac{1}{16}$
<i>Arcuum diff. motui amisso proport.</i>	4	2	1	$\frac{1}{2}$	$\frac{1}{4}$	$\frac{1}{8}$	$\frac{1}{16}$
<i>Numerus Oscillationum</i>	$3\frac{1}{2}$	$6\frac{1}{2}$	$12\frac{1}{2}$	$21\frac{1}{2}$	34	53	$61\frac{1}{2}$

Conferendo resistentias Mediorum inter se, effeci etiam ut pendula ferrea oscillarentur in argento vivo. Longitudo fili ferrei erat pedum quasi trium, & diameter Globi penduli quasi tertia pars digiti. Ad filum autem proxime supra Mercurium affixus erat Globus alius plumbeus satis magnus ad motum penduli diutius continuandum. Tum vasculum, quod capiebat quasi libras tres argenti vivi, implebam vicibus alternis argento vivo & aqua communi, ut pendulo in Fluido utroque successive oscillante, invenirem proportionem resistentiarum: & prodiit resistentia argenti vivi ad resistentiam aquæ, ut 13 vel 14 ad 1 circiter: id est, ut densitas argenti vivi ad densitatem aquæ. Ubi Globum pendulum paulo majorem adhibebam, puta cujus diameter esset quasi  $\frac{1}{2}$  vel  $\frac{1}{3}$  partes digiti, prodibat resistentia argenti vivi in ea ratione ad resistentiam aquæ quam habet numerus 12 vel 10 ad 1 circiter. Sed experimento priori magis fidendum est, propterea quod in his ultimis Vas nimis angustum fuit pro magnitudine Globi immersi. Ampliato Globo, deberet etiam Vas ampliari. Constitueram quidem hujusmodi experimenta in vasis majoribus & in liquoribus tum Metallorum fusorum, tum aliis quibusdam tam calidis quam frigidis repetere: sed omnia experiri non vacat, & ex jam descriptis satis liquet resistentiam corporum celeriter motorum densitati Fluidorum in quibus moventur proportionalem esse quam proxime. Non dico accurate. Nam Fluida tenaciora, pari densitate, procul-

dubio magis resistunt quam liquidiora, ut Oleum frigidum quam calidum, calidum quam aqua pluvialis, aqua quam Spiritus Vini. Verum in liquoribus qui ad sensum satis fluidi sunt, ut in Aere, in Aqua seu dulci seu salsa, in Spiritibus Vini, Terebinthi & Salium, in Oleo a facibus per distillationem liberato & calefacto, Oleoque Vitrioli & Mercurio, ac Metallis liquefactis, & siqui sint alii, qui tam fluidi sunt ut in vasis agitati motum impressum diutius conservent, effusique liberrime in guttas decurrendo resolvantur, nullus dubito quin regula allata satis accurate obtineat: præsertim si experimenta in corporibus pendulis & majoribus & velocius motis instituuntur.

Denique cum receptissima Philosophorum ætatis hujus opinio sit, Medium quoddam æthereum & longe subtilissimum extare, quod omnes omnium corporum poros & meatus liberrime permeet; a tali autem Medio per corporum poros fluente resistentia oriri debeat: ut tentarem an resistentia, quam in motis corporibus experimur, tota sit in eorum externa superficie, an vero partes etiam internæ in superficiebus propriis resistentiam notabilem sentiant, excogitavi experimentum tale. Filo pedum undecim longitudinis, ab unco chalybeo satis firmo, mediante annulo chalybeo, suspendebam pyxidem abiectam rotundam, ad constituendum pendulum longitudinis prædictæ. Uncus sursum præacutus erat acie concava, ut annulus arcu suo superiore aciei innixus liberrime moveretur. Arcui autem inferiori annectebatur filum. Pendulum ita constitutum deducebam a perpendiculari ad distantiam quasi pedum sex, idque secundum planum aciei unci perpendicularare, ne annulus, oscillante pendulo, supra aciem unci ultro citroque laberetur. Nam punctum suspensionis, in quo annulus uncum tangit, immotum manere debet. Locum igitur accurate notabam, ad quem deduxeram pendulum, dein pendulo demisso notabam alia tria loca ad quæ redibat in fine oscillationis primæ, secundæ ac tertiæ. Hoc repetebam sæpius, ut loca illa quam potui accuratissime invenirem. Tum pyxidem plumbo & gravioribus, quæ ad manus erant, metallis implebam. Sed prius ponderabam pyxidem vacuum, una cum parte fili quæ circum pyxidemolvebatur ac dimidio partis reliquæ quæ inter uncum & pyxidem pendulam tendebatur. (Nam filum tensum dimidio ponderis sui pendulum a perpendiculari digressum semper urget.) Huic ponderi addebam pondus Aeris quem pyxis capiebat. Et pondus totum erat quasi pars septuagesima octava pyxididis metallorum plenæ. Tum quoniam pyxis me-

tallorum



tallorum plena, pondere suo tendendo filum, augebat longitudinem penduli, contrahebam filum ut penduli jam oscillantis eadem esset longitudo ac prius. Dein pendulo ad locum primo notatum retracto ac dimisso, numerabam oscillationes quasi septuaginta & septem, donec pyxis ad locum secundo notatum rediret, totidemque subinde donec pyxis ad locum tertio notatum rediret, atque rursus totidem donec pyxis reditu suo attingeret locum quartum. Unde concludo quod resistentia tota pyxidis plenæ non majorem habebat proportionem ad resistentiam pyxidis vacuæ quam 78 ad 77. Nam si æquales essent ambarum resistentiæ, pyxis plena ob vim suam insitam septuagies & octies majorem vi insita pyxidis vacuæ, motum suum oscillatorium tanto diutius conservare deberet, atque adeo completis semper oscillationibus 78 ad loca illa notata redire. Rediit autem ad eadem completis oscillationibus 77.

Designet igitur A resistentiam pyxidis in ipsius superficie externa, & B resistentiam pyxidis vacuæ in partibus internis, & si resistentiæ corporum æquielocum in partibus internis sint ut materia, seu numerus particularum quibus resistitur: erit 78 B resistentia pyxidis plenæ in ipsius partibus internis: adeoque pyxidis vacuæ resistentia tota  $A + B$  erit ad pyxidis plenæ resistentiam totam  $A + 78 B$  ut 77 ad 78, & divisim  $A + B$  ad 77 B, ut 77 ad 1, indeque  $A + B$  ad B ut  $77 \times 77$  ad 1, & divisim A ad B ut 5928 ad 1. Est igitur resistentia pyxidis vacuæ in partibus internis quinquies millies minor quam ejusdem resistentia in externa superficie, & amplius. Sic vero disputamus ex Hypothesi quod major illa resistentia pyxidis plenæ, non ab alia aliqua causa latente oriatur, sed ab actione sola Fluidi alicujus subtilis in metallum inclusum.

Hoc experimentum recitavi memoriter. Nam charta, in qua illud aliquando descripseram, intercidit. Unde fractas quasdam numerorum partes, quæ memoria exciderunt, omittere compulsus sum. Nam omnia denuo tentare non vacat. Prima vice, cum unico infirmo usus essem, pyxis plena citius retardabatur. Causam quaerendo, reperi quod uncus infirmus cedebat ponderi pyxidis, & ejus oscillationibus obsequendo in partes omnes flectebatur. Parabam igitur uncum firmum, ut punctum suspensionis immotum maneret, & tunc omnia ita evenerunt uti supra descripsimus.

## SECTIO

## S E C T I O VII.

*De Motu Fluidorum & Resistentia Projectilium.*

## PROPOSITIO XXXII. THEOREMA XXVI.

*Si Corporum Systemata duo similia ex æquali particularum numero consistant, & particule correspondentes similes sint & proportionales, singula in uno Systemate singulis in altero, & similiter sita inter se, ac datam habeant rationem densitatis ad invicem, & inter se temporibus proportionalibus similiter moveri incipiant, (æ inter se quæ in uno sunt Systemate & ea inter se quæ sunt in altero) & si non turgent se mutuo quæ in eodem sunt Systemate, nisi in momentis reflexionum, neque attrahant vel fugant se mutuo, nisi viribus acceleratricibus quæ sint ut particularum correspondentium diametri inverse & quadrata velocitatum directe: dico quod Systematum particule illa pergent inter se temporibus proportionalibus similiter moveri.*

Corpora similia & similiter sita temporibus proportionalibus inter se similiter moveri dico, quorum situs ad invicem in fine temporum illorum semper sunt similes: puta si particulæ unius Systematis cum alterius particulis correspondentibus conferantur. Unde tempora erunt proportionalia, in quibus similes & proportionales Figurarum similium partes a particulis correspondentibus describuntur. Igitur si duo sint ejusmodi Systemata, particulæ correspondentes, ob similitudinem inceptorum motuum, pergent similiter moveri usque donec sibi mutuo occurrant. Nam si nullis agitantur viribus, progredientur uniformiter in lineis rectis per motus Leg. 1. Si viribus aliquibus se mutuo agitant, & vires illæ sint ut particularum correspondentium diametri inverse & quadrata velocitatum directe, quoniam particularum situs sunt similes & vires proportionales, vires totæ quibus particulæ correspondentes agitantur, ex viribus singulis agitantibus (per Legum Corollarium secundum)

secundum) compositæ, similes habebunt determinationes, perinde ac si centra inter particulas similiter sita respicerent; & erunt vires illæ totæ ad invicem ut vires singulæ componentes, hoc est, ut correspondentium particularum diametri inverse, & quadrata velocitatum directe: & propterea efficient ut correspondentes particulæ figuras similes describere pergant. Hæc ita se habebunt per Corol. 1. & 8 Prop. 1v, Lib. 1. si modo centra illa quiescant. Sin moveantur, quoniam ob translationum similitudinem, similes manent eorum situs inter Systematum particulas; similes inducentur mutationes in figuris quas particulæ describunt. Similes igitur erunt correspondentium & similium particularum motus usque ad occursum suos primos, & propterea similes occursum, & similes reflexiones, & subinde (per jam ostensa) similes motus inter se donec iterum in se mutuo inciderint, & sic deinceps in infinitum. Q. E. D.

Corol. 1. Hinc si corpora duo quævis, quæ similia sint & ad Systematum particulas correspondentes similiter sita, inter ipsas temporibus proportionalibus similiter moveri incipiant, sintque eorum magnitudines ac densitates ad invicem ut magnitudines ac densitates correspondentium particularum: hæc pergent temporibus proportionalibus similiter moveri. Est enim eadem ratio partium majorum Systematis utriusque atque particularum.

Corol. 2. Et si similes & similiter positæ Systematum partes omnes quiescant inter se: & earum duæ, quæ cæteris majores sint, & sibi mutuo in utroque Systemate respondeant, secundum lineas similiter sitas simili cum motu utcumque moveri incipiant: hæc similes in reliquis Systematum partibus excitabunt motus, & pergent inter ipsas temporibus proportionalibus similiter moveri; atque adeo spatia diametris suis proportionalia describere.

## PROPOSITIO XXXIII. THEOREMA XXVII.

*Isdem positis, dico quod Systematum partes majores resistuntur in ratione composita ex duplicata ratione velocitatum suarum & duplicata ratione diametrorum & ratione densitatis partium Systematum.*

Nam resistentia oritur partim ex viribus centripetis vel centrifugis quibus particulæ Systematum se mutuo agitant, partim ex occursum & reflexionibus particularum & partium majorum.

Prioris

Prioris autem generis resistentiæ sunt ad invicem ut vires totæ motrices a quibus oriuntur, id est, ut vires totæ acceleratrices & quantitates materiæ in partibus correspondentibus, hoc est (per Hypothesin) ut quadrata velocitatum directe & distantiae particularum correspondentium inverse & quantitates materiæ in partibus correspondentibus directe: ideoque (cum distantiae particularum Systematis unius sint ad distantias correspondentes particularum alterius, ut diameter particulæ vel partis in Systemate priore ad diametrum particulæ vel partis correspondentis in altero, & quantitates materiæ sint ut densitates partium & cubi diametrorum) resistentiæ sunt ad invicem ut quadrata velocitatum & quadrata diametrorum & densitates partium Systematum. *Q. E. D.* Posterioris generis resistentiæ sunt ut reflexionum correspondentium numeri & vires conjunctim. Numeri autem reflexionum sunt ad invicem ut velocitates partium correspondentium directe, & spatia inter earum reflexiones inverse. Et vires reflexionum sunt ut velocitates & magnitudines & densitates partium correspondentium conjunctim, id est, ut velocitates & diametrorum cubi & densitates partium. Et conjunctis his omnibus rationibus, resistentiæ partium correspondentium sunt ad invicem ut quadrata velocitatum & quadrata diametrorum & densitates partium conjunctim. *Q. E. D.*

*Corol. 1.* Igitur si Systemata illa sint Fluida duo Elastica ad modum Aeris, & partes eorum quiescant inter se: corpora autem duo similia & partibus fluidorum quoad magnitudinem & densitatem proportionalia, & inter partes illas similiter posita, secundum lineas similiter positas utcumque projiciantur, vires autem acceleratrices, quibus particulæ fluidorum se mutuo agitant, sint ut corporum projectorum diametri inverse, & quadrata velocitatum directe: corpora illa temporibus proportionalibus similes excitabunt motus in Fluidis, & spatia similia ac diametris suis proportionalia describent.

*Corol. 2.* Proinde in eodem Fluido projectile velox resistentiam patitur quæ est in duplicata ratione velocitatis quam proxime. Nam si vires, quibus particulæ distantes se mutuo agitant, augerentur in duplicata ratione velocitatis, resistentia foret in eadem ratione duplicata accurate, ideoque in Medio, cujus partes ab invicem distantes sese viribus nullis agitant, resistentia est in duplicata ratione velocitatis accurate. Sunt igitur Media tria *A, B, C* ex partibus similibus & æqualibus & secundum distantias æquales regulariter dispo-

dispositis constantia. Partes Mediorum  $A$  &  $B$  fugiant se mutuo viribus quæ sint ad invicem ut  $T$  &  $V$ , illæ Medii  $C$  ejusmodi viribus omnino destituantur. Et si corpora quatuor æqualia  $D$ ,  $E$ ,  $F$ ,  $G$  in his Mediis moveantur, priora duo  $D$  &  $E$  in prioribus duobus  $A$  &  $B$ , & altera duo  $F$  &  $G$  in tertio  $C$ ; sitque velocitas corporis  $D$  ad velocitatem corporis  $E$ , & velocitas corporis  $F$  ad velocitatem corporis  $G$ , in subduplicata ratione virium  $T$  ad vires  $V$ : resistentia corporis  $D$  erit ad resistentiam corporis  $E$ , & resistentia corporis  $F$  ad resistentiam corporis  $G$ , in velocitatum ratione duplicata; & propterea resistentia corporis  $D$  erit ad resistentiam corporis  $F$  ut resistentia corporis  $E$  ad resistentiam corporis  $G$ . Sunto corpora  $D$  &  $F$  æquivelocia ut & corpora  $E$  &  $G$ ; & augendo velocitates corporum  $D$  &  $F$  in ratione quacunque, ac diminuendo vires particularum Medii  $B$  in eadem ratione duplicata, accedet Medium  $B$  ad formam & conditionem Medii  $C$  pro lubitu, & ideo resistentiæ corporum æqualium & æquivelocium  $E$  &  $G$  in his Mediis, perpetuo accedent ad æqualitatem, ita ut eam differentia evadat tandem minor quam data quævis. Proinde cum resistentiæ corporum  $D$  &  $F$  sint ad invicem ut resistentiæ corporum  $E$  &  $G$ , accedent etiam hæc similiter ad rationem æqualitatis. Corporum igitur  $D$  &  $F$ , ubi velocissime moventur, resistentiæ sunt æquales quam proxime: & propterea cum resistentia corporis  $F$  sit in duplicata ratione velocitatis, erit resistentia corporis  $D$  in eadem ratione quam proxime.

*Corol. 3.* Igitur corporis in Fluido quovis Elastico velocissime moti eadem fere est resistentia ac si partes Fluidi viribus suis centrifugis destituerentur, seque mutuo non fugerent: si modo Fluidi vis Elastica ex particularum viribus centrifugis oriatur, & velocitas adeo magna sit ut vires non habeant satis temporis ad agendum.

*Corol. 4.* Proinde cum resistentiæ similium & æquivelocium corporum, in Medio cujus partes distantes se mutuo non fugiunt, sint ut quadrata diametrorum, sunt etiam æquivelocium & celerrime motorum corporum resistentiæ in Fluido Elastico ut quadrata diametrorum quam proxime.

*Corol. 5.* Et cum corpora similia, æqualia & æquivelocia, in Mediis ejusdem densitatis, quorum particule se mutuo non fugiunt, sive particule illæ sint plures & minores, sive pauciores & majores, in æqualem materię quantitatem temporibus æqualibus impingant, eique æqualem motus quantitatem imprimant, & vi-






DE MOTU  
CORPORUM

axis sui versus  $D$  progredientium frustorum minime resistatur: biseca altitudinem  $OD$  in  $Q$  & producat  $OQ$  ad  $S$  ut sit  $QS$  æqualis  $QC$ , & erit  $S$  vertex Coni cujus frustum quaeritur.

Unde obiter, cum angulus  $CSB$  semper sit acutus, consequens est, quod si solidum  $ADBE$  convolutione figuræ Ellipticæ vel Ovalis  $ADBE$  circa axem  $AB$  facta generetur, & tangatur figura generans à rectis tribus  $FG$ ,  $GH$ ,  $HI$  in punctis  $F$ ,  $B$  &  $I$ , ea lege ut  $GH$  sit perpendicularis ad axem in puncto contactus  $B$ , &  $FG$ ,  $HI$  cum eadem  $GH$  contineant angulos  $FGH$ ,  $BHI$  graduum 135: solidum, quod convolutione figuræ  $ADFGHIE$  circa axem eundem  $CB$  generatur, minus resistitur quam solidum prius, si modo utrumque secundum plagam axis sui  $AB$  progrediatur, & utriusque terminus  $B$  præcedat. Quam quidem propositionem in construendis Navibus non inutilem futuram esse censeo.

Quod si Figura  $DNFG$  ejusmodi sit curva ut, si ab ejus puncto quovis  $N$  ad axem  $AB$  demittatur perpendicularum  $NM$ , & à puncto dato  $G$  ducatur recta  $GR$  quæ parallela sit rectæ figuræ tangenti in  $N$ , & axem productum secet in  $R$ , fuerit  $MN$  ad  $GR$  ut  $GR$  cub ad  $4BR \times GBq$ :



Solidum quod figuræ hujus revolutione circa axem  $AB$  facta describitur, in Medio raro prædicto ab  $A$  versus  $B$  movendo, minus resistitur quam aliud quodvis eadem longitudine & latitudine descriptum Solidum circulare.

## PROPOSITIO XXXV. PROBLEMA VII.

*Si Medium rarum ex particulis quam minimis quiescentibus æqualibus & ad æquales ab invicem distantias libere dispositis consistet: invenire resistentiam Globi in hoc Medio uniformiter progredientis.*

*Cas. 1.* Cylindrus eadem diametro & altitudine descriptus progredi intelligatur eadem velocitate secundum longitudinem axis sui in eodem Medio. Et ponamus quod particulæ Medii in quas Glo-



Globus vel Cylindrus incidit, vi reflexionis quam maxima resiliat. Et cum resistentia Globi (per Propositionem novissimam) sit duplo minor quam resistentia Cylindri, & Globus sit ad Cylindrum ut duo ad tria, & Cylindrus incidendo perpendiculariter in particulas ipsasque quam maxime reflectendo, duplam sui ipsius velocitatem ipsis communicet: Cylindrus quo tempore dimidiam longitudinem axis sui describit communicabit motum particulis qui sit ad totum Cylindri motum ut densitas Medii ad densitatem Cylindri; & Globus quo tempore totam longitudinem diametri suæ describit, communicabit motum eundem particulis; & quo tempore duas tertias partes diametri suæ describit communicabit motum particulis qui sit ad totum Globi motum ut densitas Medii ad densitatem Globi. Et propterea Globus resistentiam patitur quæ sit ad vim qua totus ejus motus vel auferri possit vel generari quo tempore duas tertias partes diametri suæ describit, ut densitas Medii ad densitatem Globi.

*Cas. 2.* Ponamus quod particulæ Medii in Globum vel Cylindrum incidentes non reflectantur, & Cylindrus incidendo perpendiculariter in particulas simplicem suam velocitatem ipsis communicabit, ideoque resistentiam patitur duplo minorem quam in priore casu, & resistentia Globi erit etiam duplo minor quam prius.

*Cas. 3.* Ponamus quod particulæ Medii vi reflexionis neque maxima neque nulla, sed mediocri aliqua resiliant a Globo, & resistentia Globi erit in eadem ratione mediocri inter resistentiam in primo casu & resistentiam in secundo. *Q. E. I.*

*Corol. 1.* Hinc si Globus & particulæ sint infinite dura, & vi omni elastica & propterea etiam vi omni reflexionis destituta: resistentia Globi erit ad vim qua totus ejus motus vel auferri possit vel generari, quo tempore Globus quatuor tertias partes diametri suæ describit, ut densitas Medii ad densitatem Globi.

*Corol. 2.* Resistentia Globi, cæteris paribus, est in duplicata ratione velocitatis.

*Corol. 3.* Resistentia Globi, cæteris paribus, est in duplicata ratione diametri.


*Corol. 4.* Resistentia Globi, cæteris paribus, est ut densitas Medii.

*Corol. 5.* Resistentia Globi est in ratione quæ componitur ex duplicata ratione velocitatis & duplicata ratione diametri & ratione densitatis Medii.

*Corol.*

DE MOTU  
CORPORUM

*Corol. 6.* Et motus Globi cum ejus resistantia sic exponi potest. Sit  $AB$  tempus quo Globus per resistantiam suam uniformiter continuatam totum suum motum amittere potest. Ad  $AB$  erigantur perpendiculara  $AD$ ,  $BC$ . Sitque  $BC$  motus ille totus, & per punctum  $C$  Asymptotis  $AD$ ,  $AB$  describatur Hyperbola  $CF$ . Producat  $AB$  ad punctum quodvis  $E$ . Erigatur perpendicularum  $EF$  Hyperbolæ occurrens in  $F$ . Compleatur parallelogrammum  $CBEG$ , & agatur  $AF$  ipsi  $BC$  occurrens in  $H$ . Et si Globus tempore quovis  $BE$ , motu suo primo  $BC$  uniformiter continuato, in Medio non resistente describat spatium  $CBEG$  per aream parallelogrammi expositum, idem in Medio resistente describet spatium  $CBEF$  per arcam Hyperbolæ expositum, & motus ejus in fine temporis illius exponetur per Hyperbolæ ordinatam  $EF$ , amissa motus ejus parte  $FG$ . Et resistantia ejus in fine temporis ejusdem exponetur per longitudinem  $BH$ , amissa resistantiæ parte  $CH$ . Patent hæc omnia per *Corol. 1. Prop. v. Lib. II.*



*Corol. 7.* Hinc si Globus tempore  $T$  per resistantiam  $R$  uniformiter continuatam amittat motum suum totum  $M$ : idem Globus tempore  $t$  in Medio resistente, per resistantiam  $R$  in duplicata velocitatis ratione decrefcentem, amittet motus sui  $M$  partem  $\frac{tM}{T+t}$ , manente parte  $\frac{TM}{T+t}$ , & describet spatium quod sit ad spatium motu uniformi  $M$  eodem tempore  $t$  descriptum, ut Logarithmus numeri  $\frac{T+t}{T}$  multiplicatus per numerum 2,302585092994 est ad numerum  $\frac{t}{T}$ . Nam area Hyperbolica  $BCFE$  est ad rectangulum  $BCGE$  in hac proportione.

*Scholium.*


In hac Propositione exposui resistantiam & retardationem Projectilium Sphæricorum in Mediis non continuis, & ostendi quod hæc resistantia sit ad vim qua totus Globi motus vel tolli possit vel generari

generari quo tempore Globus duas tertias diametri suæ partes, velocitate uniformiter continuata describat, ut densitas Medii ad densitatem Globi, si modo Globus & particulæ Medii sint summe elastica & vi maxima reflectendi polleant: quodque hæc vis sit duplo minor ubi Globus & particulæ Medii sunt infinite dura & vi reflectendi prorsus destituta. In Mediis autem continuis qualia sunt Aqua, Oleum calidum, & Argentum vivum, in quibus Globus non incidit immediate in omnes fluidi particulas resistantiam generantes, sed premit tantum proximas particulas & hæc premunt alias & hæc alias, resistantia est adhuc duplo minor. Globus utique in hujusmodi Mediis fluidissimis resistantiam patitur quæ est ad vim qua totus ejus motus vel tolli possit vel generari quo tempore, motu illo uniformiter continuato, partes octo tertias diametri suæ describat, ut densitas Medii ad densitatem Globi. Id quod in sequentibus conabimur ostendere.

## PROPOSITIO XXXVI. PROBLEMA VIII.

*Aquæ de vase Cylindrico per foramen in fundo factum effluentis definire motum.*

Sit  $ACDB$  vas cylindricum,  $AB$  ejus orificium superius,  $CD$  fundum horizonti parallelum,  $EF$  foramen circulare in medio fundi,  $G$  centrum foraminis, &  $GH$  axis cylindri horizonti perpendicularis. Et concipe cylindrum glaciæ  $APQB$  ejusdem esse latitudinis cum cavitate vasis, & axem eundem habere, & uniformi cum motu perpetuo descendere, & partes ejus quam primum attingunt superficiem  $AB$  liquefcere, & in aquam conversas gravitate sua destuere in vas, & cataractam vel columnam aquæ  $ABNFEM$  cadendo formare, & per foramen  $EF$  transire, idemque adæquate implere. Ea vero sit uniformis velocitas glaciæ descendens ut & aquæ contiguæ in circulo  $AB$ , quam aqua cadendo & casu suo describendo altitudinem  $CH$  acquirere potest; & jaceant  $IH$  &  $HG$  in directum, & punctum  $I$  ducatur recta  $KL$  horizonti parallela & lateribus glaciæ



ciei occurrens in  $K$  &  $L$ . Et velocitas aquæ effluentis per foramen  $EF$  ea erit quam aqua cadendo ab  $I$  & casu suo describendo altitudinem  $IG$  acquirere potest. Ideoque per Theoremata *Galilei* erit  $IG$  ad  $IH$  in duplicata ratione velocitatis aquæ per foramen effluentis ad velocitatem aquæ in circulo  $AB$ , hoc est, in duplicata ratione circuli  $AB$  ad circumulum  $EF$ , nam hi circuli sunt reciproce ut velocitates aquarum quæ per ipsos, eodem tempore & æquali quantitate, adæquate transeunt. De velocitate aquæ horizontem versus hic agitur. Et motus horizonti parallelus quo partes aquæ cadentis ad invicem accedunt, cum non oriatur a gravitate, nec motum horizonti perpendicularem à gravitate oriundum mutet, hic non consideratur. Supponimus quidem quod partes aquæ aliquantulum cohærent, & per cohæsionem suam inter cadendum accedant ad invicem per motus horizonti parallelos, ut unicam tantum efforment cataractam & non in plures cataractas dividantur: sed motum horizonti parallelum, a cohæsione illa oriundum, hic non consideramus.

*Cas. 1.* Concipe jam cavitatem totam in vase, in circuitu aquæ cadentis  $ABNFEM$ , glaciæ plenam esse, ut aqua per glaciem tanquam per infundibulum transeat. Et si aqua glaciem tantum non tangat vel, quod perinde est, si tangat & per glaciem propter summam ejus polituram quam liberrime & sine omni resistentia labatur, hæc defluet per foramen  $EF$  eadem velocitate ac prius, & pondus totum columnæ aquæ  $ABNFEM$  impendetur in defluxum ejus generandum uti prius, & fundum vasis sustinebit pondus glaciæ columnam ambientis.

Liquefeat jam glaciæ in vase; & effluxus aquæ quoad velocitatem, idem manebit ac prius. Non minor erit, quia glaciæ in aquam resoluta conahitur descendere: non major, quia glaciæ in aquam resoluta non potest descendere nisi impediendo descensum aquæ alterius descensui suo æqualem. Eadem vis eandem aquæ effluentis velocitatem generare debet.

Sed foramen in fundo vasis, propter obliquos motus particularum aquæ effluentis, paulo majus esse debet quam prius. Nam particule aquæ jam non transeunt omnes per foramen perpendiculariter; sed a lateribus vasis undique confluentes & in foramen convergentes, obliquis transeunt motibus; & cursum suum deorsum flectentes in venam aquæ exilientis conspirant, quæ exilior est paulo infra foramen quam in ipso foramine, existente ejus diametro ad diametrum foraminis ut 5 ad 6, vel 5½ ad 6½ quam proxime, si modo



dem velocitatem acquirit in utroque casu, ut *Galileus* demonstravit.

*Cas. 3.* Eadem est aquæ velocitas effluentis per foramen in latere vasis. Nam si foramen parvum sit, ut intervallum inter superficies *AB* & *KL* quoad sensum evanescat, & vena aquæ horizontaliter exilientis figuram Parabolicam efformet: ex latere recto hujus Parabolæ colligetur, quod velocitas aquæ effluentis ea sit quam corpus ab aquæ in vase stagnantis altitudine *HG* vel *IG* cadendo acquirere potuisset. Facto utique experimento inveni quod, si altitudo aquæ stagnantis supra foramen esset viginti digitorum & altitudo foraminis supra planum horizonti parallelum esset quodque viginti digitorum, vena aquæ prosilientis incideret in planum illud ad distantiam digitorum 37 circiter à perpendicularo quod in planum illud à foramine demittebatur captam. Nam sine resistentia vena incidere debuisset in planum illud ad distantiam digitorum 40, existente venæ Parabolæ latere recto digitorum 80.

*Cas. 4.* Quinetiam aqua effluens, si sursum foratur, eadem egreditur cum velocitate. Ascendit enim aquæ exilientis vena parva motu perpendiculari ad aquæ in vase stagnantis altitudinem *GH* vel *GI*, nisi quatenus ascensus ejus ab aeris resistentia aliquantum impediatur, ac proinde ea effluit cum velocitate quam ab altitudine illa cadendo acquirere potuisset. Aquæ stagnantis particula unaquæque undique premitur æqualiter, per Prop. XIX. Lib. II, & pressioni cedendo æquali impetu in omnes partes fortur, sive descendat per foramen in fundo vasis, sive horizontaliter effluat per foramen in ejus latere, sive egrediatur in canalem & inde ascendat per foramen parvum in superiore canalis parte factum. Et velocitatem qua aqua effluit, eam esse quam in hac Propositione assignavimus, non solum ratione colligitur, sed etiam per experimenta notissima jam descripta manifestum est.



*Cas. 5.* Eadem est aquæ effluentis velocitas sive figura foraminis sit circularis sive quadrata vel triangularis aut alia quæcunque circulari æqualis. Nam velocitas aquæ effluentis non pendet à figura foraminis sed ab ejus altitudine infra planum *KL*.

*Cas. 6.* Si vasis *ABDC* pars inferior in aquam stagnantem immergatur,

mergatur, & altitudo aquæ stagnantis supra fundum vasis sit  $GR$ : velocitas quacum aqua quæ in vase est, effluet per foramen  $EF$  in aquam stagnantem, ea erit quam aqua cadendo & casu suo describendo altitudinem  $IR$  acquirere potest. Nam pondus aquæ omnis in vase quæ inferior est superficie aquæ stagnantis, sustinebitur in æquilibrio per pondus aquæ stagnantis, ideoque motum aquæ descendens in vase minime accelerabit. Patebit etiam & hic Casus per Experimenta, mensurando scilicet tempora quibus aqua effluit.

*Corol. 1.* Hinc si aquæ altitudo  $CA$  producat ad  $K$ , ut sit  $AK$  ad  $CK$  in duplicata ratione areae foraminis in quavis fundi parte facti, ad aream circuli  $AB$ : velocitas aquæ effluentis æqualis erit velocitati quam aqua cadendo & casu suo describendo altitudinem  $KC$  acquirere potest.

*Corol. 2.* Et vis qua totus aquæ exilientis motus generari potest, æqualis est ponderi Cylindricæ columnæ aquæ cujus basis est foramen  $EF$ , & altitudo  $2GI$  vel  $2CK$ . Nam aqua exiliens quo tempore hanc columnam æquat, pondere suo ab altitudine  $GI$  cadendo, velocitatem suam qua exilit, acquirere potest.

*Corol. 3.* Pondus aquæ totius in vase  $ABDC$ , est ad ponderis partem quæ in defluxum aquæ impenditur, ut summa circulorum  $AB$  &  $EF$ , ad duplum circulum  $EF$ . Sit enim  $IO$  media proportionalis inter  $IH$  &  $IG$ , & aqua per foramen  $EF$  egrediens, quo tempore gutta cadendo ab  $I$  describere posset altitudinem  $IG$ , æqualis erit Cylindro cujus basis est circulus  $EF$  & altitudo est  $2IG$ , id est, Cylindro cujus basis est circulus  $AB$  & altitudo est  $2IO$ , nam circulus  $EF$  est ad circulum  $AB$  in subduplicata ratione altitudinis  $IH$  ad altitudinem  $IG$ , hoc est, in simplici ratione mediarum proportionalis  $IO$  ad altitudinem  $IG$ : & quo tempore gutta cadendo ab  $I$  describere potest altitudinem  $IH$ , aqua egrediens æqualis erit Cylindro cujus basis est circulus  $AB$  & altitudo est  $2IH$ : & quo tempore gutta cadendo ab  $I$  per  $H$  ad  $G$  describit altitudinum differentiam  $HG$ , aqua egrediens, id est, aqua tota in solido  $ABNFEM$  æqualis erit differentiarum Cylindrorum, id est, Cylindro cujus basis est  $AB$  & altitudo  $2HO$ . Et propterea aqua tota in vase  $ABDC$  est ad aquam totam cadentem in solido  $ABNFEM$  ut  $HG$  ad  $2HO$ , id est, ut  $HO + OG$  ad  $2HO$ , seu  $IH + IO$  ad  $2IH$ . Sed pondus aquæ totius in solido  $ABNFEM$  in aquæ defluxum impenditur: ac proinde


inde pondus aquæ totius in vase est ad ponderis partem quæ in defluxum aquæ impenditur, ut  $IH + IO$  ad  $2IH$ , atque adeo ut summa circularum  $EF$  &  $AB$  ad duplum circulum  $EF$ .

*Corol. 4.* Et hinc pondus aquæ totius in vase  $ABDC$ , est ad ponderis partem alteram quam fundum vasis sustinet, ut summa circularum  $AB$  &  $EF$ , ad differentiam eorundem circularum.

*Corol. 5.* Et ponderis pars quam fundum vasis sustinet, est ad ponderis partem alteram quæ in defluxum aquæ impenditur, ut differentia circularum  $AB$  &  $EF$ , ad duplum circulum minorem  $EF$ , sive ut area fundi ad duplum foramen.

*Corol. 6.* Ponderis autem pars qua sola fundum urgetur, est ad pondus aquæ totius quæ fundo perpendiculariter incumbit, ut circulus  $AB$  ad summam circularum  $AB$  &  $EF$ , sive ut circulus  $AB$  ad excessum dupli circuli  $AB$  supra fundum. Nam ponderis pars qua sola fundum urgetur, est ad pondus aquæ totius in vase, ut differentia circularum  $AB$  &  $EF$ , ad summam eorundem circularum, per *Cor. 4.* & pondus aquæ totius in vase est ad pondus aquæ totius quæ fundo perpendiculariter incumbit, ut circulus  $AB$  ad differentiam circularum  $AB$  &  $EF$ . Itaque ex æquo perturbate, ponderis pars qua sola fundum urgetur, est ad pondus aquæ totius quæ fundo perpendiculariter incumbit, ut circulus  $AB$  ad summam circularum  $AB$  &  $EF$  vel excessum dupli circuli  $AB$  supra fundum.

*Corol. 7.* Si in medio foraminis  $EFK$  locetur Circellus  $PQ$  centro  $G$  descriptus & horizonti parallelus: pondus aquæ quam circellus ille sustinet, majus est pondere tertiæ partis Cylindri aquæ cujus basis est circellus ille & altitudo est  $GH$ . Sit enim  $ABNFEM$  cataracta vel columna aquæ cadentis axem habens  $GH$  ut supra, & congelari intelligatur aqua omnis in vase, tam in circuitu cataractæ quam supra circellum, cujus fluiditas ad promptissimum & celerrimum aquæ descensum non requiritur. Et sit  $PHQ$  columna aquæ supra circellum congelata, verticem habens  $H$  & altitudinem  $GH$ . Et quemadmodum aqua in circuitu cataractæ congelata  $AMEC$ ,  $BNFD$  convexa est in superficie interna  $AME$ ,  $BNF$  versus cataractam cadentem, sic etiam hæc columna  $PHQ$  con-





convexa erit versus cataractam, & propterea major Cono cuius basis est circellus ille  $PQ$  & altitudo  $GH$ , id est, major tertia parte Cylindri eadem base & altitudine descripti. Sustinet autem circellus ille pondus hujus columnæ, id est, pondus quod pondere Coni seu tertiæ partis Cylindri illius majus est.

*Corol. 8.* Pondus aquæ quam circellus valde parvus  $PQ$  sustinet, minor est pondere duarum tertiarum partium Cylindri aquæ cuius basis est circellus ille & altitudo est  $HG$ . Nam stantibus jam positis, describi intelligatur dimidium Sphæroidis cuius basis est circellus ille & semiaxis sive altitudo est  $HG$ . Et hæc figura æqualis erit duabus tertiis partibus Cylindri illius & comprehendet columnam aquæ congelatæ  $PHQ$  cuius pondus circellus ille sustinet. Nam ut motus aquæ sit maxime directus, columnæ illius superficies externa concurret cum basi  $PQ$  in angulo nonnihil acuto, propterea quod aqua cadendo perpetuo acceleratur & propter accelerationem sit tenuior, & cum angulus ille sit recto minor, hæc columna ad inferiores ejus partes jacebit intra dimidium Sphæroidis. Eadem vero sursum acuta erit seu cuspidata, ne horizontalis motus aquæ ad verticem Sphæroidis sit infinite velocior quam ejus motus horizontem versus. Et quo minor est circellus  $PQ$  eo acutior erit vertex columnæ, & circello in infinitum diminuto, angulus  $PHQ$  in infinitum diminuetur, & propterea columna jacebit intra dimidium Sphæroidis. Est igitur columna illa minor dimidio Sphæroidis, seu duabus tertiis partibus Cylindri cuius basis est circellus ille & altitudo  $GH$ . Sustinet autem circellus vim aquæ ponderi hujus columnæ æqualem, cum pondus aquæ ambientis in defluxum ejus impendatur.

*Corol. 9.* Pondus aquæ quam circellus valde parvus  $PQ$  sustinet, æquale est ponderi Cylindri aquæ cuius basis est circellus ille & altitudo est  $\frac{1}{2}GH$  quamproxime. Nam pondus hocce est medium Arithmeticum inter pondera Coni & Hemisphæroidis prædictæ. At si circellus ille non sit valde parvus, sed augeatur donec æquet foramen  $EF$ , hic sustinebit pondus aquæ totius sibi perpendiculariter imminensis, id est, pondus Cylindri aquæ cuius basis est circellus ille & altitudo est  $GH$ .

*Corol. 10.* Et (quantum sentio) pondus quod circellus sustinet, est semper ad pondus Cylindri aquæ cuius basis est circellus ille & altitudo est  $\frac{1}{2}GH$ , ut  $EFq$  ad  $EFq - \frac{1}{2}PQq$ , sive ut circulus,  $EF$  ad excessum circuli hujus supra semissem circelli  $PQ$  quamproxime.

LEMMA

## LEMMA IV.


*Cylindri, qui secundum longitudinem suam uniformiter progreditur, resistentia ex aucta vel diminuta ejus longitudine non mutatur; ideoque eadem est cum resistentia Circuli eadem diametro descripti & eadem velocitate secundum lineam rectam plano ipsius perpendiculararem progredientis.*

Nam latera Cylindri motui ejus minime opponuntur: & Cylindrus, longitudine ejus in infinitum diminuta, in Circulum vertitur.

## PROPOSITIO XXXVII. THEOREMA XXIX.

*Cylindri, qui in fluido compresso infinito & non elastico secundum longitudinem suam uniformiter progreditur, resistentia que oritur a magnitudine sectionis transversæ, est ad vim qua totus ejus motus interea dum quadruplum longitudinis sua describit, vel tolli possit vel generari, ut densitas Medii ad densitatem Cylindri quamproxime.*

Nam si vas  $ABDC$  fundo suo  $CD$  superficiem aquæ stagnantis tangat, & aqua ex hoc vase per canalem Cylindricum  $EFTS$  horizonti perpendicularem in aquam stagnantem effluat, locetur autem Circellus  $PQ$  horizonti parallelus ubivis in medio canalıs, & producat  $CA$  ad  $K$ , ut sit  $AK$  ad  $CK$  in duplicata ratione quam habet excessus orificiı canalıs  $EF$  supra circellum  $PQ$  ad circulum  $AB$ : manifestum est (per Cas. 5, Cas. 6, & Cor. 1. Prop. xxxvi.) quod velocitas aquæ transeuntis per spatium annulare inter circellum & latera vasis, ea erit quam aqua cadendo & casu suo describendo altitudinem  $KC$  vel  $IG$  acquirere potest.



Et

Et (per Cor. 10, Prop. xxxv1) si vasis latitudo sit infinita, ut lineola  $HI$  evanescat & altitudines  $IG$ ,  $HG$  æquantur: vis aquæ defluentis in circellum erit ad pondus Cylindri cujus basis est circellus ille & altitudo est  $\frac{1}{2}IG$ , ut  $EFq$  ad  $EFq - \frac{1}{2}PQq$  quam proxime. Nam vis aquæ, uniformi motu defluentis per totum canalem, eadem erit in circellum  $PQ$  in quacunq; canalıs parte locatum.

Claudentur jam canalıs orificia  $EF$ ,  $ST$ , & ascendat circellus in fluido undique compresso & ascensu suo cogat aquam superiorem descendere per spatium annulare inter circellum & latera canalıs: & velocitas circelli ascendentis erit ad velocitatem aquæ descendentis ut differentia circulorum  $EF$  &  $PQ$  ad circulum  $PQ$ , & velocitas circelli ascendentis ad summam velocitatum, hoc est, ad velocitatem relativam aquæ descendentis qua præterfluit circellum ascendentem, ut differentia circulorum  $EF$  &  $PQ$  ad circulum  $EF$ , sive ut  $EFq - PQq$  ad  $EFq$ . Sit illa velocitas relativa æqualis velocitati qua supra ostensum est aquam transire per idem spatium annulare dum circellus interea immotus manet, id est, velocitati quam aqua cadendo & casu suo describendo altitudinem  $IG$  acquirere potest: & vis aquæ in circellum ascendentem eadem erit ac prius, per Legum Cor. 5, id est, Resistentia circelli ascendentis erit ad pondus Cylindri aquæ cujus basis est circellus ille & altitudo est  $\frac{1}{2}IG$ , ut  $EFq$  ad  $EFq - \frac{1}{2}PQq$  quamproxime. Velocitas autem circelli erit ad velocitatem quam aqua cadendo & casu suo describendo altitudinem  $IG$  acquirit, ut  $EFq - PQq$  ad  $EFq$ .

Augetur amplitudo canalıs in infinitum: & rationes illæ inter  $EFq - PQq$  &  $EFq$ , interque  $EFq$  &  $EFq - \frac{1}{2}PQq$  accedent ultimo ad rationes æqualitatis. Et propterea Velocitas circelli ea nunc erit quam aqua cadendo & casu suo describendo altitudinem  $IG$  acquirere potest, Resistentia vero ejus æqualis evadet ponderi Cylindri cujus basis est circellus ille & altitudo dimidium est altitudinis  $IG$ , a qua Cylindrus cadere debet ut velocitatem circelli ascendentis acquirat, & hac velocitate Cylindrus, tempore cadendi, quadruplum longitudinis suæ describet. Resistentia autem Cylindri, hac velocitate secundum longitudinem suam progredientis, eadem est cum Resistentia circelli per Lemma IV, adeoque æqualis est Vi qua motus ejus, interea dum quadruplum longitudinis suæ describit, generari potest quamproxime.

Si

Si longitudo Cylindri augeatur vel minuatur: motus ejus ut & tempus quo quadruplum longitudinis suæ describit, augebitur vel minuetur in eadem ratione; adeoque Vis illa qua motus auctus vel diminutus, tempore pariter aucto vel diminuto, generari vel tolli possit, non mutabitur; ac proinde etiamnum æqualis est resistentiæ Cylindri, nam & hæc quoque immutata manet per Lemma IV.

Si densitas Cylindri augeatur vel minuatur: motus ejus ut & Vis qua motus eodem tempore generari vel tolli potest, in eadem ratione augebitur vel minuetur. Resistentia itaque Cylindri cujuscunque erit ad Vim qua totus ejus motus, interea dum quadruplum longitudinis suæ describit, vel generari possit vel tolli, ut densitas Medii ad densitatem Cylindri quamproxime. *Q.E.D.*

Fluidum autem comprimi debet ut sit continuum, continuum vero esse & non elasticum ut pressio omnis quæ ab ejus compressione oritur propagetur in instanti &, in omnes moti corporis partes æqualiter agendo, resistentiam non mutet. Pressio utique quæ a motu corporis oritur, impenditur in motum partium fluidi generandum & Resistentiam creat. Pressio autem quæ oritur a compressione fluidi, utcunque fortis sit, si propagetur in instanti, nullum generat motum in partibus fluidi continui, nullam omnino inducit motus mutationem; ideoque resistentiam nec auget nec minuit. Certe Actio fluidi, quæ ab ejus compressione oritur, fortior esse non potest in partes posticas corporis moti quam in ejus partes anticas, ideoque resistentiam in hac Propositione descriptam minuire non potest: & fortior non erit in partes anticas quam in posticas, si modo propagatio ejus infinite velocior sit quam motus corporis pressi. Infinite autem velocior erit & propagabitur in instanti, si modo fluidum sit continuum & non elasticum.

*Corol. 1.* Cylindrorum, qui secundum longitudines suas in Mediis continuis infinitis uniformiter progrediuntur, resistentiæ sunt in ratione quæ componitur ex duplicata ratione velocitatum & duplicata ratione diametrorum & ratione densitatis Mediorum.

*Corol. 2.* Si amplitudo canalis non augeatur in infinitum, sed Cylindrus in Medio quiescente incluso secundum longitudinem suam progrediatur, & interea axis ejus cum axe canalis coincidat: Resistentia ejus erit ad vim qua totus ejus motus, quo tempore quadruplum longitudinis suæ describit, vel generari possit vel tolli, in ratione quæ componitur ex ratione  $EFq$  ad  $EFq - \frac{1}{2}PQq$  semel


semel, & ratione  $EFq$  ad  $EFq - P Qq$  bis, & ratione densitatis Medii ad densitatem Cylindri.

LIBER  
SECUNDUS.

*Corol. 3.* Iisdem positis, & quod longitudo  $L$  sit ad quadruplum longitudinis Cylindri in ratione quæ componitur ex ratione  $EFq - \frac{1}{2} P Qq$  ad  $EFq$  semel, & ratione  $EFq - P Qq$  ad  $EFq$  bis: resistantia Cylindri erit ad vim qua torus ejus motus, interea dum longitudinem  $L$  describit, vel tolli possit vel generari, ut densitas Medii ad densitatem Cylindri.


*Scholium.*

In hac Propositione resistantiam investigavimus quæ oritur a sola magnitudine transversæ sectionis Cylindri, neglecta resistantiæ parte quæ ab obliquitate motuum oriri possit. Nam quemadmodum in casu primo Propositionis xxxvi, obliquitas motuum quibus partes aquæ in vase, undique convergebant in foramen  $EF$ , impedivit effluxum aquæ illius per foramen: sic in hac Propositione, obliquitas motuum quibus partes aquæ ab anteriore Cylindri termino pressæ, cedunt pressioni & undique divergunt, retardat eorum transitum per loca in circuitu termini illius antecedentis versus posteriores partes Cylindri, efficitque ut fluidum ad majorem distantiam commoveatur & resistantiam auget, idque in ea fere ratione qua effluxum aquæ e vase diminuit, id est, in ratione duplicata 25 ad 21 circiter. Et quemadmodum, in Propositionis illius casu primo, effecimus ut partes aquæ perpendiculariter & maxima copia transirent per foramen  $EF$ , ponendo quod aqua omnis in vase quæ in circuitu cataractæ congelata fuerat, & cujus motus obliquus erat & inutilis, maneret sine motu: sic in hac Propositione, ut obliquitas motuum tollatur, & partes aquæ motu maxime directo & brevissimo cedentes facillimum præbeant transitum Cylindro, & sola maneat resistantia quæ oritur a magnitudine sectionis transversæ, quæque diminui non potest nisi diminuendo diametrum Cylindri, concipiendum est quod partes fluidi quarum motus sunt obliqui & inutiles & resistantiam creant, quiescant inter se ad utrumque Cylindri terminum, & cohæreant & Cylindro jungantur. Sit  $ABCD$  rectangulum, & sint  $AE$  &  $BE$  arcus duo Parabolici axe  $AB$  descripti, latere autem recto quod sit ad ipsa-



DE MOTU  
CORPORUM.

tium  $HG$ , describendum a Cylindro cadente dum velocitatem suam acquirit, ut  $HG$  ad  $\frac{1}{2}AB$ . Sint etiam  $CF$  &  $DF$  arcus alii duo Parabolici, axe  $CD$  & latere recto quod sit prioris lateris recti quadruplum descripti; & convolutione figuræ circum axem  $EF$  generetur solidum cujus media pars  $ABDC$  sit Cylindrus de quo agimus, & partes extremæ  $ABE$  &  $CDF$  contineant partes fluidi inter se quiescentes & in corpora duo rigida concretas, quæ Cylindro utrinque tanquam caput & cauda adhaereant. Et solidi  $EACFDB$ , secundum longitudinem axis sui  $FE$  in partes versus  $E$  progredientis, resistentia ea erit quamproxime quam in hac Propositione descripsimus, id est, quæ rationem illam habet ad vim qua totus Cylindri motus, interea dum longitudo  $4AC$  motu illo uniformiter continuato describatur, vel tolli possit vel generari, quam densitas Fluidi habet ad densitatem Cylindri quamproxime. Et hac vi Resistentia minor esse non potest quam in ratione 2 ad 3, per Corol. 7. Prop. xxxvi.



## LEMMA V.

*Si Cylindrus, Sphæra & Sphærois, quorum latitudines sunt æquales, in medio canalis Cylindrici ita locentur successive ut eorum axes cum axe canalis coincident: hæc corpora fluxum aquæ per canalem æqualiter impediunt.*

Nam spatia inter Canalem & Cylindrum, Sphæram, & Sphæroidem per quæ aqua transit, sunt æqualia: & aqua per æqualia spatia æqualiter transit.

## LEMMA VI.

*Iisdem positis, corpora prædicta æqualiter urgentur ab aqua per canalem fluente.*

Patet per Lemma v & Motus Legem tertiam. Aqua utique & corpora in se mutuo æqualiter agunt.

## LEMMA

## L E M M A VII.

*Si aqua quiescat in canali, & hæc corpora in partes contrarias æquali velocitate per canalem ferantur: æquales erunt eorum resistentiæ inter se.*

Constat ex Lemmate superiore, nam motus relativi iidem inter se manent.

*Scholium.*

Eadem est ratio corporum omnium convexorum & rotundorum, quorum axes cum axe canalisi coincidunt. Differentia aliqua ex majore vel minore frictione oriri potest; sed in his Lemmatibus corpora esse politissima supponimus, & Medii tenacitatem & frictionem esse nullam, & quod partes fluidi, quæ motibus suis obliquis & superfuis fluxum aquæ per canalem perturbare, impedire, & retardare possunt, quiescant inter se tanquam gelu constrictæ, & corporibus ad ipsorum partes anticas & posticas adhæreant, perinde ut in Scholio Propositionis præcedentis exposui. Agitur enim in sequentibus de resistentia omnium minima quam corpora rotunda, datis maximis sectionibus transversis descripta, habere possunt.

Corpora fluidis innatantia, ubi moventur in directum, efficiunt ut fluidum ad partem anticam ascendat, ad posticam subsidat, præsertim si figura sint obrusa; & inde resistentiam paulo majorem sentiunt quam si capite & cauda sint acutis. Et corpora in fluidis elasticis mota, si ante & post obrusa sint, fluidum paulo magis condensant ad anticam partem & paulo magis relaxant ad posticam; & inde resistentiam paulo majorem sentiunt quam si capite & cauda sint acutis. Sed nos in his Lemmatibus & Propositionibus non agimus de fluidis elasticis, sed de non elasticis; non de insidentibus fluido, sed de alte immerfis. Et ubi resistentia corporum in fluidis non elasticis innotescit, augenda erit hæc resistentia aliquantulum tam in fluidis elasticis, qualis est Aer, quam in superficiebus fluidorum stagnantium, qualia sunt maria & paludes.

## PROPOSITIO XXXVIII. THEOREMA XXX.

*Globi, in Fluido compresso infinito & non elastico uniformiter progredientis, resistentia est ad vim qua totus ejus motus, quo tempore octo tertias partes diametri suæ describit, vel tolli possit vel generari, ut densitas Fluidi ad densitatem Globi quamproxime.*

Nam Globus est ad Cylindrum circumscriptum ut duo ad tria; & propterea Vis illa, quæ tollere possit motum omnem Cylindri interea dum Cylindrus describat longitudinem quatuor diametrorum, Globi motum omnem tollit interea dum Globus describat duas tertias partes hujus longitudinis, id est, octo tertias partes diametri propriæ. Resistentia autem Cylindri est ad hanc Vim quamproxime ut densitas Fluidi ad densitatem Cylindri vel Globi, per Prop. xxxvii; & Resistentia Globi æqualis est Resistentiæ Cylindri, per Lem. v, vi, vii. *Q. E. D.*

*Corol. 1.* Globorum, in Mediis compressis infinitis, resistentiæ sunt in ratione quæ componitur ex duplicata ratione velocitatis, & duplicata ratione diametri, & duplicata ratione densitatis Mediorum.

*Corol. 2.* Velocitas maxima quacum Globus, vi ponderis sui comparativi, in fluido resistente potest descendere, ea est quam acquirere potest Globus idem, eodem pondere, absque resistentia cadendo & casu suo describendo spatium quod sit ad quatuor tertias partes diametri suæ ut densitas Globi ad densitatem Fluidi. Nam Globus tempore casus sui, cum velocitate cadendo acquisita, describet spatium quod erit ad octo tertias diametri suæ, ut densitas Globi ad densitatem Fluidi; & vis ponderis motum hunc generans, erit ad vim quæ motum eundem generare possit quo tempore Globus octo tertias diametri suæ eadem velocitate describit, ut densitas Fluidi ad densitatem Globi: ideoque per hanc Propositionem, vis ponderis æqualis erit vi Resistentiæ, & propterea Globum accelerare non potest.

*Corol. 3.* Data & densitate Globi & velocitate ejus sub initio motus, ut & densitate fluidi compressi quiescentis in qua Globus movetur, datur ad omne tempus & velocitas Globi & ejus resistentia & spatium ab eo descriptum, per Corol. 7. Prop. xxxv.

*Corol.*



*Corol. 4.* Globus in fluido compresso quiescente ejusdem secum densitatis movendo, dimidiam motus sui partem prius amittet quam longitudinem duarum ipsius diametrorum describerit, per idem *Corol. 7.*

LIBER  
SECUNDUS.

PROPOSITIO XXXIX. THEOREMA XXXI.

*Globi, per Fluidum in canali Cylindrico clausum & compressum uniformiter progredientis, resistentia est ad vim qua totus ejus motus, interea dum octo tertias partes diametri suæ describit, vel generari possit vel tolli, in ratione quæ componitur ex ratione orificiæ canalis ad excessum hujus orificiæ supra dimidium circuli maximi Globi, & ratione duplicata orificiæ canalis ad excessum hujus orificiæ supra circulum maximum Globi, & ratione densitatis Fluidi ad densitatem Globi quamproxime.*

Patet per *Corol. 2. Prop. xxxviii*; procedit vero demonstratio quemadmodum in Propositione præcedente.

PROPOSITIO XL. PROBLEMA IX.

*Globi, in Medio fluidissimo compresso progredientis, invenire resistentiam per Phenomena.*

Sit *A* pondus Globi in vacuo, *B* pondus ejus in Medio resistente, *D* diameter Globi, *F* spatium quod sit ad  $\frac{1}{2}$  *D* ut densitas Globi ad densitatem Medii, id est, ut *A* ad *A* - *B*, *G* tempus quo Globus pondere *B* absque resistentia cadendo describit spatium *F*, & *H* velocitas quam Globus hocce casu suo acquirit. Et erit *H* velocitas maxima quacum Globus, pondere suo *B*, in Medio resistente potest descendere, per *Corol. 2. Prop. xxxviii*; & resistentia quam Globus ea cum velocitate descendens patitur, æqualis erit ejus ponderi *B*: resistentia vero quam patitur in alia quacunque velocitate, erit ad pondus *B* in duplicata ratione velocitatis hujus ad velocitatem illam maximam *G*, per *Corol. 1. Prop. xxxviii*.

Hæc

DE MOTU  
CORPORUM

Hæc est resistentia quæ oritur ab inertia materiæ Fluidi. Ea vero quæ oritur ab elasticitate, tenacitate, & frictione partium ejus, sic investigabitur.

Demittatur Globus ut pondere suo B in Fluido descendat, & sit P tempus cadendi, idque in minutis secundis si tempus G in minutis secundis habeatur. Inveniatur numerus absolutus N qui congruit Logarithmo  $0,4342944819 \frac{2P}{G}$ , sitque L

Logarithmus numeri  $\frac{N+1}{N}$ : & velocitas cadendo acquisita erit

$\frac{N-1}{N+1} H$ , altitudo autem descripta erit  $\frac{2PF}{G} - 1,3862943611 F +$

$4,605170186 LF$ . Si Fluidum satis profundum sit, negligi potest terminus  $4,605170186 LF$ ; & erit  $\frac{2PF}{G} - 1,3862943611 F$  altitudo

descripta quamproxime. Patent hæc per Libri secundi Propositionem nonam & ejus Corollaria, ex Hypothesi quod Globus nullam aliam patiatur resistentiam nisi quæ oritur ab inertia materiæ. Si vero aliam insuper resistentiam patiatur, descensus erit tardior, & ex retardatione innoscescit quantitas hujus resistentiæ.

Ut corporis in Fluido cadentis velocitas & descensus facilius innoscescant, composui Tabulam sequentem, cujus columna prima denotat tempora descensus, secunda exhibet velocitates cadendo acquisitas existente velocitate maxima 100000000, tertia exhibet spatia temporibus illis cadendo descripta, existente 2 F spatio quod corpus tempore G cum velocitate maxima describit, & quarta exhibet spatia iisdem temporibus cum velocitate maxima descripta.

Numeri in quarta columna sunt  $\frac{2P}{G}$ , & subducendo numerum

$1,3862944 - 4,6051702 L$ , inveniuntur numeri in tertia columna, & multiplicandi sunt hi numeri per spatium F ut habeantur spatia cadendo descripta. Quinta his insuper adjecta est columna, quæ continet spatia descripta iisdem temporibus a corpore, vi ponderis sui comparativi B, in vacuo cadente.

*Tempora*

Tempora P	Velocitates cadentes in fluido	Spatia caden- do descripta in fluido	Spatia motu maximo de- scripta.	Spatia caden- do descripta in vacuo.
0,001 G	99999 <sup>12</sup>	0,000001 F	0,002 F	0,000001 F
0,01 G	999967	0,0001 F	0,02 F	0,0001 F
0,1 G	9966799	0,0099834 F	0,2 F	0,01 F
0,2 G	19737532	0,0397361 F	0,4 F	0,04 F
0,3 G	29131261	0,0886815 F	0,6 F	0,09 F
0,4 G	37994896	0,1559070 F	0,8 F	0,16 F
0,5 G	46111716	0,2402290 F	1,0 F	0,25 F
0,6 G	53704957	0,3402706 F	1,2 F	0,36 F
0,7 G	60436778	0,4545405 F	1,4 F	0,49 F
0,8 G	66403677	0,5815071 F	1,6 F	0,64 F
0,9 G	71629787	0,7196609 F	1,8 F	0,81 F
1 G	76159416	0,8675617 F	2 F	1 F
2 G	96402758	2,6500055 F	4 F	4 F
3 G	99505475	4,6186570 F	6 F	9 F
4 G	99932930	6,6143765 F	8 F	16 F
5 G	99990920	8,6137964 F	10 F	25 F
6 G	99998771	10,6137179 F	12 F	36 F
7 G	99999834	12,6137073 F	14 F	49 F
8 G	99999980	14,6137059 F	16 F	64 F
9 G	99999997	16,6137057 F	18 F	81 F
10 G	99999999 <sup>1</sup>	18,6137056 F	20 F	100 F

*Scholium.*

Ut resistentijs Fluidorum investigarem per Experimenta, paravi  
 vas ligneum quadratum, longitudine & latitudine interna digito-  
 rum novem pedis *Londinensis*, profunditate pedum novem cum  
 semisse, idemque implevi aqua pluviali; & globis ex cera & plum-  
 bo incluso formatis, notavi tempora descensus globorum, existente  
 descensus altitudine 112. digitorum pedis. Pes solidus cubicus  
*Londinensis* continet 76 libras *Romanas* aquæ pluvialis, & pedis hu-  
 jus digitus solidus continet  $\frac{1}{12}$  uncias libræ hujus seu grana 253 $\frac{1}{2}$ ,  
 & globus aqueus diametro digiti unius descriptus continet grana  
 132,645

132,645 in Medio aeris, vel grana 132,8 in vacuo; & globus qui-  
libet alius est ut excessus ponderis ejus in vacuo supra pondus ejus  
in aqua.

*Exper. 1.* Globus, cujus pondus erat 156 $\frac{1}{2}$  granorum in aere &  
77 granorum in aqua, altitudinem totam digitorum 112 tempore  
minutorum quatuor secundorum descripsit. Et experimento repe-  
tito, globus iterum cecidit eodem tempore minutorum quatuor se-  
cundorum.

Pondus globi in vacuo est 156 $\frac{1}{2}$  *gran*, & excessus hujus ponde-  
ris supra pondus globi in aqua est 79 $\frac{1}{2}$  *gran*. Unde prodit globi  
diameter 0,84224 partium digiti. Est autem ut excessus ille ad  
pondus globi in vacuo, ita densitas aquæ ad densitatem globi,  
& ita partes octo tertiæ diametri globi (*viz.* 2,24597 *dig.*) ad spa-  
tium 2 F, quod proinde erit 4,4256 *dig.* Globus tempore minati  
unius secundi, toto suo pondere granorum 156 $\frac{1}{2}$ , cadendo in va-  
cuo describet digitos 193 $\frac{1}{2}$ ; & pondere granorum 77, eodem tem-  
pore, absque resistantia cadendo in aqua describet digitos 95,219;  
& tempore G, quod sit ad minutum unum secundum in subduplicata  
ratione spatii F seu 2,2128 *dig.* ad 95,219 *dig.*, describet 2,2128 *dig.*  
& velocitatem maximam H acquireret quacum potest in aqua de-  
scendere. Est igitur tempus G 0",15244. Et hoc tempore G,  
cum velocitate illa maxima H, globus describet spatium 2 F digi-  
torum 4,4256; ideoque tempore minutorum quatuor secundo-  
rum describet spatium digitorum 116,1245. Subducatur spatium  
1,3862944 F seu 3,0676 *dig.* & manebit spatium 113,0569 digito-  
rum quod globus cadendo in aqua, in vase amplissimo, tempore  
minutorum quatuor secundorum describet. Hoc spatium, ob an-  
gustiam vasis lignei prædicti, minui debet in ratione quæ compo-  
nitur ex subduplicata ratione orificii vasis ad excessum orificii hu-  
jus supra semicirculum maximum globi & ex simplici ratione ori-  
ficii ejusdem ad excessum ejus supra circulum maximum globi, id  
est, in ratione 1 ad 0,9914. Quo factò, habebitur spatium 112,08  
digitorum, quod Globus cadendo in aqua in hoc vase ligneo tem-  
pore minutorum quatuor secundorum per Theoriam describere  
debit quamproxime. Descripsit vero digitos 112 per Experi-  
mentum.

*Exper. 2.* Tres Globi æquales, quorum pondera seorsim erant  
76 $\frac{1}{2}$  granorum in aere & 5 $\frac{1}{2}$  granorum in aqua, successive demitte-  
bantur; & unusquisque cecidit in aqua tempore minutorum secun-  
dorum quindecim, casu suo describens altitudinem digitorum 112.

Com-

Computum ineundo prodeunt pondus globi in vacuo  $76\frac{1}{2}$  *gran.*, excessus hujus ponderis supra pondus in aqua  $71\frac{1}{2}$  *gran.*, diameter globi  $0,81296$  *dig.*, octo testæ partes hujus diametri  $2,16789$  *dig.*, spatium 2 F  $2,3217$  *dig.*, spatium quod globus pondere  $5\frac{1}{2}$  *gran.*, tempore 1', absque resistentia cadendo describat  $12,808$  *dig.*, & tempus G  $0',301056$ . Globus igitur, velocitate maxima quacum potest in aqua vi ponderis  $5\frac{1}{2}$  *gran.* descendere, tempore  $0',301056$  describit spatium  $2,3217$  *dig.* & tempore  $15'$  spatium  $115,678$  *dig.* Subducatur spatium  $1,3862944$  F seu  $1,609$  *dig.* & manebit spatium  $114,069$  *dig.* quod proinde globus eodem tempore in vase latissimo cadendo describere debet. Propter angustiam vasis nostri detrahi debet spatium  $0,895$  *dig.* circiter. Et sic manebit spatium  $113,174$  *dig.* quod globus cadendo in hoc vase, tempore  $15'$  describere debuit per Theoriam quamproxime. Descripsit vero digitos 112 per Experimentum. Differentia est insensibilis.

*Exper. 3.* Globi tres æquales, quorum pondera seorsim erant  $121$  *gran.* in aere &  $1$  *gran.* in aqua, successive demittebantur, & cadebant in aqua temporibus  $46'$ ,  $47''$ , &  $50''$ , describentes altitudinem digitorum 112.

Per Theoriam hi globi cadere debuerunt tempore  $40''$  circiter. Quod tardius ceciderunt, vel bullulis nonnullis globo adhærentibus, vel rarefactioni ceræ ad calorem vel tempestatem vel manus globum demittentis, vel erroribus insensibilibus in ponderandis globis in aqua, vel denique minori proportioni resistentiæ quæ a vi inertie in tardis motibus oritur ad resistentiam quæ oritur ab aliis causis, tribuendum esse puto. Ideoque pondus globi in aqua debet esse plurimum granorum ut experimentum certum & fide dignum reddatur.

*Exper. 4.* Experimenta hætenus descripta capì ut investigarem resistentias fluidorum antequam Theoria, in Propositionibus proximè præcedentibus exposita, mihi innotesceret. Postea, ut Theoriam inventam examinarem, paravi vas ligneum latitudine interna digitorum 8½, profunditate pedum quindecim cum triente. Deinde ex cera & plumbo incluso globos quatuor formavi, singulos pondere  $139\frac{1}{2}$  granorum in aere &  $7\frac{1}{2}$  granorum in aqua. Et hos demisi ut tempora cadendi in aqua per pendulum, ad semi-minuta secunda oscillans, mensurarem. Globi, ubi ponderabantur & postea cadebant, frigidi erant & aliquamdiu frigidi manserant, quia calor ceram rarefacit, & per rarefactionem diminuit pondus globi in aqua, & cera rarefacta non statim ad densitatem pristinam per

T t

frigus

frigus reducitur. Antequam caderent, immergebantur penitus in aquam; ne pondere partis alicujus ex aqua extantis descensus eorum sub initio acceleraretur. Et ubi penitus immersi quiescebant, demittebantur quam cautissime, ne impulsus aliquem a manu demittente acciperent. Ceciderunt autem successively temporibus oscillationum  $47\frac{1}{2}$ ,  $48\frac{1}{2}$ , 50 & 51, describentes altitudinem pedum quindecim & digitorum duorum. Sed tempestas jam paulo frigidior erat quam cum globi ponderabantur, ideoque iteravi experimentum alio die, & globi ceciderunt temporibus oscillationum 49,  $49\frac{1}{2}$ , 50 & 53, ac tertio temporibus oscillationum  $49\frac{1}{2}$ , 50, 51 & 53. Et experimento sæpius capto, Globi ceciderunt maxima ex parte temporibus oscillationum  $49\frac{1}{2}$  & 50. Ubi tardius cecidere, suspicor eosdem retardatos fuisse impingendo in latera vasis.

Jam computum per Theoriam ineundo, prodeunt pondus globi in vacuo 139 $\frac{1}{2}$  granorum. Excessus hujus ponderis supra pondus globi in aqua 132 $\frac{1}{2}$  *gran.* Diameter globi 0,99868 *dig.* Octo tertiaræ partes diametri 2,66315 *dig.* Spatium 2 F 2,8066 *dig.* Spatium quod globus pondere  $7\frac{1}{2}$  granorum, tempore minuti unius secundi absque resistentia cadendo describit 9,88164 *dig.* Et tempus G 0",376843. Globus igitur, velocitate maxima quacum potest in aqua vi ponderis  $7\frac{1}{2}$  granorum descendere, tempore 0",376843 describit spatium 2,8066 digitorum, & tempore 1" spatium 7,44766 digitorum, & tempore 25" seu oscillationum 50 spatium 186,1915 *dig.* Subducatur spatium 1,386194 F, seu 1,9454 *dig.* & manebit spatium 184,2461 *dig.* quod globus eodem tempore in vase latissimo describet. Ob angustiam vasis nostri, minuatur hoc spatium in ratione quæ componitur ex subduplicata ratione orificii vasis ad excessum hujus orificii supra semicirculum maximum globi, & simplici ratione ejusdem orificii ad excessum ejus supra circulum maximum globi, & habebitur spatium 181,86 digitorum, quod globus in hoc vase tempore oscillationum 50 describere debuit per Theoriam quamproxime. Descripsit vero spatium 182 digitorum tempore oscillationum  $49\frac{1}{2}$  vel 50 per Experimentum.

*Exper. 5.* Globi quatuor pondere 154 $\frac{1}{2}$  *gran.* in aere & 21 $\frac{1}{2}$  *gran.* in aqua, sæpe demissi, cadebant tempore oscillationum 28 $\frac{1}{2}$ , 29, 29 $\frac{1}{2}$  & 30, & nonnunquam 31, 32 & 33, describentes altitudinem pedum quindecim & digitorum duorum.

Per Theoriam cadere debuerunt tempore oscillationum 29 quamproxime.

*Exper.*

*Exper. 6.* Globi quinque pondere  $212\frac{1}{2}$  gran. in aere &  $79\frac{1}{2}$  in aqua, sæpe demissi, cadebant tempore oscillationum 15,  $15\frac{1}{2}$ , 16, 17 & 18, describentes altitudinem pedum quindecim & digitorum duorum.

Per Theoriam cadere debuerunt tempore oscillationum 15 quamproxime.

*Exper. 7.* Globi quatuor pondere  $293\frac{1}{2}$  gran. in aere &  $35\frac{1}{2}$  gran. in aqua, sæpe demissi, cadebant tempore oscillationum  $29\frac{1}{2}$ , 30,  $30\frac{1}{2}$ , 31, 32 & 33, describentes altitudinem pedum quindecim & digiti unius cum semisse.

Per Theoriam cadere debuerunt tempore oscillationum 28 quamproxime.

Causam investigando cur globorum, ejusdem ponderis & magnitudinis, aliqui citius alii tardius caderent, in hanc incidi, quod globi, ubi primum demittebantur & cadere incipiebant, oscillarent circum centra, latere illo quod forte gravius esset, primum descendente, & motum oscillatorium generante. Nam per oscillationes suas, globus majorem motum communicat aquæ, quam si sine oscillationibus descenderet, & communicando, amittit partem motus proprii quo descendere deberet: & pro majore vel minore oscillatione, magis vel minus retardatur. Quinetiam globus recedit semper a latere suo quod per oscillationem descendit, & recedendo appropinquat lateribus vasis & in latera nonnunquam impingitur. Et hæc oscillatio in globis gravioribus fortior est, & in majoribus aquam magis agitat. Quapropter, ut oscillatio globorum minor redderetur, globos novos ex cera & plumbo construxi, infigendo plumbum in latus aliquod globi prope superficiem ejus, & globum ita demissi, ut latus gravius, quoad fieri potuit, esset infimum ab initio descensus. Sic oscillationes factæ sunt multo minores quam prius, & globi temporibus minus inæqualibus ceciderunt, ut in experimentis sequentibus.

*Exper. 8.* Globi quatuor pondere granorum 139 in aere &  $6\frac{1}{2}$  in aqua, sæpe demissi, ceciderunt temporibus oscillationum non plurius quam 52, non pauciorum quam 50, & maxima ex parte tempore oscillationum 51 circiter, describentes altitudinem digitorum 18.

Per Theoriam cadere debuerunt tempore oscillationum 52 circiter.

*Exper. 9.* Globi quatuor pondere granorum  $273\frac{1}{2}$  in aere &  $140\frac{1}{2}$  in aqua, sæpius demissi, ceciderunt temporibus oscillationum

non pauciorum quam 12, non plurium quam 13, describentes altitudinem digitorum 182.

Per Theoriam vero hi globi cadere debuerunt tempore oscillationum  $11\frac{1}{2}$  quamproxime.

*Exper. 10.* Globi quatuor pondere granorum 384 in aere &  $119\frac{1}{2}$  in aqua, sæpe demissi, cadebant temporibus oscillationum  $17\frac{1}{2}$ , 18,  $18\frac{1}{2}$  & 19, describentes altitudinem digitorum  $181\frac{1}{2}$ . Et ubi ceciderunt tempore oscillationum 19, nonnunquam audiui impulsus eorum in latera vasis antequam ad fundum pervenerunt.

Per Theoriam vero cadere debuerunt tempore oscillationum  $15\frac{1}{2}$  quamproxime.

*Exper. 11.* Globi tres æquales, pondere granorum 48 in aere &  $3\frac{1}{2}$  in aqua, sæpe demissi, ceciderunt temporibus oscillationum  $43\frac{1}{2}$ , 44,  $44\frac{1}{2}$ , 45 & 46, & maxima ex parte 44 & 45, describentes altitudinem digitorum  $182\frac{1}{2}$  quamproxime.

Per Theoriam cadere debuerunt tempore oscillationum  $46\frac{1}{2}$  circiter.

*Exper. 12.* Globi tres æquales, pondere granorum 141 in aere &  $4\frac{1}{2}$  in aqua, aliquoties demissi, ceciderunt temporibus oscillationum 61, 62, 63, 64 & 65, describentes altitudinem digitorum 182.

Et per Theoriam cadere debuerunt tempore oscillationum  $64\frac{1}{2}$  quamproxime.

Per hæc Experimenta manifestum est quod, ubi globi tarde ceciderunt, ut in experimentis secundis, quartis, quintis, octavis, undecimis ac duodecimis, tempora cadendi recte exhibentur per Theoriam: at ubi globi velocius ceciderunt, ut in experimentis sextis, nonis ac decimis, resistentia paulo major extitit quam in duplicata ratione velocitatis. Nam globi inter cadendum oscillant aliquantulum, & hæc oscillatio in globis levioribus & tardius cadentibus, ob motus languorem cito cessat; in gravioribus autem & majoribus, ob motus fortitudinem diutius durat, & non nisi post plures oscillationes ab aqua ambiente cohiberi potest. Quinetiam globi, quo velociores sunt, eo minus premuntur a fluido ad positicas suas partes; & si velocitas perpetuo augeatur, spatium vacuum tandem a tergo relinquent, nisi compressio fluidi simul augeatur. Debet autem compressio fluidi (per Prop. xxxii & xxxiii) augeri in duplicata ratione velocitatis, ut resistentia sit in eadem duplicata ratione. Quoniam hoc non fit, globi velociores paulominus premuntur a tergo, & defectu pressionis hujus, resistentia eorum fit paulo major quam in duplicata ratione velocitatis.

Con-



Congruit igitur Theoria cum phaenomenis corporum cadentium in Aqua, reliquum est ut examinemus phaenomena cadentium in Aere.

*Exper. 13.* A culmine Ecclesiae *Sti Pauli*, in urbe *Londini*, globi duo vitrei simul demittebantur, unus argenti vivi plenus, alter aeris; & cadendo describebant altitudinem pedum *Londinensium* 220. Tabula lignea ad unum ejus terminum polis ferreis suspendebatur, ad alterum pessulo ligneo incumbebat; & globi duo huic Tabulae impositi simul demittebantur, subtrahendo pessulum, ut Tabula polis ferreis solummodo innixa super iisdem devolveretur, & eodem temporis momento pendulum ad minuta secunda oscillans, per filum ferreum a pessulo ad imam Ecclesiae partem tendens, dimitteretur & oscillare inciperet. Diametri & pondera globorum ac tempora cadendi exhibentur in Tabula sequente.

<i>Globorum mercurio plenorum.</i>			<i>Globorum aere plenorum.</i>		
<i>Pondera</i>	<i>Diametri</i>	<i>Tempora cadendi.</i>	<i>Pondera</i>	<i>Diametri</i>	<i>Tempora cadendi.</i>
908 <i>gran.</i>	0,8 <i>digit.</i>	4 <sup>1</sup>	510 <i>gran.</i>	5,1 <i>digit.</i>	8 <sup>1</sup> <sub>2</sub>
983	0,8	4 —	642	5,2	8 —
866	0,8	4 —	599	5,1	8 —
747	0,75	4 +	515	5,0	8 <sup>1</sup> <sub>2</sub>
808	0,75	4 —	483	5,0	8 <sup>1</sup> <sub>2</sub>
784	0,75	4 +	641	5,2	8 —

Cæterum tempora observata corrigi debent. Nam globi mercuriales (per Theoriam *Galilei*) minutis quatuor secundis describent pedes *Londinenses* 257, & pedes 220 minutis tantum 3<sup>1</sup> 42". Tabula lignea utique, detracto pessulo, tardius devolvebatur quam par erat, & tarda sua devolutione impendebat descensum globorum sub initio. Nam globi incumbabant Tabulae prope medium ejus, & paulo quidem propiores erant axi ejus quam pessulo. Et hinc tempora cadendi prorogata fuerunt minutis tertius octodecim circiter, & jam corrigi debent: detrahendo illa minuta, præsertim in globis majoribus qui Tabulae devolventi paulo diutius incumbabant propter magnitudinem diametrorum. Quo facto, temporibus globi sex majores cecidere, evadent 8<sup>1</sup> 12", 7<sup>1</sup> 42", 7<sup>1</sup> 41", 7<sup>1</sup> 57", 8<sup>1</sup> 12", & 7<sup>1</sup> 42".

Glo.

De Motu  
Corporum

Globorum igitur acre plenorum quintus, diametro digitorum quinque pondere granorum 483 constructus, cecidit tempore 8" 12", describendo altitudinem pedum 120. Pondus aquæ huic globo æqualis, est 16600 granorum; & pondus aeris eidem æqualis est  $\frac{16600}{502} \text{ gran.}$  seu 19,1  $\frac{1}{2}$  *gran.*; ideoque pondus globi in vacuo est 502,1  $\frac{1}{2}$  *gran.*; & hoc pondus est ad pondus aeris globo æqualis, ut 502,1 ad 19,1, & ita sunt 2 F ad octo tertias partes diametri globi, id est, ad 13 $\frac{1}{2}$  digitos. Unde 2 F prodeunt 28 *ped.* 11 *dig.* Globus cadendo in vacuo, toto suo pondere 502,1  $\frac{1}{2}$  granorum, tempore minuti unius secundi describit digitos 193 $\frac{1}{2}$  ut supra, & pondere 483 *gran.* describit digitos 185,905, & eodem pondere 483 *gran.* etiam in vacuo describit spatium F seu 14 *ped.* 5 $\frac{1}{2}$  *dig.* tempore 57" 58", & velocitatem maximam acquirit quacum possit in aere descendere. Hac velocitate globus, tempore 8" 12", describet spatium pedum 245 & digitorum 5 $\frac{1}{2}$ . Aufer 1,3863 F seu 20 *ped.* 0 $\frac{1}{2}$  *dig.* & manebunt 225 *ped.* 5 *dig.* Hoc spatium igitur globus, tempore 8" 12", cadendo describere debuit per Theoriam. Descripsit vero spatium 120 pedum per Experimentum. Differentia insensibilis est.

Similibus computis ad reliquos etiam globos acre plenos applicatis, confeci Tabulam sequentem.

Globorum pondera	Diametri	Tempora cadendi ab altitudine pedum 120.	Spatia describenda per Theoriam.	Excessus
510 <i>gran.</i>	5,1 <i>dig.</i>	8" 12"	226 <i>ped.</i> 11 <i>dig.</i>	6 <i>ped.</i> 11 <i>dig.</i>
642	5,2	7 42	230 9	10 9
599	5,1	7 42	227 10	7 10
515	5	7 57	224 5	4 5
483	5	8 12	225 5	5 5
641	5,2	7 42	230 7	10 7

Globorum igitur tam in Aere quam in Aqua motorum resistentia prope omnis per Theoriam nostram recte exhibetur, ac densitati fluidorum, paribus globorum velocitatibus ac magnitudinibus, proportionalis est.

In

In Scholio quod Sectioni sextæ subjunctum est, ostendimus per experimenta pendulorum quod globorum æqualium & æquivelocium in Aere, Aqua, & Argento vivo motorum resistentiæ sunt ut fluidorum densitates. Idem hic ostendimus magis accurate per experimenta corporum cadentium in Aere & Aqua. Nam pendula singulis oscillationibus motum eient in fluido motui penduli redeuntis semper contrarium, & resistentia ab hoc motu oriunda, ut & resistentia fili quo pendulum suspendebatur, totam Penduli resistentiam majorem reddiderunt quam resistentia quæ per experimenta corporum cadentium prodiit. Etenim per experimenta pendulorum in Scholio illo exposita, globus ejusdem densitatis cum Aqua, describendo longitudinem semidiametri suæ in Aere, amittere deberet motus sui partem  $\frac{1}{3142}$ . At per Theoriam in hac septima Sectione expositam & experimentis cadentium confirmatam, globus idem describendo longitudinem eandem, amittere deberet motus sui partem tantum  $\frac{1}{4786}$ , posito quod densitas Aquæ sit ad densitatem Aeris ut 860 ad 1. Resistentiæ igitur per experimenta pendulorum majores prodire (ob causas jam descriptas) quam per experimenta globorum cadentium, idque in ratione 4 ad 3 circiter. Attamen cum pendulorum in Aere, Aqua, & Argento vivo oscillantium resistentiæ a causis similibus similiter augeantur, proportio resistentiarum in his Mediis, tam per experimenta pendulorum, quam per experimenta corporum cadentium, satis recte exhibebitur. Et inde concludi potest quod corporum in fluidis quibuscunque fluidissimis motorum resistentiæ, cæteris paribus, sunt ut densitates fluidorum.

Hic ita stabilitis, dicere jam licet quamnam motus sui partem globus quilibet, in fluido quocunque projectus, dato tempore amittet quamproxime. Sit D diametèr globi, & V velocitas ejus sub initio motus, & T tempus quo globus velocitate V in vacuo describet spatium quod sit ad spatium  $\frac{1}{2}D$  ut densitas globi ad densitatem fluidi: & globus in fluido illo projectus, tempore quovis alio  $t$ , amittet velocitatis suæ partem  $\frac{tV}{T+t}$ , manente parte  $\frac{TV}{T+t}$ , & describet spatium quod sit ad spatium uniformi velocitate V eodem tempore descriptum in vacuo, ut logarithmus numeri  $\frac{T+t}{T}$  multiplicatus per numerum 2,302585093 est ad numerum  $\frac{t}{T}$ , per  
Corol.

Corol. 7, Prop. xxxv. In motibus tardis resistentia potest esse paulo minor, propterea quod figura Globi paulo aptior sit ad motum quam figura Cylindri eadem diametro descripti. In motibus velocibus resistentia potest esse paulo major, propterea quod elasticitas & compressio fluidi non augeantur in duplicata ratione velocitatis. Sed hujusmodi minutias hic non expendo.

Et quamvis Aer, Aqua, Argentum vivum & similia fluida, per divisionem partium in infinitum, subtiliarentur & fierent Media infinite fluida; tamen globis projectis haud minus resisterent. Nam resistentia, de qua agitur in Propositionibus præcedentibus, oritur ab inertia materiæ, & inertia materiæ corporibus essentialis est & quantitati materiæ semper proportionalis. Per divisionem partium fluidi, resistentia quæ oritur a tenacitate & frictione partium, diminui quidem potest: sed quantitas materiæ per divisionem partium ejus non diminuitur, & manente quantitate materiæ, manet ejus vis inertię cui resistentia, de qua hic agitur, semper proportionalis est. Ut hæc resistentia diminuatur, diminui debet quantitas materiæ in spatiis per quæ corpora moventur. Et propterea spatia Cœlestia, per quæ globi Planetarum & Cometarum in omnes partes liberrime & absque omni motus diminutione sensibili perpetuo moventur, fluido omni corporeo destituuntur, si forte vapores longe tenuissimos & trajectos lucis radios excipias.

Projectilia utique motum cient in fluidis progrediendo, & hic motus oritur ab excessu pressionis fluidi ad projectilis partes anticæ supra pressionem ad ejus partes posticas, & non minor esse potest in Mediis infinite fluidis quam in Aere, Aqua, & Argento vivo pro densitate materiæ in singulis. Hic autem pressionis excessus, pro quantitate sua, non tantum motum cient in fluido, sed etiam agit in projectile ad motum ejus retardandum: & propterea resistentia in omni fluido, est ut motus in fluido a projectili excitatus, nec minor esse potest in Æthere subtilissimo pro densitate Ætheris, quam in Aere, Aqua, & Argento vivo pro densitatibus horum fluidorum.

## SECTIO

## S E C T I O VIII.

*De Motu per Fluida propagato.*

## PROPOSITIO XLI. THEOREMA XXXII.

*Pressio non propagatur per Fluidum secundum lineas rectas, nisi ubi particule Fluidi in directum jacent.*

Si jaceant particule  $a, b, c, d, e$  in linea recta, potest quidem pressio directe propagari ab  $a$  ad  $e$ ; at particula  $e$  urgebit particulas oblique positas  $f$  &  $g$  oblique, & particule illæ  $f$  &  $g$  non sustinebunt pressionem illatam, nisi fulciantur a particulis ulterioribus  $b$  &  $k$ ; quatenus autem fulciuntur, premunt particulas fulcientes; & hæ non sustinebunt pressionem nisi fulciantur ab ulterioribus  $l$  &  $m$  easque premant, & sic deinceps in infinitum. Pressio igitur, quam primum propagatur ad particulas quæ non in directum jacent, divaricare incipiet & oblique propagabitur in infinitum; & postquam incipit oblique propagari, si inciderit in particulas ultiores, quæ non in directum jacent, iterum divaricabit; idque toties, quoties in particulas non accurate in directum jacentes inciderit. *Q. E. D.*




*Corol.* Si pressionis, a dato puncto per Fluidum propagatæ, pars aliqua obstaculo interceptiatur; pars reliqua, quæ non interceptiatur, divaricabit in spatia pone obstaculum. Id quod sic etiam demonstrari potest. A puncto  $A$  propagetur pressio quaquaversum, idque si fieri potest secundum lineas rectas, & obstaculo  $NBCK$  perforato in  $BC$ , interceptiatur ea omnis, præter partem Coniformem  $APQ$ , quæ per foramen circulare  $BC$  transit. Planis transversis  $de, fg, hi$  distinguatur conus  $APQ$  in frusta; & interea dum conus  $ABC$ , pressionem propagando, urget frustum

V v

DE MOTU  
CORPORUM.

stum conicum ulterius *defg* in superficie *de*, & hoc frustum urget frustum proximum *fgih* in superficie *fg*, & frustum illud urget frustum tertium, & sic deinceps in infinitum; manifestum est (per motus Legem tertiam) quod frustum primum *defg*, reactione frusti secundi *fgih*, tantum urgebitur & premetur in superficie *fg*, quantum urget & premit frustum illud secundum. Frustum igitur *defg* inter conum *Ade* & frustum *fbig* comprimitur utrinque, & propterea (per Corol. 6. Prop. xix.) figuram suam servare nequit, nisi vi eadem comprimatur undique.



Eodem igitur impetu quo premitur in superficiebus *de*, *fg*, conabitur cedere ad latera *df*, *eg*; ibique (cum rigidum non sit, sed omnimodo Fluidum) excurrat ac dilatabitur, nisi Fluidum ambiens adsit, quo conatus iste cohibeatur. Proinde conatu excurrendi, premet tam Fluidum ambiens ad latera *df*, *eg* quam frustum *fgih* eodem impetu; & propterea pressio non minus propagabitur a lateribus *df*, *eg* in spatia *NO*, *KL* hinc inde, quam propagatur a superficie *fg* versus *PQ*. *Q.E.D.*

P R O.


## PROPOSITIO XLII. THEOREMA XXXIII.

*Motus omnis per Fluidum propagatus divergit a recto tramite in spatia immota.*

*Cas. 1.* Propagetur motus a puncto *A* per foramen *BC*, per-  
gatque (si fieri potest) in spatio conico *BCQ*, secundum li-  
neas rectas divergentes a puncto *C*. Et ponamus primo quod  
motus iste sit undarum in superficie stagnantis aquæ. Sintque  
*de, fg, hi, kl*, &c. undarum singularum partes altissimæ, valli-  
bus totidem intermediis ab invicem distinctæ. Igitur quoniam  
aqua in undarum jugis altior est quam in Fluidi partibus immo-  
tis *LK, NO*, defluet eadem de jugorum terminis *e, g, i, l*, &c.  
*d, f, h, k*, &c. hinc inde, versus *KL* & *NO*: & quoniam in un-  
darum vallibus depressior est quam in Fluidi partibus immotis  
*KL, NO*, defluet eadem de partibus illis immotis in undarum  
valles. Defluxu priore undarum juga, posteriore valles hinc  
inde dilatantur & propagantur versus *KL* & *NO*. Et quo-  
niam motus undarum ab *A* versus *PQ* fit per continuum de-  
fluxum jugorum in valles proximos, adeoque celerior non est  
quam pro celeritate descensus; & descensus aquæ, hinc inde, ver-  
sus *KL* & *NO* eadem velocitate peragi debet; propagabitur  
dilatatio undarum, hinc inde, versus *KL* & *NO*, eadem velo-  
citate qua undæ ipsæ ab *A* versus *PQ* recta progrediuntur.  
Proindeque spatium totum hinc inde, versus *KL* & *NO*, ab  
undis dilatatis *rfgr, shis, tklt, vmnv*, &c. occupabitur.  
*Q. E. D.* Hæc ita se habere quilibet in aqua stagnante expe-  
riri potest.

*Cas. 2.* Ponamus jam quod *de, fg, hi, kl, mn* designent pul-  
sus a puncto *A*, per Medium Elasticum, successive propagatos.  
Pulsus propagari concipe per successivas condensationes & rare-  
factiones Medii, sic ut pulsus cujusque pars densissima sphericam  
occupet superficiem circa centrum *A* descriptam, & inter pulsus  
successivos æqualia intercedant intervalla. Designent autem lineæ  
*de, fg, hi, kl*, &c. densissimas pulsuum partes, per foramen *BC*  
propagatas. Et quoniam Medium ibi densius est quam in spatiis  
hinc inde versus *KL* & *NO*, dilatabit sese tam versus spatia illa  
*KL, NO* utrinque sita, quam versus pulsuum rariora intervalla;

coque pacto rarius semper evadens e regione intervallorum ac densius e regione pulsum, participabit eorundem motum. Et quoniam pulsum progressivus motus oritur a perpetua relaxatione partium densiorum versus antecedentia intervalla rariora; & pulsus eadem fere celeritate sese in Medii partes quiescentes *KL*, *NO* hinc inde relaxare debent; pulsus illi eadem fere celeritate sese dilatabunt undique in spatia immota *KL*, *NO*, qua propagantur directe a centro *A*, adeoque spatium totum *KLON* occupabunt. *Q.E.D.* Hoc experimur in Sonis, qui vel monte interposito audiuntur, vel in cubiculum per fenestram admissi sese in omnes cubiculi partes dilatant, inque angulis omnibus audiuntur, non tam reflexi a parietibus oppositis, quam a fenestra directe propagati, quantum ex sensu judicare licet.



*Cas. 3.* Ponamus denique quod motus cujuscunque generis propagetur ab *A* per foramen *BC*: & quoniam propagatio ista non fit, nisi quatenus partes Medii centro *A* propiores urgent commoventque partes ulteriores; & partes quæ urgentur fluidæ sunt, ideoque recedunt quaquaversum in regiones ubi minus premuntur:



muntur: recedent eadem versus Medii partes omnes quiescentes, tam laterales  $KL$  &  $NO$ , quam anteriores  $PQ$ , eoque pacto motus omnis, quam primum per foramen  $BC$  tranſiit, dilatari incipiet & abinde, tanquam a principio & centro, in partes omnes directe propagari.  $Q.E.D.$

## PROPOSITIO XLIII. THEOREMA XXXIV.

*Corpus omne tremulum in Medio Elastico propagabit motum pulsum undique in directum; in Medio vero non Elastico motum circularem excitabit.*

*Cas. 1:* Nam partes corporis tremuli vicibus alternis eundo & redeundo, ita suo urgebunt & propellent partes Medii sibi proximas, & urgendo compriment easdem & condensabunt; dein reditu suo sinent partes compressas recedere & sese expandere. Igitur partes Medii corpori tremulo proximæ ibunt & redibunt per vices, ad instar partium corporis illius tremuli: & qua ratione partes corporis hujus agitabant hæc Medii partes, hæc similibus tremoribus agitæ agitabunt partes sibi proximas, eæque similiter agitæ agitabunt posteriores, & sic deinceps in infinitum. Et quemadmodum Medii partes primæ eundo condensantur & redeundo relaxantur, sic partes reliquæ quoties eunt condensabuntur, & quoties redeunt sese expandent. Et propterea non omnes ibunt & simul redibunt (sic enim determinatas ab invicem distantias servando, non rarefierent & condensarentur per vices) sed accedendo ad invicem ubi condensantur, & recedendo ubi rarefiunt, aliquæ earum ibunt dum aliæ redeunt; idque vicibus alternis in infinitum. Partes autem euntes & eundo condensatæ, ob motum suum progressivum quo feriunt obstacula, sunt pulsus; & propterea pulsus successivi a corpore omni tremulo in directum propagabuntur; idque æqualibus circiter ab invicem distantis, ob æqualia temporis intervalla, quibus corpus tremoribus suis singulis singulos pulsus excitat. Et quanquam corporis tremuli partes eant & redeant secundum plagam aliquam certam & determinatam, tamen pulsus inde per Medium propagati sese dilatabunt ad latera, per Propositionem præcedentem; & a corpore illo tremulo tanquam centro communi, secundum superficies propemodum sphericas & concentricas, undique propagabuntur. Cujus rei

DE MOTU  
CORPORUM

rei exemplum aliquod habemus in Undis, quæ si digito tremulo excitentur, non solum pergunt hinc inde secundum plagam motus digiti, sed, in modum circulorum concentricorum, digitum statim cingent & undique propagabuntur. Nam gravitas Undarum supplet locum vis Elasticæ.

*Cas. 2.* Quod si Medium non sit Elasticum: quoniam ejus partes a corporis tremuli partibus vibratis pressæ condensari nequeunt, propagabitur motus in instanti ad partes ubi Medium facillime cedit, hoc est, ad partes quas corpus tremulum alioqui vacuas a tergo relinqueret. Idem est casus cum casu corporis in Medio quocunque projecti. Medium cedendo projectilibus, non recedit in infinitum, sed in circulum eundo, pergit ad spatia quæ corpus relinquit a tergo. Igitur quoties corpus tremulum pergit in partem quancunque, Medium cedendo perget per circulum ad partes quas corpus relinquit, & quoties corpus regreditur ad locum priorem, Medium inde repelletur & ad locum suum priorem redibit. Et quamvis corpus tremulum non sit firmum, sed modis omnibus flexile, si tamen magnitudine datum maneat, quoniam tremoribus suis nequit Medium ubivis urgere, quin alibi eidem simul cedat; efficiet ut Medium, recedendo a partibus ubi premitur, pergat semper in orbem ad partes quæ eidem cedunt. *Q. E. D.*


*Corol.* Hallucinantur igitur qui credunt agitationem partium Flammæ ad pressionem, per Medium ambiens, secundum lineas rectas propagandam conducere. Debebit ejusmodi pressio non ab agitatione sola partium Flammæ, sed a totius dilatatione derivari.

#### PROPOSITIO XLIV. THEOREMA XXXV.

*Si aqua in Canalis cruribus erectis KL, MN vicibus alternis ascendat & descendat; construaturs autem Pendulum cujus longitudo inter punctum suspensionis & centrum oscillationis aquetur semissi longitudinis aquæ in Canali: dico quod aqua ascendet & descendet iisdem temporibus quibus Pendulum oscillatur.*

Longitudinem aquæ mensuro secundum axes canalis & crurum, eandem summæ horum axium æquando, & resistentiam aquæ quæ oritur

oritur ab attritu canalıs, hic non confidero. Designent igitur  $AB$ ,  $CD$  mediocrem altitudinem aquę in crure utroque, & ubi aqua in crure  $KL$  ascendit ad altitudinem  $EF$ , descenderit aqua in crure  $MN$  ad altitudinem  $GH$ . Sit autem  $P$  corpus pendulum,  $VP$  filum,  $V$  punctum suspensionis,  $SPQR$  Cyclois quam Pendulum describat,  $P$  ejus punctum infimum,  $PQ$  arcus altitudini  $AE$  æqualis. Vis, qua motus aquę alternis vicibus acceleratur



& retardatur, est excessus ponderis aquę in alterutro crure supra pondus in altero, ideoque, ubi aqua in crure  $KL$  ascendit ad  $EF$ , & in crure altero descendit ad  $GH$ , vis illa est pondus duplicatum aquę  $EABF$ , & propterea est ad pondus aquę totius ut  $AE$  seu  $PQ$  ad  $VP$  seu  $PR$ . Vis etiam, qua pondus  $P$  in loco quovis  $Q$  acceleratur & retardatur in Cycloide, (per Corol. Prop. LI.) est ad ejus pondus totum, ut ejus distantia  $PQ$  a loco infimo  $P$ , ad Cycloidis longitudinem  $PR$ . Quare aquę & penduli, æqualia spatia  $AE$ ,  $PQ$  describentium, vires motrices sunt ut pondera movenda; ideoque, si aqua & pendulum in principio quiescunt, vires illę movebunt eadem æqualiter temporibus æqualibus, efficientque ut motu reciproco simul eant & redeant. *Q. E. D.*

*Corol. 1.* Igitur aquę ascendentis & descendētis, siue motus intensior sit siue remissior, vices omnes sunt Isochronę.

*Corol. 2.* Si longitudo aquę totius in canali sit pedum *Parisensium*  $6\frac{1}{2}$ : aqua tempore minuti unius secundi descendet, & tempore minuti alterius secundi ascendet, & sic deinceps vicibus alternis in infinitum. Nam pendulum pedum  $3\frac{1}{2}$  longitudinis, tempore minuti unius secundi oscillatur.

*Corol.*

*Corol. 3.* Aucta autem vel diminuta longitudine aquæ, auge-  
tur vel diminuitur tempus reciprocationis in longitudinis ratione  
subduplicata.

# PROPOSITIO XLV. THEOREMA XXXVI.

*Undarum velocitas est in subduplicata ratione latitudinum.*

Consequitur ex constructione Propositionis sequentis.

# PROPOSITIO XLVI. PROBLEMA X.

*Invenire velocitatem Undarum.*

Constituatur Pendulum cujus longitudo, inter punctum suspen-  
sionis & centrum oscillationis, æquetur latitudini Undarum: & quo  
tempore pendulum illud oscillationes singulas peragit, eodem Un-  
dæ progrediendo latitudinem suam propemodum conficiant.

Undarum latitudinem voco mensuram transversam, quæ vel val-  
libus imis, vel summis culminibus interjacet. Designet *ABCDEF*  
superficiem aquæ stagnantis, undis successivis ascendentem ac de-  
scendentem; sintque *A, C, E*, &c. undarum culmina; & *B, D, F*, &c.  
valles intermedii. Et quoniam motus undarum fit per aquæ suc-  
cessivum ascensum & descensum, sic ut ejus partes *A, C, E*, &c.  
quæ nunc altissimæ sunt, mox fiant infimæ; & vis motrix, qua  
partes altissimæ descendunt & infimæ ascendant, est pondus aquæ  
elevatæ; alternus ille ascensus & descensus analogus erit motui re-  
ciproco aquæ in canali, easdemque temporis leges observabit: &  
propterea (per Prop. XLIV) si distantia inter undarum loca altis-  
sima *A, C, E* & infima *B, D, F* æquantur duplæ penduli longitu-  
dini; partes altissimæ *A, C, E*, tempore oscillationis unius evadent  
infimæ, & tempore oscillationis alterius denuo ascendent. Igitur  
inter transitum Undarum singularum tempus erit oscillationum  
duarum; hoc est, Unda describet latitudinem suam, quo tempore  
pendulum illud bis oscillatur; sed eodem tempore pendulum, cu-  
jus longitudo quadrupla est, adeoque æquat undarum latitudinem,  
oscillabitur semel. *Q.E.I.*


*Corol. 1.* Igitur Undæ, quæ pedes *Parisienses*  $3\frac{1}{2}$  latæ sunt,  
tempore minuti unius secundi progrediendo latitudinem suam con-  
ficient; adeoque tempore minuti unius primi percurrent pedes  
 $183\frac{1}{2}$ , & horæ spatio pedes 11000 quamproxime.

*Corol. 2.*

LINER  
SECONDARY

Hæc ita se habent ex Hypothesi quod partes aquæ recta ascendunt vel recta descendunt, sed ascensus & descensus ille verius fit per circumulum, ideoque tempus hac Propositione non nisi quamproxime definitum esse affirmo.

*Pulvis per Fluidum propagatis, singule Fluidi  
particule, motu reciproco brevissimo euntes &  
redeuntes, accelerantur semper & retardantur  
pro lege oscillantis Penduli.*



Designent  $AB, BC, CD$ , &c. pulsuum successivorum æquales distantias;  $ABC$  plagam motus pulsuum ab  $A$  versus  $B$  propagati;  $E, F, G$  puncta tria Physica Medii quiescentis, in recta  $AC$  ad æquales ab invicem distantias sita;  $Ee, Ff, Gg$ , spatia æqualia perbrevia per


quæ puncta illa motu reciproco singulis vibrationibus eunt & redeunt;  $\phi, \psi, \gamma$  loca quævis intermedia eorundem punctorum; &  $EF, FG$  lineolas Physicas seu Medii partes lineares punctis illis interjectas, & successive translatas in loca  $\phi, \psi, \gamma$  &  $ef, fg$ . Rectæ  $Ee$  æqualis ducatur recta  $PS$ . Bifecetur eadem in  $O$ , centroque  $O$  & intervallo  $OP$  describatur circulus  $SIPi$ . Per hujus circumferentiam totam cum partibus suis exponatur tempus totum vibrationis unius cum ipsius partibus proportionalibus, sic ut completo tempore quovis  $PH$  vel  $PHSh$ , si demittatur ad  $PS$  perpendiculariculum  $HL$  vel  $hl$ , & capiatur  $Ei$  æqualis  $PL$  vel  $Pl$ , punctum Physicum  $E$  reperitur

**Xx**

**in**

in 6. Hac lege punctum quodvis  $E$ , eundo ab  $E$  per  $\epsilon$  ad  $e$ , & inde redeundo per  $\epsilon$  ad  $E$ , iisdem accelerationis ac retardationis gradibus vibrationes singulas peraget cum oscillante Pendulo. Probandum est quod singula Medii puncta Physica tali motu agitari debeant. Fingamus igitur Medium tali motu a causa quacunque cieri, & videamus quid inde sequatur.

In circumferentia  $PHSb$  capiuntur æquales arcus  $HI$ ,  $IK$  vel  $bi$ ,  $ik$ , eam habentes rationem ad circumferentiam totam quam habent æquales rectæ  $EF$ ,  $FG$  ad pulsuum intervallum totum  $BC$ . Et demissis perpendicularibus  $IM$ ,  $KN$  vel  $im$ ,  $kn$ ; quoniam puncta  $E$ ,  $F$ ,  $G$  motibus similibus successive agitantur, & vibrationes suas integras ex itu & reditu compositas interea peragunt dum pulsus transfertur a  $B$  ad  $C$ ; si  $PH$  vel  $PHSb$  sit tempus ab initio motus puncti  $E$ , erit  $PI$  vel  $PHSi$  tempus ab initio motus puncti  $F$ , &  $PK$  vel  $PHSk$  tempus ab initio motus puncti  $G$ ; & propterea  $E\epsilon$ ,  $F\phi$ ,  $G\gamma$  erunt ipsis  $PL$ ,  $PM$ ,  $PN$  in itu punctorum, vel ipsis  $Pl$ ,  $Pm$ ,  $Pn$  in punctorum reditu, æquales respective. Unde  $\epsilon\gamma$  seu  $EG + G\gamma - E\epsilon$  in itu punctorum æqualis erit  $EG - LN$ ; in reditu autem æqualis  $EG + ln$ . Sed  $\epsilon\gamma$  latitudo est seu expansio partis Medii  $EG$  in loco  $\epsilon\gamma$ ; & propterea expansio partis illius in itu, est ad ejus expansionem mediocrem, ut  $EG - LN$  ad  $EG$ ; in reditu autem ut  $EG + ln$  seu  $EG + LN$  ad  $EG$ . Quare cum sit  $LN$  ad  $KH$  ut  $IM$  ad radium  $OP$ , &  $KH$  ad  $EG$  ut circumferentia  $PHSbP$  ad  $BC$ , id est (si ponatur  $V$  pro radio circuli circumferentiam habentis æqualem intervallo pulsuum  $BC$ ) ut  $OP$  ad  $V$ ; & ex æquo  $LN$  ad  $EG$ , ut  $IM$  ad  $V$ : erit expansio partis  $EG$  punctive Physici  $F$  in loco  $\epsilon\gamma$ , ad expansionem



panfionem mediocrem quam pars illa habet in loco suo primo  $EG$ , ut  $V-IM$  ad  $V$  in itu, utque  $V+im$  ad  $V$  in reditu. Unde vis elastica puncti  $F$  in loco  $\epsilon\gamma$ , est ad vim ejus elasticam mediocrem in loco  $EG$ , ut  $\frac{1}{V-IM}$  ad  $\frac{1}{V}$  in itu, in reditu vero ut

$\frac{1}{V+im}$  ad  $\frac{1}{V}$ . Et eodem argumento vires elasticæ punctorum

Physicorum  $E$  &  $G$  in itu, sunt ut  $\frac{1}{V-HL}$  &  $\frac{1}{V-KN}$

ad  $\frac{1}{V}$ , & virium differentia ad Medii vim elasticam mediocrem,

ut  $\frac{HL-KN}{VV-V \times HL-V \times KN+HL \times KN}$  ad  $\frac{1}{V}$ . Hoc est, ut  $\frac{HL-KN}{VV}$  ad  $\frac{1}{V}$ , sive ut  $HL-KN$  ad  $V$ , si modo (ob angulos limites vibrationum) supponamus  $HL$  &  $KN$  indefinite minores esse quantitate  $V$ . Quare cum quantitas  $V$  detur, differentia virium est ut  $HL-KN$ , hoc est (ob proportionales  $HL-KN$  ad  $HK$ , &  $OM$  ad  $OI$  vel  $OP$ , dataeque  $HK$  &  $OP$ ) ut  $OM$ , id est, si  $Ff$  bifecetur in  $\Omega$ , ut  $\Omega\phi$ . Et eodem argumento differentia virium elasticarum punctorum Physicorum  $\epsilon$  &  $\gamma$ , in reditu lineolæ Physicæ  $\epsilon\gamma$  est ut  $\Omega\phi$ . Sed differentia illa (id est, excessus vis elasticæ puncti  $\epsilon$  supra vim elasticam puncti  $\gamma$ ) est vis qua interjecta Medii lineolæ Physicæ  $\epsilon\gamma$  acceleratur, & propterea vis acceleratrix lineolæ Physicæ  $\epsilon\gamma$ , est ut ipsius distantia a medio vibrationis loco  $\Omega$ . Proinde tempus (per Prop. xxxviii. Lib. i.) recte exponitur per arcum  $PI$ , & Medii pars linearis  $\epsilon\gamma$  lege præscripta movetur, id est, lege oscillantis Penduli: estque par ratio partium omnium linearium ex quibus Medium totum componitur. *Q.E.D.*

*Corol.* Hinc patet quod numerus pulsuum propagatorum idem sit cum numero vibrationum corporis tremuli, neque multiplicatur in eorum progressu. Nam lineolæ Physicæ  $\epsilon\gamma$ , quamprimum ad locum suum primum redierit, quiescet, neque deinceps movebitur, nisi vel ab impetu corporis tremuli, vel ab impetu pulsuum qui a corpore tremulo propagantur, motu novo cicatur. Quiescet igitur quamprimum pulsus a corpore tremulo propagari desinunt.

## PROPOSITIO XLVIII. THEOREMA XXXVIII.

*Pulsuum in Fluido Elastico propagatorum velocitates, sunt in ratione composita ex subduplicata ratione vis Elasticæ directæ & subduplicata ratione densitatis inversæ; si modo Fluidi vis Elastica ejusdem condensationi proportionalis esse supponatur.*

*Cas. 1.* Si Media sint homogenea, & pulsuum distantix in his Mediis æquantur inter se, sed motus in uno Medio intensior sit: contractiones & dilatationes partium analogarum erunt ut iidem motus. Accurata quidem non est hæc proportio. Verum tamen nisi contractiones & dilatationes sint valde intensæ, non errabit sensibilibiter, ideoque pro Physice accurata haberi potest. Sunt autem vires Elasticæ motrices ut contractiones & dilatationes; & velocitates partium æqualium simul genitæ sunt ut vires. Ideoque æquales & correspondentes pulsuum correspondentium partes, itus & reditus suos per spatia contractionibus & dilatationibus proportionalia, cum velocitatibus quæ sunt ut spatia, simul peragent: & propterea pulsus, qui tempore itus & reditus unius latitudinem suam progrediendo conficiunt, & in loca pulsuum proxime præcedentium semper succedunt, ob æqualitatem distantiarum, æquali cum velocitate in Medio utroque progredientur.

*Cas. 2.* Sin pulsuum distantix seu longitudoines sint majores in uno Medio quam in altero; ponamus quod partes correspondentes spatia latitudinibus pulsuum proportionalia singulis vicibus eundo & redeundo describant: & æquales erunt earum contractiones & dilatationes. Ideoque si Media sint homogenea, æquales erunt etiam vires illæ Elasticæ motrices quibus reciproco motu agitantur. Materia autem his viribus movenda, est ut pulsuum latitudo; & in eadem ratione est spatium per quod singulis vicibus eundo & redeundo moveri debent. Estque tempus itus & reditus unius in ratione composita ex ratione subduplicata materiæ & ratione subduplicata spatii, atque adeo ut spatium. Pulsus autem temporibus itus & reditus unius eundo latitudines suas conficiunt, hoc est, spatia temporibus proportionalia percurrunt, & propterea sunt æquveloces.

*Cas. 3.* In Mediis igitur densitate & vi Elastica paribus, pulsus omnes sunt æquveloces. Quod si Medii vel densitas vel vis Elastica intendatur, quoniam vis motrix in ratione vis Elasticæ, & materia movenda in ratione densitatis augetur; tempus quo motus



tus iidem peragantur ac prius, augebitur in subduplicata ratione densitatis, ac diminuetur in subduplicata ratione vis Elasticæ. Et propterea velocitas pulsuum erit in ratione composita ex ratione subduplicata densitatis Medii inverse & ratione subduplicata vis Elasticæ directe. Q. E. D.

Hæc Propositio ulterius patebit ex constructione sequentis.

# PROPOSITIO XLIX. PROBLEMA XI.

*Datis Medii densitate & vi Elastica, invenire velocitatem pulsuum.*

Fingamus Medium ab incumbente pondere, pro more Aeris nostri comprimi, sitque A altitudo Medii homogenei, cuius pondus æquet pondus incumbens, & cuius densitas eadem sit cum densitate Medii compressi, in quo pulsus propagantur. Constitui autem intelligatur Pendulum, cuius longitudo inter punctum suspensionis & centrum oscillationis sit A: & quo tempore Pendulum illud oscillationem integram ex itu & reditu compositam peragit, eodem pulsus cundo conficiet spatium circumferentiæ circuli radio A descripti æquale.

Nam stantibus quæ in Propositione XLVII constructa sunt, si linea quævis Physica EF, singulis vibrationibus describendo spatium PS, urgeatur in extremis itus & reditus cuiusque locis P & S, a vi Elastica quæ ipsius ponderi æquetur, peraget hæc vibrationes singulas quo tempore eadem in Cycloide, cuius perimenter tota longitudini PS æqualis est, oscillari possit: id adeo quia vires æquales æqualia corpuscula per æqualia spatia simul impellent. Quare cum oscillationum tempora sint in subduplicata ratione longitudinis Pendulorum, & longitudo Penduli æquetur dimidio arcui Cycloidis totius, foret tempus vibrationis unius ad tempus oscillationis Penduli cuius longitudo est A, in subduplicata ratione longitudinis  $\frac{1}{2}PS$  seu PO ad longitudinem A. Sed vis Elastica qua lineola Physica EG, in locis suis extremis P, S existens, urgetur, erat (in demonstratione Propositionis XLVII) ad ejus vim totam Elasticam ut HL-KN ad V, hoc est (cum punctum K jam incidat in P) ut HK ad V: & vis illa tota, hoc est pondus incumbens, quo lineola EG comprimitur, est ad pondus lineolæ ut ponderis incumbentis altitudo A ad lineolæ longitudinem EG, adeoque ex æquo, vis qua lineola EG in locis suis P & S urgetur, est ad lineolæ illius pondus ut HK x A ad V x EG, sive ut PO x A ad VV, nam HK erat ad EG ut PO

DE MOTU  
CORPORUM.

*PO* ad *V*. Quare cum tempora, quibus æqualia corpora per æqualia spatia impelluntur, sint reciproce in subduplicata ratione virium, erit tempus vibrationis unius urgente vi illa Elastica, ad tempus vibrationis urgente vi ponderis, in subduplicata ratione *VV* ad *PO*  $\times$  *A*, atque adeo ad tempus oscillationis Penduli cujus longitudo est *A*, in subduplicata ratione *VV* ad *PO*  $\times$  *A*, & subduplicata ratione *PO* ad *A* conjunctim; id est, in ratione integra *V* ad *A*. Sed tempore vibrationis unius ex itu & reditu compositæ, pulsus progrediendo conficit latitudinem suam *BC*. Ergo tempus quo pulsus percurrit spatium *BC*, est ad tempus oscillationis unius ex itu & reditu compositæ, ut *V* ad *A*, id est, ut *BC* ad circumferentiam circuli cujus radius est *A*. Tempus autem, quo pulsus percurreret spatium *BC*, est ad tempus quo percurreret longitudinem huic circumferentiæ æqualem, in eadem ratione, ideoque tempore talis oscillationis pulsus percurreret longitudinem huic circumferentiæ æqualem. *Q. E. D.*

*Corol. 1.* Velocitas pulsuum ea est quam acquirunt Gravia, æqualiter accelerato motu cadendo, & casu suo describendo dimidium altitudinis *A*. Nam tempore casus hujus, cum velocitate cadendo acquisita, pulsus percurreret spatium quod erit æquale toti altitudini *A*, adeoque tempore oscillationis unius ex itu & reditu compositæ, percurreret spatium æquale circumferentiæ circuli radio *A* descripti: est enim tempus casus ad tempus oscillationis ut radius circuli ad ejusdem circumferentiam.

*Corol. 2.* Unde cum altitudo illa *A* sit ut Fluidi vis Elastica directe & densitas ejusdem inverse, velocitas pulsuum erit in ratione composita ex subduplicata ratione densitatis inverse & subduplicata ratione vis Elasticæ directe.

## PROPOSITIO L. PROBLEMA XII.

*Invenire pulsuum distantias.*

Corporis, cujus tremore pulsus excitantur, inveniatur numerus Vibrationum dato tempore. Per numerum illum dividatur spatium quod pulsus eodem tempore percurrere possit, & pars inventa erit pulsus unius latitudo. *Q. E. I.*

*Scholium.*

Spectant Propositiones novissimæ ad motum Lucis & Sonorum. Lux enim cum propagetur secundum lineas rectas, in actione sola (per

(per Prop. XLI. & XLII.) consistere nequit. Soni vero propterea quod a corporibus tremulis oriuntur, nihil aliud sunt quam aeris pulsus propagati, per Prop. XLIII. Confirmatur id ex tremoribus quos excitant in corporibus objectis, si modo vehementes sint & graves, quales sunt soni Tympanorum. Nam tremores celeriores & breviores difficilius excitantur. Sed & sonos quosvis, in chordas corporibus sonoris unisonas impactos, excitare tremores notissimum est. Confirmatur etiam ex velocitate sonorum. Nam cum pondera specifica Aquæ pluvialis & Argenti vivi sint ad invicem ut 1 ad 13 $\frac{1}{2}$  circiter, & ubi Mercurius in *Barometro* altitudinem attingit digitorum *Anglicorum* 30, pondus specificum Aeris & aquæ pluvialis sint ad invicem ut 1 ad 870 circiter: erunt pondera specifica aeris & argenti vivi ut 1 ad 11890. Proinde cum altitudo argenti vivi sit 30 digitorum, altitudo aeris uniformis, cujus pondus aerem nostrum subiectum comprimere posset, erit 356700 digitorum, seu pedum *Anglicorum* 29725. Estque hæc altitudo illa ipsa quam in constructione superioris Problematis nominavimus A. Circuli radio 29725 pedum descripti circumferentia est pedum 186768. Et cum Pendulum digitos 39 $\frac{1}{2}$  longum, oscillationem ex ita & reditu compositam, tempore minutorum duorum secundorum, uti notum est, absolvat, Pendulum pedes 29725, seu digitos 356700 longum, oscillationem consimilem tempore minutorum secundorum 190 $\frac{1}{2}$  absolvere debet. Eo igitur tempore sonus progrediendo conficiet pedes 186768, adeoque tempore minuti unius secundi pedes 979.

Cæterum in hoc computo nulla habetur ratio crassitudinis solidarum particularum aeris, per quam sonus utique propagatur in instanti. Cum pondus aeris sit ad pondus aquæ ut 1 ad 870, & sales sint fere duplo densiores quam aqua; si particulæ aeris ponantur esse ejusdem circiter densitatis cum particulis vel aquæ vel salium, & raritas aeris oriatur ab intervallis particularum: diameter particulæ aeris erit ad intervallum inter centra particularum, ut 1 ad 9 vel 10 circiter, & ad intervallum inter particulas ut 1 ad 8 vel 9. Proinde ad pedes 979 quos sonus tempore minuti unius secundi juxta calculum superiorem conficiet, addere licet pedes  $\frac{22}{9}$  seu 109 circiter, ob crassitudinem particularum aeris: & sic sonus tempore minuti unius secundi conficiet pedes 1088 circiter.

His adde quod vapores in aere latentes, cum sint alterius elarieris & alterius toni, vix aut ne vix quidem participant motum aeris veri quo soni propagantur. His autem quiescentibus, mo-

tus

tus ille celerius propagabitur per solum aerem verum, idque in subduplicata ratione minoris materiæ. Ut si Atmosphæra constet ex decem partibus aeris veri & una parte vaporum, motus sonorum celerior erit in subduplicata ratione 11 ad 10, vel in integra circiter ratione 21 ad 20, quam si propagaretur per undecim partes aeris veri: ideoque motus sonorum supra inventus, augendus erit in hac ratione. Quo pacto sonus, tempore minuti unius secundi, conficiet pedes 1142.

Hæc ita se habere debent tempore verno & autumnali, ubi aer per calorem temperatum rarefcit & ejus vis elastica nonnihil intenditur. At hyberno tempore, ubi aer per frigus condensatur, & ejus vis elastica remittitur, motus sonorum tardior esse debet in subduplicata ratione densitatis, & vicissim æstivo tempore debet esse velocior.

Constat autem per experimenta quod soni tempore minuti unius secundi cundo, conficiunt pedes *Londinenses* plus minus 1142, *Parisienses* vero 1070.


Cognita sonorum velocitate innotescunt etiam intervalla pulsum. Invenit utique *D. Sauveur* (factis a se experimentis) quod fistula aperta, cujus longitudo est pedum *Parisiensium* plus minus quinque, sonum edit ejusdem toni cum sono chordæ quæ tempore minuti unius secundi centies recurrit. Sunt igitur pulsus plus minus centum in spatio pedum *Parisiensium* 1070, quos sonus tempore minuti unius secundi percurrit; adeoque pulsus unus occupat spatium pedum *Parisiensium* quasi 10 $\frac{7}{10}$ , id est, duplam circiter longitudinem fistulæ. Unde verisimile est quod latitudines pulsum, in omnium apertarum fistularum sonis, æquantur duplis longitudinibus fistularum.

Porro cur soni cessante motu corporis sonori statim cessant, neque diutius audiuntur ubi longissime distamus a corporibus sonoris, quam cum proxime absumus, patet ex Corollario Propositionis XLVII Libri hujus. Sed & cur soni in Tubis stenterophonicis valde augmentur, ex allatis principiis manifestum est. Motus enim omnis reciprocos singulis recursibus a causa generante augeri solet. Motus autem in Tubis dilatationem sonorum impediens, tardius amittitur & fortius recurrit, & propterea a motu novo singulis recursibus impresso, magis augetur. Et hæc sunt præcipua Phenomena Sonorum.

## S E C T I O



minor ex parte concava quam ex parte convexa, prævalebit impressio fortior, & motum Orbis vel accelerabit vel retardabit, prout in eandem regionem cum ipsius motu vel in contrariam dirigitur. Proinde ut Orbis unusquisque in motu suo uniformiter perseveret, debent impressiones ex parte utraque sibi invicem æquare, & fieri in regiones contrarias. Unde cum impressiones sunt ut contiguae superficies & harum translationes ab invicem, erunt translationes inverse ut superficies, hoc est, inverse ut superficierum distantiae ab axe. Sunt autem differentiae motuum angularium circa axem ut hæ translationes applicatae ad distantias, sive ut translationes directe & distantiae inverse; hoc est (conjunctis rationibus) ut quadrata distantiarum inverse. Quare si ad infinitæ rectæ  $SABCDEQ$  partes singulas erigantur perpendiculara  $Aa, Bb, Cc, Dd, Ee$ , &c. ipsarum  $SA, SB, SC, SD, SE$ , &c. quadratis reciproce proportionalia, & per terminos perpendicularium duci intelligatur linea curva Hyperbolica, erunt summæ differentiarum, hoc est, motus toti angulares, ut respondentes summæ linearum  $Aa, Bb, Cc, Dd, Ee$ : id est, si ad constituendum Medium uniformiter fluidum, Orbium numerus augeatur & latitudo minuat in infinitum, ut arcæ Hyperbolicae his summis analogæ  $AaQ, BbQ, CcQ, DdQ, EeQ$ , &c. Et tempora motibus angularibus reciproce proportionalia, erunt etiam his arcis reciproce proportionalia. Est igitur tempus periodicum particulæ cujusvis  $D$  reciproce ut area  $DdQ$ , hoc est, (per notas Curvarum quadraturas) directe ut distantia  $SD$ .  $Q.E.D.$



*Corol. 1.* Hinc motus angulares particularum fluidi sunt reciproce ut ipsarum distantiae ab axe cylindri, & velocitates abfolutæ sunt æquales.

*Corol. 2.* Si fluidum in vase cylindrico longitudinis infinitæ contineatur, & cylindrum alium interiorem contineat, revolvatur autem cylindrus uterque circa axem communem, sintque revolutionum

tionum tempora ut ipsorum semidiametri, & perseveret fluidi pars unaquæque in motu suo: erunt partium singularum tempora periodica ut ipsarum distantie ab axe cylindrorum.

*Corol. 3.* Si cylindro & fluido ad hunc modum motis addatur vel auferatur communis quilibet motus angularis, quoniam hoc novo motu non mutatur attritus mutuus partium fluidi, non mutabuntur motus partium inter se. Nam translationes partium ab invicem pendent ab attritu. Pars quælibet in eo perseverabit motu, qui, attritu utrinque in contrarias partes facto, non magis acceleratur quam retardatur.

*Corol. 4.* Unde si toti cylindrorum & fluidi Systemati auferatur motus omnis angularis cylindri exterioris, habebitur motus fluidi in cylindro quiescente.

*Corol. 5.* Igitur si fluido & cylindro exteriore quiescentibus, revolvatur cylindrus interior uniformiter; communicabitur motus circularis fluido, & paulatim per totum fluidum propagabitur, nec prius desinet augeri quam fluidi partes singulæ motum Corollario quarto definitum acquirant.

*Corol. 6.* Et quoniam fluidum conatur motum suum adhuc latius propagare, hujus impetu circumagetur etiam cylindrus exterior nisi violenter detentus, & accelerabitur ejus motus quoad usque tempora periodica cylindri utriusque æquantur inter se. Quod si cylindrus exterior violenter detineatur, conabitur is motum fluidi retardare; & nisi cylindrus interior vi aliqua extrinsecus impressa motum illum conservet, efficiet ut idem paulatim cesset.

Quæ omnia in Aqua profunda stagnante experiri licet.

## PROPOSITIO LII. THEOREMA XL.

*Si Sphæra solida, in Fluido uniformi & infinito; circa axem positione datum uniformi cum motu revolvatur, & ab hujus impulsu solo agatur Fluidum in orbem; perseveret autem Fluidi pars unaquæque uniformiter in motu suo: dico quod tempora periodica partium Fluidi erunt ut quadrata distantiarum à centro Sphære.*

*Cas. 1.* Sit *AFL* Sphæra uniformiter circa axem *S* in orbem acta, & circulis concentricis *BGM*, *CHN*, *DIO*, *EKP*, &c.  
Y y 2 distin-

distinguat Fluidum in Orbes innumeros concentricos ejusdem crassitudinis. Finge autem Orbes illos esse solidos; & quoniam homogeneous est Fluidum, impressiones contiguorum Orbium in se mutuo factæ, erunt (per Hypothesin) ut eorum translationes ab invicem & superficies contiguæ in quibus impressiones fiunt. Si impressio in Orbem aliquem major est vel minor ex parte concava quam ex parte convexa; prævalebit impressio fortior, & velocitatem Orbis vel accelerabit vel retardabit, prout in eandem regionem cum ipsius motu vel in contrariam dirigitur. Proinde ut Orbis unusquisque in motu suo perseveret uniformiter, debebunt impressiones ex parte utraque sibi invicem æquari, & fieri in regiones contrarias. Unde cum impressiones sint ut contiguæ superficies & harum translationes ab invicem; erunt translationes inverse ut superficies, hoc est, inverse ut quadrata distantiarum superficialium à centro. Sunt autem differentię motuum angularium circa axem ut hæ translationes applicatæ ad distantias, sive ut translationes directæ & distantię inverse; hoc est (conjunctis rationibus) ut cubi distantiarum inverse. Quare si ad rectæ infinitæ *SABCDEQ* partes singulas erigantur perpendiculara *Aa*, *Bb*, *Cc*, *Dd*, *Ee*, &c. ipsarum *SA*, *SB*, *SC*, *SD*; *SE*, &c. cubis reciproce proportionalia, erunt summæ differentiarum, hoc est, motus toti angulares, ut respondentes summæ linearum *Aa*, *Bb*, *Cc*, *Dd*, *Ee*: id est (si ad constituendum Medium uniformiter fluidum, numerus Orbium augeatur & latitudo minuatur in infinitum) ut area Hyperbolicæ his summis analogæ *AaQ*, *BbQ*, *CcQ*, *DdQ*, *EeQ*, &c. Et tempora periodica motibus angularibus reciproce proportionalia, erunt etiam his areis reciproce proportionalia. Est igitur tempus periodicum Orbis cujusvis *DIO* reciproce ut area *DdQ*, hoc est, (per notas Curvarum quadraturas) directe ut quadratum distantię *SD*. Id quod volui primo demonstrare.

*Cas. 2.* A centro Sphæræ ducantur infinitæ rectæ quam plurimæ, quæ cum axe datos contineant angulos, æqualibus differentiis se mutuo superantes; & his rectis circa axem revolutis concipe Orbes in annulos innumeros secari; & annulus unusquisque habebit annulos quatuor sibi contiguos, unum interiorem, alterum exteriorem & duos laterales. Attritu interioris & exterioris non potest annulus unusquisque, nisi in motu juxta legem casus primi facti, æqualiter & in partes contrarias urgeri. Patet hoc ex demonstratione casus primi. Et propterea annulorum series quælibet  
a Globo



a Globo in infinitum recta pergens, movebitur pro lege casus primi, nisi quatenus impeditur ab attritu annulorum ad latera. At in motu hac lege facto, attritus annulorum ad latera nullus est; neque adeo motum, quo minus hac lege fiat, impedit. Si annuli, qui a centro æqualiter distant, vel citius revolverentur vel tardius juxta polos quam juxta æquatorem; tardiores accelerarentur, & velociores retardarentur ab attritu mutuo, & sic vergerent semper tempora periodica ad æqualitatem, pro lege casus primi. Non impedit igitur hic attritus quo minus motus fiat secundum legem casus primi, & propterea lex illa obtinebit: hoc est, annulorum singulorum tempora periodica erunt ut quadrata distantiarum ipsorum à centro Globi. Quod volui secundo demonstrare.

*Cas. 3.* Dividatur jam annulus unusquisque sectionibus transversis in particulas innumeras constituentes substantiam absolute & uniformiter fluidam; & quoniam hæ sectiones non spectant ad legem motus circularis, sed ad constitutionem Fluidi solummodo conducunt, perseverabit motus circularis ut prius. His sectionibus annuli omnes quam minimi asperitatem & vim attritus mutui aut non mutabunt aut mutabunt æqualiter. Et manente causarum proportionem manebit effectuum proportio, hoc est, proportio motuum & periodicorum temporum. *Q.E.D.* Caterum cum motus circularis, & abinde orta vis centrifuga, major sit ad Eclipticam quam ad Polos, debeat causa aliqua adesse qua particule singule in circulis suis retineantur; ne materia quæ ad Eclipticam est, recedat semper à centro & per exteriora Vorticis migret ad Polos, indeque per axem ad Eclipticam circulatione perpetua revertatur.

*Corol. 1.* Hinc motus angulares partium fluidi circa axem globi, sunt reciproce ut quadrata distantiarum à centro globi, & velocitates absolutæ reciproce ut eadem quadrata applicata ad distantias ab axe.

*Corol. 2.* Si globus in fluido quiescente similari & infinito circa axem positione datum uniformi cum motu revolvatur, communicabitur motus fluido in morem Vorticis, & motus iste paulatim propagabitur in infinitum; neque prius cessabit in singulis fluidi partibus accelerari, quam tempora periodica singularum partium sint ut quadrata distantiarum à centro globi.

*Corol. 3.* Quoniam Vorticis partes interiores ob majorem suam velocitatem atterunt & urgent exteriores, motumque ipsis ea actione

one perpetuo communicant, & exteriores illi eandem motus quantitatem in alios adhuc exteriores simul transferunt, eaque actione servant quantitatem motus sui plane invariata; patet quod motus perpetuo transfertur à centro ad circumferentiam Vorticis, & per infinitatem circumferentiæ absorbetur. Materia inter sphaericas duas quasvis superficies Vortici concentricas nunquam accelerabitur, eo quod motum omnem à materia interiore acceptum transfert semper in exteriorem.

*Corol. 4.* Proinde ad conservationem Vorticis constanter in eodem movendi statu, requiritur principium aliquod activum, à quo globus eandem semper quantitatem motus accipiat, quam imprimit in materiam Vorticis. Absque tali principio necesse est ut globus & Vorticis partes interiores, propagantes semper motum suum in exteriores, neque novum aliquem motum recipientes, tardeant paulatim & in orbem agi desinant.

*Corol. 5.* Si globus alter huic Vortici ad certam ab ipsius centro distantiam innataret, & interea circa axem inclinatione datum vi aliqua constanter revolveretur; hujus motu raperetur fluidum in Vorticem: & primo revolveretur hic Vortex novus & exiguus una cum globo circa centrum alterius, & interea latius serperet ipsius motus, & paulatim propagaretur in infinitum, ad modum Vorticis primi. Et eadem ratione qua hujus globus raperetur motu Vorticis alterius, raperetur etiam globus alterius motu hujus, sic ut globi duo circa intermedium aliquod punctum revolverentur, seque mutuo ob motum illum circularem fugerent, nisi per vim aliquam cohibiti. Postea si vires constanter impressæ, quibus globi in motibus suis perseverant, cessarent, & omnia legibus Mechanicis permetterentur, languesceret paulatim motus globorum (ob rationem in Corol. 3. & 4. assignatam) & Vortices tandem conquiescerent.

*Corol. 6.* Si globi plures datis in locis circum axes positione datos certis cum velocitatibus constanter revolverentur, fierent Vortices totidem in infinitum pergentes. Nam globi singuli, eadem ratione qua unus aliquis motum suum propagat in infinitum, propagabunt etiam motus suos in infinitum, adeo ut fluidi infiniti pars unaquæque eo agitur motu qui ex omnium globorum actionibus resultat. Unde Vortices non definientur certis limitibus, sed in se mutuo paulatim excurrent; globique per actiones Vorticum in se mutuo, perpetuo movebuntur de locis suis, uti in Corollario superiore expositum est, neque certam quamvis inter se positionem

positionem servabunt, nisi per vim aliquam retenti. Cessantibus autem viribus illis quæ in globos constanter impressæ conservant hunc motus, materia ob rationem in Corollario tertio & quarto assignatam, paulatim requiescet & in Vorticis agi desinet.

*Corol. 7.* Si fluidum simile claudatur in vase sphærico, ac globi in centro consistentis uniformi rotatione agatur in Vorticem, globus autem & vas in eandem partem circa axem eundem revolvantur, sintque eorum tempora periodica ut quadrata semidiametrorum: partes fluidi non prius perseverabunt in motibus suis sine acceleratione & retardatione, quam sint eorum tempora periodica ut quadrata distantiarum à centro Vorticis. Alia nulla Vorticis constitutio potest esse permanens.

*Corol. 8.* Si vas, fluidum inclusum & globus servant hunc motum, & motu præterea communi angulari circa axem quemvis datum revolvantur, quoniam hoc motu novo non mutatur attritus partium fluidi in se invicem, non mutabuntur motus partium inter se. Nam translationes partium inter se pendent ab attritu. Pars qualibet in eo perseverabit motu, quo fit ut attritu ex uno latere non magis tardetur quam acceleretur attritu ex altero.

*Corol. 9.* Unde si vas quiescat ac detur motus globi, dabitur motus fluidi. Nam concipe planum transire per axem globi & motu contrario revolvi, & pone summam temporis revolutionis hujus & revolutionis globi esse ad tempus revolutionis globi, ut quadratum semidiametri vasis ad quadratum semidiametri globi: & tempora periodica partium fluidi respectu plani hujus, erunt ut quadrata distantiarum suarum à centro globi.

*Corol. 10.* Proinde si vas vel circa axem eundem cum globo, vel circa diversum aliquem, data cum velocitate quacunque moveatur, dabitur motus fluidi. Nam si Systemati toti auferatur vasis motus angularis, manebunt motus omnes iidem inter se qui prius, per Corol. 8. Et motus isti per Corol. 9. dabuntur.

*Corol. 11.* Si vas & fluidum quiescant & globus uniformi cum motu revolvatur, propagabitur motus paulatim per fluidum totum in vas, & circumagetur vas nisi violenter detentum, neque prius desinent fluidum & vas accelerari, quam sint eorum tempora periodica æqualia temporibus periodicis globi. Quod si vas vi aliqua detineatur vel revolvatur motu quovis constanti & uniformi, deveniet Medium paulatim ad statum motus in Corollariis 8. 9 & 10. definiti, nec in alio unquam statu quocunque perseverabit. Deinde vero si, viribus illis cessantibus quibus vas & globus certis motibus

motibus revolvebantur, permittatur Systema totum Legibus Mechanicis, vas & globus in se invicem agent mediante fluido, neque motus suos in se mutuo per fluidum propagare prius cessabunt, quam eorum tempora periodica æquantur inter se, & Systema totum ad instar corporis unius solidi simul revolvatur.

*Scholium.*

In his omnibus suppono fluidum ex materia quoad densitatem & fluiditatem uniformi constare. Talc est in quo globus idem eodem cum motu, in eodem temporis intervallo, motus similes & æquales, ad æquales semper à se distantias, ubivis in fluido constitutus, propagare possit. Conatur quidem materia per motum suum circularem recedere ab axe Vorticis, & propterea premit materiam omnem ulteriorem. Ex hac pressione fit attritus partium fortior & separatio ab invicem difficilior, & per consequens diminuitur materia fluiditas. Rursus si partes fluidi sunt alicubi crassiores seu majores, fluiditas ibi minor erit, ob pauciores superficies in quibus partes separentur ab invicem. In hujusmodi casibus deficientem fluiditatem vel lubricitatem partium vel lentorem aliave aliqua conditione restitui suppono. Hoc nisi fiat, materia ubi minus fluida est magis coharebit & segnior erit, adeoque motum tardius recipiet & longius propagabit quam pro ratione superius assignata. Si figura vasis non sit Sphærica, movebuntur particule in lineis non circularibus sed conformibus eidem vasis figuræ, & tempora periodica erunt ut quadrata mediocrium distantiarum à centro quamproxime. In partibus inter centrum & circumferentiam, ubi latiora sunt spatia, tardiores erunt motus, ubi angustiora velociore, neque tamen particule velociore petent circumferentiam. Arcus enim describent minus curvos, & conatus recedendi à centro non minus diminuetur per decrementum hujus curvaturæ, quam augebitur per incrementum velocitatis. Pergendo a spatiis angustioribus in latiora recedent paulo longius a centro, sed isto recessu tardefcent, & accedendo postea de latioribus ad angustiora accelerabuntur, & sic per vices tardefcent & accelerabuntur particule singule in perpetuum. Hæc ita se habebunt in vase rigido. Nam in fluido infinito constitutio Vorticum innote-scit per Propositionis hujus Corollarium sextum.

Proprietates autem Vorticum hac Propositione investigare conatus sum, ut pertentarem siqua ratione Phænomena cœlestia per Vorti-

Vortices explicari possint. Nam Phænomenon est, quod Planetarum circa Jovem revolvendum tempora periodica sunt in ratione sesquuplicata distantiarum a centro Jovis; & eadem Regula obtinet in Planetis qui circa Solem revolvuntur. Obtinere autem hæc Regulæ in Planetis utrisque quam accuratissime, quatenus observationes Astronomicæ hæcenus prodidere. Ideoque si Planetæ illi à Vorticibus circa Jovem & Solem revolventibus deferantur, debebunt etiam hi Vortices eadem lege revolvi. Verum tempora periodica partium Vorticis prodierunt in ratione duplicata distantiarum a centro motus: neque potest ratio illa diminui & ad rationem sesquiplicatam reduci, nisi vel materia Vorticis eo fluidior sit quo longius distat a centro, vel resistentia, quæ oritur ex defectu lubricitatis partium fluidi; ex aucta velocitate qua partes fluidi separantur ab invicem, augeatur in majori ratione quam ea est in qua velocitas augetur. Quorum tamen neutrum rationi consentaneum videtur. Partes crassiores & minus fluidæ (nisi graves sint in centrum) circumferentiam petent; & verisimile est quod, etiam si Demonstrationum gratia Hypothesin talem initio Sectionis hujus proposuerim ut Resistentia velocitati proportionalis esset, tamen Resistentia in minori sit ratione quam ea velocitatis est. Quo concessio, tempora periodica partium Vorticis erunt in majori quam duplicata ratione distantiarum ab ipsius centro. Quod si Vortices (uti aliquorum est opinio) celerius moveantur prope centrum, dein tardius usque ad certum limitem, tum denuo celerius juxta circumferentiam; certe nec ratio sesquuplicata neque alia quævis certa ac determinata obtinere potest. Viderint itaque Philosophi quo pacto Phænomenon illud rationis sesquuplicatæ per Vortices explicari possit.

## PROPOSITIO LIII. THEOREMA XLI.

*Corpora quæ in Vortice delata in orbem redeunt, ejusdem sunt densitatis cum Vortice, & eadem lege cum ipsius partibus (quoad velocitatem & cursus determinationem) moventur.*

Nam si Vorticis pars aliqua exigua, cujus particulæ seu puncta physica datum servant situm inter se, congelari supponatur: hæc, quoniam neque quoad densitatem suam, neque quoad vim insitam aut figuram suam mutatur, movebitur eadem lege ac prius: &

Z z

contra,

contra, si Vorticis pars congelata & solida ejusdem sit densitatis cum reliquo Vortice, & resolvatur in fluidum, movebitur hæc eadem lege ac prius, nisi quatenus ipsius particula jam fluidæ factæ moveantur inter se. Negligatur igitur motus particularum inter se, tanquam ad totius motum progressivum nil spectans, & motus totius idem erit ac prius. Motus autem idem erit cum motu aliarum Vorticis partium a centro æqualiter distantium, propterea quod solidum in Fluidum resolutum sit pars Vorticis cæteris partibus consimilis. Ergo solidum, si sit ejusdem densitatis cum materia Vorticis, eodem motu cum ipsius partibus movebitur, in materia proxime ambiente relative quiescens. Sin densius sit, jam magis conabitur recedere à centro Vorticis quam prius, adeoque Vorticis vim illam, qua prius in Orbita sua tanquam in æquilibrio constitutum retinebatur, jam superans, recedet a centro & revolvens describet Spiralem, non amplius in eundem Orbem rediens. Et eodem argumento si rarius sit, accedet ad centrum. Igitur non redibit in eundem Orbem nisi sit ejusdem densitatis cum fluido. Eo autem in casu ostensum est, quod revolveretur eadem lege cum partibus fluidi à centro Vorticis æqualiter distantibus. *Q. E. D.*

*Corol. 1.* Ergo solidum quod in Vortice revolvitur & in eundem Orbem semper redit, relative quiescit in fluido cui innat.

*Corol. 2.* Et si Vortex sit quoad densitatem uniformis, corpus idem ad quamlibet a centro Vorticis distantiam revolvi potest.

### Scholium.

Hinc liquet Planetas à Vorticibus corporeis non deferri. Nam Planetæ secundum Hypothesin *Copernicæ* circa Solem delati revolvuntur in Ellipsis umbilicum habentibus in Sole, & radii ad Solem ductis areas describunt temporibus proportionales. At partes Vorticis tali motu revolvi nequeunt. Designent *AD, BE, CF*, Orbes tres circa Solem *S* descriptos, quorum extimus *CF* circulus sit Soli concentricus, & interiorum duorum Aphelia sint *A, B* & Perihelia *D, E*. Ergo corpus quod revolvitur in Orbe *CF*, radio ad Solem ducto areas temporibus proportionales describendo, movebitur uniformi cum motu. Corpus autem quod revolvitur in Orbe *BE*, tardius movebitur in Aphelio *B* & velocius in Perihelio *E*, secundum leges Astronomicas, cum tamen secundum leges Mechanicas materia Vorticis in spatio angustiore inter *A* & *C* velocius


velocius moveri debeat quam in spatio latiore inter *D* & *F*; id est, in Aphelio velocius quam in Perihelio. Quæ duo repugnant inter se. Sic in principio Signi

Virginis, ubi Aphelium Martis jam versatur, distantia inter orbem Martis & Veneris est ad distantiam eorundem orbium in principio Signi Piscium ut tria ad duo circiter, & propterea

materia Vorticis inter Orbes illos in principio Piscium debet esse velocior quam in principio Virginis in ratione trium ad duo.

Nam quo angustius est spatium per quod eadem Materiae quantitas eodem revolutionis unius tempore transit, eo majori cum

velocitate transire debet. Igitur si Terra in hac Materia coelesti relative quiescens ab ea deferretur, & una circa Solem revolyeretur, foret hujus velocitas in principio Piscium ad ejusdem velocitatem in principio Virginis in ratione sesquialtera. Unde Solis motus diurnus apparens in principio Virginis major esset quam minorum primorum septuaginta, & in principio Piscium minor quam minorum quadraginta & octo: cum tamen (experientia teste) apparens isse Solis motus major sit in principio Piscium quam in principio Virginis, & propterea Terra velocior in principio Virginis quam in principio Piscium. Itaque Hypothesis Vorticum cum Phenomenis Astronomicis omnino pugnat, & non tam ad explicandos quam ad perturbandos motus coelestes conducit. Quomodo vero motus isti in spatiis liberis absque Vorticibus peraguntur intelligi potest ex Libro primo, & in Mundi Systemate plenius docebitur.



D E

# M U N D I S Y S T E M A T E

## LIBER TERTIUS.

**I**N Libris præcedentibus principia Philosophiæ tradidi, non tamen Philosophica sed Mathematica tantum, ex quibus videlicet in rebus Philosophicis disputari possit. Hæc sunt motuum & virium leges & conditiones, quæ ad Philosophiam maxime spectant. Eadem tamen, ne sterilia videantur, illustravi Scholiis quibusdam Philosophicis, ea tractans quæ generalia sunt, & in quibus Philosophia maxime fundari videtur, uti corporum densitatem & resistentiam, spatia corporibus vacua, motumque Lucis & Sonorum. Superest ut ex iisdem principiis doceamus constitutionem Systematis Mundani. De hoc argumento composueram Librum tertium methodo populari, ut a pluribus legeretur. Sed quibus Principia posita satis intellecta non fuerint, ii vim consequentiarum minime percipient, neque præjudicia deponent quibus a multis retro annis infueverunt: & propterea ne res in disputationes trahatur, summam libri illius transtuli in Propositiones, more Mathematico, ut ab iis solis legantur qui Principia prius evolverint. Veruntamen quoniam Propositiones ibi quam plurimæ occurrant, quæ Lectoribus etiam Mathematicæ doctis moram nimiam injicere possint, author esse nolo ut quisquam eas omnes evolvat; suffecerit siquis Definitiones, Leges motuum & sectiones tres priores Libri primi sedulo legat, dein transeat ad hunc Librum de Mundi Systemate, & reliquas Librorum priorum Propositiones hic citatas pro lubitu consulat.

R E G U L Æ



# REGULÆ PHILOSOPHANDI.

---

## REGULA I.

*Causas rerum naturalium non plures admitti debere, quam quæ  
& veræ sint & earum Phænomenis explicandis sufficient.*

**D**icunt utique Philosophi: Natura nihil agit frustra, & frustra  
fit per plura quod fieri potest per pauciora. Natura enim  
simplex est & rerum causis superfluis non luxuriat.

## REGULA II.

*Ideoque Effectuum naturalium ejusdem generis eadem sunt  
Causæ.*

Uti respirationis in Homine & in Bestia; descensus lapidum in  
*Europa* & in *America*; Lucis in Igne culinari & in Sole; reflexi-  
onis Lucis in Terra & in Planetis.

## REGULA III.

*Qualitates corporum quæ intendi & remitti nequeunt, quæque  
corporibus omnibus competunt in quibus experimenta institueri  
licet, pro qualitatibus corporum universorum habendæ sunt.*

Nam qualitates corporum non nisi per experimenta innotescunt,  
ideoque generales statuendæ sunt quotquot cum experimentis ge-  
neraliter quadrant; & quæ minui non possunt, non possunt au-  
ferri. Certe contra experimentorum tenorem somnia temere con-  
figenda non sunt, nec a Naturæ analogia recedendum est, cum

ca

ea simplex esse soleat & sibi semper consona. Extensio corporum non nisi per sensus innotescit, nec in omnibus sentitur: sed quia sensibilibus omnibus competit, de universis affirmatur, Corpora plura dura esse experimur. Oritur autem durities totius a duritie partium, & inde non horum tantum corporum quæ sentiuntur, sed aliorum etiam omnium particulas indivisas esse duras merito concludimus. Corpora omnia impenetrabilia esse non ratione sed sensu colligimus. Quæ tractamus, impenetrabilia inveniuntur, & inde concludimus impenetrabilitatem esse proprietatem corporum universorum. Corpora omnia mobilia esse, & viribus quibusdam (quas vires inertie vocamus) perseverare in motu vel quiete, ex hisce corporum visorum proprietatibus colligimus. Extensio, durities, impenetrabilitas, mobilitas & vis inertie totius, oritur ab extensione, duritie, impenetrabilitate, mobilitate & viribus inertie partium: & inde concludimus omnes omnium corporum partes minimas extendi & duras esse & impenetrabiles & mobiles & viribus inertie præditas. Ex hoc est fundamentum Philosophiæ totius. Porro corporum partes divisas & sibi mutuo contiguas ab invicem separari posse, ex Phenomenis novimus, & partes indivisas in partes minores ratione distingui posse ex Mathematica certum est. Utrum vero partes illæ distinctæ & nondum divise per vires Naturæ dividi & ab invicem separari possint, incertum est. At si vel unico constaret experimento quod particula aliqua indivisa, frangendo corpus durum & solidum, divisionem pateretur: concluderemus vi hujus Regulæ, quod non solum partes divise separabiles essent, sed etiam quod indivise in infinitum dividi possent.

Denique si corpora omnia in circuitu Terræ gravia esse in Terram, idque pro quantitate materiæ in singulis, & Lunam gravem esse in Terram pro quantitate materiæ suæ, & vicissim mare nostrum grave esse in Lunam, & Planetas omnes graves esse in se mutuo, & Cometarum similem esse gravitatem, per experimenta & observationes Astronomicas universaliter constat: dicendum erit per hanc Regulam quod corpora omnia in se mutuo gravitant. Nam & fortius erit argumentum ex Phenomenis de gravitate universalis, quam de corporum impenetrabilitate: de qua utique in corporibus Cœlestibus nullum experimentum, nullam prorsus observationem habemus.

## PHÆNOMENA.

## PHÆNOMENON I.

*Planetas Circumjoviales, radiis ad centrum Jovis ductis, areas describere temporibus proportionales, eorumque tempora periodica esse in ratione sesquuplicata distantiarum ab ipsius centro.*

Constat ex observationibus Astronomicis. Orbes horum Planetarum non differunt sensibiliter a circulis Jovi concentricis, & motus eorum in his circulis uniformes deprehenduntur. Tempora vero periodica esse in sesquuplicata ratione semidiametrorum Orbium consentiunt Astronomi, & idem ex Tabula sequente manifestum est.

*Satellitum Jovialium tempora periodica.*

1<sup>d</sup>. 18<sup>h</sup>. 27<sup>m</sup>. 34<sup>s</sup>.    3<sup>d</sup>. 13<sup>h</sup>. 13<sup>m</sup>. 42<sup>s</sup>.    7<sup>d</sup>. 3<sup>h</sup>. 42<sup>m</sup>. 36<sup>s</sup>.    16<sup>d</sup>. 16<sup>h</sup>. 32<sup>m</sup>. 9<sup>s</sup>.

*Distantiæ Satellitum a centro Jovis.*

*Ex observationibus*

	1	2	3	4	
Borelli	5 <sup>1</sup> / <sub>2</sub>	8 <sup>1</sup> / <sub>2</sub>	14	24 <sup>1</sup> / <sub>2</sub>	} Semidiam. Jovis
Townlei per Microm.	5,52	8,78	13,47	24,72	
Cassini per Telescop.	5	8	13	23	
Cassini per Eclips. Satell.	5 <sup>1</sup> / <sub>2</sub>	9	14 <sup>1</sup> / <sub>2</sub>	25 <sup>1</sup> / <sub>2</sub>	
<i>Ex temporibus periodicis.</i>	5,667	9,017	14,384	25,299	

## PHÆNOMENON II.

*Planetas Circumsaturnios, radiis ad Saturnum ductis, areas describere temporibus proportionales, & eorum tempora periodica esse in ratione sesquuplicata distantiarum ab ipsius centro.*

Cassinus utique ex observationibus suis distantias eorum a centro Saturni & periodica tempora hujusmodi esse statuit.

*Satelli-*

*Satellitum Saturniorum tempora periodica.*1<sup>a</sup>. 21<sup>h</sup>. 19'. 2<sup>a</sup>. 17<sup>h</sup>. 41'. 4<sup>a</sup>. 13<sup>h</sup>. 47'. 15<sup>a</sup>. 22<sup>h</sup>. 41'. 79<sup>a</sup>. 22<sup>h</sup>. 4'.*Distantiæ Satellitum a centro Saturni in semidiametris Annuli.**Ex observationibus* 11<sup>2</sup>. 2<sup>1</sup>. 3<sup>1</sup>. 8. 24.*Ex temporibus periodicis* 1,95. 2,5. 3,52. 8,09. 23,71.

## PHÆNOMENON III.

*Planetas quinque primarios Mercurium, Venerem, Martem, Jovem & Saturnum Orbibus suis Solem cingere.*

Mercurium & Venerem circa Solem revolvi ex eorum phasibus lunaribus demonstratur. Plena facie lucentes ultra Solem siti sunt, dimidiata è regione Solis, falcata cis Solem, per discum ejus ad modum macularum nonnunquam transeuntes. Ex Martis quoque plena facie prope Solis conjunctionem, & gibbosa in quadraturis, certum est quod is Solem ambit. De Jove etiam & Saturno idem ex eorum phasibus semper plenis demonstratur.

## PHÆNOMENON IV.

*Planetarum quinque primariorum, & (vel Solis circa Terram vel) Terræ circa Solem tempora periodica esse in ratione sesquialtera mediocrium distantiarum à Sole.*

Hæc à *Keplero* inventa ratio in confesso est apud omnes. Eadem utique sunt tempora periodica, eademque orbium dimensiones, sive Sol circa Terram, sive Terra circa Solem revolvatur. Ac de mensura quidem temporum periodicorum convenit inter Astronomos universos. Magnitudines autem Orbium *Keplerus* & *Bullialdus* omnium diligentissime ex Observationibus determinaverunt: & distantia mediocres, quæ temporibus periodicis respondent, non differunt sensibiliter à distantis quas illi invenerunt, suntque inter ipsas ut plurimum intermedia, uti in Tabula sequente videre licet.

*Plane-*

*Planetarum ac Telluris distantiae mediocres à Sole.*

	1.	2.	3.	4.	5.	6.
Secundum <i>Keplerum</i>	951000.	519650.	152350.	100000.	72400.	38806.
Secundum <i>Bullialdum</i>	954198.	522520.	152350.	100000.	72398.	38585.
Secundum tempora periodica	953806.	520116.	152399.	100000.	72333.	38710.

De distantis Mercurii & Veneris a Sole disputandi non est locus, cum hæ per eorum Elongationes à Sole determinentur. De distantis etiam superiorum Planetarum à Sole tollitur omnis disputatio per Eclipses Satellitum Jovis. Etenim per Eclipses illas determinatur positio umbræ quam Jupiter projicit, & eo nomine habetur Jovis longitudo Heliocentrica. Ex longitudinibus autem Heliocentrica & Geocentrica inter se collatis determinatur distantia Jovis.

## PHÆNOMENON V.

*Planetæ primarios, radiis ad Terram ductis, areas describere temporibus minime proportionales; at radiis ad Solem ductis, areas temporibus proportionales percurrere.*

Nam respectu Terræ nunc progrediuntur, nunc stationarii sunt, nunc etiam regrediuntur: At Solis respectu semper progrediuntur, idque propemodum uniformi cum motu, sed paulo celerius tamen in Periheliis ac tardius in Apheliis, sic ut arearum æquabilis sit descriptio. Propositio est Astronomis notissima, & in Jove apprimè demonstratur per Eclipses Satellitum, quibus Eclipsibus Heliocentricas Planetæ hujus longitudines & distantias à Sole determinari diximus.

## PHÆNOMENON VI.

*Lunam radio ad centrum Terræ ducto, aream tempori proportionalem describere.*

Patet ex Lunæ motu apparente cum ipsius diametro apparente collato. Perturbatur autem motus Lunaris aliquantulum à vi Solaris, sed errorum insensibiles minutias in hisce Phænomenis negligo.

A a a

PROPO-

## PROPOSITIONES.

## PROPOSITIO I. THEOREMA I.

*Vires, quibus Planeta Circumjoviales perpetuo retrahuntur à motibus rectilineis & in Orbibus suis retinentur, respicere centrum Jovis, & esse reciproce ut quadrata distantiarum locorum ab eodem centro.*

**P**atet pars prior Propositionis per Phenomenon primum, & Propositionem secundam vel tertiam Libri primi: & pars posterior per Phenomenon primum, & Corollarium sextum Propositionis quartæ ejusdem Libri.

Idem intellige de Planetis qui Saturnum comitantur, per Phenomenon secundum.

## PROPOSITIO II. THEOREMA II.

*Vires, quibus Planeta primarii perpetuo retrahuntur à motibus rectilineis, & in Orbibus suis retinentur, respicere Solem, & esse reciproce ut quadrata distantiarum ab ipsius centro.*

Patet pars prior Propositionis per Phenomenon quintum, & Propositionem secundam Libri primi: & pars posterior per Phenomenon quartum, & Propositionem quartam ejusdem Libri. Accuratissime autem demonstratur hæc pars Propositionis per quietem Apheliorum. Nam aberratio quam minima à ratione duplicata (per Corol. I. Prop. XLV. Lib. I.) motum Apfidum in singulis revolutionibus notabilem, in pluribus enormem efficere deberet.

P R O.

## PROPOSITIO III. THEOREMA III.

*Vim qua Luna retinetur in Orbe suo respicere Terram, & esse reciproce ut quadratum distantia locorum ab ipsius centro.*

Patet assertionis pars prior per Phænomenon sextum, & Propositionem secundam vel tertiam Libri primi: & pars posterior per motum tardissimum Lunaræ Apogæi. Nam motus ille, qui singulis revolutionibus est graduum tantum trium & minorum trium in consequentia, contemni potest. Patet enim (per Corol. 1. Prop. XLV. Lib. I.) quod si distantia Lunæ a centro Terræ sit ad semidiametrum Terræ ut D ad 1, vis a qua motus talis oriatur sit reciproce ut  $D^2 \frac{1}{1+1}$ , id est, reciproce ut ea ipsius D dignitas cuius index est  $2 \frac{1}{1+1}$ , hoc est, in ratione distantia paulo maiore quam duplicata inversæ, sed quæ partibus 59<sup>is</sup> propius ad duplicatam quam ad triplicatam accedit. Oritur vero ab actione Solis (uti posthac dicetur) & propterea hic negligendus est. Actio Solis quatenus Lunam distrahit a Terra, est ut distantia Lunæ a Terra quamproxime; ideoque (per ea quæ dicuntur in Corol. 2. Prop. XLV. Lib. I.) est ad Lunæ vim centripetam ut 2 ad 357,45 circiter, seu 1 ad 178 $\frac{1}{2}$ . Et neglecta Solis vi tantilla, vis reliqua qua Luna retinetur in Orbe erit reciproce ut  $D^2$ . Id quod etiam plenius constabit conferendo hanc vim cum vi gravitatis, ut fit in Propositione sequente.

*Corol.* Si vis centripeta mediocris qua Luna retinetur in Orbe, augeatur primo in ratione 177 $\frac{1}{2}$  ad 178 $\frac{1}{2}$ , deinde etiam in ratione duplicata semidiametri Terræ ad mediocrem distantiam centri Lunæ a centro Terræ: habebitur vis centripeta Lunaræ ad superficiem Terræ, posito quod vis illa descendendo ad superficiem Terræ, perpetuo augeatur in reciproca altitudinis ratione duplicata.

## PROPOSITIO IV. THEOREMA IV.

*Lunam gravitare in Terram, & vi gravitatis retrahi semper a motu rectilineo, & in Orbe suo retineri.*

Lunæ distantia mediocris a Terra in Syzygiis est semidiametrorum terrestrium, secundum plerosque Astronomorum 59, secundum *Vendelinum* 60, secundum *Copernicum* 60 $\frac{1}{2}$ , & secundum *Ty-*

A a a 2

chonem

DE MUNDI  
SYSTEMATE

*chone* 56<sup>1</sup>. Ast *Tycho*, & quotquot ejus Tabulas refractionum sequuntur, constituendo refractiones Solis & Lunæ (omnino contra naturam Lucis) majores quam Fixarum, idque scrupulis quasi quatuor vel quinque, auxerunt parallaxin Lunæ scrupulis totidem, hoc est, quasi duodecima vel decima quinta parte totius parallaxeos. Corrigitur iste error, & distantia evadet quasi 60<sup>1</sup> semidiametrorum terrestrium, fere ut ab aliis assignatum est. Assumamus distantiam mediocrem sexaginta semidiametrorum; & Lunarem periodum respectu Fixarum compleri diebus 27, horis 7, minutis primis 43, ut ab Astronomis statuitur; atque ambitum Terræ esse pedum Parisiensium 123249600, uti a *Gallis* mensurantibus definitum est: Et si Luna motu omni privari fingatur ac dimitti ut, urgente vi illa omni qua in Orbe suo retinetur, descendat in Terram; hæc spatio minuti unius primi cadendo describet pedes Parisienses 15<sup>1</sup>. Colligitur hoc ex calculo vel per Propositionem xxxvi. Libri primi, vel (quod eodem recidit) per Corollarium nonum Propositionis quartæ ejusdem Libri, confecto. Nam arcus illius quem Luna tempore minuti unius primi, medio suo motu, ad distantiam sexaginta semidiametrorum terrestrium describat, sinus versus est pedum Parisiensium 15<sup>1</sup> circiter. Unde cum vis illa accedendo ad Terram augeatur in duplicata distantiarum ratione inversa, adeoque ad superficiem Terræ major sit partibus 60 × 60 quam ad Lunam; corpus vi illa in regionibus nostris cadendo, describere deberet spatio minuti unius primi pedes Parisienses 60 × 60 × 15<sup>1</sup>, & spatio minuti unius secundi pedes 15<sup>1</sup>. Atqui corpora in regionibus nostris vi gravitatis cadendo, describunt tempore minuti unius secundi pedes Parisienses 15<sup>1</sup>, uti *Hugenius* factis pendulorum experimentis & computo inde inito, demonstravit: & propterea (per Reg. i. & ii.) vis qua Luna in Orbe suo retinetur, illa ipsa est quam nos Gravitatem dicere solemus. Nam si Gravitatis ab ea diversa est, corpora viribus utrisque conjunctis Terram petendo, duplo velocius descenderent, & spatio minuti unius secundi cadendo describerent pedes Parisienses 30<sup>1</sup>: omnino contra Experimentiam.

Calculus hic fundatur in hypothefi quod Terra quiescit. Nam si Terra & Luna circum Solem moveantur, & interea quoque circum commune gravitatis centrum revolvantur: distantia centrorum Lunæ ac Terræ ab invicem erit 60<sup>1</sup> semidiametrorum terrestrium; uti computationem (per Prop. lx. Lib. I.) incanti patebit.

PRO.



## PROPOSITIO V. THEOREMA V.

*Planetas Circumjoviales gravitare in Jovem, Circumsaturnios in Saturnum, & Circumsolares in Solem, & vi gravitatis suæ retrahi semper à motibus rectilineis, & in Orbibus curvilineis retineri.*

Nam revolutiones Planetarum Circumjovialium circa Jovem, Circumsaturniorum circa Saturnum, & Mercurii ac Veneris reliquorumque Circumsolarium circa Solem sunt Phænomena ejusdem generis cum revolutione Lunæ circa Terram; & propterea per Reg. 11. à causis ejusdem generis dependent: præsertim cum demonstratum sit quod vires, à quibus revolutiones illæ dependent, respiciant centra Jovis, Saturni ac Solis, & recedendo à Jove, Saturno & Sole decrescant eadem ratione ac lege, qua vis gravitatis decrescit in recessu à Terra.

*Corol. 1.* Gravitas igitur datur in Planetas universos. Nam Venerem, Mercurium, cæterosque esse corpora ejusdem generis cum Jove & Saturno, nemo dubitat. Et cum attractio omnis (per motus Legem tertiam) mutua sit, Jupiter in Satellites suos omnes, Saturnus in suos, Terraque in Lunam, & Sol in Planetas omnes primarios gravitabit.

*Corol. 2.* Gravitatem, quæ Planetam unumquemque respicit, esse reciproce ut quadratum distantix locorum ab ipsius centro.

*Corol. 3.* Graves sunt Planetæ omnes in se mutuo per Corol. 1. & 2. Et hinc Jupiter & Saturnus prope conjunctionem se invicem attrahendo, sensibilibus perturbant motus mutuos, Sol perturbat motus Lunares, Sol & Luna perturbant Mare nostrum, ut in sequentibus explicabitur.

## PROPOSITIO VI. THEOREMA VI.

*Corpora omnia in Planetas singulos gravitare, & pondera eorum in eundem quemvis Planetam, paribus distantis à centro Planetæ, proportionalia esse quantitati materiæ in singulis.*

Descensus gravium omnium in Terram (dempta saltem inæquali retardatione quæ ex Aeris perexigua resistentia oritur) æqualibus tempo-

temporibus fieri, jamdudum observarunt alii, & accuratissime quidem notare licet æqualitatem temporum in Pendulis. Rem tentavi in Auro, Argento, Plumbo, Vitro, Arena, Sale communi, Ligno, Aqua, Tritico. Comparabam pyxides duas ligneas rotundas & æquales. Unam implebam Ligno, & idem Auri pondus suspendebam (quam potui exacte) in alterius centro oscillationis. Pyxides ab æqualibus pedum undecim filis pendentes, constituebant Pendula, quoad pondus, figuram, & aeris resistantiam omnino paria: Et paribus oscillationibus, juxta positæ, ibant una & redibant ditissime. Proinde copia materiæ in Auro (per Corol. 1. & 6. Prop. xxiv. Lib. II.) erat ad copiam materiæ in Ligno, ut vis motricis actio in totum Aurum ad ejusdem actionem in totum Lignum; hoc est, ut pondus ad pondus. Et sic in cæteris. In corporibus ejusdem ponderis differentia materiæ, quæ vel minor esset quam pars millesima materiæ totius, his experimentis manifesto deprehendi potuit. Jam vero naturam gravitatis in Planetas eandem esse atque in Terram, non est dubium. Elevari enim fingantur corpora hæc Terrestria ad usque Orbem Lunæ, & una cum Luna motu omni privata demitti, ut in Terram simul cadant; & per jam ante ostensa certum est quod temporibus æqualibus describerent æqualia spatia cum Luna, adeoque quod sunt ad quantitatem materiæ in Luna, ut pondera sua ad ipsius pondus. Porro quoniam Satellites Jovis temporibus revolvuntur quæ sunt in ratione sesquuplicata distantiarum à centro Jovis, erunt eorum gravitates acceleratrices in Jovem reciproce ut quadrata distantiarum à centro Jovis, & propterea in æqualibus à Jove distantiiis, eorum gravitates acceleratrices evaderent æquales. Proinde temporibus æqualibus ab æqualibus altitudinibus cadendo, describerent æqualia spatia; perinde ut fit in gravibus, in hac Terra nostra. Et eodem argumento Planetæ circumsolares ab æqualibus à Sole distantiiis demissi, descensu suo in Solem æqualibus temporibus æqualia spatia describerent. Vires autem, quibus corpora inæqualia æqualiter accelerantur, sunt ut corpora; hoc est, pondera ut quantitates materiæ in Planetis. Porro Jovis & ejus Satellitum pondera in Solem proportionalia esse quantitatis materiæ eorum, patet ex motu Satellitum quam maxime regulari; per Corol. 3. Prop. Lxv. Lib. I. Nam si horum aliqui magis traherentur in Solem, pro quantitate materiæ suæ, quam cæteri: motus Satellitum (per Corol. 2. Prop. Lxv. Lib. I.) ex inæqualitate attractionis perturbarentur. Si (paribus à Sole distantiiis) Satelles aliquis gravior esset in Solem pro quantitate

titate materiæ suæ, quam Jupiter pro quantitate materiæ suæ, in ratione quacunque data, puta  $d$  ad  $e$ : distantia inter centrum Solis & centrum Orbis Satellitis, major semper foret quam distantia inter centrum Solis & centrum Jovis in ratione subduplicata quam proximè; uti calculis quibusdam initis inveni. Et si Satelles minus gravis esset in Solem in ratione illa  $d$  ad  $e$ , distantia centri Orbis Satellitis à Sole minor foret quam distantia centri Jovis à Sole in ratione illa subduplicata. Igitur si in æqualibus à Sole distantiiis, gravitas acceleratrix Satellitis cujusvis in Solem major esset vel minor quam gravitas acceleratrix Jovis in Solem, parte tantum millesima gravitatis totius, foret distantia centri Orbis Satellitis à Sole major vel minor quam distantia Jovis à Sole parte  $\frac{1}{1000}$  distantie totius, id est, parte quinta distantie Satellitis extimi à centro Jovis: Quæ quidem Orbis eccentricitas fore valde sensibilis. Sed Orbes Satellitum sunt Jovi concentrici, & propterea gravitates acceleratrices Jovis & Satellitum in Solem æquantur inter se. Et eodem argumento pondera Saturni & Comitum ejus in Solem, in æqualibus à Sole distantiiis, sunt ut quantitates materiæ in ipsis: Et pondera Lunæ ac Terræ in Solem vel nulla sunt, vel earum massis accurate proportionalia. Aliqua autem sunt per Corol. 1. & 3. Prop. v.

Quinetiam pondera partium singularum Planetæ cujusque in alium quemcunque, sunt inter se ut materia in partibus singulis. Nam si partes aliquæ plus gravitarent, aliæ minus, quam pro quantitate materiæ: Planeta totus, pro genere partium quibus maxime abundet, gravitaret magis vel minus quam pro quantitate materiæ totius. Sed nec refert utrum partes illæ externæ sint vel internæ. Nam si verbi gratia corpora Terrestria, quæ apud nos sunt, in Orbem Lunæ elevari fingantur, & conferantur cum corpore Lunæ: Si horum pondera essent ad pondera partium externarum Lunæ ut quantitates materiæ in iisdem, ad pondera vero partium internarum in majori vel minori ratione, forent eadem ad pondus Lunæ totius in majori vel minori ratione: contra quam supra ostensum est.

*Corol. 1.* Hinc pondera corporum non pendent ab eorum formis & texturis. Nam si cum formis variari possent, forent majora vel minora, pro varietate formarum, in æquali materia: omnino contra Experientiam.

*Corol.*

*Corol. 2.* Corpora universa quæ circa Terram sunt, gravia sunt in Terram, & pondera omnium, quæ æqualiter à centro Terræ distant, sunt ut quantitates materiæ in iisdem. Hæc est qualitas omnium in quibus experimenta instituere licet, & propterea per Reg. III. de universis affirmanda est. Si Æther aut corpus aliud quodcunque vel gravitate omnino destitueretur, vel pro quantitate materiæ suæ minus gravitaret: quoniam id (ex mente *Aristotelis*, *Cartesii* & aliorum) non differt ab aliis corporibus nisi in forma materiæ, posset idem per mutationem formæ gradatim transmutari in corpus ejusdem conditionis cum iis quæ, pro quantitate materiæ, quam maxime gravitant, & vicissim corpora maxime gravia, formam illius gradatim induendo, possent gravitatem suam gradatim amittere. Ac proinde pondera penderent à formis corporum, possentque cum formis variari, contra quam probatum est in Corollario superiore.

*Corol. 3.* Spatia omnia non sunt æqualiter plena. Nam si spatia omnia æqualiter plena essent, gravitas specifica fluidi quo regio aeris impleretur, ob summam densitatem materiæ, nil cederet gravitati specificæ argenti vivi, vel auri, vel corporis alterius cujuscunque densissimi, & propterea nec aurum neque aliud quodcunque corpus in aere descendere posset. Nam corpora in fluidis, nisi specificè graviora sint, minime descendunt. Quod si quantitas materiæ in spatio dato per rarefactionem quamcunque diminui possit, quidni diminui possit in infinitum?

*Corol. 4.* Si omnes omnium corporum particulæ solidæ sint ejusdem densitatis, neque absque poris rarefieri possint, Vacuum datur. Ejusdem densitatis esse dico, quarum vires inertię sunt ut magnitudines.

*Corol. 5.* Vis gravitatis diversi est generis à vi magnetica. Nam attractio magnetica non est ut materia attracta. Corpora aliqua magis trahuntur, alia minus, plurima non trahuntur. Et vis magnetica in uno & eodem corpore intendi potest & remitti, estque nonnunquam longe major pro quantitate materiæ quam vis gravitatis, & in recessu à Magnete decrescit in ratione distantię non duplicata, sed fere triplicata, quantum ex crassis quibusdam observationibus animadvertere potui.

P R O.

## PROPOSITIO VII. THEOREMA VII.

*Gravitatem in corpora universa fieri, eamque proportionalem esse quantitati materiæ in singulis.*

Planetas omnes in se mutuo graves esse jam ante probavimus, ut & gravitatem in unumquemque seorsim spectatum esse reciproce ut quadratum distantæ locorum à centro Planetæ. Et inde consequens est, (per Prop. LXIX. Lib. I. & ejus Corollaria) gravitatem in omnes proportionalem esse materiæ in iisdem.

Porro cum Planetæ cujusvis *A* partes omnes graves sint in Planetam quemvis *B*, & gravitas partis cujusque sit ad gravitatem totius, ut materia partis ad materiam totius, & actioni omni reactio (per motus Legem tertiam) æqualis sit; Planeta *B* in partes omnes Planetæ *A* vicissim gravitabit, & erit gravitas sua in partem unamquamque ad gravitatem suam in totum, ut materia partis ad materiam totius. *Q. E. D.*

*Corol. 1.* Oritur igitur & componitur gravitas in Planetam totum ex gravitate in partes singulas. Cujus rei exempla habemus in attractionibus Magneticis & Electricis. Oritur enim attractio omnis in totum ex attractionibus in partes singulas. Res intelligetur in gravitate, concipiendo Planetas plures minores in unum Globum coire & Planetam majorem componere. Nam vis totius ex viribus partium componentium oriri debet. Siquis objiciat quod corpora omnia, quæ apud nos sunt, hac lege gravitare deberent in se mutuo, cum tamen ejusmodi gravitas neutiquam sentiatur: Respondeo quod gravitas in hæc corpora, cum sit ad gravitatem in Terram totam ut sunt hæc corpora ad Terram totam, longe minor est quam quæ sentiri possit.

*Corol. 2.* Gravitatio in singulas corporis particulas æquales est reciproce ut quadratum distantæ locorum à particulis. Patet per Corol. 3. Prop. LXXIV. Lib. I.

## PROPOSITIO VIII. THEOREMA VIII.

*Si Globorum duorum in se mutuo gravitantium materia undique, in regionibus quæ à centrīs aequaliter distant, homogēnea sit: erit pondus Globi alterutrius in alterum reciproce ut quadratum distantiae inter centra.*

Postquam invenissem gravitatem in Planetam totum oriri & componi ex gravitatibus in partes; & esse in partes singulas reciproce proportionalem quadratis distantiarum a partibus: dubitabam an reciproca illa proportio duplicata obtineret accuratè in vi tota ex viribus pluribus composita, an vero quam proxime. Nam fieri posset ut proportio, quæ in majoribus distantis fatis accurate obtineret, prope superficiem Planetæ ob inæquales partium distantias & situs dissimiles, notabiliter erraret. Tandem vero, per Prop. LXXV. & LXXVI. Libri primi & ipsarum Corollaria, intellexi veritatem Propositionis de qua hic agitur.

*Corol. 1.* Hinc inveniri & inter se comparari possunt pondera corporum in diversos Planetas. Nam pondera corporum æqualium circum Planetas in circulis revolvantium sunt (per Corol. 2. Prop. IV. Lib. I.) ut diametri circulorum directe & quadrata temporum periodicorum inverse; & pondera ad superficies Planetarum, aliasve quasvis a centro distantias, majora sunt vel minora (per hanc Propositionem) in duplicata ratione distantiarum inversa. Sic ex temporibus periodicis Veneris circum Solem dierum 224 & horarum 16½, Satellitis extimi circumjovialis circum Jovem dierum 16 & horarum 16½, Satellitis Hugeniani circum Saturnum dierum 15 & horarum 22½, & Lunæ circum Terram dierum 27, hor. 7, min. 43, collatis cum distantia mediocri Veneris a Sole & cum elongationibus maximis heliocentricis Satellitis extimi circumjovialis a centro Jovis 8'. 21½", Satellitis Hugeniani a centro Saturni 3'. 20", & Lunæ a Terra 10", computum ineundo inveni quod corporum æqualium & a Sole, Jove, Saturno ac Terra æqualiter distantium pondera in Solem, Jovem, Saturnum ac Terram forent ad invicem ut  $1, \frac{1}{1033}, \frac{1}{2411}, \& \frac{1}{217512}$  respective. Est enim parallaxis Solis ex observationibus novissimis quasi 10", & Halleyus noster per emerfiones Jovis & Satellitum e parte obscura Lunæ,

Lunæ, determinavit quod elongatio maxima heliocentrica Satellitis extimi Jovialis a centro Jovis in medioeri Jovis a Sole distantia sit  $8'. 21\frac{1}{2}''$ , & diameter Jovis  $41''$ . Ex duratione Eclipsæ Satellitum in umbram Jovis incidentium prodit hæc diameter quasi  $40''$ , atque adeo semidiameter  $20''$ . Mensuravit autem *Hugenius* elongationem maximam heliocentricam Satellitis a se detecti  $3'. 20''$  a centro Saturni, & hujus elongationis pars quarta, nempe  $50''$ , est diameter annuli Saturni e Sole visi, & diameter Saturni est ad diametrum annuli ut 4 ad 9, ideoque semidiameter Saturni e Sole visi est  $11''$ . Subducatur lux erratica quæ haud minor esse solet quam  $2''$  vel  $3''$ : Et manebit semidiameter Saturni quasi  $9''$ . Ex hisce autem & Solis semidiametro medioeri  $16'. 6''$  computum ineundo prodeunt veræ Solis, Jovis, Saturni ac Terræ semidiametri ad invicem ut 10000, 1077, 889 & 104. Unde, cum pondera æqualium corporum a centrīs Solis, Jovis, Saturni ac Terræ æqualiter distantium, sint in Solem, Jovem, Saturnum ac Terram, ut 1,  $\frac{1}{1033}$ ,  $\frac{1}{2411}$ , &  $\frac{1}{227512}$  respective, & auctis vel diminutis distantis pondera diminuantur vel augeantur in duplicata ratione: pondera æqualium corporum in Solem, Jovem, Saturnum ac Terram in distantis 10000, 1077, 889, & 104 ab eorum centrīs, atque adeo in eorum superficiebus, erunt ut 10000, 835, 525, & 410 respective. Quanta sint pondera corporum in superficie Lunæ dicemus in sequentibus.

*Corol. 2.* Innotescit etiam quantitas materiæ in Planetis singulis. Nam quantitates materiæ in Planetis sunt ut eorum vires in æqualibus distantis ab eorum centrīs, id est, in Sole, Jove, Saturno ac Terra sunt ut 1,  $\frac{1}{1033}$ ,  $\frac{1}{2411}$ , &  $\frac{1}{227512}$  respective. Si parallaxis Solis statuatur major vel minor quam  $10''$ , debet quantitas materiæ in Terra augeri vel diminui in triplicata ratione.

*Corol. 3.* Innotescunt etiam densitates Planetarum. Nam pondera corporum æqualium & homogeneorum in Sphæras homogeneas sunt in superficiebus Sphærarum ut Sphærarum diametri, per Prop. LXXII. Lib. I. ideoque Sphærarum heterogenearum densitates sunt ut pondera illa applicata ad Sphærarum diametros. Erant autem veræ Solis, Jovis, Saturni ac Terræ diametri ad invicem ut 10000, 1077, 889, & 104, & pondera in eisdem ut 10000, 835, 525, & 410, & propterea densitates sunt ut 100, 78, 59, & 396. Densitas Terræ quæ prodit ex hoc computo non pendet a parallaxi Solis, sed determinatur per parallaxin Lunæ, & prop-

terea hic recte definitur. Est igitur Sol paulo densior quam Jupiter, & Jupiter quam Saturnus, & Terra quadruplo densior quam Sol. Nam per ingentem suum calorem Sol rarefcit. Luna vero densior est quam Terra, ut in sequentibus patebit.

*Corol. 4.* Densiores igitur sunt Planetæ qui sunt minores, cæteris paribus. Sic enim vis gravitatis in eorum superficiebus ad æqualitatem magis accedit. Sed & densiores sunt Planetæ, cæteris paribus, qui sunt Soli propiores, ut Jupiter Saturno, & Terra Jove. In diversis utique distantis a Sole collocandi erant Planetæ ut quilibet pro gradu densitatis calore Solis majore vel minore frueretur. Aqua nostra, si Terra locaretur in orbe Saturni, rigeret, si in orbe Mercurii in vapores statim abiret. Nam lux Solis, cui calor proportionalis est, septuplo densior est in orbe Mercurii quam apud nos: & Thermometro expertus sum quod septuplo Solis æstivi calore aqua ebullit. Dubium vero non est quin materia Mercurii ad calorem accommodetur, & propterea densior sit hac nostra, cum materia omnis densior ad operationes Naturales obeundas majorem calorem requirat.

### PROPOSITIO IX. THEOREMA IX.

*Gravitatem pergendo a superficiebus Planetarum deorsum decrescere in ratione distantiarum a centro quam proxime.*

Si materia Planetæ quoad densitatem uniformis esset, obtineret hæc Propositio accurate: per Prop. LXXIII. Lib. I. Error igitur tantus est, quantus ab inæquabili densitate oriri possit.

### PROPOSITIO X. THEOREMA X.

*Motus Planetarum in Cælis diutissime conservari posse.*

In Scholio Propositionis XL. Lib. II. ostensum est quod globus Aquæ congelatæ in Aere nostro, libere movendo & longitudinem semidiametri suæ describendo, ex resistentia Aeris amitteret motus sui partem  $\frac{1}{4786}$ . Obtinet autem eadem proportio quam proxime in globis utcunque magnis & velocibus. Jam vero Globum Terræ nostræ densiorem esse quam si totus ex Aqua constaret, sic colligo. Si Globus hicce totus esset aqueus, quæcunque rariora essent quam aqua, ob minorem specificam gravitatem emergerent & supernatarent.



rent. Eaque de causa Globus terreus aquis undique coopertus, si rarior esset quam aqua, emergeret alicubi, & aqua omnis inde defluens congregaretur in regione opposita. Et par est ratio Terræ nostræ maribus magna ex parte circumdatæ. Hæc si densior non esset, emergeret ex maribus, & parte sui pro gradu levitatis extaret ex Aqua, maribus omnibus in regionem oppositam confluentibus. Eodem argumento maculæ Solares leviores sunt quam materia lucida Solaris cui supernatant. Et in formatione qualicunque Planetarum, materia omnis gravior, quo tempore massa tota fluida erat, centrum petebat. Unde cum Terra communis supremæ quasi duplo gravior sit quam aqua, & paulo inferior in fodinis quasi triplo vel quadruplo aut etiam quintuplo gravior reperiatur: verisimile est quod copia materiæ totius in Terra quasi quintuplo vel sextuplo major sit quam si tota ex aqua constaret; præsertim cum Terram quasi quintuplo densiorem esse quam Jovem jam ante ostensum sit. Igitur si Jupiter paulo densior sit quam aqua, hic spatio dierum triginta, quibus longitudinem 459 semidiametrorum suarum describit, amitteret in Medio ejusdem densitatis cum Aere nostro motus sui partem fere decimam. Verum cum resistentia Mediorum minuatur in ratione ponderis ac densitatis, sic ut aqua, quæ partibus 13½ levior est quam argentum vivum, minus resistat in eadem ratione; & aer, qui partibus 850 levior est quam aqua, minus resistat in eadem ratione: si ascendatur in cœlos ubi pondus Medii, in quo Planetæ moventur, diminuitur in immensum, resistentia prope cessabit.

## HYPOTHESIS I.

*Centrum Systematis Mundani quiescere.*

Hoc ab omnibus concessum est, dum aliqui Terram alii Solem in centro Systematis quiescere contendunt. Videamus quid inde sequatur.

## PROPOSITIO XI. THEOREMA XI.

*Commune centrum gravitatis Terræ, Solis & Planetarum omnium quiescere.*

Nam centrum illud (per Legum Corol. 4.) vel quiescet vel progredietur uniformiter in directum. Sed centro illo semper pro-

DE MUNDI SYSTEMATE progrediente, centrum Mundi quoque movebitur contra Hypothesin.

## PROPOSITIO XII. THEOREMA XII.

*Solem motu perpetuo agitari, sed nunquam longe recedere a communi gravitatis centro Planetarum omnium.*

Nam cum (per Corol. 2. Prop. VIII.) materia in Sole sit ad materiam in Jove ut 1033 ad 1, & distantia Jovis a Sole sit ad semidiametrum Solis in ratione paulo majore, incidet commune centrum gravitatis Jovis & Solis in punctum paulo supra superficiem Solis. Eodem argumento cum materia in Sole sit ad materiam in Saturno ut 2411 ad 1, & distantia Saturni a Sole sit ad semidiametrum Solis in ratione paulo minore: incidet commune centrum gravitatis Saturni & Solis in punctum paulo infra superficiem Solis. Et ejusdem calculi vestigiis insistendo si Terra & Planetæ omnes ex una Solis parte consisterent, commune omnium centrum gravitatis vix integra Solis diametro a centro Solis distaret. Aliis in casibus distantia centrorum semper minor est. Et propterea cum centrum illud gravitatis perpetuo quiescit, Sol pro vario Planetarum situ in omnes partes movebitur, sed à centro illo nunquam longe recedet.

*Corol.* Hinc commune gravitatis centrum Terræ, Solis & Planetarum omnium pro centro Mundi habendum est. Nam cum Terra, Sol & Planetæ omnes gravitent in se mutuo, & propterea, pro vi gravitatis suæ, secundum leges motus perpetuo agentur: perspicuum est quod horum centra mobilia pro Mundi centro quiescente haberi nequeunt. Si corpus illud in centro locandum esset in quod corpora omnia maxime gravitant (uti vulgi est opinio) privilegium istud concedendum esset Soli. Cum autem Sol moveatur, eligendum erit punctum quiescens, a quo centrum Solis quam minime discedit, & a quo idem adhuc minus discederet, si modo Sol densior esset & major, ut minus moveretur.

## PROPOSITIO XIII. THEOREMA XIII.

*Planetae moventur in Ellipsis umbilicum habentibus in centro Solis, & radius ad centrum illud ductis areas describunt temporibus proportionales.*

Disputavimus supra de his motibus ex Phænomenis. Jam cognitis motuum principiis, ex his colligimus motus cœlestes a priori. Quoniam pondera Planetarum in Solem sunt reciproce ut quadrata distantiarum a centro Solis, si Sol quiesceret & Planetæ reliqui non agerent in se mutuo, forent orbes eorum Elliptici, Solem in umbilico communi habentes, & areas describerentur temporibus proportionales (per Prop. 1. & 11, & Corol. 1. Prop. 1111 Lib. 1.) Actiones autem Planetarum in se mutuo perexiguæ sunt (ut possint contemni) & motus Planetarum in Ellipsis circa Solem mobilem minus perturbant (per Prop. LXVI. Lib. 1.) quam si motus isti circa Solem quiescentem peragerentur.

Actio quidem Jovis in Saturnum non est omnino contemnenda. Nam gravitas in Jovem est ad gravitatem in Solem (paribus distantis) ut 1 ad 1033, adeoque in conjunctione Jovis & Saturni, quoniam distantia Saturni a Jove est ad distantiam Saturni a Sole fere ut 4 ad 9, erit gravitas Saturni in Jovem ad gravitatem Saturni in Solem ut 81 ad  $16 \times 1033$  seu 1 ad 204 circiter. Et hinc oritur perturbatio orbis Saturni in singulis Planetæ hujus cum Jove conjunctionibus adeo sensibilis ut ad eandem Astronomi hæreant. Pro vario situ Planetæ in his conjunctionibus, Eccentricitas ejus nunc augetur nunc diminuitur, Aphelium nunc promovetur nunc forte retrahitur, & medius motus per vices acceleratur & retardatur. Error tamen omnis in motu ejus circum Solem a tanta vi oriundus (præterquam in motu medio) evitari fere potest constituendo umbilicum inferiorem Orbis ejus in communi centro gravitatis Jovis & Solis (per Prop. LXVII. Lib. 1.) & propterea ubi maximus est, vix superat minuta duo prima. Et error maximus in motu medio vix superat minuta duo prima annuatim. In conjunctione autem Jovis & Saturni gravitates acceleratrices Solis in Saturnum, Jovis in Saturnum & Jovis in Solem sunt fere ut 16, 81 &  $\frac{16 \times 81 \times 2411}{25}$  seu 124986, adeoque differentia gravitatum Solis in Saturnum & Jovis in Saturnum est ad gravitatem Jovis

Jovis in Solem ut 65 ad 124986 seu 1 ad 1923. Huic autem differentię proportionalis est maxima Saturni efficacia ad perturbandum motum Jovis, & propterea perturbatio orbis Jovialis longe minor est quam ea Saturnii. Reliquorum orbium perturbationes sunt adhuc longe minores, præterquam quod Orbis Terræ sensibilibiter perturbatur a Luna. Commune centrum gravitatis Terræ & Lunæ, Ellipsin circum Solem in umbilico positum percurrit, & radio ad Solem ducto areas in eadem temporibus proportionales describit, Terra vero circum hoc centrum commune motu mestruo revolvitur.

## PROPOSITIO XIV. THEOREMA XIV.

### *Orbium Aphelia & Nodi quiescunt.*

Aphelia quiescunt, per Prop. XI. Lib. I. ut & Orbium plana, per ejusdem Libri Prop. 1. & quiescentibus planis quiescunt Nodi. Attamen a Planetarum revolvendum & Cometarum actionibus in se invicem orientur inæqualitates aliquæ, sed quæ ob parvitatem hic contemni possunt.

*Corol. 1.* Quiescunt etiam Stellæ fixæ, propterea quod datas ad Aphelia Nodosque positiones servant.

*Corol. 2.* Ideoque cum nulla sit earum parallaxis sensibilis ex Terræ motu annuo oriunda, vires earum ob immensam corporum distantiam nullos edent sensibiles effectus in regione Systematis nostri. Quinimo Fixæ in omnes cæli partes æqualiter dispersæ contrariis attractionibus vires mutuas destruunt, per Prop. LXX. Lib. I.

### *Scholium.*

Cum Planetæ Soli propiores (nempe Mercurius, Venus, Terra, & Mars) ob corporum parvitatem parum agant in se invicem: horum Aphelia & Nodi quiescent, nisi quatenus a viribus Jovis, Saturni, & corporum superiorum turbentur. Et inde colligi potest per theoriam gravitatis, quod horum Aphelia moventur aliquantulum in consequentia respectu fixarum, idque in proportionem sesquuplicata distantiarum horum Planetarum a Sole. Ut si Aphelium Martis in annis centum conficiat 35' in consequentia respectu fixarum; Aphelia Terræ, Veneris, & Mercurii in annis centum conficient 18'. 36'', 11'. 27'', & 4'. 29'' respective. Et hi motus, ob parvitatem, negliguntur in hac Propositione.

P R O-

## PROPOSITIO XV. PROBLEMA I.

*Invenire Orbium principales diametros.*

Capiendæ sunt hæc in ratione subseſquuplicata temporum periodorum, per Prop. xv. Lib. I. deinde ſigillatim augendæ in ratione ſummæ maſſarum Solis & Planetæ cujuſque revolventis ad primam duarum medie proportionalium inter ſummam illam & Solem, per Prop. Lx. Lib. I.

## PROPOSITIO XVI. PROBLEMA II.

*Invenire Orbium Eccentricitates & Aphelia.*

Problema conſit per Prop. xviii. Lib. I.

## PROPOSITIO XVII. THEOREMA XV.

*Planetarum motus diurnos uniformes eſſe, & librationem Luna ex ipſius motu diurno oriri.*

Patet per motus Legem I, & Corol. 22. Prop. Lxvi. Lib. I. Quoniam vero Lunæ, circa axem ſuum uniformiter revolventis, dies menſtruus eſt; hujus facies cadem ulteriorem umbilicum orbis ipſius ſemper reſpiciet, & propterea pro ſitu umbilici illius deviabitis hinc inde a Terra. Hæc eſt libratio in longitudinem. Nam libratio in latitudinem orta eſt ex inclinatione axis Lunarum ad planum orbis. Porro hæc ita ſe habere, ex Phænomenis manifeſtum eſt.

## PROPOSITIO XVIII. THEOREMA XVI.

*Axes Planetarum diametris quæ ad eoſdem axes normaliter ducuntur minores eſſe.*

Planetæ ſublato omni motu circulari diurno figuram Sphæricam, ob æqualem undique partium gravitatem, affectare deberent. Per motum illum circularem ſit ut partes ab axe recedentes juxta æquatorem aſcendere conentur. Ideoque materia ſi fluida ſit

Ccc

aſcenſu

DE MUNDI  
SYSTEMATE

ascensu suo ad æquatorem diametros adaugebit, axem vero descensu suo ad polos diminuet. Sic Jovis diameter (consentientibus Astronomorum observationibus) brevior deprehenditur inter polos quam ab oriente in occidentem. Eodem argumento, nisi Terra nostra paulo altior esset sub æquatore quam ad polos, Maria ad polos subsiderent, & juxta æquatorem ascendendo, ibi omnia inundarent.

## PROPOSITIO XIX. PROBLEMA III.

*Invenire proportionem axis Planetæ ad diametros eadem  
perpendiculares.*

*Picartus* mensurando arcum gradus unius & 22'. 55" inter *Ambianum* & *Malvoisinam*, invenit arcum gradus unius esse hexapedarum Parisiensium 57060. Unde ambitus Terræ est pedum Parisiensium 123249600, ut supra. Sed cum error quadringentesimæ partis digiti, tam in fabrica instrumentorum quam in applicatione eorum ad observationes capiendas, sit insensibilis, & in Sectore decempedali quo *Galli* observarunt Latitudines locorum respondeat minutis quatuor secundis, & in singulis observationibus incidere possit tam ad centrum Sectoris quam ad ejus circumferentiam, & errores in minoribus arcibus sint majoris momenti: \* ideo *Cassinus* jussu Regis mensuram Terræ per majora locorum intervalla aggressus est, & subinde per distantiam inter Observatorium Regium *Parisiense* & villam *Colioure* in *Roussillon* & Latitudinum differentiam 6<sup>or</sup> 18', supponendo quod figura Terræ sit Sphærica, invenit gradum unum esse hexapedarum 57292, prope ut *Norwoodus* noster antea invenerat. Hic enim circa annum 1635, mensurando distantiam pedum Londinensium 905751 inter *Londinum* & *Eboracum*, & observando differentiam Latitudinum 2<sup>or</sup> 28', collegit mensuram gradus unius esse pedum Londinensium 367196, id est, hexapedarum Parisiensium 57300. Ob magnitudinem intervalli a *Cassino* mensurati, pro mensura gradus unius in medio intervalli illius, id est, inter Latitudines 45<sup>or</sup> & 46<sup>or</sup> usurpabo hexapedas 57292. Unde, si Terra sit Sphærica, semidiameter ejus erit pedum Parisiensium 19095539.

Penduli

Penduli in Latitudine *Lutetiae Parisiorum* ad minuta secunda oscillantis longitudo est pedum trium Parisiensium & linearum 8 $\frac{1}{2}$ . Et longitudo quod grave tempore minuti unius secundi cadendo describit, est ad dimidiam longitudinem penduli hujus, in duplicata ratione circumferentiae circuli ad diametrum ejus (ut indicavit *Hugenius*) ideoque est pedum Parisiensium 1 $\frac{1}{2}$ , dig. 1, lin. 2 $\frac{1}{2}$ , seu linearum 2174 $\frac{1}{2}$ .

Corpus in circulo, ad distantiam pedum 19695539 a centro, singulis diebus sideris horarum 23. 56'. 4" uniformiter revolvens, tempore minuti unius secundi describit arcum pedum 1436,223, cujus sinus versus est pedum 0,05236558, seu linearum 7,54064. Ideoque vis qua gravia descendunt in Latitudine *Lutetiae*, est ad vim centripetam corporum in *Aequatore*, a Terrae motu diurno oriundam, ut 2174 $\frac{1}{2}$  ad 7,54064.

Vis centrifuga corporum in *Aequatore*, est ad vim centrifugam qua corpora directe tendunt a Terra in Latitudine *Lutetiae* graduum 48. 50', in duplicata ratione Radii ad sinum complementi Latitudinis illius, id est, ut 7,54064 ad 3,267. Addatur hae vis ad vim qua gravia descendunt in Latitudine *Lutetiae*, & corpus in Latitudine *Lutetiae* vi tota gravitatis cadendo, tempore minuti unius secundi describeret lineas 2177,32, seu pedes Parisienses 1 $\frac{1}{2}$ , dig. 1, & lin. 5,32. Et vis tota gravitatis in Latitudine illa, erit ad vim centripetam corporum in *Aequatore* Terrae, ut 2177,32 ad 7,54064, seu 289 ad 1.

Unde si *APBQ* figuram Terrae designet jam non amplius Sphaericam sed revolutione Ellipseos circum axem minorem *PQ* genitam, sitque *ACQca* canalis aquae plena, a polo *Qq* ad centrum *Cc*, & inde ad *Aequatorem Aa* pergens: debet pondus aquae in crure *ACca*, esse ad pondus aquae in crure altero *QCcq* ut 289 ad 288, eo quod vis centrifuga ex circulari motu orta partem unam e ponderis partibus 289 sustinebit ac detrahet, & pondus 288 in altero crure sustinebit reliquas. Porro (ex Propositionis xci. Corollario secundo, Lib.I.) computationem incundo, invenio quod si Terra constaret ex uniformi materia, motuque omni privaretur, & esset ejus axis *PQ*




Ccc 2

ad

DE MONDI  
SYSTEMATE

ad diametrum  $AB$  ut 100 ad 101: gravitas in loco  $Q$  in Terram, foret ad gravitatem in eodem loco  $Q$  in Sphæram centro  $C$  radio  $PC$  vel  $QC$  descriptam, ut 126 ad 125. Et eodem argumento gravitas in loco  $A$  in Sphæroidem, convolutione Ellipsios  $APBQ$  circa axem  $AB$  descriptam, est ad gravitatem in eodem loco  $A$  in Sphæram centro  $C$  radio  $AC$  descriptam, ut 125 ad 126. Est autem gravitas in loco  $A$  in Terram, media proportionalis inter gravitates in dictam Sphæroidem & Sphæram: propterea quod Sphæra, diminuendo diametrum  $PQ$  in ratione 101 ad 100, vertitur in figuram Terræ; & hæc figura diminuendo in eadem ratione diametrum tertiam, quæ diametris duabus  $AB, PQ$  perpendicularis est, vertitur in dictam Sphæroidem; & gravitas in  $A$ , in casu utroque, diminuitur in eadem ratione quam proxime. Est igitur gravitas in  $A$  in Sphæram centro  $C$  radio  $AC$  descriptam, ad gravitatem in  $A$  in Terram ut 126 ad 125½, & gravitas in loco  $Q$  in Sphæram centro  $C$  radio  $QC$  descriptam, est ad gravitatem in loco  $A$  in Sphæram centro  $C$  radio  $AC$  descriptam, in ratione diametrorum (per Prop. LXXII. Lib. I.) id est, ut 100 ad 101. Coniungantur jam hæc tres rationes, 126 ad 125, 126 ad 125½, & 100 ad 101: & fiet gravitas in loco  $Q$  in Terram, ad gravitatem in loco  $A$  in Terram, ut  $126 \times 126 \times 100$  ad  $125 \times 125\frac{1}{2} \times 101$ , seu ut 501 ad 500.



Jam cum (per Corol. 3. Prop. xci. Lib. I.) gravitas in canalibus cruce-utrovis  $ACca$  vel  $QCcq$  sit ut distantia locorum a centro Terræ; si crura illa superficiebus transversis & æquidistantibus distinguantur in partes totis proportionales, erunt pondera partium singularum in cruce  $ACca$  ad pondera partium totidem in cruce altero, ut magnitudines & gravitates acceleratrices conjunctim; id est, ut 101 ad 100 & 500 ad 501, hoc est, ut 505 ad 501. Ac proinde si vis centrifuga partis cujusque in cruce  $ACca$  ex motu diurno oriunda, fuisset ad pondus partis ejusdem ut 4 ad 505, eo ut de pondere partis cujusque, in partes 505 diviso, partes quatuor detraheret; manerent pondera in utroque cruce æqualia, & propterea fluidum consisteret in æquilibrio. Verum vis centrifuga partis cujusque est ad pondus ejusdem ut 1 ad 189, hoc est, vis centrifuga quæ deberet esse ponderis pars  $\frac{1}{189}$ , est tantum pars  $\frac{1}{189}$ .  
Et



Et propterea dico, secundum Regulam auream, quod si vis centrifuga  $\frac{4}{351}$  faciat ut altitudo aquæ in crure *ACca* superet altitudinem aquæ in crure *QcCq* parte centesima totius altitudinis: vis centrifuga  $\frac{1}{283}$  faciet ut excessus altitudinis in crure *ACca* sit altitudinis in crure altero *QcCq* pars tantum  $\frac{1}{219}$ . Est igitur diameter Terræ secundum æquatorem ad ipsius diametrum per polos ut 230 ad 229. Ideoque cum Terræ semidiameter mediocris, juxta mensuram *Cassini*, sit pedum Parisiensium 19695539, seu milliarium 3939 (posito quod milliare sit mensura pedum 5000) Terra altior erit ad Æquatorem quam ad Polos excessu pedum 85820, seu milliaryum 17½.

Si Planeta major sit vel minor quam Terra manente ejus densitate ac tempore periodico revolutionis diurnæ, manebit proportio vis centrifugæ ad gravitatem, & propterea manebit etiam proportio diametri inter polos ad diametrum secundum æquatorem. At si motus diurnus in ratione quacunque acceleretur vel retardetur, augebitur vel minuetur vis centrifuga in duplicata illa ratione, & propterea differentia diametrorum augebitur vel minuetur in eadem duplicata ratione quamproxime. Et si densitas Planetæ augeatur vel minuatur in ratione quavis, gravitas etiam in ipsum tendens augebitur vel minuetur in eadem ratione, & differentia diametrorum vicissim minuetur in ratione gravitatis auctæ vel augebitur in ratione gravitatis diminutæ. Unde cum Terra respectu fixarum revolvatur horis 23. 56', Jupiter autem horis 9. 56', sintque temporum quadrata ut 29 ad 5, & densitates ut 5 ad 1: differentia diametrorum Jovis erit ad ipsius diametrum minorem ut  $\frac{1}{5} \times \frac{1}{5} \times \frac{1}{283}$  ad 1, seu 1 ad 8 quamproxime. Est igitur diameter Jovis ab oriente in occidentem ducta, ad ejus diametrum inter polos ut 9 ad 8 quamproxime, & propterea diameter inter polos est 35½. Hæc ita se habent ex hypothese quod uniformis sit Planetarum materia. Nam si materia densior sit ad centrum quam ad circumferentiam, diameter quæ ab oriente in occidentem ducitur, erit adhuc major.

Jovis vero diametrum quæ polis ejus interjacet minorem esse diametro altera *Cassinus* dudum observavit, & Terræ diametrum inter polos minorem esse diametro altera patebit per ea quæ dicentur in Propositione sequente.

## PROPOSITIO XX. PROBLEMA IV.

*Invenire & inter se comparare Pondera corporum in Terra hujus regionibus diversis.*

Quoniam pondera inæqualium crurum canalis aqueæ *ACQca* æqualia sunt, & pondera partium, cruribus totis proportionalium & similiter in totis sitarum, sunt ad invicem ut pondera totorum, adeoque etiam æquantur inter se; erunt pondera æqualium & in cruribus similiter sitarum partium reciproce ut crura, id est, reciproce ut 230 ad 229. Et par est ratio homogeneorum & æqualium quorumvis & in canalis cruribus similiter sitorum corporum. Horum pondera sunt reciproce ut crura, id est, reciproce ut distantia corporum a centro Terræ. Proinde si corpora in supremis canalium partibus, sive in superficie Terræ consistant; erunt pondera eorum ad invicem reciproce ut distantia eorum a centro. Et eodem argumento pondera, in aliis quibuscunque per totam Terræ superficiem regionibus, sunt reciproce ut distantia locorum a centro; & propterea, ex Hypothesi quod Terra Sphærois sit, dantur proportione.

Unde tale consistit Theorema, quod incrementum ponderis pergendo ab Æquatore ad Polos, sit quam proxime ut sinus versus Latitudinis duplicata, vel, quod perinde est, ut quadratum sinus recti Latitudinis. Et in eadem circiter ratione augentur arcus graduum Latitudinis in Meridiano. Ideoque cum Latitudo *Lutetie Parisorum* sit  $48^{\circ} 50'$ , ea locorum sub Æquatore  $00^{\circ} 00'$ , & ea locorum ad Polos  $90^{\circ}$  & duplorum sinus versi sint 11334, 0000 & 30000, existente Radio 10000, & gravitas ad Polum sit ad gravitatem sub Æquatore ut 230 ad 229, & excessus gravitatis ad Polum ad gravitatem sub Æquatore ut 1 ad 229: erit excessus gravitatis in Latitudine *Lutetie* ad gravitatem sub Æquatore, ut  $1 \times \frac{11334}{30000}$  ad 229, seu 5667 ad 2290000. Et propterea gravitates totæ in his locis erunt ad invicem ut 2295667 ad 2290000. Quare cum longitudines pendulorum æqualibus temporibus oscillantium sint ut gravitates, & in Latitudine *Lutetie Parisorum* longitudo penduli singulis minutis secundis oscillantis sit pedum trium Parisiensium & linearum  $8\frac{1}{2}$ : longitudo penduli sub Æquatore superabitur a longitudine synchroni penduli *Parisensis*, excessu lineæ unius & 87 partium millesimarum lineæ. Ex simili computo consistit Tabula sequens.

*Latitudo*

<i>Latitudo Locī</i>	<i>Longitudo Penduli</i>		<i>Mensura Gradus unius in Meridiano</i>
Gr.	Ped.	Lin.	Hexaped.
0	3 .	7,468	56909
5	3 .	7,482	56914
10	3 .	7,526	56931
15	3 .	7,596	56959
20	3 .	7,692	56996
25	3 .	7,811	57042
30	3 .	7,948	57096
35	3 .	8,099	57155
40	3 .	8,261	57218
1	3 .	8,294	57231
2	3 .	8,327	57244
3	3 .	8,361	57257
4	3 .	8,394	57270
45	3 .	8,428	57283
6	3 .	8,461	57296
7	3 .	8,494	57309
8	3 .	8,528	57322
9	3 .	8,561	57335
50	3 .	8,594	57348
55	3 .	8,756	57411
60	3 .	8,907	57470
65	3 .	9,044	57524
70	3 .	9,162	57570
75	3 .	9,258	57607
80	3 .	9,329	57635
85	3 .	9,372	57652
90	3 .	9,387	57657

Constat autem per hanc Tabulam, quod graduum inæqualitas tam parva sit, ut in rebus Geographicis figura Terræ pro Sphærica haberi possit, quodque inæqualitas diametrorum Terræ facilius & certius per experimenta pendulorum deprehendi possit vel etiam per Eclipses Lunæ, quam per arcus Geographicè mensuratos in Meridiano.

Hæc

Hæc ita se habent ex hypothesi quod Terra ex uniformi materia constat. Nam si materia ad centrum paulo densior sit quam ad superficiem, differentię pendulorum & graduum Meridiani paulo majores erunt quam pro Tabula præcedente, propterea quod si materia ad centrum redundans qua densitas ibi major redditur, subducatur & seorsim spectetur, gravitas in Terram reliquam uniformiter densam, erit reciproce ut distantia ponderis a centro; in materiam vero redundantem reciproce ut quadratum distantię a materia illa quamproxime. Gravitatis igitur sub æquatore minor est in materiam illam redundantem quam pro computo superiore: & propterea Terra ibi, propter defectum gravitatis, paulo altius ascendet, & excessus longitudinum Pendulorum & graduum ad polos paulo majores erunt quam in præcedentibus definitum est.

Jam vero Astronomi aliqui in longinquas regiones ad observationes Astronomicas faciendas missi, invenerunt quod horologia oscillatoria tardius moverentur prope Æquatorem quam in regionibus nostris. Et primo quidem *D. Richer* hoc observavit anno 1672 in insula *Cayenne*. Nam dum observaret transitum Fixarum per meridianum mense *Augusto*, reperit horologium suum tardius moveri quam pro medio motu Solis, existente differentia 2'. 28" singulis diebus. Deinde faciendo ut Pendulum simplex ad minuta singula secunda per horologium optimum mensurata oscillaret, notavit longitudinem Penduli simplicis, & hoc fecit sæpius singulis septimanis per menses decem. Tum in *Galliam* redux contulit longitudinem hujus Penduli cum longitudine Penduli *Parisiensis* (quæ erat trium pedum Parisiensium, & octo linearum cum tribus quintis partibus lineæ) & reperit breviorē esse, existente differentia lineæ unius cum quadrante. At ex tarditate horologii oscillatorii in *Cayenna*, differentia Pendulorum colligitur esse lineæ unius cum semisse.

Postea *Halleus* noster circa annum 1677 ad insulam *S<sup>te</sup> Helene* navigans, reperit horologium suum oscillatorium ibi tardius moveri quam *Londini*, sed differentiam non notavit. Pendulum vero brevius reddidit plusquam octava parte digiti, seu linea una cum semisse. Et ad hoc efficiendum, cum longitudo cochleæ in ima parte penduli non sufficeret, annulum ligneum thecæ cochleæ & ponderi pendulo interposuit.

Deinde anno 1682 *D. Varin* & *D. Des Hayes* invenerunt longitudinem Penduli singulis minutis secundis oscillantis in Observatorio

vatorio Regio *Parisiensi* esse ped. 3. lin. 8 $\frac{1}{2}$ . Et in insula *Gorea* eadem methodo longitudinem Penduli synchroni invenerunt esse ped. 3. lin. 6 $\frac{1}{2}$ , existente longitudinum differentia lin. 2. Et eodem anno ad insulas *Guadaloupam* & *Martinicam* navigantes, invenerunt longitudinem Penduli synchroni in his insulis esse ped. 3. lin. 6 $\frac{1}{2}$ .

Posthac *D. Couplet* filius anno 1697 mense *Julio*, horologium suum oscillatorium ad motum Solis medium in Observatorio Regio *Parisiensi* sic aptavit, ut tempore satis longo horologium cum motu Solis congrueret. Deinde *Ulyssipponem* navigans invenit quod mense *Novembri* proximo horologium tardius iret quam prius, existente differentia 2'. 13" in horis 24. Et mense *Martio* sequente *Paraibam* navigans invenit ibi horologium suum tardius ire quam *Parisi*, existente differentia 4'. 12" in horis 24. Et affirmat Pendulum ad minuta secunda oscillans brevius fuisse *Ulyssipponi* lineis 2 $\frac{1}{2}$  & *Paraibae* lineis 3 $\frac{1}{2}$  quam *Parisi*. Rectius posuisset differentias esse 1 $\frac{1}{2}$  & 2 $\frac{1}{2}$ . Nam hae differentiae differentiarum temporum 2'. 13", & 4'. 12" respondent. Crassioribus hujus Observationibus minus fidendum est.

Annis proximis (1699 & 1700) *D. Des Hayes* ad *Americam* denuo navigans, determinavit quod in insulis *Cayennae* & *Granadae* longitudo Penduli ad minuta secunda oscillantis, esset paulo minor quam ped. 3. lin. 6 $\frac{1}{2}$ , quodque in insula *S. Christophori* longitududo illa esset ped. 3. lin. 6 $\frac{1}{2}$ , & quod in insula *S. Dominici* eadem esset ped. 3. lin. 7.

Annoque 1704 *P. Feuilleus* invenit in *Porto-belo* in *America* longitudinem Penduli ad minuta secunda oscillantis, esse pedum trium *Parisiensis* & linearum tantum 5 $\frac{1}{2}$ , id est, tribus fere lineis breviorum quam *Lutetiae Parisiorum*, sed errante Observatione. Nam deinde ad insulam *Martinicam* navigans, invenit longitudinem Penduli isochroni esse pedum tantum trium *Parisiensis* & linearum 5 $\frac{1}{2}$ .

Latitudo autem *Paraibae* est 6 $^{\circ}$  38' ad austrum, & ea *Porto-beli* 9 $^{\circ}$  33' ad boream, & Latitudines insularum *Cayennae*, *Gorea*, *Guadaloupe*, *Martinicae*, *Granadae*, *S. Christophori*, & *S. Dominici* sunt respective 4 $^{\circ}$  55', 14 $^{\circ}$  40', 14 $^{\circ}$  00', 14 $^{\circ}$  44', 12 $^{\circ}$  6', 17 $^{\circ}$  19', & 19 $^{\circ}$  48' ad boream. Et excessus longitudinis Penduli *Parisiensis* supra longitudines Pendulorum isochronorum in his latitudinibus observatas, sunt paulo majores quam pro *Tabula* longitudinum Penduli superius computata. Et propterea *Terra* aliquanto altior est sub *Aequatore* quam pro superiore calculo,

culo, & densior ad centrum quam in fodinis prope superficiem, nisi forte calores in Zona torrida longitudinem Pendulorum aliquantulum auxerint.

Observavit utique *D. Picartus* quod virga ferrea, quæ tempore hyberno ubi gelabant frigora erat pedis unius longitudine, ad ignem calefacta evasit pedis unius cum quarta parte lineæ. Deinde *D. de la Hire* observavit quod virga ferrea quæ tempore consimili hyberno sex erat pedum longitudinis, ubi Soli æstivo exponebatur evasit sex pedum longitudinis cum duabus tertiis partibus lineæ. In priore casu calor major fuit quam in posteriore, in hoc vero major fuit quam calor externarum partium corporis humani. Nam metalla ad Solem æstivum valde incallescunt. At virga penduli in horologio oscillatorio nunquam exponi solet calori Solis æstivi, nunquam calorem concipit calori externæ superficiei corporis humani æqualem. Et propterea virga Penduli in horologio tres pedes longa, paulo quidem longior erit tempore æstivo quam hyberno, sed excessu quartam partem lineæ unius vix superante. Proinde differentia tota longitudinis pendulorum quæ in diversis regionibus isochrona sunt, diverso calori attribui non potest. Sed neque erroribus Astronomorum è *Gallia* missorum tribuenda est hæc differentia. Nam quamvis eorum observationes non perfecte congruant inter se, tamen errores sunt adeo parvi ut contemni possint. Et in hoc concordant omnes, quod isochrona pendula sunt breviora sub Æquatore quam in Observatorio Regio *Parisensi*, existente differentia duarum circiter linearum seu sextæ partis digiti. Per observationes *D. Richer* in *Cayenna* factas, differentia fuit lineæ unius cum semisse. Error semissis lineæ facile committitur. Et *D. des Hayes* postea per observationes suas in eadem insula factas errorem correxit, inventa differentia linearum  $2\frac{1}{2}$ . Sed & per observationes in insulis *Gorea*, *Guadaloupa*, *Martinica*, *Granada*, *S. Christophori*, & *S. Dominici* factas & ad Æquatorem reductas, differentia illa prodit haud minor quam  $1\frac{1}{2}$  lineæ, haud major quam  $2\frac{1}{2}$  linearum. Et inter hos limites quantitas mediocris est  $2\frac{1}{2}$  linearum. Propter calores locorum in Zona torrida negligamus  $\frac{1}{2}$  partes lineæ, & manebit differentia duarum linearum.

Quare cum differentia illa per Tabulam præcedentem, ex hypothesis quod Terra ex materia uniformiter densa eodit, sit tantum  $\frac{1}{1000}$  lineæ; excessus altitudinis Terræ ad æquatorem super altitudinem ejus ad polos, qui erat milliarium  $\frac{1}{10}$ , jam audus in ratione

ratione differentiarum, fiet milliarius 31 $\frac{1}{2}$ . Nam tarditas Penduli sub Æquatore defectum gravitatis arguit, & quo levior est materia eo major esse debet altitudo ejus, ut pondere suo materiam sub Polis in æquilibrio sustineat.

Hinc figura umbræ Terræ per Eclipses Lunæ determinanda, non erit omnino circularis, sed diameter ejus ab oriente in occidentem ducta major erit quam diameter ejus ab austro in boream ducta, excessu 55" circiter. Et parallaxis maxima Lunæ in Longitudinem paulo major erit quam ejus parallaxis maxima in Latitudinem. Ac Terræ semidiameter maxima erit pedum Parisiensium 19767630, minima pedum 19609820 & mediocris pedum 19688725 quamproxime.

Cum gradus unus mensurante *Picarto* sit hexapedarum 57060, mensurante vero *Cassino* sit hexapedarum 57192: suspicantur aliqui gradum unumquemque, pergendo per *Gallias* austrum versus majorem esse gradu præcedente hexapedis plus minus 72, seu parte octingentesima gradus unius, existente Terra Sphæroide oblonga cujus partes ad polos sunt altissimæ. Quo posito, corpora omnia ad polos Terræ leviora forent quam ad Æquatorem, & altitudo Terræ ad polos superaret altitudinem ejus ad æquatorem milliariis fere 95, & pendula isochrona longiora forent ad Æquatorem quem in Observatorio Regio *Parisensi* excessu semissis digiti circiter, ut conferenti proportionem hic positam cum proportionibus in Tabula præcedente positam, facile constabit. Sed & diameter umbræ Terræ quæ ab austro in boream ducitur, major foret quam diameter ejus quæ ab oriente in occidentem ducitur, excessu 2'. 46", seu parte duodecima diametri Lunæ. Quibus omnibus Experientia contrariatur. Certe *Cassinus*, definiendo gradum unum esse hexapedarum 57192, medium inter mensuras suas omnes, ex hypothesi de æqualitate graduum assumpsit. Et quamvis *Picartus* in *Gallia* limite boreali invenit gradum paulo minorem esse, tamen *Norwoodus* noster in regionibus magis borealibus, mensurando majus intervallum, invenit gradum paulo majorem esse quam *Cassinus* invenerat. Et *Cassinus* ipse mensuram *Picarti*, ob parvitatem intervalli mensurati, non satis certam & exactam esse judicavit ubi mensuram gradus unius per intervallum longe majus definire aggressus est. Differentiæ vero inter mensuras *Cassini*, *Picarti*, & *Norwoodi* sunt prope insensibiles, & ab insensibilibus observationum erroribus facile oriri potuere, ut Nutationem axis Terræ præteream.

## PROPOSITIO XXI. THEOREMA XVII.

*Puncta Aequinoctialia regredi, & axem Terræ singulis revolutionibus annuis nutando bis inclinari in Eclipticam & bis redire ad positionem priorem.*

Patet per Corol. 20. Prop. LXVI. Lib. I. Motus tamen iste nutandi perexiguus esset debet, & vix aut ne vix quidem sensibilis.

## PROPOSITIO XXII. THEOREMA XVIII.

*Motus omnes Lunares, omnesque motuum inæqualitates ex allatis Principiis consequi.*

Planetas majores, interea dum circa Solem feruntur, posse alios minores circum se revolventes Planetas deferre, & minores illos in Ellipsis, umbilicos in centris majorum habentibus, revolvi debere patet per Prop. LXV. Lib. I. Actione autem Solis perturbantur eorum motus multimode, iisque adficientur inæqualitatibus quæ in Luna nostra notantur. Hæc utique (per Corol. 2, 3, 4, & 5. Prop. LXVI.) velocius movetur, ac radio ad Terram ducto describit aream pro tempore majorem, Orbemque habet minus curvum, atque adeo propius accedit ad Terram, in Syzygiis quam in Quadraturis, nisi quatenus impedit motus Eccentricitatis. Eccentricitas enim maxima est (per Corol. 9. Prop. LXVI.) ubi Apogæum Lunæ in Syzygiis versatur, & minima ubi idem in Quadraturis consistit, & inde Luna in Perigæo velocior est & nobis propior, in Apogæo autem tardior & remotior in Syzygiis quam in Quadraturis. Progreditur insuper Apogæum, & regrediuntur Nodi, sed motu inæquabili. Et Apogæum quidem (per Corol. 7. & 8. Prop. LXVI.) velocius progreditur in Syzygiis suis, tardius regreditur in Quadraturis, & excessu progressus supra regressum annuatim fertur in consequentia. Nodi autem (per Corol. 11. Prop. LXVI.) quiescunt in Syzygiis suis, & velocissime regrediuntur in Quadraturis. Sed & major est Lunæ latitudo maxima in ipsius Quadraturis (per Corol. 10. Prop. LXVI.) quam in Syzygiis: & motus medius tardior in Perihelio Terræ (per Corol. 6. Prop.



Prop. LXVI.) quam in ipsius Aphelio. Atque hæ sunt inæqualitates insigniores ab Astronomis notatæ.

LIBER  
TERTIUS.

Sunt etiam aliæ quædam nondum observatæ inæqualitates, quibus motus Lunares adeo perturbantur, ut nulla hæcenus lege ad Regulam aliquam certam reduci potuerint. Velocitates enim seu motus horarii Apogæi & Nodorum Lunæ, & eorundem æquationes, ut & differentia inter Eccentricitatem maximam in Syzygiis & minimam in Quadraturis, & inæqualitas quæ Variatio dicitur, augentur ac diminuuntur annuatim (per Corol. 14. Prop. LXVI.) in triplicata ratione diametri apparentis Solaris. Et Variatio præterea augetur vel diminuitur in duplicata ratione temporis inter quadraturas quam proxime (per Corol. 1. & 2. Lem. X. & Corol. 16. Prop. LXVI. Lib. I.) Sed hæc inæqualitas in calculo Astronomico, ad Prosthaphæresin Lunæ referri solet, & cum ea confundi.

### PROPOSITIO XXIII. PROBLEMA V.

*Motus inæquales Satellitum Jovis & Saturni à motibus Lunaribus derivare.*

Ex motibus Lunæ nostræ motus analogi Lunarum seu Satellitum Jovis sic derivantur. Motus medius Nodorum Satellitis extimi Jovialis, est ad motum medium Nodorum Lunæ nostræ, in ratione composita ex ratione duplicata temporis periodici Terræ circa Solem ad tempus periodicum Jovis circa Solem, & ratione simplici temporis periodici Satellitis circa Jovem ad tempus periodicum Lunæ circa Terram: (per Corol. 16. Prop. LXVI.) adeoque, annis centum conficit Nodus iste  $8^{\circ} 24'$ . in antecedentia. Motus medii Nodorum Satellitum interiorum sunt ad motum hujus, ut illorum tempora periodica ad tempus periodicum hujus, per idem Corollarium, & inde dantur. Motus autem Augis Satellitis cujusque in consequentia, est ad motum Nodorum ipsius in antecedentia, ut motus Apogæi Lunæ nostræ ad hujus motum Nodorum, (per idem Corol.) & inde datur. Diminui tamen debet motus Augis sic inventus in ratione  $\frac{1}{2}$  ad  $\frac{1}{3}$  vel  $\frac{1}{4}$  ad  $\frac{1}{5}$  circiter, ob causam quam hic exponere non vacat. Æquationes maximæ Nodorum & Augis Satellitis cujusque fere sunt ad æquationes maximas Nodorum & Augis Lunæ respective, ut motus Nodorum & Augis Satellitum tempore unius revolutionis æquationum priorum,

rum, ad motus Nodorum & Apogæi Lunæ tempore unius revolutionis æquationum posteriorum. Variatio Satellitis è Jove spectati, est ad Variationem Lunæ, ut sunt ad invicem toti motus Nodorum temporibus quibus Satelles & Luna ad Solem revolvuntur, per idem Corollarium; adeoque in Satellite extimo non superat 5". 12".

## PROPOSITIO XXIV. THEOREMA XIX.

*Fluxum & refluxum Maris ab actionibus Solis ac  
Lunæ oriri.*

Mare singulis diebus tam Lunaribus quam Solaribus bis intumescere debere ac bis defluere, patet per Corol. 19. Prop. LXVI. Lib. I. ut & aquæ maximam altitudinem, in maribus profundis & liberis, appulsus Luminarium ad Meridianum loci, minori quam sex horarum spatio sequi, uti fit in Maris *Atlantici* & *Aethiopici* tractu toto orientali inter *Galliam* & Promontorium *Bonæ Spei*, ut & in Maris *Pacifici* littore *Chilensi* & *Peruviano*: in quibus omnibus littoribus æstus in horam circiter tertiam incidit, nisi ubi motus per loca vadosa propagatus aliquantulum retardatur. Horas numero ab appulsu Luminaris utriusque ad Meridianum loci, tam infra Horizontem quam supra, & per horas dici Lunaribus intelligo vigesimas quartas partes temporis quo Luna motu apparente diurno ad Meridianum loci revolvitur.

Motus autem bini, quos Luminaria duo excitant, non cernuntur distincte, sed motum quandam mixtum efficient. In Luminarium Conjunctione vel Oppositione conjunguntur eorum effectus, & componetur fluxus & refluxus maximus. In Quadraturis Sol attollet aquam ubi Luna deprimit, deprimetque ubi Sol attollit, & ex effectuum differentia æstus omnium minimus orietur. Et quoniam, experientia teste, major est effectus Lunæ quam Solis, incidet aquæ maxima altitudo in horam tertiam Lunarem. Extra Syzygias & Quadraturas, æstus maximus qui sola vi Lunari incidere semper deberet in horam tertiam Lunarem, & sola Solari in tertiam Solarem, compositis viribus incidet in tempus aliquod intermedium quod tertiæ Lunari propinquius est; adeoque in transitu Lunæ a Syzygiis ad Quadraturas, ubi hora tertia Solaris præcedit tertiam Lunarem, maxima aquæ altitudo præcedet etiam tertiam

tertiam Lunarem, idque maximo intervallo paulo post *Ostantes* Lunæ; & paribus intervallis æstus maximus sequetur horam tertiam Lunarem in transitu Lunæ a Quadraturis ad Syzygias. Hæc ita sunt in Mari aperto. Nam in ostiis Fluviorum fluxus majores cæteris paribus tardius ad *æpleu* venient.

Pendent autem effectus Luminarium ex eorum distantis a Terra. In minoribus enim distantis majores sunt eorum effectus, in majoribus minores, idque in triplicata ratione diametrorum apparentium. Igitur Sol tempore hyberno, in Perigæo existens, majores edit effectus, efficitque ut æstus in Syzygiis paulo majores sint, & in Quadraturis paulo minores (cæteris paribus) quam tempore æstivo; & Luna in Perigæo singulis mensibus majores ciet æstus quam ante vel post dies quindecim, ubi in Apogæo versatur. Vnde fit ut æstus duo omnino maximi in Syzygiis continuis se mutuo non sequantur.

Pendet etiam effectus utriusque Luminaris ex ipsius Declinatione seu distantia ab *Æquatore*. Nam si Luminare in polo constitueretur, traheret illud singulas aquæ partes constanter, absque actionis intensiōe & remissione, adeoque nullam motus reciprocationem cieret. Igitur Luminaria recedendo ab æquatore polum versus, effectus suos gradatim amittent, & propterea minores ciebunt æstus in Syzygiis Solstitialibus quam in *Æquinoctialibus*. In Quadraturis autem Solstitialibus majores ciebunt æstus quam in Quadraturis *Æquinoctialibus*; eo quod Lunæ jam in æquatore constitutæ effectus maxime superat effectum Solis. Incidunt igitur æstus maximi in Syzygiis & minimi in Quadraturis Luminarium, circa tempora *Æquinoctii* utriusque. Et æstum maximum in Syzygiis comitatur semper minimus in Quadraturis, ut experientia compertum est. Per minorem autem distantiam Solis a Terra, tempore hyberno quam tempore æstivo, fit ut æstus maximi & minimi sæpius præcedant *Æquinoctium* vernum quam sequantur, & sæpius sequantur autumnale quam præcedant.

Pendent etiam effectus Luminarium ex locorum latitudine. Designet *ApEP* Tellurem aquis profundis undique coopertam; *C* centrum ejus; *P*, *p* polos; *AE* *Æquatorem*; *F* locum quemvis extra *Æquatorem*; *Ff* parallelum loci; *Dd* parallelum ei respondendum ex altera parte æquatoris; *L* locum quem Luna tribus ante horis occupabat; *H* locum Telluris ei perpendiculariter subiectum;



pore æstivo matutinos, ad *Plymuthum* quidem altitudine quasi pedis unius, ad *Bristoliam* vero altitudine quindecim digitorum: observantibus *Colepreffio* & *Sturmio*.

Motus autem hæcenus descripti mutantur aliquantulum per vim illam reciprocationis aquarum, qua Maris æstus, etiam cessantibus Luminarium actionibus, posset aliquamdiu perseverare. Conferatio hæcce motus impressi minuit differentiam æstuum alternorum; & æstus proxime post Syzygias majores reddit, eosque proxime post Quadraturas minuit. Unde fit ut æstus alterni ad *Plymuthum* & *Bristoliam* non multo magis differant ab invicem quam altitudine pedis unius vel digitorum quindecim; utque æstus omnium maximi in iisdem portibus, non sint primi a Syzygiis, sed tertii. Retardantur etiam motus omnes in transitu per vada, adeo ut æstus omnium maximi, in fretis quibusdam & Fluviorum ostiis, sint quarti vel etiam quinti a Syzygiis.

Porro fieri potest ut æstus propagetur ab Oceano per freta diversa ad eundem portum, & citius transeat per aliqua freta quam per alia: quo in casu æstus idem, in duos vel plures successive advenientes divisus, componere possit motus novos diversorum generum. Fingamus æstus duos æquales a diversis locis in eundem portum venire, quorum prior præcedat alterum spatio horarum sex, incidatque in horam tertiam ab appulsu Lunæ ad Meridianum portus. Si Luna in hocce suo ad Meridianum appulsu versabatur in æquatore, venient singulis horis senis æquales affluxus, qui in mutuos refluxus incidendo eosdem affluxibus æquabunt, & sic spatio diei illius efficient ut aqua tranquille stagnet. Si Luna tunc declinabat ab Æquatore, sient æstus in Oceano vicibus alternis majores & minores, uti dictum est; & inde propagabuntur in hunc portum affluxus bini majores & bini minores, vicibus alternis. Affluxus autem bini majores component aquam altissimam in medio inter utrumque, affluxus major & minor faciet ut aqua ascendat ad mediocrem altitudinem in Medio ipsorum, & inter affluxus binos minores aqua ascendet ad altitudinem minimam. Sic spatio viginti quatuor horarum, aqua non bis ut fieri solet, sed semel tantum perveniet ad maximam altitudinem & semel ad minimam; & altitudo maxima, si Luna declinat in polum supra Horizontem loci, incidet in horam vel sextam vel tricesimam ab appulsu Lunæ ad Meridianum, atque Luna declinationem mutante mutabitur in defluxum. Quorum omnium exemplum, in portu regni *Tunquini* ad *Batsham*, sub latitudine  
Ecc Boreali


Boreali 20<sup>to</sup> 30'. *Halleius* ex Nautarum Observationibus patefecit. Ibi aqua die transitum Lunæ per Æquatorem sequente stagnat, dein Luna ad Boream declinante incipit fluere & refluxere, non bis, ut in aliis portubus, sed semel singulis diebus, & æstus incidit in occasum Lunæ, defluxus maximus in ortum. Cum Lunæ declinatione augetur hic æstus, usque ad diem septimum vel octavum, dein per alios septem dies iisdem gradibus decrescit, quibus antea creverat; & Luna declinationem mutante cessat, ac mox mutatur in defluxum. Incidit enim subinde defluxus in occasum Lunæ & affluxus in ortum, donec Luna iterum mutet declinationem. Aditus ad hunc portum fretaque vicina duplex patet, alter ab Oceano *Sinenfi* inter Continentem & Insulam *Luconiam*, alter a Mari *Indico* inter Continentem & Insulam *Borneo*. An æstus spatio horarum duodecim a Mari *Indico*, & spatio horarum sex a Mari *Sinenfi* per freta illa venientes, & sic in horam tertiam & nonam Lunarem incidentes, componant huiusmodi motus; sitne alia Marium illorum conditio, observationibus vicinorum littorum determinandum relinquo.

Haftenus causas motuum Lunæ & Marium reddidi. De quantitate motuum jam convenit aliqua subungere.

## PROPOSITIO XXV. PROBLEMA VI.

*Invenire vires Solis ad perturbandos motus Lunæ.*

Designet *S* Solem, *T* Terram, *P* Lunam, *PADB* orbem Lunæ. In *SP* capiatur *SK* æqualis *ST*; sitque *SL* ad *SK*



in duplicata ratione *SK* ad *SP*, & ipsi *PT* agatur parallela *LM*, & si gravitas acceleratrix Terræ in Solem exponatur per distantiam *ST* vel *SK*, erit *SL* gravitas acceleratrix Lunæ in Solem.

Solem. Ea componitur ex partibus  $SM$ ,  $LM$ , quarum  $LM$  & ipsius  $SM$  pars  $TM$  perturbatur motum Lunæ, ut in Libri primi Prop. LXVI. & ejus Corollaris expositum est. Quatenus Terra & Luna circum commune gravitatis centrum revolvuntur, perturbabitur etiam motus Terræ circa centrum illud a viribus consimilibus; sed summas tam virium quam motuum referre licet ad Lunam, & summas virium per lineas ipsis analogas  $TM$  &  $ML$  designare. Vis  $ML$  (in mediocri sua quantitate) est ad vim centripetam, qua Luna in Orbe suo circa Terram quiescentem ad distantiam  $PT$  revolvi posset, in duplicata ratione temporum periodicorum Lunæ circa Terram & Terræ circa Solem, (per Corol. 17. Prop. LXVI. Lib. I.) hoc est, in duplicata ratione dierum 27. hor. 7. min. 43. ad dies 365. hor. 6. min. 9. id est, ut 1000 ad 178725, seu 1 ad 178½. Invenimus autem in Propositione quarta quod, si Terra & Luna circa commune gravitatis centrum revolvantur, earum distantia mediocris ab invicem erit 60½ semidiametrorum mediocrium Terræ quamproxime. Et vis qua Luna in Orbe circa Terram quiescentem, ad distantiam  $PT$  semidiametrorum terrestrium 60½ revolvi posset, est ad vim, qua eodem tempore ad distantiam semidiametrorum 60 revolvi posset, ut 60½ ad 60, & hæc vis ad vim gravitatis apud nos ut 1 ad 60×60 quamproxime. Ideoque vis mediocris  $ML$  est ad vim gravitatis in superficie Terræ, ut 1×60½ ad 60×60×60×178½, seu 1 ad 638092,6. Vnde ex proportionem linearum  $TM$ ,  $ML$ , datur etiam vis  $TM$ : & hæc sunt vires Solis quibus Lunæ motus perturbantur. Q.E.I.

## PROPOSITIO XXVI. PROBLEMA VII.

*Invenire incrementum horarium areæ quam Luna, radio ad Terram ducto, in Orbe circulari describit.*

Diximus aream, quam Luna radio ad Terram ducto describit, esse tempori proportionalem, nisi quatenus motus Lunarum ab actione Solis turbatur. Inæqualitatem momenti (vel incrementi horarii) hic investigandam proponimus. Ut computatio facilius reddatur, fingamus orbem Lunæ circularem esse, & inæqualitates omnes negligamus, ea sola excepta, de qua hic agitur. Ob ingentem vero Solis distantiam, ponamus etiam lineas  $SP$ ,  $ST$  sibi invicem parallelas esse. Hoc pacto vis  $LM$  reducetur semper

Ecc 2

ad





summa genita, id est, ut acceleratio descriptionis areæ  $CTP$ , seu incrementum momenti. Vis qua Luna circa Terram quiescentem ad distantiam  $TP$ , tempore suo periodico  $CADBC$  dierum 27. hor. 7. min. 43. revolvi posset, efficeret ut corpus, tempore  $CT$  cadendo, describeret longitudinem  $\frac{1}{2}CT$ , & velocitatem simul acquireret æqualem velocitati, qua Luna in Orbe suo movetur. Patet hoc per Corol. 9. Prop. 1v. Lib. 1. Cum autem perpendiculum  $Kd$  in  $TP$  demissum sit ipsius  $EL$  pars tertia, & ipsius  $TP$  seu  $ML$  in Octantibus pars dimidia, vis  $EL$  in Octantibus, ubi maxima est, superabit vim  $ML$  in ratione 3 ad 2, adeoque erit ad vim illam, qua Luna tempore suo periodico circa Terram quiescentem revolvi posset, ut 100 ad  $\frac{3}{2} \times 17872\frac{1}{2}$  seu 11915, & tempore  $CT$  velocitatem generare deberet quæ esset pars  $\frac{100}{11915}$  velocitatis Lunaris, tempore autem  $CPA$  velocitatem majorem generaret in ratione  $CA$  ad  $CT$  seu  $TP$ . Exponatur vis maxima  $EL$  in Octantibus per aream  $FK \times Kk$  rectangulo  $\frac{1}{2}TP \times Pp$  æqualem. Et velocitas, quam vis maxima tempore quovis  $CP$  generare posset, erit ad velocitatem quam vis omnis minor  $EL$  eodem tempore generat, ut rectangulum  $\frac{1}{2}TP \times CP$  ad aream  $KCGF$ : tempore autem toto  $CPA$ , velocitates genitæ erunt ad invicem ut rectangulum  $\frac{1}{2}TP \times CA$  & triangulum  $TCG$ , sive ut arcus quadrantalibus  $CA$  & radius  $TP$ . Ideoque (per Prop. 1x. Lib. V. Elem.) velocitas posterior, toto tempore genita, erit pars  $\frac{100}{11915}$  velocitatis Lunæ. Huic Lunæ velocitati, quæ areæ momento mediocri analoga est, addatur & auferatur dimidium velocitatis alterius, & si momentum mediocre exponatur per numerum 11915, summa 11915 + 50 seu 11965 exhibebit momentum maximum areæ in Syzygia  $A$ , ac differentia 11915 - 50 seu 11865 ejusdem momentum minimum in Quadraturis. Igitur areæ temporibus æqualibus in Syzygiis & Quadraturis descriptæ, sunt ad invicem ut 11965 ad 11865. Ad momentum minimum 11865 addatur momentum, quod sit ad momentorum differentiam 100 ut trapezium  $FKCG$  ad triangulum  $TCG$  (vel quod perinde est, ut quadratum Sinus  $PK$  ad quadratum Radii  $TP$ , id est, ut  $Pd$  ad  $TP$ ) & summa exhibebit momentum areæ, ubi Luna est in loco quovis intermedio  $P$ .

Hæc omnia ita se habent, ex Hypothesi quod Sol & Terra quiescunt, & Luna tempore Synodico dierum 27. hor. 7. min. 43. revolvitur. Cum autem periodus Synodica Lunaris vere sit die-

rum

rum 29. hor. 12. & min. 44. augeri debent momentorum incrementa in ratione temporis, id est, in ratione 1080813 ad 1000000. Hoc pacto incrementum totum, quod erat pars  $\frac{1100}{11913}$  momenti mediocris, jam fiet ejusdem pars  $\frac{1100}{11023}$ . Ideoque momentum areæ in Quadratura Lunæ erit ad ejus momentum in Syzygia ut 11023 — 50 ad 11023 + 50, seu 10973 ad 11073, & ad ejus momentum, ubi Luna in alio quovis loco intermedio  $P$  versatur, ut 10973 ad 10973 +  $Pd$ , existente videlicet  $TP$  æquali 100.

Area igitur, quam Luna radio ad Terram ducto singulis temporis particulis æqualibus describit, est quam proxime ut summa numeri 219,46 & Sinus versi duplicatæ distantia Lunæ a Quadratura proxima, in circulo cujus radius est unitas. Hæc ita se habent ubi Variatio in Octantibus est magnitudinis mediocris. Sin Variatio ibi major sit vel minor, augeri debet vel minui Sinus ille versus in eadem ratione.

## PROPOSITIO XXVII. PROBLEMA VIII.

*Ex motu horario Lunæ invenire ipsius distantiam a Terra.*

Area, quam Luna radio ad Terram ducto, singulis temporis momentis, describit, est ut motus horarius Lunæ & quadratum distantia Lunæ a Terra conjunctim, & propterea distantia Lunæ a Terra est in ratione composita ex subduplicata ratione Areæ directe & subduplicata ratione motus horarii inverse. *Q.E.I.*

*Corol. 1.* Hinc datur Lunæ diameter apparens: quippe quæ sit reciproce ut ipsius distantia a Terra. Tentent Astronomi quam probe hæc Regula cum Phænomenis congruat.

*Corol. 2.* Hinc etiam Orbis Lunariorum accuratius ex Phænomenis quam antehac definiri potest.

## PROPOSITIO XXVIII. PROBLEMA IX.


*Invenire diametros Orbis in quo Luna, absque eccentricitate, moveri deberet.*

Curvatura Trajectoriæ, quam mobile, si secundum Trajectoriæ illius perpendicularum trahatur, describit, est ut attractio directe & quadratum velocitatis inverse. Curvaturas linearum pono esse inter

ter se in ultima proportionē Sinuum vel Tangentium angulorum contactuum ad radios æquales pertinentium, ubi radii illi in infinitum diminuuntur. Attractio autem Lunæ in Terram in Syzygiis est excessus gravitatis ipsius in Terram supra vim Solarem  $2PK$  (Vide *Figur. pag. 394.*) qua gravitas acceleratrix Lunæ in Solem superat gravitatem acceleratricem Terræ in Solem. In Quadraturis autem attractio illa est summa gravitatis Lunæ in Terram & vis Solaris  $KT$ , qua Luna in Terram trahitur. Et hæ attractiones, si  $\frac{AT+CT}{2}$  dicatur  $N$ , sunt ut  $\frac{178725}{ATq} - \frac{2000}{CT \times N}$  &

$\frac{178725}{CTq} + \frac{1000}{AT \times N}$  quam proxime; seu ut  $178725N \times CTq - 2000ATq \times CT$  &  $178725N \times ATq + 1000CTq \times AT$ . Nam si gravitas acceleratrix Lunæ in Terram exponatur per numerum 178725, vis mediocris  $ML$ , quæ in Quadraturis est  $PT$  vel  $TK$  & Lunam trahit in Terram, erit 1000, & vis mediocris  $TM$  in Syzygiis erit 3000; de qua, si vis mediocris  $ML$  subducatur, manebit vis 2000 qua Luna in Syzygiis distrahitur a Terra, quamque jam ante nominavi  $2PK$ . Velocitas autem Lunæ in Syzygiis  $A$  &  $B$  est ad ipsius velocitatem in Quadraturis  $C$  &  $D$ , ut  $CT$  ad  $AT$  & momentum aræ quam Luna radio ad Terram ducto describit in Syzygiis ad momentum ejusdem aræ in Quadraturis conjunctim, i. e. ut 11073  $CT$  ad 10973  $AT$ . Sumatur hæc ratio bis inverse & ratio prior semel directe, & fiet curvatura Orbis Lunaris in Syzygiis ad ejusdem curvaturam in Quadraturis ut  $120406729 \times 178725 ATq \times CTq \times N - 120406729 \times 2000 ATq \times CT$  ad  $122611329 \times 178725 ATq \times CTq \times N + 122611329 \times 1000 CTq \times AT$ , i. e. ut 1151969  $AT \times CT \times N - 14081 AT cub.$  ad 1191371  $AT \times CT \times N + 12261 CT cub.$

Quoniam





anguli  $CTP$  ad angulum  $CTP$ . Quæ quidem rationes ex sinibus angulorum contactus ac differentiarum angulorum facile colliguntur. His autem inter se collatis, prodit curvatura Figuræ  $Cpa$  in  $a$  ad ipsius curvaturam in  $C$ , ut  $ATcub + \frac{16824}{100000} CTq \times AT$  ad  $CTcub + \frac{16824}{100000} ATq \times CT$ . Ubi numerus  $\frac{16824}{100000}$  designat differentiam quadratorum angulorum  $CTP$  &  $CTP$  applicatam ad quadratum anguli minoris  $CTP$ , seu (quod perinde est) differentiam quadratorum temporum  $27^d 7^h 43'$ , &  $29^d 12^h 44'$ , applicatam ad quadratum temporis  $27^d 7^h 43'$ .

Igitur cum  $a$  designet Syzygiam Lunæ, &  $C$  ipsius Quadraturam, proportio jam inventa eadem esse debet cum proportionem curvaturæ Orbis Lunæ in Syzygiis ad ejusdem curvaturam in Quadraturis, quam supra invenimus. Proinde ut inveniatur proportio  $CT$  ad  $AT$ , duco extrema & media in se invicem. Et termini prodeuntes ad  $AT \times CT$  applicati, fiunt  $2062,79 CTq - 2151969 N \times CTcub + 368676 N \times AT \times CTq + 36342 ATq \times CTq - 362047 N \times ATq \times CT + 2191371 N \times ATcub + 4051,4 ATq = 0$ . Hic pro terminorum  $AT$  &  $CT$  semisumma  $N$  scribo 1, & pro eorundem semidifferentia ponendo  $x$ , fit  $CT = 1 + x$ , &  $AT = 1 - x$ : quibus in æquatione scriptis, & æquatione prodeunte resoluta, obtinetur  $x$  æqualis 0,00719, & inde semidiameter  $CT$  fit 1,00719, & semidiameter  $AT$  0,99281, qui numeri sunt ut  $70\frac{1}{4}$  &  $69\frac{1}{4}$  quam proxime. Est igitur distantia Lunæ a Terra in Syzygiis ad ipsius distantiam in Quadraturis (seposita scilicet Eccentricitatis consideratione) ut  $69\frac{1}{4}$  ad  $70\frac{1}{4}$ , vel numeris rotundis ut 69 ad 70.

## PROPOSITIO XXIX. PROBLEMA X.

### *Invenire Variationem Lunæ.*

Oritur hæc inæqualitas partim ex forma Elliptica orbis Lunaris, partim ex inæqualitate momentorum areæ, quam Luna radio ad Terram ducto describit. Si Luna  $P$  in Ellipsi  $DBCA$  circa Terram in centro Ellipseos quiescentem moveretur, & radio  $TP$  ad Terram ducto describeret aream  $CTP$  tempori proportionalem, esset autem Ellipseos semidiameter maxima  $CT$  ad semidiametrum minimam  $TA$  ut 70 ad 69: foret tangens anguli  $CTP$  ad tangentem anguli motus medii a Quadratura  $C$  computati, ut Ellipseos semidiameter  $TA$  ad ejusdem semidiametrum


Fff

TC

DE MUNDI  
SYSTEMATE


*TC* seu 69 ad 70. Debet autem descriptio areæ *CTP*, in progressu Lunæ a Quadratura ad Syzygiam, ea ratione accelerari, ut ejus momentum in Syzygia Lunæ sit ad ejus momentum in Quadratura ut 11073 ad 10973, utque excessus momenti in loco quovis intermedio *P* supra momentum in Quadratura sit ut quadratum sinus anguli *CTP*. Id quod satis accurate fiet, si tangens anguli *CTP* diminuatur in subduplicata ratione numeri 10973 ad numerum 11073, id est, in ratione numeri 68,6877 ad numerum 69. Quo pacto tangens anguli *CTP* jam erit ad tangentem motus medii ut 68,6877 ad 70, & angulus *CTP* in Octantibus, ubi motus medius est 45<sup>o</sup> invenietur 44<sup>o</sup> 27'. 28". qui subductus de angulo motus medii 45<sup>o</sup> relinquit Variationem maximam 32'. 32". Hæc ita se haberent si Luna, pergendo a Quadratura ad Syzygiam, describeret angulum *CTA* graduum tantum nonaginta. Verum ob motum Terræ, quo Sol in consequentia motu apparente transfertur, Luna, priusquam Solem assequitur, describit angulum *CTa* angulo recto majorem in ratione temporis revolutionis Lunaræ Synodicæ ad tempus revolutionis Periodicæ, id est, in ratione 29<sup>d</sup> 12<sup>h</sup> 44'. ad 27<sup>d</sup> 7<sup>h</sup> 43'. Et hoc pacto anguli omnes circa centrum *T* dilatantur in eadem ratione, & Variatio maxima quæ secus esset 32'. 32", jam aucta in eadem ratione sit 35'. 10".

Hæc est ejus magnitudo in mediocri distantia Solis a Terra, neglectis differentiis quæ a curvatura Orbis magni majorique Solis actione in Lunam falcata & novam quam in gibbosam & plenam, oriri possint. In aliis distantis Solis a Terra, Variatio maxima est in ratione quæ componitur ex duplicata ratione temporis revolutionis Synodicæ Lunaræ (dato anni tempore) directæ, & triplicata ratione distantie Solis a Terra, inversæ. Adcoque in Apogæo





Eclipticæ,  $Q, q$  Quadraturas Lunæ in plano Eclipticæ, &  $p, k$  perpendicularum in lineam  $Qq$  Quadraturis interjacentem. Vis Solis ad perturbandum motum Lunæ (per Prop. xxv.) duplex est, altera lineæ  $LM$ , altera lineæ  $MT$  proportionalis. Et Luna vi priore in Terram, posteriore in Solem secundum lineam rectæ  $ST$  a Terra ad Solem ductæ parallelam trahitur. Vis prior  $LM$  agit secundum planum orbis Lunaris, & propterea situm plani nil mutat. Hæc igitur negligenda est. Vis posterior  $MT$  qua planum Orbis Lunaris perturbatur eadem est cum vi  $3PK$  vel  $3IT$ . Et hæc vis (per Prop. xxv.) est ad vim qua Luna in circulo circa



Terram quiescentem tempore suo periodico uniformiter revolvi posset, ut  $3IT$  ad Radium circuli multiplicatum per numerum 178,725, sive ut  $IT$  ad Radium multiplicatum per 59,575. Cæterum in hoc calculo & eo omni qui sequitur, considero lineas omnes a Luna ad Solem ductas tanquam parallelas lineæ quæ a Terra ad Solem ducitur, propterea quod inclinatio tantum fere minuit effectus omnes in aliquibus casibus, quantum auget in aliis; & Nodorum motus mediocres quærimus, neglectis istiusmodi minutis, quæ calculum nimis impeditum redderent.

De-



Designet jam  $PM$  arcum, quem Luna dato tempore quam minimo describit, &  $ML$  lineolam quam Luna, impellente vi præfata  $3IT$ , eodem tempore describere posset. Jungantur  $PL$ ,  $MP$ , & producantur ex ad  $m$  &  $l$ , ubi secent planum Eclipticæ; inque  $Tm$  demittatur perpendicularum  $PH$ . Et quoniam recta  $ML$  parallela est plano Eclipticæ, ideoque cum recta  $ml$  quæ in plano illo jacet concurrere non potest, & tamen jacent hæ rectæ in plano communi  $LMPml$ , parallelae erunt hæ rectæ, & propterea similia erunt triangula  $LMP$ ,  $Lmp$ . Jam cum  $MPm$  sit in plano Orbis, in quo Luna in loco  $P$  movebatur, incidet punctum  $m$  in lineam  $Nn$  per Orbis illius Nodos  $N$ ,  $n$  ductam. Et quoniam vis qua lineola  $LM$  generatur, si tota simul & semel in loco  $P$  impressa esset, efficeret ut Luna moveretur in arcu, cujus chorda esset  $LP$ , atque adeo transferret Lunam de plano  $MPmT$  in planum  $LPIT$ ; motus angularis Nodorum a vi illa genitus, æqualis erit angulo  $mTl$ . Est autem  $ml$  ad  $mP$  ut  $ML$  ad  $MP$ , adeoque cum  $MP$  ob datum tempus data sit, est  $ml$  ut rectangulum  $ML \times mP$ , id est, ut rectangulum  $IT \times mP$ . Et angulus  $mTl$ , si modo angulus  $Tml$  rectus sit, est ut  $\frac{ml}{Tm}$ , & propterea ut  $\frac{IT \times mP}{Tm}$ , id est, (ob proportionales  $Tm$  &  $mP$ ,  $TP$  &  $PH$ ) ut  $\frac{IT \times PH}{TP}$ , adeoque ob datam  $TP$ , ut  $IT \times PH$ . Quod si angulus  $Tml$ , seu  $STN$  obliquus sit, erit angulus  $mTl$  adhuc minor, in ratione sinus anguli  $STN$  ad Radium. Est igitur velocitas Nodorum ut  $IT \times PH \times AZ$ , sive ut contentum sub sinusibus trium angulorum  $TPl$ ,  $PTN$  &  $STN$ .

Si anguli illi, Nodis in Quadraturis & Luna in Syzygia existentibus, recti sint, lineola  $ml$  abibit in infinitum, & angulus  $mTl$  evadet angulo  $mPl$  æqualis. Hoc autem in casu, angulus  $mPl$  est ad angulum  $PTM$ , quem Luna eodem tempore motu suo apparente circa Terram describit ut 1 ad 59,575. Nam angulus  $mPl$  æqualis est angulo  $LPm$ , id est, angulo deflexionis Lunæ a recto tramite, quem sola vis præfata Solaris  $3IT$  si tum cessaret Lunæ gravitas dato illo tempore generare posset; & angulus  $PTM$  æqualis est angulo deflexionis Lunæ a recto tramite, quem vis illa, qua Luna in Orbe suo retinetur, si tum cessaret vis Solaris  $3IT$  eodem tempore generaret. Et hæ vires, ut supra diximus,



$PD \times AZ$  proportionalis, & conjunctis rationibus,  $PK \times PH$  est ut contentum  $Kk \times PD \times AZ$ , &  $PK \times PH \times AZ$  ut  $Kk \times PD \times AZ$  qu. id est, ut area  $PDdM$  &  $AZ$  qu. conjunctim. Q. E. D.


*Corol. 2.* In data quavis Nodorum positione, motus horarius mediocris est semissis motus horarii in Syzygiis Lunæ, ideoque est ad  $16''$ .  $35'''$ .  $16''$ .  $36''$ . ut quadratum sinus distantie Nodorum a Syzygiis ad quadratum Radii, sive ut  $AZ$  qu. ad  $AT$  qu. Nam si Luna uniformi cum motu perambulet semicirculum  $QAg$ , summa omnium arearum  $PDdM$ , quo tempore Luna pergit a  $Q$  ad  $M$ , erit area  $QMdE$  quæ ad circula tangentem  $QE$  terminatur; & quo tempore Luna attingit punctum  $n$ , summa illa erit area tota  $EQAn$  quam linea  $PD$  describit, dein Luna pergente ab  $n$  ad  $g$ , linea  $PD$  cadet extra circulum, & arcum  $nge$  ad circuli tangentem  $ge$  terminatam describet, quæ, quoniam Nodi prius regrediebantur, jam vero progrediuntur, subducit debet de area priore, & cum æqualis sit area  $QEN$ , relinquet semicirculum  $NQAn$ . Igitur summa omnium arearum  $PDdM$ , quo tempore Luna semicirculum describit, est area semicirculi; & summa omnium quo tempore Luna circulum describit est area circuli totius. At area  $PDdM$ , ubi Luna versatur in Syzygiis, est rectangulum sub arcu  $PM$  & radio  $MT$ ; & summa omnium huic æqualium arearum, quo tempore Luna circulum describit, est rectangulum sub circumferentia tota & radio circuli; & hoc rectangulum, cum sit æquale duobus circulis, duplo majus est quam rectangulum prius. Proinde Nodi, ea cum velocitate uniformiter continuata quam habent in Syzygiis Lunaribus, spatium duplo majus describerent quam revera describunt; & propterea motus mediocris quocum, si uniformiter continuaretur, spatium a se inæquabili cum motu revera confectum describere possent, est semissis motus quem habent in Syzygiis Lunæ. Unde cum motus horarius maximus, si Nodi in Quadraturis versantur, sit  $33''$ .  $10'''$ .  $33''$ .  $12''$ , motus mediocris horarius in hoc casu erit  $16''$ .  $35'''$ .  $16''$ .  $36''$ . Et cum motus horarius Nodorum semper sit ut  $AZ$  qu. & area  $PDdM$  conjunctim, & propterea motus horarius Nodorum in Syzygiis Lunæ ut  $AZ$  qu. & area  $PDdM$  conjunctim, id est (ob datam arcum  $PDdM$  in Syzygiis descriptam) ut  $AZ$  qu. erit etiam motus mediocris ut  $AZ$  qu. atque adeo hic motus, ubi Nodi extra Quadraturas versantur, erit ad  $16''$ .  $35'''$ .  $16''$ .  $36''$ . ut  $AZ$  qu. ad  $AT$  qu. Q. E. D.

P R O.

PROPOSITIO XXXI. PROBLEMA XII.

*Invenire motum horarium Nodorum Lune in Orbe Elliptico.*

Designet  $Qpmaq$  Ellipsin, axe majore  $Qq$ , minore  $ab$  descriptam,  $QAq$  Circulum circumscriptum,  $T$  Terram in utriusque centro communi,  $S$  Solem,  $p$  Lunam in Ellipsi motam, &  $pm$  arcum quem data temporis particula quam minima describit,  $N$  &  $n$  Nodos linea  $Nn$  junctos,  $pK$  &  $mk$  perpendiculara in axem  $Qq$  demissa & hinc inde producta, donec occurrant Circulo in  $P$  &  $M$ ,



& lineæ Nodorum in  $D$  &  $d$ . Et si Luna, radio ad Terram ducto, aream describat temporis proportionalem, erit motus Nodi in Ellipsi ut area  $pDdm$ .

Nam si  $PF$  tangat Circulum in  $P$ , & producta occurrat  $TN$  in  $F$ , &  $pf$  tangat Ellipsin in  $p$  & producta occurrat eidem  $TN$  in

in  $f$ , convenient autem hæc tangentes in axē  $TQ$  ad  $Y$ ; & si  $ML$  designet spatium quod Luna in Circulo revolvens, interea dum describit arcum  $PM$ , urgente & impellente vi prædicta  $3IT$ , motu transverso describere posset, &  $ml$  designet spatium quod Luna in Ellipsi revolvens eodem tempore, urgente etiam vi  $3IT$ , describere posset, & producantur  $LP$  &  $lp$  donec occurrant plano Eclipticæ in  $G$  &  $g$ , & jungantur  $FG$  &  $fg$ , quarum  $FG$  producta secet  $pf$ ,  $pg$  &  $TQ$  in  $c$ ,  $e$  &  $R$  respectivè, &  $fg$  producta secet  $TQ$  in  $r$ : Quoniam vis  $3IT$  seu  $3PK$  in Circulo est ad vim  $3IT$  seu  $3pK$  in Ellipsi, ut  $PK$  ad  $pK$ , seu  $AT$  ad  $at$ , erit spatium  $ML$  vi priore genitum, ad spatium  $ml$  vi posteriori genitum, ut  $PK$  ad  $pK$ , id est, ob similes figuras  $PTKp$  &  $FTRe$ , ut  $FR$  ad  $eR$ . Est autem  $ML$  ad  $FG$  (ob similia triangula  $PLM$ ,  $PGF$ ) ut  $PL$  ad  $PG$ , hoc est (ob parallelas  $Lk$ ,  $PK$ ,  $GR$ ) ut  $pl$  ad  $pe$ , id est, (ob similia triangula  $plm$ ,  $cpe$ ) ut  $lm$  ad  $ce$ , & inverse ut  $LM$  est ad  $lm$ , seu  $FR$  ad  $eR$ , ita est  $FG$  ad  $ce$ . Et propterea si  $fg$  esset ad  $ce$  ut  $ft$  ad  $ct$ , id est, ut  $fr$  ad  $er$  (hoc est, ut  $fr$  ad  $FR$  &  $FR$  ad  $eR$  conjunctim, id est, ut  $ft$  ad  $FT$  &  $FG$  ad  $ce$  conjunctim,) quoniam ratio  $FG$  ad  $ce$  utrinque ablata relinquit rationes  $fg$  ad  $FG$  &  $ft$  ad  $FT$ , foret  $fg$  ad  $FG$  ut  $ft$  ad  $FT$ ; atque adeo anguli, quos  $FG$  &  $fg$  subtenderent ad Terram  $T$ , æquarentur inter se. Sed anguli illi (per ea quæ in præcedente Propositione exposuimus) sunt motus Nodorum, quo tempore Luna in Circulo arcum  $PM$ , in Ellipsi arcum  $pm$  percurrit: & propterea motus Nodorum in Circulo & Ellipsi æquarentur inter se. Hæc ita se haberent, si modo  $fg$  esset ad  $ce$  ut  $ft$  ad  $ct$ , id est, si  $fg$  æqualis esset  $\frac{ce \times ft}{ct}$ . Verum ob similia triangula  $fgp$ ,  $cpe$ , est  $fg$

ad  $ce$  ut  $fp$  ad  $cp$ ; ideoque  $fg$  æqualis est  $\frac{ce \times fp}{cp}$ ; & propterea angulus, quem  $fg$  revera subtendit, est ad angulum priorem, quem  $FG$  subtendit, hoc est, motus Nodorum in Ellipsi ad motum Nodorum in Circulo, ut hæc  $fg$  seu  $\frac{ce \times fp}{cp}$  ad priorem  $fg$  seu  $\frac{ce \times ft}{ct}$ , id est, ut  $fp \times ct$  ad  $ft \times cp$ , seu  $fp$  ad  $ft$  &  $ct$  ad  $cp$ , hoc est, si  $ph$  ipsi  $TN$  parallela occurrat  $FP$  in  $h$ , ut  $Fh$  ad  $FT$  &  $FT$  ad  $FP$ , hoc est, ut  $Fh$  ad  $FP$  seu  $Dp$  ad  $DP$ , adeoque ut area  $Dpmd$  ad arcam  $DPMd$ . Et propterea, cum area po-

Ggg

sterior

DE MUNDI SYSTEMATE  
 prior proportionalis sit motui Nodorum in Circulo, erit area  
 posterior proportionalis sit motui Nodorum in Ellipsi. *Q.E.D.*

*Corol.* Igitur cum, in data Nodorum positione, summa omnium arcarum *p'Ddm*, quo tempore Luna pergit a Quadratura ad locum quemvis *m*, sit area *mpQEd*, quæ ad Ellipseos tangentem *QE* terminatur; & summa omnium arcarum illarum, in revolutione integra, sit area Ellipseos totius: motus mediocris Nodorum in Ellipsi erit ad motum mediocrem Nodorum in Circulo, ut Ellipsis ad Circulum; id est, ut *Ta* ad *TA*, seu 69 ad 70. Et propterea, cum motus mediocris horarius Nodorum in Circulo sit ad 16'. 35". 16'. 36'. ut *AZqu.* ad *ATqu.* si capiatur angulus 16'. 21". 3". 30'. ad angulum 16'. 35". 16'. 36'. ut 69 ad 70, erit motus mediocris horarius Nodorum in Ellipsi ad 16'. 21". 3". 30'. ut *AZq* ad *ATq*; hoc est, ut quadratum sinus distantie Nodi a Sole ad quadratum Radii.

Cæterum Luna, radio ad Terram ducto, arcam velocius describit in Syzygiis quam in Quadraturis, & eo nomine tempus in Syzygiis contrahitur, in Quadraturis producitur; & una cum tempore motus Nodorum augetur ac diminuitur. Erat autem momentum areæ in Quadraturis Lunæ ad ejus momentum in Syzygiis ut 10973 ad 11073, & propterea momentum mediocre in Octantibus est ad excessum in Syzygiis, defectumque in Quadraturis, ut numerorum semisumma 11023 ad eorundem semidifferentiam 50. Unde cum tempus Lunæ in singulis Orbis particulis æqualibus sit reciproce ut ipsius velocitas, erit tempus mediocre in Octantibus ad excessum temporis in Quadraturis, ac defectum in Syzygiis, ab hac causa oriundum, ut 11023 ad 50 quam proxime. Pergendo autem a Quadraturis ad Syzygias, invenio quod excessus momentorum arcæ in locis singulis, supra momentum minimum in Quadraturis, sit ut quadratum sinus distantie Lunæ a Quadraturis quam proxime; & propterea differentia inter momentum in loco quocunque & momentum mediocre in Octantibus, est ut differentia inter quadratum sinus distantie Lunæ a Quadraturis & quadratum sinus graduum 45, seu semissem quadrati Radii, & incrementum temporis in locis singulis inter Octantes & Quadraturas, & decrementum ejus inter Octantes & Syzygias, est in eadem ratione. Motus autem Nodorum, quo tempore Luna percurrit singulas Orbis particulas æquales, acceleratur vel retardatur in duplicata ratione temporis. Est enim motus iste, dum Luna per-


percurrit  $PM$ , (cæteris paribus) ut  $ML$ , &  $ML$  est in duplicata ratione temporis. Quare motus Nodorum in Syzygiis, eo tempore confectus quo Luna datas Orbis particulas percurrit, diminuitur in duplicata ratione numeri 11073 ad numerum 11023; estque decrementum ad motum reliquum ut 100 ad 10973, ad motum vero totum ut 100 ad 11073 quam proxime. Decrementum autem in locis inter Ostantes & Syzygias, & incrementum in locis inter Ostantes & Quadraturas, est quam proxime ad hoc decrementum, ut motus totus in locis illis ad motum totum in Syzygiis & differentia inter quadratum sinus distantie Lunæ a Quadratura & semissem quadrati Radii ad semissem quadrati Radii, conjunctim. Unde si Nodi in Quadraturis versentur, & capiantur loca duo æqualiter ab Ostante hinc inde distantia, & alia duo a Syzygia & Quadratura iisdem intervallis distantia, deque decrementis motuum in locis duobus inter Syzygiam & Ostantem, subducantur incrementa motuum in locis reliquis duobus, quæ sunt inter Ostantem & Quadraturam; decrementum reliquum æquale erit decremento in Syzygia: uti rationem incunty facile constabit. Proindeque decrementum mediocre, quod de Nodorum motu mediocri subduci debet, est pars quarta decrementi in Syzygia. Motus totus horarius Nodorum in Syzygiis (ubi Luna radio ad Terram ducto aream tempori proportionalem describere supponebatur) erat  $32''.43''.7''$ . Et decrementum motus Nodorum, quo tempore Luna jam velocior describit idem spatium, diximus esse ad hunc motum ut 100 ad 11073; adeoque decrementum illud est  $17''.43''.11''$ , cujus pars quarta  $4''.25''.48''$ , motui horario mediocri superius invento  $16''.16''.37''.42''$  subducta, relinquit  $16''.16''.37''.42''$  motum mediocrem horarium correctum.

Si Nodi versantur extra Quadraturas, & spectentur loca bina a Syzygiis hinc inde æqualiter distantia; summa motuum Nodorum, ubi Luna versatur in his locis, erit ad summam motuum, ubi Luna in iisdem locis & Nodi in Quadraturis versantur, ut  $AZqu.$  ad  $ATqu.$  Et decremента motuum, a causis jam expofitis oriunda, erunt ad invicem ut ipsi motus, adeoque motus reliqui erunt ad invicem ut  $AZqu.$  ad  $ATqu.$  & motus mediocres ut motus reliqui. Est itaque motus mediocris horarius correctus, in dato quocunque Nodorum situ, ad  $16''.16''.37''.42''$  ut  $AZqu.$  ad  $ATqu.$ ; id est, ut quadratum sinus distantie Nodorum a Syzygiis ad quadratum Radii.

## PROPOSITIO XXXII. PROBLEMA XIII.

*Invenire motum medium Nodorum Lunæ.*

Motus medius annuus est summa motuum omnium horariorum mediocrium in anno. Concipe Nodum versari in  $N$ , & singulis horis completis retrahi in locum suum priorem, ut non obstante motu suo proprio, datum semper servet situm ad Stellæ Fixas. Interea vero Solem  $S$ , per motum Terræ, progredi a Nodo, & cursum annum apparentem uniformiter complere. Sit autem  $Aa$  arcus datus quam minimus, quem recta  $TS$  ad Solem semper ducta, interfectione sui & circuli  $NaN$ , dato tempore quam minimo describit: & motus horarius mediocris (per jam ostensa) erit ut  $AZq$ , id est (ob proportionales  $AZ$ ,  $ZT$ ) ut rectangulum sub  $AZ$  &  $ZT$ , hoc est, ut area  $AZTa$ . Et summa omnium horariorum motuum mediocrium ab initio, ut summa omnium arearum  $aYZA$ , id est, ut area  $NAZ$ . Est autem maxima



$AZTa$  æqualis rectangulo sub arcu  $Aa$  & radio circuli, & propterea summa omnium rectangulorum in circulo toto ad summam totidem maximorum, ut area circuli totius ad rectangulum sub circumferentia tota & radio; id est, ut 1 ad 2. Motus autem horarius, rectangulo maximo respondens, erat  $16''$ .  $16'''$ .  $37''$ .  $42'$ . Et hic motus, anno toto sidereo dierum 365. hor. 6. min. 9. fit  $39^{\circ}$ .  $38'$ .  $7''$ .  $50'''$ . Ideoque hujus dimidium  $19^{\circ}$ .  $49'$ .  $3''$ .  $55'''$ . est motus



tus medius Nodorum circulo toti respondens. Et motus Nodorum, quo tempore Sol pergit ab  $N$  ad  $A$ , est ad  $19^{\text{se}} 49'. 3''. 55'''$ . L I N E A  
T E R T I U S.

Hæc ita se habent, ex Hypothesi quod Nodus horis singulis in locum priorem retrahitur, sic ut Sol anno toto completo ad Nodum eundem redeat a quo sub initio digressus fuerat. Verum per motum Nodi fit ut Sol citius ad Nodum revertatur, & computanda jam est abbreviatio temporis. Cum Sol anno toto conficiat 360 gradus, & Nodus motu maximo eodem tempore conficeret  $39^{\text{se}} 38'. 7''. 50'''$ , seu  $39,6355$  gradus; & motus mediocris Nodi in loco quovis  $N$  sit ad ipsius motum mediocrem in Quadraturis suis, ut  $AZq$  ad  $ATq$ : erit motus Solis ad motum Nodi in  $N$ , ut  $360ATq$  ad  $39,6355AZq$ ; id est, ut  $9,0827646ATq$  ad  $AZq$ . Unde si circuli totius circumferentia  $NAn$  dividatur in particulas æquales  $Aa$ , tempus quo Sol percurrat particulam  $Aa$ , si circulus quiesceret, erit ad tempus quo percurrit eandem particulam, si circulus una cum Nodis circa centrum  $T$  revolvatur, reciproce ut  $9,0827646ATq$  ad  $9,0827646ATq + AZq$ . Nam tempus est reciproce ut velocitas qua particula percurritur, & hæc velocitas est summa velocitatum Solis & Nodi. Igitur si tempus, quo Sol absque motu Nodi percurreret arcum  $NA$ , exponatur per Sectorem  $NTA$ , & particula temporis quo percurreret arcum quam minimum  $Aa$ , exponatur per Sectoris particulam  $ATa$ ; & (perpendiculo  $aT$  in  $Nn$  demisso) si in  $AZ$  capiatur  $dZ$ , ejus longitudinis ut sit rectangulum  $dZ$  in  $ZT$  ad Sectoris particulam  $ATa$  ut  $AZq$  ad  $9,0827646ATq + AZq$ , id est, ut sit  $dZ$  ad  $\frac{1}{2}AZ$  ut  $ATq$  ad  $9,0827646ATq + AZq$ ; rectangulum  $dZ$  in  $ZT$  designabit decrementum temporis ex motu Nodi oriundum, tempore toto quo arcus  $Aa$  percurritur. Et si punctum  $d$  tangit Curvam  $NdGn$ , area curvilinea  $NdZ$  erit decrementum totum, quo tempore arcus totus  $NA$  percurritur; & propterea excessus Sectoris  $NAT$  supra aream  $NdZ$  erit tempus illud totum. Et quoniam motus Nodi tempore minore minor est in ratione temporis, debet etiam area  $AaTZ$  diminui in eadem ratione. Id quod fiet si capiatur in  $AZ$  longitudo  $eZ$ , quæ sit ad longitudinem  $AZ$  ut  $AZq$  ad  $9,0827646ATq + AZq$ . Sic enim rectangulum  $eZ$  in  $ZT$  erit ad arcum  $AZTa$  ut decrementum temporis quo arcus  $Aa$  percurritur, ad tempus totum quo percurreretur si Nodus quiesceret; Et propterea rectangulum illud respondebit decremento motus Nodi. Et si punctum  $e$  tangat Curvam

Curvam  $NeFn$ , area tota  $NeZ$ , quæ summa est omnium decrementorum, respondebit decremento toti, quo tempore arcus  $AN$  percurritur; & area reliqua  $NAe$  respondebit motui reliquo, qui verus est Nodi motus quo tempore arcus totus  $NA$ , per Solis & Nodi conjunctos motus, percurritur. Jam vero area semicirculi est ad aream Figuræ  $NeFnT$ , per methodum Serierum infinitarum quæsitam, ut 793 ad 60 quamproxime. Motus autem qui respondet Circulo toti erat  $19^{\circ} 49'. 3''. 55'''$ ; & propterea motus, qui Figuræ  $NeFnT$  duplicatæ respondet, est  $1^{\circ} 29'. 58''. 2'''$ . Qui de motu priore subductus relinquit  $18^{\circ} 19'. 5''. 53'''$ , motum totum Nodi inter sui ipsius Conjunctiones cum Sole; & hic motus de Solis motu annuo graduum 360 subductus, relinquit  $341^{\circ} 40'. 54''. 7'''$ , motum Solis inter easdem Conjunctiones. Iste autem motus est ad motum annum 360<sup>o</sup> ut Nodi motus jam inventus  $18^{\circ} 19'. 5''. 53'''$ , ad ipsius motum annum, qui propterea erit  $19^{\circ} 18'. 1''. 23'''$ . Hic est motus medius Nodorum in anno Sidereo. Idem per Tabulas Astronomicas est  $19^{\circ} 21'. 21''. 50'''$ . Differentia minor est parte trecentesima motus totius, & ab Orbis Lunaris Eccentricitate & Inclinatione ad planum Eclipticæ oriri videtur. Per Eccentricitatem Orbis motus Nodorum nimis acceleratur, & per ejus Inclinationem vicissim retardatur aliquantulum, & ad justam velocitatem reducitur.

## PROPOSITIO XXXIII. PROBLEMA XIV.

*Invenire motum verum Nodorum Lune.*

In tempore quod est ut area  $NTA - NdZ$ , (in Fig. præced.) motus iste est ut area  $NAeN$ , & inde datur. Verum ob nimiam calculi difficultatem, præstat sequentem Problematis constructionem adhibere. Centro  $C$ , intervallo quovis  $CD$ , describatur circulus  $BEFD$ . Producat  $DC$  ad  $A$ , ut sit  $AB$  ad  $AC$  ut motus medius ad semissem motus veri mediocris, ubi Nodi sunt in Quadraturis, (id est, ut  $19^{\circ} 18'. 1''. 23'''$ , ad  $19^{\circ} 49'. 3''. 55'''$ , atque adeo  $BC$  ad  $AC$  ut motuum differentia  $0^{\circ} 31'. 2''. 32'''$ , ad motum posteriorem  $19^{\circ} 49'. 3''. 55'''$ ) hoc est, ut 1 ad  $38\frac{1}{2}$ , dein per punctum  $D$  ducatur infinita  $Gg$ , quæ tangat circulum in  $D$ ; & si capiatur angulus  $BCE$  vel  $BCF$  æqualis duplæ distantie Solis a loco Nodi, per motum medium invento, &





*IT* × *PG* × *AZ* ad *AT* cub, erit angulus *GPG* (seu Inclinationis horaria Variatio) ad angulum 33". 10". 33", ut *IT* × *AZ* × *TG* ×  $\frac{Pp}{PG}$  ad *AT* cub. Q.E.I. LIBER  
TERTIUS.

Hæc ita se habent ex Hypothesi quod Luna in Orbe Circulari uniformiter gyatur. Quod si Orbis ille Ellipticus sit, motus mediocris Nodorum minuetur in ratione axis minoris ad axem majorem; uti supra expositum est. Et in eadem ratione minuetur etiam Inclinationis Variatio.

*Corol. 1.* Si ad *N* erigatur perpendicularum *TF*, sitque *pM* motus horarius Lunæ in plano Eclipticæ; & perpendiculara *pK*, *Mk* in *QT* demissa & utrinque producta occurrant *TF* in *H* & *b*: erit *IT* ad *AT* ut *Kk* ad *Mp*, & *TG* ad *Hp* ut *TZ* ad *AT*, ideoque *IT* × *TG* æquale  $\frac{Kk \times Hp \times TZ}{Mp}$ , hoc est, æquale arcæ *HpMb* ductæ in rationem  $\frac{TZ}{Mp}$ : & propterea Inclinationis Variatio horaria ad 33". 10". 33", ut *HpMb* ducta in *AZ* ×  $\frac{TZ}{Mp}$  ×  $\frac{Pp}{PG}$  ad *AT* cub.

*Corol. 2.* Ideoque si Terra & Nodi singulis horis completis retraherentur à locis suis novis, & in loca priora in instanti semper reducerentur, ut situs eorum, per mensem integrum periodicum, datus maneret; tota Inclinationis Variatio tempore mensis illius foret ad 33". 10". 33", ut aggregatum omnium arearum *HpMb*, in revolutione puncti *p* genitarum, & sub signis propriis + & - conjunctarum, ductum in *AZ* × *TZ* ×  $\frac{Pp}{PG}$  ad *Mp* × *AT* cub. id est, ut circulus totus *QAqa* ductus in *AZ* × *TZ* ×  $\frac{Pp}{PG}$  ad *Mp* × *AT* cub. hoc est, ut circumferentia *QAqa* ducta in *AZ* × *TZ* ×  $\frac{Pp}{PG}$  ad 2 *Mp* × *AT* quad.

*Corol. 3.* Proinde in dato Nodorum situ, Variatio mediocris horaria, ex qua per mensem uniformiter continuata Variatio illa monstrua generari posset, est ad 33". 10". 33", ut *AZ* × *TZ* ×  $\frac{Pp}{PG}$  ad 2 *AT* q, sive ut  $Pp \times \frac{AZ \times TZ}{\frac{1}{2}AT}$  ad *PG* × 4 *AT*, id est

Hhh

est

est (cum  $Pp$  sit ad  $PG$  ut sinus Inclinationis prædictæ ad radium, &  $\frac{AZ \times TZ}{\frac{1}{2}AT}$  sit ad  $4AT$  ut sinus duplicati anguli  $ATn$  ad radium quadruplicatum) ut Inclinationis ejusdem sinus ductus in sinum duplicatæ distantie Nodorum a Sole, ad quadruplum quadratum radii.

*Corol. 4.* Quoniam Inclinationis horaria Variatio, ubi Nodi in Quadraturis versantur, est (per hanc Propositionem) ad angulum  $33''. 10'''. 33''$  ut  $IT \times AZ \times TG \times \frac{Pp}{PG}$  ad  $AT cub.$  id est, ut  $\frac{IT \times TG}{\frac{1}{2}AT} \times \frac{Pp}{PG}$  ad  $2AT$ ; hoc est, ut sinus duplicatæ distantie Lunæ à Quadraturis ductus in  $\frac{Pp}{PG}$  ad radium duplicatum: summa omnium Variationum horariorum, quo tempore Luna in hoc situ Nodorum transit à Quadratura ad Syzygiam, (id est, spatio horarum  $177\frac{1}{2}$ .) erit ad summam totidem angulorum  $33''. 10'''. 33''$ , seu  $5876''$ , ut summa omnium sinuum duplicatæ distantie Lunæ à Quadraturis ducta in  $\frac{Pp}{PG}$  ad summam totidem diametrorum; hoc est, ut diameter ducta in  $\frac{Pp}{PG}$  ad circumferentiam; id est, si Inclination sit  $5^u. 1'$ , ut  $7 \times \frac{874}{10000}$  ad  $22$ , seu  $278$  ad  $10000$ . Proindeque Variatio tota, ex summa omnium horariorum Variationum tempore prædicto conflata, est  $163''$ , seu  $2'. 43''$ .

## PROPOSITIO XXXV. PROBLEMA XVI.


*Dato tempore invenire Inclinationem Orbis Lunaræ ad planum Eclipticæ.*

Sit  $AD$  sinus Inclinationis maximæ, &  $AB$  sinus Inclinationis minimæ. Bifecetur  $BD$  in  $C$ , & centro  $C$ , intervallo  $BC$ , describatur Circulus  $BGD$ . In  $AC$  capiatur  $CE$  in ea ratione ad  $EB$  quam  $EB$  habet ad  $2BA$ : Et si dato tempore constituantur angulus  $AEG$  æqualis duplicatæ distantie Nodorum à Qua-



arcum  $Gg$ ; id est, ut diameter  $BD$  ad semicircumferentiam  $BGD$  & tempus horarum  $2079\frac{1}{2}$ , quo Nodus pergit à Quadraturis ad Syzygias, ad horam unam conjunctim; hoc est, ut 7 ad 11 &  $2079\frac{1}{2}$  ad 1. Quare si rationes omnes conjungantur, fiet Variatio tota  $BD$  ad  $33''$ .  $10''$ .  $33'''$  ut  $224 \times 7 \times 2079\frac{1}{2}$  ad 110000, id est, ut 29645 ad 1000, & inde Variatio illa  $BD$  prodibit  $16'$ .  $23''\frac{1}{2}$ .

Hæc est Inclinationis Variatio maxima quatenus locus Lunæ in Orbe suo non consideratur. Nam Inclination, si Nodi in Syzygiis versantur, nil mutatur ex vario situ Lunæ. At si Nodi in Quadraturis consistunt, Inclination minor est ubi Luna versatur in Syzygiis, quam ubi ea versatur in Quadraturis, excessu  $2'$ .  $43''$ ; uti in Propositionis superioris Corollario quarto indicavimus. Et hujus excessus dimidio  $1'$ .  $21''\frac{1}{2}$ . Variatio tota mediocris  $BD$  in Quadraturis Lunaribus diminuta fit  $15'$ .  $2''$ , in ipsius autem Syzygiis aucta fit  $17'$ .  $45''$ . Si Luna igitur in Syzygiis constituatur, Variatio tota, in transitu Nodorum à Quadraturis ad Syzygias, erit  $17'$ .  $45''$ : adeoque si Inclination, ubi Nodi in Syzygiis versantur, sit  $5^{\circ}$ .  $17'$ .  $20''$ ; eadem, ubi Nodi sunt in Quadraturis, & Luna in Syzygiis, erit  $4^{\circ}$ .  $59'$ .  $35''$ . Atque hæc ita se habere confirmatur ex Observationibus.



Si jam desideretur Orbis Inclination illa, ubi Luna in Syzygiis & Nodi ubivis versantur; fiat  $AB$  ad  $AD$  ut sinus graduum  $4$ .  $59'$ .  $35''$  ad sinus graduum  $5$ .  $17'$ .  $20''$ , & capiatur angulus  $AEG$  æqualis duplicatæ distantie Nodorum à Quadraturis; & erit  $AH$  sinus Inclinationis quæsitæ. Huic Orbis Inclinationi æqualis est ejusdem Inclination, ubi Luna distat  $90^{\circ}$  à Nodis. In aliis Lunæ locis inæqualitas menstrua, quam Inclinationis variatio admittit, in calculo Latitudinis Lunæ compensatur & quodammodo tollitur per inæqualitatem menstruam motus Nodorum, (ut supra diximus) adeoque in calculo Latitudinis illius negligi potest.

Scho-



*Scholium.*

Hicce motuum Lunarum computationibus ostendere volui, quod motus Lunares, per Theoriam Gravitatis, a causis suis computari possint. Per eandem Theoriam inveni præterea quod Æquatio Annua medii motus Lunæ oriatur a varia dilatazione Orbis Lunæ per vim Solis, juxta Corol. 6. Prop. LXVI. Lib. I. Hæc vis in Perigæo Solis major est, & Orbem Lunæ dilatat; in Apogæo ejus minor est, & Orbem illum contrahi permittit. In Orbe dilatato Luna tardius revolvitur, in contracto citius; & Æquatio Annua per quam hæc inæqualitas compensatur, in Apogæo & Perigæo Solis nulla est, in mediocri Solis a Terra distantia ad  $11'. 50''$  circiter ascendit, in aliis locis Æquationi centri Solis proportionalis est; & additur medio motui Lunæ ubi Terra pergit ab Aphelio suo ad Perihelium, & in opposita Orbis parte subducitur. Assumendo radium Orbis magni 1000 & Eccentricitatem Terræ  $16\frac{1}{2}$ , hæc Æquatio ubi maxima est, per Theoriam Gravitatis prodiit  $11'. 49''$ . Sed Eccentricitas Terræ paulo major esse videtur, & aucta Eccentricitate hæc Æquatio augeri debet in eadem ratione. Sit Eccentricitas  $16\frac{1}{2}$ , & Æquatio maxima erit  $11'. 52''$ .

Inveni etiam quod in Perihelio Terræ, propter majorem vim Solis, Apogæum & Nodi Lunæ velocius moventur quam in Aphelio ejus, idque in triplicata ratione distantie Terræ a Sole inverse. Et inde oriuntur Æquationes Annuæ horum motuum Æquationi centri Solis proportionales. Motus autem Solis est in duplicata ratione distantie Terræ a Sole inverse, & maxima centri Æquatio quam hæc inæqualitas generat, est  $1''. 56'. 26''$  prædictæ Solis Eccentricitati  $16\frac{1}{2}$  congruens. Quod si motus Solis esset in triplicata ratione distantie inverse, hæc inæqualitas generaret Æquationem maximam  $2''. 56'. 9''$ . Et propterea Æquationes maximæ quas inæqualitates motuum Apogæi & Nodorum Lunæ generant, sunt ad  $2''. 56'. 9''$ , ut motus medius diurnus Apogæi & motus medius diurnus Nodorum Lunæ sunt ad motum medium diurnum Solis. Unde prodiit Æquatio maxima medii motus Apogæi  $19'. 52''$ : & Æquatio maxima medii motus Nodorum  $9'. 27''$ . Additur vero Æquatio prior & subducitur posterior, ubi Terra pergit a Perihelio suo ad Aphelium: & contrarium fit in opposita Orbis parte.

Pec

DE MUNDI  
SYSTEMATE


Per Theoriam Gravitatis constituit etiam quod actio Solis in Lunam paulo major sit ubi transversa diameter Orbis Lunaris transit per Solem, quam ubi eadem ad rectos est angulos cum linea Terram & Solem jungente: & propterea Orbis Lunaris paulo major est in priore casu quam in posteriore. Et hinc oritur alia Æquatio motus medii Lunaris, pendens a situ Apogæi Lunæ ad Solem, quæ quidem maxima est cum Apogæum Lunæ versatur in Octante cum Sole; & nulla cum illud ad Quadraturas vel Syzygias pervenit: & motui medio additur in transitu Apogæi Lunæ a Solis Quadratura ad Syzygiam, & subducitur in transitu Apogæi a Syzygia ad Quadraturam. Hæc Æquatio quam Semestrem vocabo, in Octantibus Apogæi quando maxima est, ascendit ad  $3'.45''$  circiter, quantum ex Phænomenis colligere potui. Hæc est ejus quantitas in mediocri Solis distantia a Terra. Augetur vero ac diminuitur in triplicata ratione distantie Solis inverse, adeoque in maxima Solis distantia est  $3'.34''$ , & in minima  $3'.56''$  quamproxime: ubi vero Apogæum Lunæ situm est extra Octantes, evadit minor, estque ad Æquationem maximam, ut sinus duplæ distantie Apogæi Lunæ a proxima Syzygia vel Quadratura ad radium.

Per eandem Gravitatis Theoriam actio Solis in Lunam paulo major est ubi linea recta per Nodos Lunæ ducta transit per Solem, quam ubi linea ad rectos est angulos cum recta Solem ac Terram jungente. Et inde oritur alia medii motus Lunaris Æquatio, quam Semestrem secundam vocabo, quæque maxima est ubi Nodi in Solis Octantibus versantur, & evanescit ubi sunt in Syzygiis vel Quadraturis, & in aliis Nodorum positionibus proportionalis est sinui duplæ distantie Nodi alterutrius a proxima Syzygia aut Quadratura: additur vero medio motui Lunæ dum Nodi transeunt a Solis Quadraturis ad proximas Syzygias, & subducitur in eorum transitu a Syzygiis ad Quadraturas; & in Octantibus ubi maxima est, ascendit ad  $47''$  in mediocri Solis distantia a Terra, uti ex Theoria Gravitatis colligo. In aliis Solis distantis hæc Æquatio, in Octantibus Nodorum, est reciproce ut cubus distantie Solis a Terra, ideoque in Perigæo Solis ad  $45''$  in Apogæo ejus ad  $49''$  circiter ascendit.

Per eandem Gravitatis Theoriam Apogæum Lunæ progreditur quam maxime ubi vel cum Sole conjungitur vel eidem opponitur, & regreditur ubi cum Sole Quadraturam facit. Et Eccentricitas sit maxima in priore casu & minima in posteriore, per Corol.

7, 8 &amp; 9.

7, 8 & 9. Prop. LXVI. Lib. I. Et hæ inæqualitates per eadem Corollaria permagnæ sunt, & Æquationem principalem Apogæi generant, quam Semestrem vocabo. Et Æquatio maxima Semestris est  $12^{\circ} 18'$  circiter, quantum ex Observationibus colligere potui. *Horroxius* noster Lunam in Ellipsi circum Terram, in ejus umbilico inferiore constitutam, revolvi primus statuit. *Halleius* centrum Ellipseos in Epicyclo locavit, ejus centrum uniformiter revolvitur circum Terram. Et ex motu in Epicyclo oriuntur inæqualitates jam dictæ in progressu & regressu Apogæi & quantitate Eccentricitatis. Dividi intelligatur distantia mediocris Lunæ a Terra in partes 100000, & referat  $T$  Terram &  $TC$  Eccentricitatem mediocrem Lunæ partium 5505. Producat  $TC$  ad  $B$ , ut sit  $CB$  sinus Æquationis maximæ Semestris  $12^{\circ} 18'$  ad radium  $TC$ , & circulus  $BDA$  centro  $C$  intervallo  $CB$  descriptus, erit Epicyclus ille in quo centrum Orbis Lunarior locatur & secundum ordinem literarum  $BDA$  revolvitur. Capiatur angulus  $BCD$  æqualis duplo argumento annuo, seu duplæ distantie veri loci Solis ab Apogæo Lunæ semel æquato, & erit  $CFD$  Æquatio



Semestris Apogæi Lunæ &  $TD$  Eccentricitas Orbis ejus in Apogæum secundo æquatum tendens. Habitis autem Lunæ motu medio & Apogæo & Eccentricitate, ut & Orbis axe majore partium 100000, ex his eruetur verus Lunæ locus in Orbe & distantia ejus a Terra, idque per Methodos notissimas.

In Perihelio Terræ, propter majorem vim Solis, centrum Orbis Lunæ velocius movetur circum centrum  $C$  quam in Aphelio, idque in triplicata ratione distantie Terræ a Sole inversæ. Ob Æquationem centri Solis in Argumento annuo comprehensam, centrum Orbis Lunæ velocius movetur in Epicyclo  $BDA$  in duplicata ratione distantie Terræ a Sole inversæ. Ut idem adhuc velocius moveatur in ratione simplici distantie inversæ, ab Orbis centro  $D$  agatur recta  $DE$  versus Apogæum Lunæ, seu recta  $TC$  parallela, & capiatur angulus  $EDF$  æqualis excessui Argumenti



Solis. Et ut radius est ad sinum anguli sic inventi, ita  $2'. 25''$  sunt ad  $\frac{1}{2}$  Equationem centri Secundam, addendam si summa illa sit minor semicirculo, subducendam si major. Sic habebitur ejus Longitudo in ipsis Luminarium Syzygiis.

Si computatio accuratior desideretur, corrigendus est locus Lunæ in Orbe ut supra inventus per Variationem duplicem. De Variatione Prima & principali diximus supra, hæc maxima est in Ostantibus Lunæ. Variatio altera maxima est in Quadrantibus, & oritur a varia Solis actione in Orbem Lunæ pro varia positione Apogæi Lunæ ad Solem, computatur vero in hunc modum. Ut radius ad sinum versus distantie Apogæi Lunæ a Perigæo Solis in consequentia, ita angulus quidam P ad quartum proportionalem. Et ut radius ad sinum distantie Lunæ a Sole, ita summa hujus quarti proportionalis & anguli cujusdam alterius Q ad Variationem Secundam, subducendam si Lunæ lumen augetur, addendam si diminuitur. Sic habebitur locus verus Lunæ in Orbe, & per Reductionem loci hujus ad Eclipticam habebitur Longitudo Lunæ. Anguli vero P & Q ex Observationibus determinandi sunt. Et interea si pro angulo P usurpentur  $2'$ , & pro angulo Q  $1'$ , non multum errabitur.

Cum Atmosphæra Terræ ad usque altitudinem milliarium 35 vel 40 refringat lucem Solis, & refringendo spargat eandem in Umbram Terræ, & spargendo lucem in confinio Umbræ dilatat Umbram: ad diametrum Umbræ quæ per Parallaxim prodit, addo minutum unum primum in Eclipsibus Lunæ, vel minutum unum cum triente.

Theoria vero Lunæ primo in Syzygiis, deinde in Quadraturis, & ultimo in Ostantibus per Phænomena examinari & stabiliri debet. Et opus hocce aggressurus motus medios Solis & Lunæ ad tempus meridianum in Observatorio Regio *Grenovicensi*, die ultimo mensis *Decembris* anni 1700. st. vet. non incommode sequentes adhibebit: nempe motum medium Solis  $\approx 20^{\circ} 43'. 40''$ , & Apogæi ejus  $\approx 7^{\circ} 44'. 30''$ , & motum medium Lunæ  $\approx 15^{\circ} 20'. 00''$ , & Apogæi ejus  $\approx 8^{\circ} 20'. 00''$ , & Nodi ascendentis  $\approx 17^{\circ} 24'. 20''$ , & differentiam meridianorum Observatorii hujus & Observatorii Regii *Parisiensis*  $0^{\text{hor.}} 9^{\text{min.}} 20^{\text{sec.}}$ .



tudo Aquæ sub Æquatore superet ejus altitudinem sub Polis mensura pedum Parisiensium 85820; vis Solaris de qua egimus, cum sit ad vim gravitatis ut 1 ad 12868200, atque adeo ad vim illam centrifugam ut 289 ad 12868200 seu 1 ad 44527, efficiet ut altitudo Aquæ in regionibus sub Sole & Soli oppositis, superet altitudinem ejus in locis quæ 90 gradibus distant a Sole, mensura tantum pedis unius Parisiensis & digitorum undecim cum octava parte digiti. Est enim hæc mensura ad mensuram pedum 85820 ut 1 ad 44527.

## PROPOSITIO XXXVII. PROBLEMA XVIII.

*Invenire vim Lunæ ad Mare movendum.*

Vis Lunæ ad Mare movendum colligenda est ex ejus proportionem ad vim Solis, & hæc proportio colligenda est ex proportionem motuum Maris, qui ab his viribus oriuntur. Ante ostium fluvii *Avone* ad lapidem tertium infra *Bristoliam*, tempore verno & autumnali totus Aquæ ascensus in Conjunctione & Oppositione Luminarium (observante *Samuele Sturmio*) est pedum plus minus 45, in Quadraturis autem est pedum tantum 25. Altitudo prior ex summa virium, posterior ex earundem differentia oritur. Solis igitur & Lunæ in Æquatore versantium & mediocriter a Terra distantium sunt vires S & L, & erit  $L + S$  ad  $L - S$  ut 45 ad 25, seu 9 ad 5.

In portu *Plymuthi* Æstus maris (ex observatione *Samuelis Colepressi*) ad pedes plus minus sexdecim altitudine mediocri attollitur, ac tempore verno & autumnali altitudo Æstus in Syzygiis superare potest altitudinem ejus in Quadraturis, pedibus plus septem vel octo. Si maxima harum altitudinum differentia sit pedum novem, erit  $L + S$  ad  $L - S$  ut  $20\frac{1}{2}$  ad  $11\frac{1}{2}$  seu 41 ad 23. Quæ proportio satis congruit cum priore. Ob magnitudinem Æstus in portu *Bistolæ*, observationibus *Sturmii* magis fidendum esse videtur, ideoque donec aliquid certius constiterit, proportionem 9 ad 5 usurpabimus.

Cæterum ob aquarum reciprocos motus, Æstus maximi non incidunt in ipsas Luminarium Syzygias, sed sunt tertii a Syzygiis ut dictum fuit, seu proxime sequuntur tertium Lunæ post Syzygias appulsam ad meridianum loci, vel potius (ut a *Sturmio* notatur) sunt tertii post diem novilunii vel plenilunii, seu post ho-

ram a novilunio vel plenilunio plus minus duodecimam, adeoque incidunt in horam a novilunio vel plenilunio plus minus quadragessimam tertiam. Incidunt vero in hoc portu in horam septimam circiter ab appulsu Lunæ ad meridianum loci, ideoque proxime sequuntur appulsus Lunæ ad meridianum, ubi Luna distat a Sole vel ab oppositione Solis gradibus plus minus octodecim vel novendecim in consequentia. Æstas & Hyems maxime vigent, non in ipsis Solstitiis, sed ubi Sol distat a Solstitiis decima circiter parte totius circuitus, seu gradibus plus minus 36 vel 37. Et similiter maximus Æstus maris oritur ab appulsu Lunæ ad meridianum loci, ubi Luna distat a Sole decima circiter parte motus totius ab Æstu ad Æstum. Sit distantia illa graduum plus minus 18½. Et vis Solis in hac distantia Lunæ a Syzygiis & Quadraturis, minor erit ad augendum & ad minuendum motum maris a vi Lunæ oriundum, quam in ipsis Syzygiis & Quadraturis, in ratione radii ad sinum complementi distantie hujus duplicatæ seu anguli graduum 37, hoc est, in ratione 10000000 ad 7986355. Ideoque in analogia superiore pro S scribi debet 0,7986355 S.

Sed & vis Lunæ in Quadraturis, ob declinationem Lunæ ab Æquatore, diminui debet. Nam Luna in Quadraturis, vel potius in gradu 18½ post Quadraturas, in declinatione graduum plus minus 22. 13' versatur. Et Luminaris ab Æquatore declinantis vis ad Mare movendum diminuitur in duplicata ratione sinus complementi declinationis quamproxime. Et propterea vis Lunæ in his Quadraturis est tantum 0,8570327 L. Est igitur  $L + 0,7986355 S$  ad  $0,8570327 L - 0,7986355 S$  ut 9 ad 5.

Præterea diametri Orbis in quo Luna absque Eccentricitate moveri deberet, sunt ad invicem ut 69 ad 70, ideoque distantia Lunæ a Terra in Syzygiis est ad distantiam ejus in Quadraturis, ut 69 ad 70, cæteris paribus. Et distantie ejus in gradu 18½ a Syzygiis ubi Æstus maximus generatur, & in gradu 18½ a Quadraturis ubi Æstus minimus generatur, sunt ad mediocrem ejus distantiam, ut 69,098747 & 69,897345 ad 69½. Vires autem Lunæ ad Mare movendum sunt in triplicata ratione distantiarum inverse, ideoque vires in maxima & minima harum distantiarum sunt ad vim in mediocri distantia, ut 0,9830427 & 1,017522 ad 1. Unde fit  $1,017522 L + 0,7986355 S$  ad  $0,9830427 \times 0,8570327 L - 0,7986355 S$  ut 9 ad 5. Et S ad L ut 1 ad 4,4815. Itaque cum vis Solis sit ad vim gravitatis ut 1 ad 12868200, vis Lunæ erit ad vim gravitatis ut 1 ad 1871400.

*Corol.*



*Corol. 1.* Cum Aqua vi Solis agitata ascendat ad altitudinem pedis unius & undecim digitorum cum octava parte digiti, eadem vi Lunæ ascendet ad altitudinem octo pedum & digitorum octo, & vi utraque ad altitudinem pedum decem cum semisse, & ubi Luna est in Perigæo ad altitudinem pedum duodecim cum semisse & ultra, præsertim ubi Æstus ventis spirantibus adjuvatur. Tanta autem vis ad omnes Maris motus excitandos abunde sufficit, & quantitati motuum probe respondet. Nam in maribus quæ ab Oriente in Occidentem late patent, uti in Mari *Pacífico*, & Maris *Atlantici* & *Æthiopici* partibus extra Tropicos, aqua attolli solet ad altitudinem pedum sex, novem, duodecim vel quindecim. In Mari autem *Pacífico*, quod profundius est & latius patet, Æstus dicuntur esse majores quam in *Atlantico* & *Æthiopico*. Etenim ut plenus sit Æstus, latitudo Maris ab Oriente in Occidentem non minor esse debet quàm graduum nonaginta. In Mari *Æthiopico*, ascensus aquæ intra Tropicos minor est quam in Zonis temperatis, propter angustiam Maris inter *Africam* & Australem partem *Americæ*. In medio Mari aqua nequit ascendere, nisi ad litus utrumque & orientale & occidentale simul descendat: cum tamen vicibus alternis ad littora illa in Maribus nostris angustis descendere debeat. Ea de causa fluxus & refluxus in Insulis, quæ à littoribus longissime absunt, perexiguus esset solet. In Portubus quibusdam, ubi aqua cum impetu magno per loca vadosa, ad Sinus alternis vicibus implendos & evacuandos, influere & effluere cogitur, fluxus & refluxus debent esse solito majores, uti ad *Plymuthum* & pontem *Chepstowæ* in *Anglia*, ad montes *S. Michaelis* & urbem *Abrincatuorum* (vulgo *Auranches*) in *Normania*, ad *Cambaïam* & *Pegu* in *India* orientali. His in locis mare, magna cum velocitate accedendo & recedendo, littora nunc inundat nunc arida relinquit ad multa miliaria. Neque impetus influendi & remeandi prius frangi potest, quam aqua attollitur vel deprimitur ad pedes 30, 40, vel 50 & amplius. Et par est ratio fretorum oblongorum & vadolorum, uti *Magellani* & ejus quo *Anglia* circumdatur. Æstus in hujusmodi portubus & fretis, per impetum cursus & recursus supra modum augetur. Ad littora vero quæ descensu præcipiti ad mare profundum & apertum spectant, ubi aqua sine impetu effluendi & remeandi attolli & subsidere potest, magnitudo Æstus respondet viribus Solis & Lunæ.

*Corol.*

*Corol. 2.* Cum vis Lunæ ad Mare movendum, sit ad vim gravitatis ut 1 ad 2871400, perspicuum est quod vis illa sit longe minor quam quæ vel in experimentis Pendulorum, vel in Staticis aut Hydrostaticis quibuscunque sentiri possit. In Æstu solo marino hæc vis sensibilem edit effectum.

*Corol. 3.* Quoniam vis Lunæ ad Mare movendum, est ad Solis vim consimilem ut 4,4815 ad 1, & vires illæ (per Corol. 14. Prop. LXVI. Lib. I.) sunt ut densitates corporum Lunæ & Solis & cubi diametrorum apparentium conjunctim; densitas Lunæ erit ad densitatem Solis, ut 4,4815 ad 1 directæ & cubus diametri Lunæ ad cubum diametri Solis inverse: id est (cum diametri mediocres apparentes Lunæ & Solis sint 31'. 16 $\frac{1}{2}$ " & 32'. 12") ut 4891 ad 1000. Densitas autem Solis erat ad densitatem Terræ, ut 100 ad 396; & propterea densitas Lunæ est ad densitatem Terræ, ut 4891 ad 3960 seu 21 ad 17. Est igitur corpus Lunæ densius & magis terrestre quam Terra nostra.

*Corol. 4.* Et cum vera diameter Lunæ (ex Observationibus Astronomicis) sit ad veram diametrum Terræ, ut 100 ad 364; erit massa Lunæ ad massam Terræ, ut 1 ad 39,371.

*Corol. 5.* Et gravitas acceleratrix in superficie Lunæ, erit quasi triplo minor quam gravitas acceleratrix in superficie Terræ.

*Corol. 6.* Et distantia centri Lunæ a centro Terræ, erit ad distantiam centri Lunæ a communi gravitatis centro Terræ & Lunæ, ut 40,371 ad 39,371.

*Corol. 7.* Et mediocris distantia centri Lunæ a centro Terræ, erit semidiametrorum maximarum Terræ 60 $\frac{1}{2}$  quamproxime. Nam semidiameter maxima Terræ fuit pedum Parisiensium 19767630, & mediocris distantia centrorum Terræ & Lunæ ex hujusmodi semidiametris 60 $\frac{1}{2}$  constans, æqualis est pedibus 1190999707. Et hæc distantia (per Corollarium superius) est ad distantiam centri Lunæ a communi gravitatis centro Terræ & Lunæ, ut 40,371 ad 39,371, quæ proinde est pedum 1161498340. Et cum Luna revolvatur respectu Fixarum, diebus 27, horis 7 & minutis primis 43 $\frac{1}{3}$ ; sinus versus anguli quem Luna, tempore minuti unius primi motu suo medio, circa commune gravitatis centrum Terræ & Lunæ describit, est 1275235, existente radio 100,00000,000000. Et ut radius est ad hunc sinum versum, ita sunt pedes 1161498340 ad pedes 14,811833. Luna igitur vi illa qua retinetur in Orbe, cadendo in Terram, tempore minuti unius primi describet pedes 14,811833. Et si hæc vis augeatur in ratione 177 $\frac{1}{2}$  ad 178 $\frac{1}{2}$ , habebitur

bebitur vis tota gravitatis in Orbe Lunæ, per Corol. Prop. 111. Et hac vi Luna cadendo, tempore minuti unius primi describere deberet pedes 14,89517. Et ad sexagesimam partem hujus distantia, id est, ad distantiam pedum 19849995 a centro Terræ, corpus grave cadendo, tempore minuti unius secundi describere deberet etiam pedes 14,89517. Diminuatur hæc distantia in subduplicata ratione pedum 14,89517 ad pedes 15,12028, & habebitur distantia pedum 19701678 a qua grave cadendo, eodem tempore minuti unius secundi describet pedes 15,12028, id est, pedes 15, dig. 1, lin. 5,32. Et hac vi gravia cadunt in superficie Terræ, in Latitudine urbis *Lutetiae Parisiorum*, ut supra ostensum est. Est autem distantia pedum 19701678 paulo minor quam semidiameter globi huic Terræ æqualis, & paulo major quam Terræ hujus semidiameter mediocris, ut oportet. Sed differentia sunt insensibiles. Et propterea vis qua Luna retinetur in Orbe suo, ad distantiam maximarum Terræ semidiametrorum 60½, ea est quam vis Gravitatis in superficie Terræ requirit.

*Corol. 8.* Distantia mediocris centrorum Terræ & Lunæ, est mediocris Terræ semidiametrorum 60½ quamproxime. Nam semidiameter mediocris, quæ erat pedum 19688725, est ad semidiametrum maximam pedum 19767630, ut 60½ ad 60½. quamproxime.

In his computationibus Attractionem magneticam Terræ non consideravimus, cujus utique quantitas perpauca est & ignoratur. Siquando vero hæc Attractio investigari poterit, & mensuræ graduum in Meridiano, ac longitudines Pendulorum isochronorum in diversis parallelis, legesque motuum Maris, & parallaxis Lunæ cum diametris apparentibus Solis & Lunæ ex Phænomenis accuratius determinatæ fuerint: licebit calculum hunc omnem accuratius repetere.

## PROPOSITIO XXXVIII. PROBLEMA XIX.

*Invenire Figuram corporis Lunæ.*

Si corpus Lunare fluidum esset ad instar Maris nostri, vis Terræ ad fluidum illud in partibus & citimis & ultimis elevandum, esset ad vim Lunæ, qua Mare nostrum in partibus & sub Luna & Lunæ oppositis attollitur, ut gravitas acceleratrix Lunæ in Terram ad gravitatem acceleratricem Terræ in Lunam & diameter Lunæ ad diame-

diametrum Terræ conjunctim; id est, ut 39,371 ad 1 & 100 ad 355 conjunctim, seu 1079 ad 100. Unde cum Mare nostrum vi Lunæ attollatur ad pedes 8 $\frac{1}{2}$ , fluidum Lunare vi Terræ attolli deberet ad pedes 93 $\frac{1}{2}$ . Eaque de causa Figura Lunæ Sphærois esset, cujus maxima diameter producta transiret per centrum Terræ, & superaret diametròs perpendiculares excessu pedum 187. Talem igitur Figuram Luna affectat, eamque sub initio induere debuit.

Q. E. I.

*Corol.* Inde vero fit ut eadem semper Lunæ facies in Terram obvertatur. In alio enim situ corpus Lunare quiescere non potest, sed ad hunc situm oscillando semper redibit. Attamen oscillationes, ob parvitatem virium agitantium, essent longè tardissimæ: adeo ut facies illa, quæ Terram semper respicere deberet, possit alterum orbis Lunaris umbilicum, ob rationem in Prop. XVII. allatam respicere, neque statim abinde retrahi & in Terram converti.

### L E M M A I.

Si APEp Terram designet uniformiter densam, centroque C & Polis P, p & Equatore AE delineatam; & si centro C radio CP describi intelligatur Sphæra Pape; sit autem QR planum, cui recta a centro Solis ad centrum Terræ ducta normaliter insistit; & Terræ totius exterioris PapAPEpE, quæ Sphæra modo descripta altior est, particula singule contentur recedere hinc inde a plano QR, sitque conatus particula cujusque ut ejusdem distantia a plano: Dico primo, quod tota particularum omnium, in Equatoris circulo AE, extra globum uniformiter per totum circuitum in morem annuli dispositarum, vis & efficacia ad Terram circum centrum ejus rotandam, sit ad totam particularum totidem in Equatoris puncto A, quod a plano QR maxime distat, consistentium vim & efficaciam, ad Terram consimili motu circulari circum centrum ejus movendam, ut unum ad duo. Et motus iste circularis circum axem, in communi sectione Equatoris & plani QR jacentem, peragetur.


Nam centro C diametro BD describatur semicirculus BAFDC. Dividi intelligatur semicircumferentia BAD in partes



LEMMA II.

*Iisdem positis: Dico secundo quod vis & efficacia tota particularum omnium extra globum undique sitarum, ad Terram circum axem eundem rotandam, sit ad vim totam particularum totidem, in Aequatoris circulo AE, uniformiter per totum circuitum in morem annuli dispositarum, ad Terram consimili motu circulari movendam, ut duo ad quinque.*

Sit enim  $IK$  circulus quilibet minor  $\text{Æquatori } AE$  parallelus, fintque  $L, l$  particulæ duæ quævis æquales in hoc circulo extra globum  $\text{Pape}$  sitæ. Et si in planum  $QR$ , quod radio in Solem ducto perpendicularare est, demittantur perpendiculara  $LM, lm$ : vires totæ quibus particulæ illæ fugiunt planum  $QR$ , proportionales erunt perpendicularis illis  $LM, lm$ . Sit autem recta  $Ll$  plano  $\text{Pape}$  parallela & bifecetur eadem in  $X$ , & per punctum  $X$  agatur  $Nn$ , quæ parallela sit plano  $QR$  & perpendi-



culis  $LM$ ,  $lm$  occurrat in  $N$  ac  $n$ , & in planum  $QR$  demittatur perpendicularum  $XY$ . Et particularum  $L$  &  $l$  vires contrariæ, ad Terram in contrarias partes rotandam, sunt ut  $LM \times MC$  &  $lm \times mC$ , hoc est, ut  $LN \times MC + NM \times MC$  &  $ln \times mC - nm \times mC$ , seu  $LN \times MC + NM \times MC$  &  $LN \times mC - NM$

—  $NM \times mC$ : & harum differentia  $LN \times Mm - NM \times \overline{MC} + m\overline{C}$ , est vis particularum ambarum simul sumptarum ad Terram rotandam. Hujus differentie pars affirmativa  $LN \times Mm$  seu  $2LN \times NX$ , est ad particularum duarum ejusdem magnitudinis in  $A$  consistentium vim  $2AH \times HC$ , ut  $LXq$  ad  $ACq$ . Et pars negativa  $NM \times \overline{MC} + m\overline{C}$  seu  $2XT \times CT$ , ad particularum earundem in  $A$  consistentium vim  $2AH \times HC$ , ut  $CXq$  ad  $ACq$ . Ac proinde partium differentia, id est, particularum duarum  $L$  &  $l$  simul sumptarum vis ad Terram rotandam, est ad vim particularum duarum iisdem æqualium & in loco  $A$  consistentium, ad Terram itidem rotandam, ut  $LXq - CXq$  ad  $ACq$ . Sed si circuli  $IK$  circumferentia  $IK$  dividatur in particulas innumeras æquales  $L$ , erunt omnes  $LXq$  ad totidem  $IXq$  ut 1 ad 2, (per Lem. I.) atque ad totidem  $ACq$ , ut  $IXq$  ad  $2ACq$ ; & totidem  $CXq$  ad totidem  $ACq$  ut  $2CXq$  ad  $2ACq$ . Quare vires conjunctæ particularum omnium in circuitu circuli  $IK$ , sunt ad vires conjunctas particularum totidem in loco  $A$ , ut  $IXq - 2CXq$  ad  $2ACq$ : & propterea (per Lem. I.) ad vires conjunctas particularum totidem in circuitu circuli  $AE$ , ut  $IXq - 2CXq$  ad  $ACq$ .

Jam vero si Sphæræ diameter  $Pp$  dividatur in partes innumeras æquales, quibus insistant circuli totidem  $IK$ , materia in perimetro circuli cujusque  $IK$  erit ut  $IXq$ : ideoque vis materię illius ad Terram rotandam, erit ut  $IXq$  in  $IXq - 2CXq$ . Et vis materię ejusdem, si in circuli  $AE$  perimetro confisteret, esset ut  $IXq$  in  $ACq$ . Et propterea vis particularum omnium materię totius, extra globum in perimetris circulorum omnium consistentis, est ad vim particularum totidem in perimetro circuli maximi  $AE$  consistentis, ut omnia  $IXq$  in  $IXq - 2CXq$  ad totidem  $IXq$  in  $ACq$ , hoc est, ut omnia  $ACq - CXq$  in  $ACq - 3CXq$  ad totidem  $ACq - CXq$  in  $ACq$ , id est, ut omnia  $ACqq - 4ACq \times CXq + 3CXqq$  ad totidem  $ACqq - ACq \times CXq$ , hoc est, ut tota quantitas fluens cujus fluxio est  $ACqq - 4ACq \times CXq + 3CXqq$ , ad totam quantitatem fluentem cujus fluxio est  $ACqq - ACq \times CXq$ ; ac proinde per Methodum Fluxionum, ut  $ACqq \times CX - \frac{1}{2}ACq \times CX^2 + \frac{1}{3}CXqc$  ad  $ACqq \times CX - \frac{1}{2}ACq \times CX^2$ , id est, si pro  $CX$  scribatur tota  $Cp$  vel  $AC$ , ut  $\frac{1}{2}ACqc$  ad  $\frac{1}{2}ACqc$ , hoc est, ut duo ad quinque.  $\mathcal{Q} E. D.$

## L E M M A III.

*Iisdem positis: Dico tertio quod motus Terræ totius circum axem jam ante descriptum, ex motibus particularum omnium compositus, erit ad motum annuli prædicti circum axem eundem, in ratione quæ componitur ex ratione materiæ in Terra ad materiam in annulo, & ratione trium quadratorum ex arcu quadrantali circuli cujuscunque ad duo quadrata ex diametro; id est, in ratione materiæ ad materiam & numeri 925275 ad numerum 1000000.*

Est enim motus Cylindri circum axem suum immotum revolvantis, ad motum Sphæræ inscriptæ & simul revolvantis, ut quælibet quatuor æqualia quadrata ad tres ex circulis sibi inscriptis: & motus Cylindri ad motum annuli tenuissimi, Sphæram & Cylindrum ad communem eorum contactum ambientis, ut duplum materiæ in Cylindro ad triplum materiæ in annulo; & annuli motus iste circum axem Cylindri uniformiter continuatus, ad ejusdem motum uniformem circum diametrum propriam, eodem tempore periodico factum, ut circumferentia circuli ad duplum diametri.

## HYPOTHESIS II.

*Si annulus prædictus Terra omni reliqua sublata, solus in Orbe Terræ, motu annuo circa Solem ferretur, & interea circa axem suum, ad planum Eclipticæ in angulo graduum  $23\frac{1}{2}$  inclinatum, motu diurno revolveretur: idem foret motus Punctorum Æquinoctialium sive annulus iste fluidus esset, sive is ex materia rigida & firma constaret.*

PRO.



## PROPOSITIO XXXIX. PROBLEMA XX.

*Invenire Præcessionem Æquinoctiorum.*

Motus mediocris horarius Nodorum Lunæ in Orbe circulari, ubi Nodi sunt in Quadraturis, erat  $16''. 35''.$   $16''. 36''.$  & hujus dimidium  $8''. 17''.$   $38''.$   $16''.$  (ob rationes supra explicatas) est motus medius horarius Nodorum in tali Orbe, sitque anno toto sidereo  $20^h. 11'. 46''.$  Quoniam igitur Nodi Lunæ in tali Orbe conficerent annuatim  $20^h. 11'. 46''.$  in antecedentia; & si plures essent Lunæ motus Nodorum cujusque, per Corol. 16. Prop. LXVI. Lib. I. forent ut tempora periodica; si Luna spatio dici siderci juxta superficiem Terræ revolveretur, motus annuus Nodorum foret ad  $20^h. 11'. 46''.$  ut dies sidereus horarum 23. 56'. ad tempus periodicum Lunæ dierum 27. 7 hor. 43'; id est, ut 1436 ad 39343. Et par est ratio Nodorum annuli Lunarum Terram ambientis; siue Lunæ illæ se mutuo non contingant, siue liquecant & in anulum continuum formentur, siue denique. annulus ille rigescat & inflexibilis reddatur.

Fingamus igitur quod annulus iste, quoad quantitatem materiæ, æqualis sit Terræ omni *PapAPepE* quæ globo *Pape* superior est; (*Vid. Fig. pag. 434.*) & quoniam globus iste est ad Terram illam superiorem ut *aCqu.* ad *ACqu.* — *aCqu.* id est (cum Terræ diameter minor *PC* vel *aC* sit ad diametrum majorem *AC* ut 229 ad 230.) ut 52441 ad 459; si annulus iste Terram secundum Æquatorem cingeret & uterque simul circa diametrum annuli revolveretur, motus annuli esset ad motum globi interioris (per hujus Lem. III.) ut 459 ad 52441 & 1000000 ad 925275 conjunctim, hoc est, ut 4590 ad 485223; ideoque motus annuli esset ad summam motuum annuli ac globi, ut 4590 ad 489813. Unde si annulus globo adhæreat, & motum suum quo ipsius Nodi seu puncta Æquinoctialia regrediuntur, cum globo communicet: motus qui restabit in annulo erit ad ipsius motum priorem, ut 4590 ad 489813; & propterea motus punctorum Æquinoctialium diminuetur in eadem ratione. Erit igitur motus annuus punctorum Æquinoctialium corporis ex annulo & globo compositi, ad motum

20<sup>h</sup>.

20<sup>h</sup>. 11'. 46", ut 1436 ad 39343 & 4590 ad 489813 conjunctim, id est, ut 100 ad 292369. Vires autem quibus Nodi Lunarum (ut supra explicui) atque adeo quibus puncta Æquinoctialia annuli regrediuntur (id est vires 3 *IT*, in *Fig. pag. 403* & 404) sunt in singulis particulis ut distantia particularum à plano *QR*, & his viribus particulæ illæ planum fugiunt; & propterea (per Lem. II.) si materia annuli per totam globi superficiem, in morem figuræ *PapApeE*, ad superiorem illam Terræ partem constituendam spargeretur, vis & efficacia tota particularum omnium ad Terram circa quamvis Æquatoris diametrum rotandam, atque adeo ad movenda puncta Æquinoctialia, evaderet minor quam prius in ratione 2 ad 5. Ideoque annuus Æquinoctiorum regressus jam esset ad 20<sup>h</sup>. 11'. 46", ut 10 ad 73092: ac proinde fieret 9". 56". 50".

Cæterum hic motus, ob inclinationem plani Æquatoris ad planum Eclipticæ, minuendus est, idque in ratione sinus 91706 (qui sinus est complementi graduum 23½) ad Radium 100000. Quæ ratione motus iste jam fiet 9". 7". 20". Hæc est annua Præcessio Æquinoctiorum a vi Solis oriunda.

Vis autem Lunæ ad Marc movendum erat ad vim Solis, ut 4,4815 ad 1 circiter. Et vis Lunæ ad Æquinoctia movenda, est ad vim Solis in eadem proportionem. Indeque prodit annua Æquinoctiorum Præcessio a vi Lunæ oriunda 40". 52". 52", ac tota Præcessio annua a vi utraque oriunda 50". 00". 12". Et hic motus cum Phænomenis congruit. Nam Præcessio Æquinoctiorum ex Observationibus Astronomicis est minutorum secundorum plus minus quinquaginta.

Si altitudo Terræ ad Æquatorem superet altitudinem ejus ad Polos, milliaribus pluribus quam 17½, materia ejus rarior erit ad circumferentiam quam ad centrum: & Præcessio Æquinoctiorum ob altitudinem illam augeri, ob raritatem diminui debet.


Descripsimus jam Systema Solis, Terræ, Lunæ, & Planetarum: superest ut de Cometis nonnulla adjiciantur.

LEMMA

## L E M M A IV.


*Cometas esse Luna superiores & in regione Planetarum versari.*

Ut defectus Parallaxeos diurnæ extulit Cometas supra regiones sublunares, sic ex Parallaxi annua convincitur eorum descensus in regiones Planetarum. Nam Cometæ qui progrediuntur secundum ordinem signorum sunt omnes, sub exitu apparitionis, aut solito tardiores aut retrogradi, si Terra est inter ipsos & Solem; at justo celeriores si Terra vergit ad oppositionem. Et e contra, qui pergunt contra ordinem signorum sunt justo celeriores in fine apparitionis, si Terra versatur inter ipsos & Solem, & justo tardiores vel retrogradi si Terra sita est ad contrarias partes. Contingit hoc maxime ex motu Terræ in vario ipsius situ, perinde ut sit in Planetis, qui, pro motu Terræ vel conspirante vel contrario, nunc retrogradi sunt, nunc tardius progredi videntur, nunc vero celerius. Si Terra pergit ad eandem partem cum Cometa, & motu angulari circa Solem tanto celerius fertur, ut recta per Terram & Cometam perpetuo ducta convergat ad partes ultra Cometam, Cometa e Terra spectatus, ob motum suum tardiozem, apparet esse retrogradus; sin Terra tardius fertur, motus Cometæ,



(detracto motu Terræ) sit saltem tardior. At si Terra pergit in contrarias partes, Cometa exinde velocior apparet. Ex acceleratione autem vel retardatione vel motu retrogrado distantia Cometæ in hunc modum colligitur. Sunt  $rQA$ ,  $rQB$ ,  $rQC$  observatæ tres longitudines Cometæ, sub initio motus, sitque  $rQF$  longitudo ultimo observata, ubi Cometa videri desinit.  
Agatur

Agatur recta  $ABC$ , cujus partes  $AB$ ,  $BC$  rectis  $QA$  &  $QB$ ,  $QB$  &  $QC$  interjectæ, sint ad invicem ut tempora inter observationes tres primas. Producatur  $AC$  ad  $G$ , ut sit  $AG$  ad  $AB$  ut tempus inter observationem primam & ultimam, ad tempus inter observationem primam & secundam, & jungatur  $QG$ . Et si Cometa moveretur uniformiter in linea recta, atque Terra vel quiesceret, vel etiam in linea recta, uniformi cum motu, progresseretur, foret angulus  $rQG$  longitudo Cometæ tempore Observationis ultimæ. Angulus igitur  $FQG$ , qui longitudinum differentia est, oritur ab inæqualitate motuum Cometæ ac Terræ. Hic autem angulus, si Terra & Cometa in contrarias partes moventur, additur angulo  $rQG$ , & sic motum apparentem Cometæ velociorem reddit: Sin Cometa pergit in easdem partes cum Terra, eidem subducitur, motumque Cometæ vel tardiores reddit, vel forte retrogradum, uti modo exposui. Oritur igitur hic angulus præcipue ex motu Terræ, & idcirco pro parallaxi Cometæ merito habendus est, neglecto videlicet ejus incremento vel decremento nonnullo, quod a Cometæ motu inæquali in Orbe proprio oriri possit. Distantia vero Cometæ ex hac parallaxi sic colligitur. Designet  $S$  Solem,  $acT$  Orbem magnum,  $a$  locum Terræ in observatione prima,  $c$  locum Terræ in observatione tertia,  $T$  locum Terræ in observatione ultima, &  $Tr$  lineam rectam versus principium Arietis ductam. Sumatur angulus  $rTV$  æqualis angulo  $rQF$ , hoc est, æqualis longitudini Cometæ ubi Terra versatur in  $T$ . Jungatur  $ac$ , & producatur ea ad  $g$ , ut sit  $ag$  ad  $ac$  ut  $AG$  ad  $AC$ , & erit  $g$  locus quem Terra tempore observationis ultimæ, motu in recta  $ac$  uniformiter continuato, attingeret. Ideoque si ducatur  $g$   $r$  ipsi  $Tr$  parallela, & capiatur angulus  $r gV$  angulo  $rQG$  æqualis, erit hic angulus  $r gV$  æqualis longitudini Cometæ e loco  $g$  spectati, & angulus  $TVg$  parallaxis erit, quæ oritur a translatione Terræ de loco  $g$  in locum  $T$ : ac proinde  $V$  locus erit Cometæ in plano Eclipticæ. Hic autem locus  $V$  Orbe Jovis inferior esse solet.



Idem

Idem colligitur ex curvatura viæ Cometarum. Pergunt hæc corpora propemodum in circulis maximis quamdiu moventur celestius; at in fine cursus, ubi motus apparentis pars illa quæ à parallaxi oritur, majorem habet proportionem ad motum totum apparentem, deflectere solent ab his circulis, & quoties Terra movetur in unam partem, abire in partem contrariam. Oritur hæc deflexio maxime ex Parallaxi, propterea quod respondet motui Terræ; & insignis ejus quantitas, meo computo, collocavit dispares Cometas satis longe infra Jovem. Unde consequens est quod in Perigæis & Periheliis, ubi propius adsunt, descendunt sæpius infra orbes Martis & inferiorum Planetarum.

Confirmatur etiam propinquitas Cometarum ex luce capitum. Nam corporis cœlestis a Sole illustrati & in regiones longinquas abeuntis, diminuitur splendor in quadruplicata ratione distantia: in duplicata ratione videlicet ob auctam corporis distantiam a Sole, & in alia duplicata ratione ob diminutam diametrum apparentem. Unde si detur & lucis quantitas & apprens diameter Cometæ, dabitur distantia, dicendo quod distantia sit ad distantiam Planetæ, in ratione diametri ad diametrum directe & ratione subduplicata lucis ad lucem inverse. Sic minima capillitii Cometæ anni 1682 diameter, per Tubum opticum sexdecim pedum a *Flamstedio* observata & Micrometro mensurata, æquabat 2'. 0". Nucleus autem seu stella in medio capitis vix decimam partem latitudinis hujus occupabat, adeoque lata erat tantum 11" vel 12". Luce vero & claritate capitis superabat caput Cometæ anni 1680, stellasque primæ vel secundæ magnitudinis æmulabatur. Ponamus Saturnum cum annulo suo quasi quadruplo lucidiorem fuisse: & quoniam lux annuli propemodum æquabat lucem globi intermedii, & diameter apprens globi sit quasi 21", adeoque lux globi & annuli conjunctim æquaret lucem globi, cujus diameter esset 30": erit distantia Cometæ ad distantiam Saturni ut 1 ad  $\sqrt{4}$  inverse, & 12" ad 30" directe, id est, ut 24 ad 30 seu 4 ad 5. Rursus Cometa anni 1665 mense *Aprili*, ut author est *Hevelius*, claritate sua pene Fixas omnes superabat, quinetiam ipsum Saturnum, ratione coloris videlicet longe vividioris. Quippe lucidior erat hic Cometa altero illo, qui in fine anni præcedentis apparuerat & cum stellis primæ magnitudinis conferebatur. Latitudo capillitii erat quasi 6', at nucleus cum Planetis ope Tubi optici collatus, plane minor erat Jove, & nunc minor corpore interme-

dio Saturni, nunc ipsi æqualis judicabatur. Porro cum diameter capillitii Cometarum raro superet 8' vel 12', diameter vero nuclei seu stellæ centralis sit quasi decima vel forte decima quinta pars diametri capillitii, patet Stellas hæc ut plurimum ejusdem esse apparentis magnitudinis cum Planetis. Unde cum lux earum cum luce Saturni non raro conferri possit, eamque aliquando superet, manifestum est quod Cometæ omnes in Periheliis vel infra Saturnum collocandi sint, vel non longe supra. Errant igitur toto cælo qui Cometæ in regionem Fixarum prope ablegant: quæ certe ratione non magis illustrari deberent a Sole nostro, quam Planeta, qui hic sunt, illustrantur a Stellis fixis.

Hæc disputavimus non considerando obscuracionem Cometarum per fumum illum maxime copiosum & crassum, quo caput circumdatur, quasi per nubem obtuse semper lucens. Nam quanto obscurius redditur corpus per hunc fumum, tanto propius ad Solem accedat necesse est, ut copia lucis a se reflexa Planetas æmuletur. Inde verisimile sit Cometæ longe infra sphaeram Saturni descendere, uti ex Parallaxi probavimus. Idem vero quam maxime confirmatur ex Caudis. Hæc vel ex reflexione fumi sparsu per Æthera, vel ex luce capitis oriuntur. Priore casu minuenda est distantia Cometarum, ne fumus a capite semper ortus per spatia nimis ampla incredibili cum velocitate & expansione propagetur. In posteriore referenda est lux omnis tam cauda quam capillitii ad nucleum capitis. Igitur si concipiamus lucem hanc omnem congregari & intra discum nuclei coartari, nucleus ille jam certe, quoties caudam maximam & fulgentissimam emittit, Jovem ipsum splendore suo multum superabit. Minore igitur cum diametro apparente plus lucis emittens, multo magis illustrabitur a Sole, adeoque erit Soli multo propior. Quinetiam capita sub Sole delitescunt, & caudas cum maximas tum fulgentissimas instar trabium ignitarum nonnunquam emittentia, eodem argumento infra orbem Veneris collocari debent. Nam lux illa omnis si in stellam congregari supponatur, ipsam Venerem ne dicam Veneres plures conjunctas quandoque superaret.

Idem denique colligitur ex luce capitum crescente in recessu Cometarum a Terra Solem versus, ac decrecente in eorum recessu a Sole versus Terram. Sic enim Cometa posterior Anni 1665 (observante *Hevelio*), ex quo conspici cœpit, remittebat semper de

de motu suo apparente, adeoque præterierat Perigæum; Splendor vero capitis nihilominus indies crescebat, usque dum Cometa radiis Solaribus obiectus desinit apparere. Cometa Anni 1683, observante eodem *Hevelio*, in fine Mensis *Julii* ubi primum conspectus est, tardissime movebatur, minuta prima 40 vel 45 circiter singulis diebus in Orbe suo conficiens. Ex eo tempore motus ejus diurnus perpetuo augebatur usque ad *Sept.* 4. quando evasit graduum quasi quinque. Igitur toto hoc tempore Cometa ad Terram appropinquabat. Id quod etiam ex diametro capitis Micrometro mensurata colligitur: quippe quam *Hevelius* reperit *Aug.* 6. esse tantum 6'. 5" inclusa coma, at *Sept.* 2. esse 9'. 7". Caput igitur initio longe minus apparuit quam in fine motus, at initio tamen in vicinia Solis longe lucidius extitit quam circa finem, ut refert idem *Hevelius*. Proinde toto hoc tempore, ob recessum ipsius a Sole, quoad lumen decrevit, non obstante accessu ad Terram. Cometa Anni 1618 circa medium Mensis *Decembris*, & iste Anni 1680 circa finem ejusdem Mensis, celerrime movebantur, adeoque tunc erant in Perigæis. Verum splendor maximus caput contigit ante duas fere septimanas, ubi modo exierant de radiis Solaribus, & splendor maximus caudarum paulo ante, in majore vicinitate Solis. Caput Cometæ prioris, juxta observationes *Cysati*, *Decemb.* 1. majus videbatur stellis primæ magnitudinis, & *Decemb.* 16. (jam in Perigæo existens) magnitudine parum, splendore seu claritate luminis plurimum defecerat. *Jan.* 7. *Keplerus* de capite incertus finem fecit observandi. Die 12 mensis *Decemb.* conspectum & a *Flamstedio* observatum est caput Cometæ posterioris, in distantia novem graduum a Sole, id quod stellæ tertiæ magnitudinis vix concessum fuisset. *Decemb.* 15 & 17 apparuit idem ut stella tertiæ magnitudinis, diminutum utique splendore Nubium juxta Solem occidentem. *Decemb.* 26. velocissime motus, inque Perigæo propemodum existens, cedebat ori Pegasi, Stellæ tertiæ magnitudinis. *Jan.* 3. apparebat ut Stella quartæ, *Jan.* 9. ut Stella quintæ, *Jan.* 13. ob splendorem Lunæ crescentis disparuit. *Jan.* 25. vix æquabat Stellæ magnitudinis septimæ. Si sumantur æqualia a Perigæo hinc inde tempora, capita quæ temporibus illis in longinquis regionibus posita, ob æquales a Terra distantias, æqualiter lucere debuissent, in plaga Solis maxime splenduerunt, ex altera Perigæi parte evanescere. Igitur ex magna lucis in utroque situ differentia, concluditur magna Solis & Cometæ vicinitas in situ priore. Nam lux Cometarum

regularis esse solet, & maxima apparere ubi capita velocissime moventur, atque adeo sunt in Perigæis; nisi quatenus ea major est in vicinia Solis.

*Corol. 1.* Splendent igitur Cometæ luce Solis a se reflexa.

*Corol. 2.* Ex dictis etiam intelligitur cur Cometæ tantopere frequentant regionem Solis. Si cernerentur in regionibus longe ultra Saturnum, deberent sæpius apparere in partibus Soli oppositis. Forent enim Terræ viciniore qui in his partibus versarentur, & Sol interpositus obscuraret ceteros. Verum percurrendo historias Cometarum, reperi quod quadruplo vel quintuplo plures detecti sunt in Hemisphærio Solem versus, quam in Hemisphærio opposito, præter alios procul dubio non paucos quos lux Solaris obtexit. Nimirum in descensu ad regiones nostras neque caudas emittunt, neque adeo illustrantur a Sole, ut nudis oculis se prius detegendos exhibeant, quam sint ipso Jove propiores. Spatii autem tantillo intervallo circa Solem descripti pars longe major sita est a latere Terræ quod Solem respicit; inque parte illa majore Cometæ, Soli ut plurimum viciniore, magis illuminari solent.

*Corol. 3.* Hinc etiam manifestum est, quod Cœli resistentia destituuntur. Nam Cometæ vias obliquas & nonnunquam cursui Planetarum contrarias secuti, moventur omnifariam liberrime, & motus suos etiam contra cursum Planetarum, diutissime conservant. Fallor ni genus Planetarum sint, & motu perpetuo in orbem redcant. Nam quod Scriptores aliqui Meteora esse volunt, argumentum a capitum perpetuis mutationibus ducentes, fundamento carere videtur. Capita Cometarum Atmosphæris ingentibus cinguntur; & Atmosphærae inferne densiores esse debent. Unde nubes sunt, non ipsa Cometarum corpora, in quibus mutationes illæ visuntur. Sic Terra si e Planetis spectaretur, luce nubium suarum proculdubio splenderet, & corpus firmum sub nubibus prope delitesceret. Sic cingula Jovis in nubibus Planetæ illius formata est, quæ situm mutant inter se, & firmum Jovis corpus per nubes illas difficiliter cernitur. Et multo magis corpora Cometarum sub Atmosphæris & profundioribus & crassioribus abscondi debent.

P R O.



## PROPOSITIO XL. THEOREMA XX.

*Cometas in Sectionibus Conicis umbilicos in centro Solis habentibus moveri, & radiis ad Solem ductis areas temporibus proportionales describere:*

Patet per Corol. 1. Propof. XIII. Libri primi, collatum cum Prop. VIII, XII & XIII. Libri tertii.

*Corol. 1.* Hinc si Cometæ in orbem redeunt: Orbes erunt Ellipses, & tempora periodica erunt ad tempora periodica Planetarum in axium principalium ratione sesquuplicata. Ideoque Cometæ maxima ex parte supra Planetas versantes, & eo nomine Orbes axibus maioribus describentes, tardius revolventur. Ut si axis Orbis Cometæ sit quadruplo major axe Orbis Saturni, tempus revolutionis Cometæ erit ad tempus revolutionis Saturni, id est, ad annos 30, ut  $4 \sqrt{4}$  (seu 8) ad 1, ideoque erit annorum 240.

*Corol. 2.* Orbes autem erunt Parabolis adeo finitimi, ut eorum vice Parabolæ, absque erroribus sensibilibus, adhiberi possint.

*Corol. 3.* Et propterea, per Corol. 7. Prop. XVI. Lib. I. velocitas Cometæ omnis, erit semper ad velocitatem Planetæ cujuscunque circa Solem in circulo revolventis, in subduplicata ratione duplicæ distantie Planetæ a centro Solis, ad distantiam Cometæ a centro Solis quamproxime. Ponamus radium Orbis magni, seu Ellipseos, in qua Terra revolvitur semidiametrum maximam, esse partium 100000000: & Terra motu suo diurno mediocri describet partes 1720212, & motu horario partes 71675½. Ideoque Cometa in eadem Telluris a Sole distantia mediocri, ea cum velocitate quæ sit ad velocitatem Telluris ut  $\sqrt{2}$  ad 1, describet motu suo diurno partes 2432747, & motu horario partes 101364½. In maioribus autem vel minoribus distantis, motus tum diurnus tum horarius erit ad hunc motum diurnum & horarium in subduplicata ratione distantiarum reciproce, ideoque datur.

*Corol. 4.* Unde si Latus rectum Parabolæ quadruplo majus sit radio Orbis magni, & quadratum radii illius ponatur esse partium 100000000: area quam Cometa radio ad Solem ducto singulis diebus describit, erit partium 1216373½, & singulis horis area illa erit partium 5068½. Sin latus rectum majus sit vel minus in ratione quavis, erit area diurna & horaria major vel minor in eadem ratione subduplicata.


LEMMA.

## L E M M A V.

*Invenire lineam curvam generis Parabolici, quæ per data  
quotcunque puncta transibit.*

Sunto puncta illa  $A, B, C, D, E, F$ , &c. & ab iisdem ad rectam  
quamvis positione datam  $HN$  demitte perpendiculara quotcunque  
 $AH, BI, CK, DL, EM, FN$ .

*Caf. 1.* Si punctorum  $H, I, K, L, M, N$  æqualia sunt inter-  
valla  $HI, IK, KL$ , &c. collige perpendicularorum  $AH, BI,$   
 $CK$ , &c. differentias primas  $b, 2b, 3b, 4b, 5b$ , &c. secundas  $c, 2c,$   
 $3c, 4c$ , &c. tertias  $d, 2d, 3d$ , &c. id est, ita ut sit  $AH - BI = b,$   
 $BI - CK = 2b, CK - DL = 3b, DL + EM = 4b, -EM + FN = 5b,$



&c. dein  $b - 2b = c$ , &c.  
& sic pergatur ad diffe-  
rentiam ultimam quæ hic  
est  $f$ . Deinde erecta qua-  
cunque perpendiculari  
 $RS$ , quæ fuerit ordina-  
tim applicata ad curvam  
quæsitam: ut inveniatur  
hujus longitudo, pone  
intervalla  $HI, IK, KL,$   
 $LM$ , &c. unitates esse,  
& dic  $AH = a, -HS = p,$   
 $\frac{1}{2}p$  in  $-IS = q, \frac{1}{2}q$  in

$+SK = r, \frac{1}{2}r$  in  $+SL = s, \frac{1}{2}s$  in  $+SM = t$ ; pergendo videlicet  
ad usque penultimum perpendicularum  $ME$ , & præponendo signa  
negativa terminis  $HS, IS$ , &c. qui jacent ad partes puncti  $S$  ver-  
sus  $A$ , & signa affirmativa terminis  $SK, SL$ , &c. qui jacent  
ad alteras partes puncti  $S$ . Et signis probe observatis, erit  
 $RS = a + bp + cq + dr + es + ft$ , &c.

*Caf. 2.* Quod si punctorum  $H, I, K, L$ , &c. inæqualia sint inter-  
valla  $HI, IK$ , &c. collige perpendicularorum  $AH, BI, CK$ , &c.  
differentias primas per intervalla perpendicularorum divisas  $b, 2b,$   
 $3b, 4b, 5b$ ; secundas per intervalla bina divisas  $c, 2c, 3c, 4c$ , &c.  
tertias per intervalla ternaria divisas  $d, 2d, 3d$ , &c. quartas per  
inter-

intervalla quaterna divisas  $e, 2e$ , &c. & sic deinceps; id est, ita  
 ut sit  $b = \frac{AH-BI}{HI}$ ,  $2b = \frac{BI-CK}{IK}$ ,  $3b = \frac{CK-DL}{KL}$ , &c. dein  
 $c = \frac{b-2b}{HK}$ ,  $2c = \frac{2b-3b}{IL}$ ,  $3c = \frac{3b-4b}{KM}$ , &c. Postea  $d = \frac{c-2c}{HL}$ ,  
 $2d = \frac{2c-3c}{IM}$ , &c. Inventis differentiis, dic  $AH = a$ ,  $-HS = p$ ,  
 $p$  in  $-IS = q$ ,  $q$  in  $+SK = r$ ,  $r$  in  $+SL = s$ ,  $s$  in  $+SM = t$ ;  
 pergendo scilicet ad usque perpendicularum penultimum  $ME$ , & erit  
 ordinatim applicata  $RS = a + bp + cq + dr + es + ft$ , &c.

*Corol.* Hinc areae curvarum omnium inveniri possunt quampro-  
 xime. Nam si curvæ cujusvis quadrandæ inveniantur puncta ali-  
 quot, & Parabola per eadem duci intelligatur: erit area Parabolæ  
 hujus eadem quam proxime cum area curvæ illius quadrandæ.  
 Potest autem Parabola, per Methodos notissimas, semper quadrari  
 Geometricæ.

## L E M M A VI.

*Ex observatis aliquot locis Cometa invenire locum ejus ad  
 tempus quodvis intermedium datum.*

Designent  $HI, IK, KL, LM$  tempora inter observationes,  
 (in Fig. præced.)  $HA, IB, KC, LD, ME$  observatas quinque  
 longitudes Cometæ,  $HS$  tempus datum inter observationem pri-  
 mam & longitudinem quæsitam. Et si per puncta  $A, B, C, D, E$   
 duci intelligatur curva regularis  $ABCDE$ , & per Lemma supe-  
 rius inveniatu ejus ordinatim applicata  $RS$ , erit  $RS$  longitudo  
 quæsitæ.

Eadem methodo ex observatis quinque latitudinibus invenitur  
 latitudo ad tempus datum.


Si longitudinum observatarum parvæ sint differentiæ, puta gra-  
 duum tantum 4 vel 5; suffecerint observationes tres vel quatuor  
 ad inveniendam longitudinem & latitudinem novam. Sin majores  
 sint differentiæ, puta graduum 10 vel 20, debebunt observationes  
 quinque adhiberi.

## LEMMA

## L E M M A VII.


*Per datum punctum P ducere rectam BC, cujus partes PB, PC, rectis duabus positione datis AB, AC abscissæ, datam habeant rationem ad invicem.*

A puncto illo P ad rectarum alterutram AB ducatur recta quævis PD, & producat eadem versus rectam alteram AC usque ad E, ut sit PE ad PD in data illa ratione. Ipsi AD parallela sit EC; & si agatur CPB, erit PC ad PB ut PE ad PD. Q.E.F.



## L E M M A VIII.

*Sit ABC Parabola umbilicum habens S. Chorda AC bisecta in I absindatur segmentum ABCI, cujus diameter sit Iμ & vertex μ. In Iμ producta capiatur μO æqualis dimidio ipsius*



*Iμ. Jungatur OS, & producat eam ad E, ut sit SE æqualis 2 SO. Et si Cometa B moveatur in arcu CBA, & agatur EB secans AC in E: dico quod punctum E absindet de chorda AC segmentum AE temporis proportionale quamproxime.*

Junga-

Jungatur enim  $EO$  secans arcum Parabolicum  $ABC$  in  $\gamma$ , & agatur  $\mu X$  quæ tangat eundem arcum in vertice  $\mu$  & actæ  $EO$  occurrat in  $X$ , & erit area curvilinea  $AEX\mu A$  ad aream curvilineam  $ACT\mu A$  ut  $AE$  ad  $AC$ . Ideoque cum triangulum  $ASE$  sit ad triangulum  $ASC$  in eadem ratione, erit area tota  $ASEX\mu A$  ad aream totam  $ASCT\mu A$  ut  $AE$  ad  $AC$ . Cum autem  $\xi O$  sit ad  $SO$  ut 3 ad 1, &  $EO$  ad  $XO$  in eadem ratione, erit  $SX$  ipsi  $EB$  parallela: & propterea si jungatur  $BX$ , erit triangulum  $SEB$  triangulo  $XEB$  æquale. Unde si ad aream  $ASEX\mu A$  addatur triangulum  $EXB$ , & de summa auferatur triangulum  $SEB$ , manebit area  $ASBX\mu A$  areæ  $ASEX\mu A$  æqualis, atque adeo ad aream  $ASCT\mu A$  ut  $AE$  ad  $AC$ . Sed areæ  $ASBX\mu A$  æqualis est area  $ASBT\mu A$  quamproxime, & hæc area  $ASBT\mu A$  est ad aream  $ASCT\mu A$ , ut tempus descripti arcus  $AB$  ad tempus descripti arcus totius  $AC$ . Ideoque  $AE$  est ad  $AC$  in ratione temporum quamproxime. *Q.E.D.*

*Corol.* Ubi punctum  $B$  incidit in Parabolæ verticem  $\mu$ , est  $AE$  ad  $AC$  in ratione temporum accurate.

*Scholium.*

Si jungatur  $\mu\xi$  secans  $AC$  in  $\delta$ , & in ea capiatur  $\xi n$  quæ sit ad  $\mu B$  ut 17  $MI$  ad 16  $M\mu$ : acta  $Bn$  secabit chordam  $AC$  in ratione temporum magis accurate quam prius. Jaceat autem punctum  $n$  ultra punctum  $\xi$ , si punctum  $B$  magis distat a vertice principali Parabolæ quam punctum  $\mu$ , & citra, si minus distat ab eodem vertice.

LEMMA IX.

*Rectæ*  $I\mu$  &  $\mu M$  & *longitudo*  $\frac{AIC}{4S\mu}$  *æquantur inter se.*

Nam  $4S\mu$  est latus rectum Parabolæ pertinens ad verticem  $\mu$ .

M m m

LEMMA



## L E M M A XI.

*Si Cometa motu omni privatus de altitudine  $SN$  seu  $S\mu + \frac{1}{2}I\mu$  demitteretur, ut caderet in Solem, & ea semper vi uniformiter continuata urgeretur in Solem, qua urgetur sub initio; idem semisse temporis quo in Orbe suo describat arcum  $AC$ , descensu suo describeret spatium longitudini  $I\mu$  æquale.*

Nam Cometa quo tempore describat arcum Parabolicum  $AC$ , eodem tempore ea cum velocitate quam habet in altitudine  $SP$  (per Lemma novissimum) describet chordam  $AC$ , adeoque (per Corol. 7. Prop. xvi. Lib. I.) eodem tempore in Circulo cujus semidiameter esset  $SP$ , vi gravitatis suæ revolvendo, describeret arcum cujus longitudo esset ad arcus Parabolici chordam  $AC$ , in subduplicata ratione unius ad duo. Et propterea eo cum pondere quod habet in Solem in altitudine  $SP$ , cadendo de altitudine illa in Solem, describeret semisse temporis illius (per Corol. 9. Prop. iv. Lib. I.) spatium æquale quadrato semissis chordæ illius applicato ad quadruplum altitudinis  $SP$ , id est, spatium  $\frac{A I q}{4 S^2 P}$ . Unde cum pondus Cometæ in Solem in altitudine  $SN$ , sit ad ipsius pondus in Solem in altitudine  $SP$ , ut  $SP$  ad  $S\mu$ : Cometa pondere quod habet in altitudine  $SN$  eodem tempore, in Solem cadendo, describet spatium  $\frac{A I q}{4 S^2 \mu}$ , id est, spatium longitudini  $I\mu$  vel  $M\mu$  æquale. Q.E.D.

## PROPOSITIO XLI. PROBLEMA XXI.

*Cometæ in Parabola moti Trajectoriam ex datis tribus Observationibus determinare.*

Problema hocce longe difficillimum multimode aggressus, composui Problemata quædam in Libro primo quæ ad ejus solutionem spectant. Postea solutionem sequentem paulo simplicioreni excogitavi.

Seligantur tres observationes æqualibus temporum intervallis ab invicem quamproxime distantes. Sit autem temporis intervallum illud ubi Cometa tardius movetur paulo majus altero, ita videlicet


M m m 2

ut

DE MUNDI  
SYSTEMATE

ut temporum differentia sit ad summam temporum, ut summa temporum ad dies plus minus sexcentos, vel ut punctum *E* incidat in punctum *M* quamproxime, & inde aberret versus *I* potius quam versus *A*. Si tales observationes non præsto sint, inveniendus est novus Cometæ locus per Lemma sextum.

Designent *S* Solem, *T*, *t*,  $\tau$  tria loca Terræ in Orbe magno, *TA*, *tB*,  $\tau C$  observatas tres longitudines Cometæ, *V* tempus inter observationem primam & secundam, *W* tempus inter secundam ac tertiam, *X* longitudinem quam Cometa toto illo tempore, ea cum velocitate quam habet in mediocri Telluris à Sole distantia, describere posset, quæque per Corol. 3. Prop. XL. Lib. III. inveniendi est, & *tV* perpendicularum in chordam *T* $\tau$ . In longi-



rudine media *tB* fumatur utcunque punctum *B* pro loco Cometæ in plano Eclipticæ, & inde versus Solem *S* ducatur linea *BE*, quæ sit ad sagittam *tV*, ut contentum sub *SB* & *St* quad. ad cubum hypotenusæ trianguli rectanguli, cujus latera sunt *SB* & tangens latitudinis Cometæ in observatione secunda ad radium *tB*.

Et



Et per punctum *E* agatur (per hujus Lem. vii.) recta *AEC*, cujus partes *AE*, *EC* ad rectas *TA* &  $\tau C$  terminatæ, sint ad invicem ut tempora *V* & *W*: & erunt *A* & *C* loca Cometæ in plano Eclipticæ in observatione prima ac tertia quamproxime, si modo *B* sit locus ejus recte assumptus in observatione secunda.


Ad *AC* bisectam in *I* erige perpendiculum *Ii*. Per punctum *B* age occultam *Bi* ipsi *AC* parallelam. Junge occultam *Si* secantem *AC* in  $\lambda$ , & comple parallelogrammum  $iI\lambda\mu$ . Cape *Io* æqualem  $3I\lambda$ , & per Solem *S* age occultam  $\sigma\zeta$  æqualem  $3\sigma\tau + 3i\lambda$ . Et deletris jam literis *A*, *E*, *C*, *I*, a puncto *B* versus punctum  $\zeta$  duc occultam novam *BE*, quæ sit ad priorem *BE* in duplicata ratione distantie *BS* ad quantitatem  $S\mu + \frac{1}{2}i\lambda$ . Et per punctum *E* iterum duc rectam *AEC* eadem lege ac prius, id est, ita ut ejus partes *AE* & *EC* sint ad invicem, ut tempora inter observationes *V* & *W*. Et erunt *A* & *C* loca Cometæ magis accurate.

Ad *AC* bisectam in *I* erigantur perpendiculara *AM*, *CN*, *IO*, quarum *AM* & *CN* sint tangentes latitudinum in observatione prima ac tertia ad radios *TA* &  $\tau C$ . Jungatur *MN* secans *IO* in *O*. Constituatur rectangulum  $iI\lambda\mu$  ut prius. In *IA* producta capiatur *ID* æqualis  $S\mu + \frac{1}{2}i\lambda$ , & agatur occulta *OD*. Deinde in *MN* versus *N* capiatur *MP*, quæ sit ad longitudinem supra inventam *X*, in subduplicata ratione mediocris distantie Telluris a Sole (seu semidiametri Orbis magni) ad distantiam *OD*. Si punctum *P* incidat in punctum *N*; erunt *A*, *B*, *C* tria loca Cometæ, per quæ Orbis ejus in plano Eclipticæ describi debet. Sin punctum *P* non incidat in punctum *N*; in recta *AC* capiatur *CG* ipsi *NP* æqualis, ita ut puncta *G* & *P* ad easdem partes rectæ *NC* jaceant.

Eadem methodo qua puncta *E*, *A*, *C*, *G*, ex assumpto puncto *B* inventa sunt, inveniantur ex assumptis utcumque punctis aliis  $b$  &  $\beta$  puncta nova  $e$ ,  $a$ ,  $c$ ,  $g$ , &  $\epsilon$ ,  $\alpha$ ,  $\gamma$ . Deinde si per *G*,  $g$ ,  $\gamma$  ducatur circumferentia circuli *Gg* $\gamma$ , secans rectam  $\tau C$  in *Z*: erit *Z* locus Cometæ in plano Eclipticæ. Et si in *AC*,  $ac$ ,  $\alpha\gamma$  capiatur *AF*,  $af$ ,  $a\phi$  ipsis *CG*,  $cg$ ,  $\alpha\gamma$  respective æquales, & per puncta *F*,  $f$ ,  $\phi$  ducatur circumferentia circuli *Ff* $\phi$ , secans rectam *AT* in *X*; erit punctum *X* alius Cometæ locus in plano Eclipticæ. Ad puncta *X* & *Z* erigantur tangentes latitudinum Cometæ ad radios  $\tau X$  &  $\tau Z$ ; & habebuntur loca duo Cometæ in Orbe proprio. Denique (per Prop. xix. Lib. I.) umbilico *S*, per loca illa duo describatur Parabola, & hæc erit Trajectoria Cometæ. *Q.E.I.*

Con-

Constructionis hujus demonstratio ex Lemmatibus consequitur: quippe cum recta  $AC$  secetur in  $E$  in ratione temporum, per Lemma VII, ut oportet per Lem. VIII: &  $BE$  per Lem. XI. sit pars rectæ  $B\delta$  vel  $B\xi$  in plano Eclipticæ arcui  $ABC$  & chordæ  $AEC$  interjecta, &  $MP$  (per Corol. Lem. x.) longitudo sit chordæ arcus, quem Cometa in Orbe proprio inter observationem primam ac tertiam describere debet, ideoque ipsi  $MN$  æqualis fuerit, si modo  $B$  sit verus Cometæ locus in plano Eclipticæ.



Cæterum puncta  $B, b, \beta$  non quælibet, sed vero proxima eligere convenit. Si angulus  $AQt$ , in quo vestigium Orbis in plano Eclipticæ descriptum secat rectam  $tB$ , præterpropter innotescat, in angulo illo ducenda erit recta occulta  $AC$ , quæ sit ad  $tT\tau$  in subduplicata ratione  $SQ$  ad  $S\tau$ . Et agendo rectam  $SEB$  cujus pars  $EB$  æquetur longitudini  $Vt$ , determinabitur punctum  $B$  quod prima vice usurpare licet. Tum recta  $AC$  deleta & secundum præcedentem constructionem iterum ducta, & inventa

inventa infuper longitudine  $MP$ , in  $tB$  capiatur punctum  $b$ ,  
 ea lege, ut si  $TA$ ,  $\tau C$  se mutuo secuerint in  $T$ , sit distantia  $Tb$   
 ad distantiam  $TB$ , in ratione composita ex ratione  $MP$  ad  $MN$   
 & ratione subduplicata  $SB$  ad  $Sb$ . Et eadem methodo inveni-  
 endum erit punctum tertium  $\beta$ , si modo operationem tertio repe-  
 rere lubet. Sed hac methodo operationes duæ ut plurimum suf-  
 fecerint. Nam si distantia  $Bb$  perexigua obvenerit, postquam  
 inventa sunt puncta  $F, f$  &  $G, g$ , ætæ rectæ  $Ff$  &  $Gg$  secabunt  
 $TA$  &  $\tau C$  in punctis quæsitis  $X$  &  $Z$ .

### Exemplum.

Proponatur Cometa anni 1680. Hujus motum a *Flamstedio*  
 observatum Tabula sequens exhibet.


		Tem. appar.	Temp. verum	Long. Solis	Long. Cometæ	Lat. Cometæ
		h.	h.	gr.	gr.	gr.
1680 Dec.	12	4.46	4.46.0	11.51.23	6.31.21	8.26.0
	21	6.32½	6.36.59	11.6.44	5.7.38	21.45.30
	24	6.12	6.17.52	14.9.26	18.49.10	25.23.24
	26	5.14	5.20.44	16.9.22	28.24.6	27.0.57
	29	7.55	8.3.2	19.19.43	13.11.45	28.10.5
	30	8.2	8.10.26	20.21.9	17.39.5	28.11.12
1681 Jan.	5	5.51	6.1.38	26.22.18	8.49.10	26.15.26
	9	6.49	7.0.53	0.29.2	18.43.18	24.12.42
	10	5.54	6.6.10	1.27.43	20.40.57	23.44.0
	13	6.56	7.8.55	4.33.20	25.59.34	22.17.36
	25	7.44	7.58.42	16.45.36	9.35.48	17.56.54
	30	8.7	8.21.53	21.49.58	13.19.36	16.40.57
Feb.	2	6.20	6.34.51	24.46.59	15.13.48	16.2.2
	5	6.50	7.4.41	27.49.51	16.59.52	15.27.23

His adde Observationes quasdam e nostris.

	Temp. appar.	Cometæ Longit.	Com. Lat.
Febr. 25	8 <sup>h</sup> .30'	268 <sup>gr</sup> .18'.17"	12 <sup>gr</sup> .46 <sup>gr</sup> ½
27	8.15	27.4.24	12.36½
Mart. 1	11.0	27.53.6	12.34½
2	8.0	28.12.27	12.20
5	11.30	29.20.51	12.3½
9	8.30	30.43.4	12.45½

Hæ Observationes Telescopio septupedali, & Micrometro filif-  
 que in foco Telescopii locatis peractæ sunt: quibus instrumentis &

& positiones fixarum inter se & positiones Cometæ ad fixas determinavimus. Designet *A* stellam in sinistro calcaneo Persei (*Bayero* 10) *B* stellam sequentem in sinistro pede (*Bayero* 2) & *C, D, E, F, G, H, I, K, L, M, N, O* stellas alias minores in eodem pede. Sintque *P, Q, R, S, T* loca Cometæ in observationibus supra descriptis: & existente distantia *AB* partium 80 $\frac{1}{2}$ , erat *AC* partium 52 $\frac{1}{2}$ , *BC* 58 $\frac{1}{2}$ , *AD* 57 $\frac{1}{2}$ , *BD* 82 $\frac{1}{2}$ , *CD* 23 $\frac{1}{2}$ , *AE* 29 $\frac{1}{2}$ , *CE* 57 $\frac{1}{2}$ , *DE* 49 $\frac{1}{2}$ , *AI* 27 $\frac{1}{2}$ , *BI* 52 $\frac{1}{2}$ , *CI* 36 $\frac{1}{2}$ ,



*DI* 53 $\frac{1}{2}$ , *AK* 38 $\frac{1}{2}$ , *BK* 43, *CK* 31 $\frac{1}{2}$ , *FK* 29, *FB* 23, *FC* 36 $\frac{1}{2}$ , *AH* 18 $\frac{1}{2}$ , *DH* 50 $\frac{1}{2}$ , *BN* 46 $\frac{1}{2}$ , *CN* 31 $\frac{1}{2}$ , *BL* 45 $\frac{1}{2}$ , *NL* 31 $\frac{1}{2}$ . *HO* erat ad *HI* ut 7 ad 6 & producta transibat inter stellas *D* & *E*, sic ut distantia stellæ *D* ab hac recta esset  $\frac{1}{2}$  *CD*. *LM* erat ad *LB* ut 2 ad 9 & producta transibat per stellam *H*. His determinabantur positiones fixarum inter se.

Die Veneris *Feb.* 25. St. vet. Hor. 8 $\frac{1}{2}$  P. M. Cometæ in *p* existentis distantia a stella *E* erat minor quam  $\frac{1}{2}$  *AE*, major quam  $\frac{1}{3}$  *AE*, adeoque æqualis  $\frac{1}{4}$  *AE* proxime; & angulus *ApE* non-nihil obtusus erat, sed fere rectus. Nempe si demitteretur ad *pE* perpendiculum ab *A*, distantia Cometæ a perpendiculo illo erat  $\frac{1}{3}$  *pE*.

Eadem nocte, hora 9 $\frac{1}{2}$ , Cometæ in *P* existentis distantia a stella *E* erat major quam  $\frac{1}{4}$  *AE*, minor quam  $\frac{1}{3}$  *AE*, adeoque æqua-

lis

lis  $\frac{1}{4^{\frac{1}{2}}}$   $AE$ , seu  $\frac{1}{4^{\frac{1}{2}}}$   $AE$  quaproxime. A perpendicularo autem a stella  $A$  ad rectam  $PE$  demisso, distantia Cometæ erat  $\frac{1}{4}$   $PE$ .

Die 6<sup>is</sup>, Feb. 27. hor. 8 $\frac{1}{2}$  P. M. Cometæ in  $Q$  existentis distantia a stella  $O$  æquabat distantiam stellarum  $O$  &  $H$ , & recta  $QO$  producta transibat inter stellas  $K$  &  $B$ . Positionem hujus rectæ ob nubes intervenientes, magis accurate definire non potui.

Die 8<sup>is</sup>, Mart. 1, hor. 11. P. M. Cometa in  $R$  existens, stellis  $K$  &  $C$  accurate interjacebat, & rectæ  $CRK$  pars  $CR$  paulo major erat quam  $\frac{1}{4}$   $CK$ , & paulo minor quam  $\frac{1}{4}$   $CK + \frac{1}{4}$   $CR$ , adeoque æqualis  $\frac{1}{4}$   $CK + \frac{1}{4}$   $CR$  seu  $\frac{1}{4}$   $CK$ .

Die 9<sup>is</sup>, Mart. 2. hor. 8. P. M. Cometæ existentis in  $S$ , distantia a stella  $C$  erat  $\frac{1}{4}$   $FC$  quaproxime. Distantia stellæ  $F$  a recta  $CS$  producta erat  $\frac{1}{4}$   $FC$ ; & distantia stellæ  $B$  ab eadem recta, erat quintuplo major quam distantia stellæ  $F$ . Item recta  $NS$  producta transibat inter stellas  $H$  &  $I$ , quintuplo vel sextuplo propior existens stellæ  $H$  quam stellæ  $I$ .

Die 11<sup>is</sup>, Mart. 5. hor. 11 $\frac{1}{2}$  P. M. Cometa existente in  $T$ , recta  $MT$  æqualis erat  $\frac{1}{4}$   $ML$ , & recta  $LT$  producta transibat inter  $B$  &  $F$ , quadruplo vel quintuplo propior  $F$  quam  $B$ , auferens a  $BF$  quintam vel sextam ejus partem versus  $F$ . Et  $MT$  producta transibat extra spatium  $BF$  ad partes stellæ  $B$ , quadruplo propior existens stellæ  $B$  quam stellæ  $F$ . Erat  $M$  stella perexigua quæ per Telescopium videri vix potuit, &  $L$  stella major quasi magnitudinis octavæ.

Ex hujusmodi observationibus per constructiones figurarum & computationes (posito quod stellarum  $A$  &  $B$  distantia esset 2<sup>or</sup> 6'. 46", & stellæ  $A$  longitudo 8 26<sup>or</sup> 41'. 50" & latitudo borealis 12<sup>or</sup> 8 $\frac{1}{2}$ ", stellæque  $B$  longitudo 8 28<sup>or</sup> 40'. 24" & latitudo borealis 11<sup>or</sup> 17 $\frac{1}{2}$ " ) derivabam longitudes & latitudes Cometæ. Micrometro parum affabre constructo usus sum, sed longitudinum tamen & latitudinum errores (quatenus ab observationibus nostris oriantur) dimidium minuti unius primi vix superant, præterquam in observatione ultima Mart. 9. ubi positiones stellarum minus accurate determinare potui. *Cassinus* qui ascensionem rectam Cometæ eodem tempore observavit, declinationem ejus tanquam invariantam manentem parum diligenter definivit. Nam Cometa (juxta observationes nostras) in fine

N n n

motus

DE MUNDI  
SYSTEMATE

motus sui notabiliter deflectere cœpit boream versus, a paral-  
lelo quem in fine Mensis *Februarii* tenuerat.

Jam ad Orbem Cometæ determinandum, selegi ex observatio-  
nibus hætenus descriptis tres, quas *Flamstedius* habuit *Dec. 21*,  
*Jan. 5*, & *Jan. 25*. Ex his inveni *St* partium 9842, & *Vt* par-  
tium 455, quales 10000 sunt semidiameter Orbis magni. Tum  
ad operationem primam assumendo *tB* partium 5657, inveni  
*SB* 9747, *BE* prima vice 412, *Sμ* 9503, *iλ* 413: *BE* secun-  
da vice 421, *OD* 10186, *X* 8528,4, *MP* 8450, *MN* 8475,  
*NP* 25. Unde ad operationem secundam collegi distantiam  
*tB* 5640. Et per hanc operationem inveni tandem distantias  
*TX* 4775 & *τZ* 11322. Ex quibus Orbem definiendo, inveni  
Nodos ejus descendentem in  $\mathfrak{z}$  & ascendentem in  $\nu$  1<sup>er</sup> 53',  
Inclinationem plani ejus ad planum Eclipticæ 61<sup>er</sup> 20 $\frac{1}{2}$ ', verti-  
cem ejus (seu Perihelium Cometæ) distare a Nodo 8<sup>er</sup> 38', &  
esse in  $\tau$  27<sup>er</sup> 43' cum latitudine australi 7<sup>er</sup> 34', & ejus latus  
rectum esse 236,8, arcumque radio ad Solem ducto singulis diebus  
descriptam 93585, quadrato semidiametri Orbis magni posito  
10000000, Cometam vero in hoc Orbe secundum seriem signo-  
rum processisse, & *Decemb. 8<sup>a</sup>. o<sup>b</sup>. 4<sup>a</sup>*. P. M. in vertice Orbis seu  
Perihelio fuisse. Hæc omnia per scalam partium æqualium &  
chordas angulorum ex Tabula sinuum naturalium collectas, deter-  
minavi Graphice, construendo Schema satis amplum, in quo vide-  
licet semidiameter Orbis magni (partium 10000) æqualis esset  
digitis 16 $\frac{1}{2}$  pedis Anglicani.

Tandem ut constaret an Cometa in Orbe sic invento vere mo-  
veretur, collegi per operationes partim Arithmeticas partim Gra-  
phicas, loca Cometæ in hoc Orbe ad observationum quarundam  
tempora: uti in Tabula sequente videre licet.

	Distant.Cometæ a Sole	Long.Collect.	Lat. Collect.	Long. Obs.	Lat. Obs.	Differ. Long.	Differ. Lat.
		<sup>er</sup>	<sup>er</sup>	<sup>er</sup>	<sup>er</sup>		
<i>Dec. 12</i>	2792	$\nu$ 6.32	8.18 $\frac{1}{2}$	$\nu$ 6.31 $\frac{1}{2}$	8.26	+ 1	- 7 $\frac{1}{2}$
29	8403	$\mathfrak{z}$ 13.13 $\frac{1}{2}$	28. 0	$\mathfrak{z}$ 13.11 $\frac{1}{2}$	28.10 $\frac{1}{2}$	+ 2	-10 $\frac{1}{2}$
<i>Febr. 5</i>	16669	$\mathfrak{z}$ 17. 0	19.29 $\frac{1}{2}$	$\mathfrak{z}$ 16.59 $\frac{1}{2}$	19.27 $\frac{1}{2}$	+ 0	+ 2 $\frac{1}{2}$
<i>Mar. 5</i>	21737	29.19 $\frac{1}{2}$	12. 4	29.20 $\frac{1}{2}$	12. 3 $\frac{1}{2}$	- 1	+ $\frac{1}{2}$

Postea vero *Halleius* noster Orbitam, per calculum Arithmeti-  
cum, accuratius determinavit quam per descriptiones linearum  
fieri licuit, & retinuit quidem locum Nodorum in  $\mathfrak{z}$  &  $\nu$  1<sup>er</sup> 53',  
& Inclinationem plani Orbitæ ad Eclipticam 61<sup>er</sup> 20 $\frac{1}{2}$ ', ut & tem-  
pus Perihelii Cometæ *Decemb. 8<sup>a</sup>. o<sup>b</sup>. 4<sup>a</sup>*: distantiam vero Perihelii

heli a Nodo ascendente, in Orbita Cometæ mensuratam, invenit esse  $9^{\circ} 20'$ , & Latus rectum Parabolæ esse 243 partium, existente mediocri Solis a Terra distantia partium 10000. Et ex his datis, calculo itidem Arithmerico accurate instituto, loca Cometæ ad observationum tempora computavit, ut sequitur.

Tempus verum	Distantia Cometæ a ☉	Long. comp.	Lat. comp.	Errores in	
				Long.	Lat.
<i>d. h.</i>		<i>gr.</i>	<i>gr.</i>		
<i>Dec.</i> 12. 4. 46. 0	28028	$5^{\circ} 6.29.35$	$8.16.0$ Bor.	$-1.56$	$+0.0$
21. 6. 36. 59	61076	$5.6.30$	$11.43.10$	$-1.8$	$-2.10$
24. 6. 17. 52	70008	$18.48.20$	$15.22.40$	$-0.50$	$-0.44$
26. 5. 20. 44	75576	$28.22.45$	$17.1.36$	$-1.21$	$+0.39$
29. 8. 3. 2	84021	$313.12.40$	$18.10.10$	$+0.55$	$+0.5$
30. 8. 10. 26	86661	$17.40.5$	$28.11.20$	$+1.0$	$+0.8$
<i>Jan.</i> 5. 6. 1. 38	101440	$78.49.49$	$16.15.15$	$+0.39$	$-0.11$
9. 7. 0. 53	110959	$18.44.36$	$14.12.54$	$+1.18$	$-0.12$
10. 6. 6. 10	113162	$20.41.0$	$13.44.10$	$+0.3$	$+0.10$
13. 7. 8. 55	110000	$16.0.21$	$22.17.30$	$+0.47$	$-0.6$
25. 7. 58. 42	145370	$9.33.40$	$17.57.55$	$-1.8$	$+1.1$
30. 8. 21. 53	155303	$13.17.41$	$16.42.7$	$-1.55$	$+1.10$
<i>Feb.</i> 2. 6. 34. 51	160951	$15.21.11$	$16.4.15$	$-2.37$	$-2.13$
5. 7. 4. 41	166686	$16.58.25$	$15.29.13$	$-1.27$	$+1.50$
15. 8. 19. 0	102570	$16.15.46$	$12.48.0$	$-2.31$	$+1.8$
<i>Mar.</i> 5. 11. 21. 0	116205	$19.18.35$	$12.5.40$	$-2.16$	$+2.10$

Apparuit etiam hic Cometa mense *Novembri* precedente, & die undecimo hujus mensis stylo veteri, ad horam quintam matutinam, *Cantuarie in Anglia*, visus fuit in  $\approx 12\frac{1}{2}$  cum latitudine boreali  $2^{\circ}$  circiter. Crassissima fuit hæc Observatio: meliores sunt quæ sequuntur.

*Nov.* 17, st. vet. *Ponthæus* & socii hora sexta matutina *Romæ* (id est, hora 5, 10' *Londini*) filis ad fixas applicatis Cometam observarunt in  $\approx 8.30'$ , cum latitudine australi  $0^{\circ} 40'$ . Extant eorum Observationes in tractatu quem *Ponthæus*, de hoc Cometa, in lucem edidit. *Cellius* qui aderat & observationes suas in Epistola ad *D. Cassinum* misit, Cometam eadem hora vidit in  $\approx 8^{\circ} 30'$  cum latitudine australi  $0^{\circ} 30'$ . Eadem hora *Galletius* etiam Cometam vidit in  $\approx 8^{\circ}$  sine latitudine.

*Nov.* 18. hora matutina 6. 30' *Romæ* (id est, hora 5, 40' *Londini*) *Ponthæus* Cometam vidit in  $\approx 13^{\circ} 30'$  cum latitudine australi  $1^{\circ} 20'$ . *Cellius* in  $\approx 13^{\circ} 00'$ , cum latitudine australi  $1^{\circ} 00'$ . *Galletius* autem hora matutina 5. 30' *Romæ*, Cometam vidit in  $\approx 13^{\circ} 00'$ , cum latitudine australi  $1^{\circ} 00'$ . Et *R. P. Anjo* in Academia *Flexiensis* apud *Gallias*, hora quinta matutina (id est, hora 5, 9' *Londini*) Cometam vidit in medio inter stellas

Nnn 2

duas

duas parvas, quarum una media est trium in recta linea in Virgini australi manu, & altera est extrema alæ. Unde Cometa tunc fuit in  $\approx 12.46'$ , cum latitudine australi  $50'$ . Eodem die *Bostonie* in *Nova-Anglia* in Latitudine  $41\frac{1}{2}$  graduum, hora quinta matutina, (id est *Londini* hora matutina  $9.44'$ ) Cometa visus est prope  $\approx 14$ , cum latitudine australi  $1^{\text{st}} 30'$ , uti a *Cl. Halley* accepi.

*Nov. 19.* hora mat.  $4\frac{1}{2}$  *Cantabrigiæ*, Cometa (observante juvene quodam) distabat a Spica  $\pi$  quasi  $2^{\text{st}}$  Boreazephyrum versus. Eodem die hor.  $5$ . mat. *Bostonie* in *Nova-Anglia*, Cometa distabat a Spica  $\pi$  gradu uno, differentia latitudinum existente  $40'$ . Eodem die in Insula *Jamaica*, Cometa distabat a Spica intervallo quasi gradus unius. Et ex his observationibus inter se collatis colligo, quod hora  $9.44'$ . *Londini*, Cometa erat in  $\approx 18^{\text{st}} 40'$ , cum latitudine australi  $1^{\text{st}} 18'$  circiter. Eodem die *D. Arthurus Storer* ad fluvium *Patuxent*, prope *Hunting-Creek* in *Mary-Land*, in confinio *Virginie* in Lat.  $38\frac{1}{2}^{\text{st}}$  hora quinta matutina (id est, hora  $10^{\text{a}}$  *Londini*) Cometam vidit supra Spicam  $\pi$ , & cum Spica propemodum conjunctum, existente distantia inter eosdem quasi  $\frac{1}{2}^{\text{st}}$ . Observator idem, eadem hora diei sequentis, Cometam vidit quasi  $2^{\text{st}}$  inferiorem Spica. Congruent hæc observationes cum observationibus in *Nova-Anglia* & *Jamaica* factis, si modo distantia (pro motu diurno Cometæ) nonnihil augeatur, ita ut Cometa die priore superior esset Spica  $\pi$ , altitudine  $1^{\text{st}}$  circiter, ac die posteriore inferior eadem stella, altitudine perpendiculari  $3^{\text{st}} 40'$ .

*Nov. 20.* *D. Montenarus* Astronomiæ Professor *Paduensis*, hora sexta matutina *Venetis* (id est, hora  $5$ .  $10^{\text{a}}$  *Londini*) Cometam vidit in  $\approx 23^{\text{st}}$ , cum latitudine australi  $1^{\text{st}} 30'$ . Eodem die *Bostonie*, distabat Cometa a Spica  $\pi$ ,  $4^{\text{st}}$  longitudinis in orientem, adeoque erat in  $\approx 23^{\text{st}} 24'$  circiter.

*Nov. 21.* *Ponthæus* & focii hor. mat.  $7\frac{1}{2}$  Cometam observant in  $\approx 27^{\text{st}} 50'$ , cum latitudine australi  $1^{\text{st}} 16'$ , *Ange* hora quinta matutina in  $\approx 27^{\text{st}} 45'$ , *Montenarus* in  $\approx 27^{\text{st}} 51'$ . Eodem die in Insula *Jamaica*, Cometa visus est prope principium Scorpii, eandemque circiter latitudinem habuit cum Spica Virginis, id est,  $2^{\text{st}} 2'$ .

*Nov. 22.* Cometa visus est a *Montenaro* in  $\pi 2.33'$ . *Bostonie* autem in *Nova-Anglia* apparuit in  $\pi 3^{\text{st}}$  circiter, eadem fere cum latitudine ac prius, id est,  $1^{\text{st}} 30'$ . Eodem die *Londini*, hora



hora mat. 6 $\frac{1}{2}$  *Hookius* noster Cometam vidit in  $\pi$  3 $^{\text{h}}$  30' circiter, idque in linea recta quæ transit per Spicam Virginis & Cor Leonis, non exacte quidem, sed a linea illa paululum deflectentem ad boream. *Montenarus* itidem notavit quod linea a Cometa per Spicam ducta, hoc die & sequentibus transibat per australe latus Cordis Leonis, interposito perparvo intervallo inter Cor Leonis & hanc lineam. Linea recta per Cor Leonis & Spicam Virginis transiens, Eclipticam secuit in  $\pi$  3 $^{\text{h}}$  46', in angulo 2 $^{\text{h}}$  51'. Et si Cometa locatus fuisset in hac linea in  $\pi$  3 $^{\text{h}}$ , ejus latitudo fuisset 2 $^{\text{h}}$  26'. Sed cum Cometa consentientibus *Hookio* & *Montenaro*, nonnihil distaret ab hac linea boream versus, latitudo ejus fuit paulo minor. Die 20. ex observatione *Montenari*, latitudo ejus propemodum æquabat latitudinem Spicæ  $\pi$ , eratque 1 $^{\text{h}}$  30' circiter, & consentientibus *Hookio*, *Montenaro* & *Angone* perpetuo augebatur, ideoque jam sensibilibiter major erat quam 1 $^{\text{h}}$  30'. Inter limites autem jam constitutos 2 $^{\text{h}}$  26' & 1 $^{\text{h}}$  30', magnitudine mediocri latitudo erit 1 $^{\text{h}}$  58' circiter. Cauda Cometæ, consentientibus *Hookio* & *Montenaro*, dirigebatur ad Spicam  $\pi$ , declinans aliquantulum a Stella ista, juxta *Hookium* in austrum, juxta *Montenarum* in boream, ideoque declinatio illa vix fuit sensibilis, & Cauda Æquatori fere parallela existens, aliquantulum deflectebatur ab oppositione Solis boream versus.

Nov. 24. Ante ortum Solis Cometa visus est a *Montenaro* in  $\pi$  12 $^{\text{h}}$  52', ad boreale latus rectæ quæ per Cor Leonis & Spicam Virginis ducebatur, ideoque latitudinem habuit paulo minorem quam 2 $^{\text{h}}$  38'. Hæc latitudo uti diximus, ex observationibus *Montenari*, *Angonis* & *Hookii*, perpetuo augebatur, ideoque jam paulo major erat quam 1 $^{\text{h}}$  58', & magnitudine mediocri, absque notabili errore, statui potest 1 $^{\text{h}}$  18'. Latitudinem *Ponthæus* & *Galletius* jam decrevisse volunt, & *Cellius* & *Observator* in *Nova-Anglia* eandem fere magnitudinem retinuisse, scilicet gradus unius vel unius cum semisse. Crassiores sunt observationes *Ponthæi* & *Cellii*, ex præsertim quæ per Azimuthos & Altitudines capiebantur, ut & ex *Galletii*: meliores sunt ex quæ per positiones Cometæ ad fixas a *Montenaro*, *Hookio*, *Angone* & *Observatore* in *Nova-Anglia*, & nonnunquam a *Ponthæo* & *Cellio* sunt factæ.

Jam collatis Observationibus inter se, colligere videor quod Cometa hoc mense circulum fere maximum descripsit, secantem Eclipticam in  $\pi$  25. 12', idque in angulo 3 $^{\text{h}}$  12' quamproxime. Nam & *Montenarus* Orbitam ab Ecliptica in austrum, tribus sal-

tem

tem gradibus declinasse dicit. Et cognita cursus positione, longitudo Cometæ ex observationibus collectæ, ad incudem jam revocari possunt & melius nonnunquam determinari, ut sit in sequentibus. *Cellius* Novemb. 17. observavit distantiam Cometæ a Spica  $\pi$ , æqualem esse distantie ejus a stella lucida in dextra ala Corvi: & hinc locandus est Cometa in interfectione hujus circuli quem Cometa motu apparente descripsit, cum circulo maximo qui a fixis illis duabus æqualiter distat, atque adeo in  $\approx 7^{\circ} 54'$ , cum latitudine australi  $43'$ . Præterea *Montenarus*, Novemb. 20. hora sexta matutina *Venetis*, Cometam vidit non totis quatuor gradibus distantiam a Spica, dicitque hanc distantiam, vix æquasse distantiam stellarum duarum lucidarum in alis Corvi, vel duarum in juba Leonis, hoc est  $3^{\circ}$  &  $30'$  vel  $32'$ . Sit igitur distantia Cometæ a Spica  $3^{\circ} 30'$ , & Cometa locabitur in  $\approx 12^{\circ} 48'$ , cum latitudine australi  $1^{\circ} 30'$ . Adhæc *Montenarus*, Novemb. 21, 22, 24 & 25 ante ortum Solis, Sextante aræo quintupedali ad minuta prima & semiminuta diviso & vitris Telescopiis armato, distantias mensuravit Cometæ a Spica  $8^{\circ} 28'$ ,  $13^{\circ} 10'$ ,  $13^{\circ} 30'$ , &  $28^{\circ} 13'$ : & has distantias, per refractionem nondum correctas, addendo longitudini Spicæ, collegit Cometam his temporibus fuisse in  $\approx 27^{\circ} 51'$ ,  $\pi 2^{\circ} 33'$ ,  $\pi 12^{\circ} 52'$  &  $\pi 17^{\circ} 45'$ . Si distantie illæ per refractiones corrigantur, & ex distantis correctis differentie longitudinum inter Spicam & Cometam probe deriventur, locabitur Cometa his temporibus in  $\approx 27^{\circ} 52'$ ,  $\pi 2^{\circ} 36'$ ,  $\pi 12^{\circ} 58'$  &  $\pi 17^{\circ} 53'$  circiter. Latitudines autem ad has longitudes in via Cometæ captas, prodeunt  $1^{\circ} 45'$ ,  $1^{\circ} 58'$ ,  $2^{\circ} 21'$  &  $2^{\circ} 31'$ . Harum quatuor observationum horas matutinas *Montenarus* non posuit. Priores duæ ante horam sextam, posteriores (ob viciniam Solis) post sextam factæ videntur. Die 22, ubi Cometa ex observatione *Montenari* locatur in  $\pi 2^{\circ} 36'$ , *Hookius* noster eundem locavit in  $\pi 3^{\circ} 30'$  ut supra. *Montenarus* in defectu, *Hookius* in excessu errasse videntur. Nam Cometa, ex serie observationum, jam fuit in  $\pi 2^{\circ} 56'$  vel  $\pi 3^{\circ}$  circiter.

Observationum suarum ultimam inter vapores & diluculum captam, *Montenarus* suspectam habebat. Et *Cellius* eodem tempore (id est, Novem. 25) Cometam per ejus Altitudinem & Azimuthum locavit in  $\pi 15^{\circ} 47'$ , cum latitudine australi quasi gradus unius. Sed *Cellius* observavit etiam eodem tempore, quod Cometa erat in linea recta cum stella lucida in dextro femore Vir-

Virginis & cum Lance australi Libræ, & hæc linea secat viam Cometæ in  $m\ 18^{\text{er}}\ 36'$ . *Pontheus* etiam eodem tempore observavit, quod Cometa erat in recta transeunte per Chelam austrinam Scorpium & per stellam quæ Lancem borealem sequitur: & hæc recta secat viam Cometæ in  $m\ 16^{\text{er}}\ 34'$ . Observavit etiam, quod Cometa erat in recta transeunte per stellam supra Lancem australem Libræ & stellam in principio pedis secundi Scorpium: & hæc recta secat viam Cometæ in  $m\ 17^{\text{er}}\ 55'$ . Et inter longitudes ex his tribus Observationibus sic derivatas, longitudo mediocris est  $m\ 17^{\text{er}}\ 42'$ , quæ cum observatione *Montenari* satis congruit.

Erravit igitur *Cellius* jam locando Cometam in  $m\ 15^{\text{er}}\ 47'$ , per ejus Azimuthum & Altitudinem. Et similibus Azimuthorum & Altitudinum observationibus, *Cellius* & *Pontheus* non minus erraverunt locando Cometam in  $m\ 20$  &  $m\ 24$  diebus duobus sequentibus, ubi stellæ fixæ ob diluculum vix aut ne vix quidem apparuere. Et corrigendæ sunt hæc observationes per additionem duorum graduum, vel duorum cum semisse.

Ex omnibus autem Observationibus inter se collatis & ad meridianum *Londini* reductis, colligo Cometam hujusmodi cursum quamproxime descripsisse.

Temp. med. st. vet.	Long. Cometæ	Lat. Cometæ
d. h.	gr.	gr.
<i>Nov.</i> 16. 17. 10	$\approx 8. 0$	0.44 <i>Aust.</i>
17. 17. 10	12. 52	1. 0
18. 21. 44	18. 40	1. 18
19. 17. 10	22. 48	1. 30
20. 17. fere	27. 52	1. 45
21. 17. fere	$m\ 2. 56$	1. 58
23. 17 $\frac{1}{2}$ . fere	12. 58	2. 20
24. 17 $\frac{1}{2}$ . fere	17. 53	2. 29
26. 18. 00	26 vel 27 $^{\text{er}}$ .	2. 42

Loca autem Cometæ in Orbe Parabolico computata, ita se habent.


Temp. verum	Dist. Com. a ☉	Long. comp.	Lat. comp.
d. h.		gr.	gr.
<i>Nov.</i> 16. 17. 0	83920	$\approx 8. 0. 25$	0.43. 20 <i>Aust.</i>
18. 21. 34	78010	18. 41. 50	1. 17. 30
20. 16. 50	73012	27. 59. 40	1. 44. 25
23. 17. 5	64206	$m\ 13. 19. 15$	2. 21. 8
26. 17. 0	54799	26. 46. 30	2. 42. 30

Con-

Congruunt igitur Observationes Astronomicæ, tam mense *Novembri* quam mensibus quatuor sequentibus, cum motu Cometæ circum Solem in Trajectoria hæc Parabola, atque adeo unum & eundem Cometam fuisse, qui mense *Novembri* ad Solem descendit, & mensibus sequentibus ab eodem ascendit, abunde confirmant, ut & hunc Cometam in Trajectoria hæc Parabola delatum fuisse quamproxime. Mensibus *Decembri*, *Januario*, *Februario* & *Martio*, ubi Observationes hujus Cometæ sunt satis accuratæ, congruunt eadem cum motu ejus in hac Trajectoria, non minus accurate quam observationes Planetarum congruere solent cum eorum Theoriis. Mense *Novembri*, ubi observationes sunt crassæ, errores non sunt majores quam qui crassitudini observationum tribuantur. Trajectoria Cometæ bis secuit planum Eclipticæ, & propterea non fuit rectilinea. Eclipticam secuit non in oppositis cœli partibus, sed in fine Virginis & principio Capricorni, intervallo graduum 98 circiter; ideoque cursus Cometæ plurimum deflectebatur a Circulo maximo. Nam & mense *Novembri* cursus ejus tribus saltem gradibus ab Ecliptica in austrum declinabat, & postea mense *Decembri* gradibus 29 vergebat ab Ecliptica in septentrionem, partibus duabus Orbitæ in quibus Cometa tendebat in Solem & redibat a Sole, angulo apparente graduum plus triginta ab invicem declinantibus, ut observavit *Montenarus*. Pergebat hic Cometa per signa fere novem, a Virginis scilicet duodecimo gradu ad principium Geminorum, præter signum Leonis per quod pergebat antequam videri cœpit: & nulla alia extat Theoria, qua Cometa tantam Cœli partem motu regulari percurrat. Motus ejus fuit maxime inæquabilis. Nam circa diem vigesimum *Novembris*, descripsit gradus circiter quinque singulis diebus; dein motu retardato inter *Novemb.* 26 & *Decemb.* 12, spatio scilicet dierum quindecim cum semisse, descripsit gradus tantum 40; postea vero motu iterum accelerato, descripsit gradus fere quinque singulis diebus, antequam motus iterum retardari cœpit. Et Theoria quæ motui tam inæquabili per maximam cœli partem probe responderet, quæque eandem observat leges cum Theoria Planetarum, & cum accuratis observationibus Astronomicis accurate congruit, non potest non esse vera. Cometa tamen sub finem motus deviat ab aliquantulum ab hac Trajectoria Parabola versus axem Parabolæ, ut ex erroribus minuti unius primi duorumve in latitudinem mense *Februario* & *Martio* conspirantibus, colligere videor, & propterea in Orbe Elliptico



Fig. 465.



liptico circum Solem movebatur, spatio annorum plusquam quingentorum, quantum ex erroribus illis judicare licuit, revolutionem peragens.

L. III. P. TERTIUS.

Cæterum Trajectoriam quam Cometa descripsit, & Caudam veram quam singulis in locis projecit, visum est annexo schemate in plano Trajectoriæ optice delineatas exhibere: Observationibus sequentibus in Cauda definienda adhibitis.

*Nov. 17* Cauda gradus amplius quindecim longa *Ponthæo* apparuit. *Nov. 18* Cauda  $30^{\circ}$  longa, Solique directe opposita in *Nova-Anglia* cernebatur, & protendebatur usque ad stellam  $\delta$ , quæ tunc erat in  $\cap 9^{\circ} 54'$ . *Nov. 19* in *Mary-Land* cauda visa fuit gradus  $15$  vel  $20$  longa. *Dec. 10* Cauda (observante *Flamstedio*) transibat per medium distantiae inter caudam serpentis Ophiuchi & stellam  $\delta$  in Aquilæ australi ala, & desinebat prope stellas *A, u, b* in Tabulis *Bayeri*. Terminus igitur erat in  $\cap 19^{\circ}$  cum latitudine boreali  $34\frac{1}{2}^{\circ}$  circiter. *Dec. 11* surgebat ad usque caput Sagittæ (*Bayero, a, \beta,*) desinens in  $\cap 26^{\circ} 43'$ , cum latitudine boreali  $38^{\circ} 34'$ . *Dec. 12* transibat per medium Sagittæ, nec longe ultra protendebatur, desinens in  $\cap 4^{\circ}$ , cum latitudine boreali  $42\frac{1}{2}^{\circ}$  circiter. Intelligenda sunt hæc de longitudine caudæ clarioris. Nam luce obscuriore, in cælo fortan magis sereno, cauda *Dec. 12*, hora  $5$ ,  $40'$  *Romæ* (observante *Ponthæo*) supra Cygni Uropygium ad gradus  $10$  sese extulit, atque ab hac stella ejus latus ad occasum & boream min.  $45$  destitit. Lata autem erat cauda his diebus gradus  $3$ , juxta terminum superiorem, ideoque medium ejus distabat a Stella illa  $2^{\circ} 15'$  austrum versus, & terminus superior erat in  $\cap 22^{\circ}$  cum latitudine boreali  $61^{\circ}$ . *Dec. 21* surgebat fere ad cathedram *Cassiopeiæ*, æqualiter distans a  $\beta$  & *Schedir*, & distantiam ab utraque distantiae earum ab invicem æqualem habens, adeoque desinens in  $\cap 24^{\circ}$  cum latitudine  $47\frac{1}{2}^{\circ}$ . *Dec. 29* tangebatur *Scheat* sitam ad sinistram, & intervallum stellarum duarum in pede boreali *Andromedæ* accurate complebat, & longa erat  $54^{\circ}$ , adeoque desinebat in  $\cap 19^{\circ}$  cum latitudine  $35^{\circ}$ . *Jan. 5* tetigit stellam  $\pi$  in pectore *Andromedæ*, ad latus suum dextrum, & stellam  $\mu$  in ejus cingulo ad latus sinistrum, & (juxta Observationes nostras) longa erat  $40^{\circ}$ . curva autem erat & convexo latere spectabat ad austrum. Cum circulo per Solem & caput Cometæ transeunte angulum confecit graduum  $4$  juxta caput Cometæ; at juxta terminum alterum inclinabatur ad circulum illum in angulo  $10$  vel  $11$  graduum, & chorda caudæ cum circulo continebat angulum graduum

O o o

octo.

oſto. *Jan. 13* Cauda luce ſatis ſenſibili terminabatur inter *Alamech* & *Algol*, & luce tenuiſſima deſinebat e regione ſtellæ  $\alpha$  in latere *Perſei*. Diſtantia termini caudæ a circulo Solem & Cometam ungente erat  $3^{\text{h}} 50'$ , & inclinatio chordæ caudæ ad circum illum  $8\frac{1}{2}^{\text{h}}$ . *Jan. 25* & *26* luce tenui micabat ad longitudinem graduum 6 vel 7, & ubi cœlum valde ſerenum erat, luce tenuiſſima & ægerrime ſenſibili attingebat longitudinem graduum duodecim & paulo ultra. Dirigebatur autem ejus axis ad Lucidam in humero orientali Aurigæ accurate, adeoque declinabat ab oppoſitione Solis boream verſus in angulo graduum decem. Denique *Feb. 10* Caudam oculis armatis aſpexi gradus duos longam. Nam lux prædicta tenuior per vitra non apparuit. *Ponthæus* autem *Feb. 7* ſe caudam ad longitudinem graduum 12 vidiffe ſcribit.

Orbem jam deſcriptum ſpectanti & reliqua Cometæ hujus Phænomena in animo revolvendi, haud difficulter conſtabit quod corpora Cometarum ſunt ſolida, compaſta, fixa ac durabilia ad inſtar corporum Planetarum. Nam ſi nihil aliud eſſent quam vapores vel exhalationes Terræ, Solis & Planetarum, Cometa hicce in tranſitu ſuo per viciniam Solis ſtatim diſſipari debuiffet. Eſt enim calor Solis ut radorum denſitas, hoc eſt, reciproce ut quadratum diſtantiæ locorum a Sole. Ideoque cum diſtantia Cometæ a centro Solis *Decemb. 8* ubi in Perihelio verſabatur, eſſet ad diſtantiā Terræ a centro Solis ut 6 ad 1000 circiter, calor Solis apud Cometam eo tempore erat ad calorem Solis æſtivi apud nos ut 1000000 ad 36, ſeu 28000 ad 1. Sed calor aquæ ebullientis eſt quaſi triplo major quam calor quem terra arida concipit ad æſtivum Solem, ut expertus ſum: & calor ferri candentis (ſi recte conjector) quaſi triplo vel quadruplo major quam calor aquæ ebullientis; adeoque calor quem terra arida apud Cometam in Perihelio verſantem ex radiis Solaribus concipere poſſet, quaſi 2000 vicibus major quam calor ferri candentis. Tanto autem calore vapores & exhalationes, omniſque materia volatilis ſtatim conſumi ac diſſipari debuiffent.

Cometa igitur in Perihelio ſuo calorem immenſum ad Solem concepit, & calorem illum diutiſſime conſervare poteſt. ☛ Nam globus ferri candentis digitum unum latus, calorem ſuum omnem ſpatio horæ unius in aere conſiſtens vix amitteret. Globus autem major calorem diutius conſervaret in ratione diametri, propterea quod ſuperficies (ad cujus meſuram per contactum aeris ambi-

entis



entis refrigeratur) in illa ratione minor est pro quantitate materiæ suæ calidæ inclusæ. Ideoque globus ferri candentis huic Terræ æqualis, id est, pedes plus minus 40000000 latus, diebus totidem, & idcirco annis 50000, vix refrigereretur. Suspicio tamen quod duratio Caloris, ob causas latentes, augeatur in minore ratione quam ea diametri: & optarim rationem veram per experimenta investigari.

Porro notandum est quod Cometa Mense *Decembri*, ubi ad Solem modo incaluerat, caudam emittebat longe majorem & splendidiorem quam antea Mense *Novembri*, ubi Perihelium nondum attigerat. Et universaliter caudæ omnes maximæ & fulgentissimæ e Cometis oriuntur, statim post transitum eorum per regionem Solis. Conducit igitur calefactio Cometæ ad magnitudinem caudæ. Et inde colligere videor quod cauda nihil aliud sit quam vapor longe tenuissimus, quem caput seu nucleus Cometæ per calorem suum emittit.

Cæterum de Cometarum caudis triplex est opinio, eas vel jubar esse Solis per translucida Cometarum capita propagatum, vel oriri ex refractione lucis in progressu ipsius a capite Cometæ in Terram, vel denique nubem esse seu vaporem a capite Cometæ jugiter surgentem & abeuntem in partes a Sole aversas. Opinio prima eorum est qui nondum imbuti sunt scientia rerum Opticarum. Nam jubar Solis in cubiculo tenebroso non cernitur, nisi quatenus lux reflectitur e pulverum & fumorum particulis per aerem semper volitantibus: adeoque in aere fumis crassioribus infecto splendidius est, & sensum fortius ferit, in aere clariore tenuius est & ægrius sentitur: in cœlis autem absque materia reflectente nullum esse potest. Lux non cernitur quatenus in jubare est, sed quatenus inde reflectitur ad oculos nostros. Nam visio non fit nisi per radios qui in oculos impingunt. Requiritur igitur materia aliqua reflectens in regione caudæ, ne cœlum totum luce Solis illustratum uniformiter splendeat. Opinio secunda multis premitur difficultatibus. Caudæ nunquam variegantur coloribus: qui tamen refractionum solent esse comites inseparabiles. Lux Fixarum & Planetarum distincte ad nos transmissa, demonstrat medium cœleste nulla vi refractiva pollere. Nam quod dicitur Fixas ab *Ægyptiis* comatas nonnunquam visas fuisse, id quoniam rarissime contingit, ascribendum est nubium refractioni fortuitæ. Fixarum quoque radiatio & scintillatio ad refractiones tum Oculorum tum Aeris tremuli referendæ sunt: quippe quæ admotis oculo Telescopiis evane-

evanescent, Aeris & ascendentium vaporum tremore fit ut radii facile de angusto pupillæ spatio per vices detorqueantur, de latiore autem vitri objectivi apertura neutiquam. Inde est quod scintillatio in priori casu generetur, in posteriore autem cesset: & cessatio in posteriore casu demonstrat regularem transmissionem lucis per cælos absque omni refractione sensibili. Nequis contendat quod caudæ non soleant videri in Cometis cum eorum lux non est satis fortis, quia tunc radii secundarii non habent satis virium ad oculos movendos, & propterea caudas Fixarum non cerni: sciendum est quod lux Fixarum plus centum vicibus augeri potest mediantibus Telescopiis, nec tamen caudæ cernuntur. Planetarum quoque lux copiosior est, caudæ vero nullæ: Cometæ autem sæpe caudatissimi sunt, ubi capitum lux tenuis est & valde obrusa: sic enim Cometa Anni 1680, Mense *Decembri*, quo tempore caput luce sua vix æquabat stellas secundæ magnitudinis, caudam emittebat splendore notabili usque ad gradus 40, 50, 60 longitudinis & ultra: postea *Jan. 27* & 28 caput apparebat ut stella septimæ tantum magnitudinis, cauda vero luce quidem pertenui sed satis sensibili longa erat 6 vel 7 gradus, & luce obscurissima, quæ cerni vix posset, porrigebatur ad gradum usque duodecimum vel paulo ultra: ut supra dictum est. Sed & *Feb. 9* & 10 ubi caput nudis oculis videri desierat, caudam gradus duos longam per Telescopium contemplatus sum. Porro si cauda oriretur ex refractione materiæ cœlestis, & pro figura cœlorum deflecteretur de Solis oppositione, deberet deflexio illa in iisdem cœli regionibus in eandem semper partem fieri. Atqui Cometa Anni 1680 *Decemb. 28*, hora 8½ P. M. *Londini*, versabatur in  $\times 8^{\circ} 41'$  cum latitudine boreali  $28^{\circ} 6'$ , Sole existente in  $\gamma 18^{\circ} 26'$ . Et Cometa Anni 1577, *Dec. 29* versabatur in  $\times 8^{\circ} 41'$  cum latitudine boreali  $28^{\circ} 40'$ , Sole etiam existente in  $\gamma 18^{\circ} 26'$  circiter. Utroque in casu Terra versabatur in eodem loco, & Cometa apparebat in eadem cœli parte: in priori tamen casu cauda Cometæ (ex meis & aliorum Observationibus) declinabat angulo graduum  $4\frac{1}{2}$  ab oppositione Solis aquilonem versus, in posteriore vero (ex Observationibus *Tychonis*) declinatio erat graduum 21 in austrum. Igitur repudiata cœlorum refractione, superest ut Phænomena Caudarum ex materia aliqua reflectente deriverent.

Caudas autem a capitibus oriri & in regiones a Sole averas ascendere confirmatur ex legibus quas observant. Ut quod in planis

planis Orbium Cometarum per Solem transeuntibus jacentes, deviant ab oppositione Solis in eas semper partes, quas capita in Orbibus illis progredientia relinquunt. Quod spectatori in his planis constituto apparent in partibus a Sole directe averfis; digrediente autem spectatore de his planis, deviatio paulatim sentitur, & indies apparet major. Quod deviatio cæteris paribus minor est ubi cauda obliquior est ad Orbem Cometæ, ut & ubi caput Cometæ ad Solem propius accedit, præsertim si spectetur deviationis angulus juxta caput Cometæ. Præterea quod caudæ non deviantes apparent rectæ, deviantes autem incurvantur. Quod curvatura major est ubi major est deviatio, & magis sensibilis ubi cauda cæteris paribus longior est: nam in brevioribus curvatura ægre animadvertitur. Quod deviationis angulus minor est juxta caput Cometæ, major juxta caudæ extremitatem alteram, atque adeo quod cauda convexo sui latere partes respicit a quibus fit deviatio, quæque in recta sunt linea a Sole per caput Cometæ in infinitum ducta. Et quod caudæ quæ prolixiores sunt & latiores, & luce vegetiore micant, sint ad latera convexa paulo splendidiore & limite minus indistincto terminatæ quam ad concava. Pendent igitur Phænomena caudæ a motu capitis, non autem a regione cœli in qua caput conspicitur, & propterea non sunt per refractionem cœlorum, sed a capite suppeditante materiam oriuntur. Etenim ut in Aere nostro fumus corporis cujusvis igniti petit superiora, idque vel perpendiculariter si corpus quiescat, vel oblique si corpus moveatur in latus: ita in Cœlis ubi corpora gravitant in Solem, fumi & vapores ascendere debent à Sole (uti jam dictum est) & superiora vel recta petere, si corpus fumans quiescit, vel oblique, si corpus progrediendo loca semper deserit a quibus superiores vaporis partes ascenderant. Et obliquitas ista minor erit ubi ascensus vaporis velocior est: nimirum in vicinia Solis & juxta corpus fumans. Ex obliquitatis autem diversitate incurvabitur vaporis columna: & quia vapor in columnæ latere præcedente paulo recentior est, ideo etiam is ibidem aliquanto densior erit, lucemque propterea copiosius reflectit, & limite minus indistincto terminabitur. De Caudarum agitionibus subitaneis & incertis, deque earum figuris irregularibus, quas nonnulli quandoque describunt, hic nihil adjicio; propterea quod vel a mutationibus Aeris nostri, & motibus nubium caudas aliqua ex parte obscurantium oriuntur; vel forte a partibus Vix Latæ, quæ cum caudis prætereuntibus confundi possint, ac tanquam earum partes spectari.

Vapo-

Vapores autem, qui spatiis tam immensis implendis sufficiant, ex Cometarum Atmosphæris oriri posse, intelligetur ex raritate Aeris nostri. Nam Aer juxta superficiem Terræ spatium occupat quasi 850 partibus majus quam Aqua ejusdem ponderis, ideoque Aeris columna cylindrica pedes 850 alta, ejusdem est ponderis cum Aquæ columna pedali latitudinis ejusdem. Columna autem Aeris ad summitatem Atmosphære assurgens æquat pondere suo columnam Aquæ pedes 33 altam circiter; & propterea si columnæ totius Aeræ pars inferior pedum 850 altitudinis dematur, pars reliqua superior æquabit pondere suo columnam Aquæ altam pedes 32. Inde vero (ex Hypothesi multis experimentis confirmata, quod compressio Aeris sit ut pondus Atmosphære incumbens, quodque gravitas sit reciproce ut quadratum distantie locorum a centro Terræ) computationem per Corol. Prop. xxii. Lib. II. ineundo, inveni quod Aer, si ascendatur a superficie Terræ ad altitudinem semidiametri unius terrestris, rarior sit quam apud nos in ratione longe majori, quam spatii omnis infra Orbem Saturni ad globum diametro digiti unius descriptum. Ideoque globus Aeris nostri digitum unum latus, ea cum raritate quam haberet in altitudine semidiametri unius terrestris, impleret omnes Planetarum regiones ad usque spheram Saturni & longe ultra. Proinde cum Aer adhuc altior in immensum rareseat; & coma seu Atmosphæra Cometæ, ascendendo ab illius centro, quasi decuplo altior sit quam superficies nuclei, deinde cauda adhuc altius ascendat, debebit cauda esse quam rarissima. Et quamvis, ob longe crassiorem Cometarum Atmosphæram, magnamque corporum gravitationem Solem versus, & gravitationem particularum Aeris & vaporum in se mutuo, fieri possit ut Aer in spatiis cœlestibus inque Cometarum caudis non adeo rareseat; perexiguam tamen quantitatem Aeris & vaporum, ad omnia illa caudarum Phænomena abunde sufficere, ex hac computatione perspicuum est. Nam & caudarum insignis raritas colligitur ex astris per eas transluentibus. Atmosphæra terrestris luce Solis splendens, crassitudine sua paucorum milliarium, & astra omnia & ipsam Lunam obscurat & extinguit penitus: per immensam vero caudarum crassitudinem, luce pariter Solari illustratam, astra minima absque claritatis detrimento translucere noscuntur. Neque major esse solet caudarum plurimarum splendor, quam Aeris nostri in tenebroso cubiculo latitudine digiti unius duorumve, lucem Solis in jubare reflectentis.

Quo

Quo temporis spatio vapor a capite ad terminum caudæ ascendit, cognosci fere potest ducendo rectam a termino caudæ ad Solem, & notando locum ubi recta illa Trajectoriam secat. Nam vapor in termino caudæ, si recta ascendat a Sole, ascendere cœpit a capite quo tempore caput erat in loco intersectionis. At vapor non recta ascendit à Sole, sed motum Cometæ, quem ante ascensum suum habebat, retinendo, & cum motu ascensus sui eundem componendo, ascendit oblique. Unde verior erit Problematis solutio, ut recta illa quæ Orbem secat, parallela sit longitudini caudæ, vel potius (ob motum curvilineum Cometæ) ut eadem a linea caudæ divergat. Hoc pacto inveni quod vapor qui erat in termino caudæ *Jan. 25*, ascendere cœperat a capite ante *Dec. 11*, adeoque ascensu suo toto dies plus *45* consumpserat. At cauda illa omnis quæ *Dec. 10* apparuit, ascenderat spatio dierum illorum duorum, qui a tempore Perihelii Cometæ elapsi fuerant. Vapor igitur sub initio in vicinia Solis celerrime ascendebat, & postea cum motu per gravitatem suam semper retardato ascendere pergebat, & ascendendo augebat longitudinem caudæ: cauda autem quamdiu apparuit ex vapore fere omni constabat qui a tempore Perihelii ascenderat, & vapor, qui primus ascendit, & terminum caudæ composuit, non prius evanuit quam ob nimiam suam tam a Sole illustrante quam ab oculis nostris distantiam videri desit. Unde etiam caudæ Cometarum aliorum quæ breves sunt, non ascendunt motu celeri & perpetuo a capitibus & mox evanescent, sed sunt permanentes vaporum & exhalationum columnæ, a capitibus lentissimo multorum dierum motu propagatæ, quæ, participando motum illum capitum quem habuere sub initio, per cœlos una cum capitibus moveri pergunt. Et hinc rursus colligitur spatia cœlestia vi resistendi destitui, utpote in quibus non solum solida Planetarum & Cometarum corpora, sed etiam rarissimi caudarum vapores motus suos velocissimos liberrime peragunt ac diutissime conservant.

Ascensum caudarum ex Atmosphæris capitum & progressum in partes a Sole aversas *Keplerus* ascribit actioni radiorum lucis materiam caudæ secum rapientium. Et auram longe tenuissimam in spatiis liberrimis actioni radiorum cedere, non est a ratione prorsus alienum, non obitante quod substantiæ crassæ, impeditisimis in regionibus nostris, a radiis Solis sensibilibiter propelli nequeant. Alius particulas tam leves quam graves dari posse existimat, & materiam caudarum levitare, perque levitatem suam a Sole ascendere.

dere. Cum autem gravitas corporum terrestrium sit ut materia in corporibus, ideoque servata quantitate materiæ intendi & remitti nequeat, suspicor ascensum illum ex rarefactione materiæ caudarum potius oriri. Ascendit fumus in camino impulsu Aeris cui innatat. Aer ille per calorem rarefactus ascendit, ob diminutam suam gravitatem specificam, & fumum implicatum rapit secum. Quidni cauda Cometæ ad eundem modum ascenderit a Sole? Nam radii Solares non agitant Media quæ permeant, nisi in reflexione & refractione. Particulæ reflectentes ea actione calefactæ calefacient auram ætheream cui implicantur. Illa calore sibi communicato rarefiet, & ob diminutam ea raritatem gravitatem suam specificam qua prius tendebat in Solem, ascendet & secum rapiet particulas reflectentes ex quibus cauda componitur: Ad ascensum vaporum conducit etiam quod hi gyrantur circa Solem & ea actione conantur a Sole recedere, at Solis Atmosphæra & materia cælorum vel plane quiescit, vel motu solo quem a Solis rotatione acceperint, tardius gyratur. Hæ sunt causæ ascensus caudarum in vicinia Solis, ubi Orbis curviores sunt, & Cometæ intra densiorem & ea ratione graviorem Solis Atmosphæram consistunt, & caudas quam longissimas mox emittunt. Nam caudæ quæ tunc nascuntur, conservando motum suum & interea versus Solem gravitando, movebuntur circa Solem in Ellipsis pro more capitum, & per motum illum capita semper comitabuntur & iis liberrime adhærebunt. Gravitas enim vaporum in Solem non magis efficiet ut caudæ postea decendant a capitibus Solem versus, quam gravitas capitum efficere possit ut hæc decendant a caudis. Communi gravitate vel simul in Solem cadunt, vel simul in ascensu suo retardabuntur; adeoque gravitas illa non impedit, quo minus caudæ & capita positionem quæcumque ad invicem a causis jam descriptis, aut aliis quibuscunque, facillime accipiant & postea liberrime servant.

Caudæ igitur quæ in Cometarum Periheliis nascuntur, in regiones longinquas cum eorum capitibus abibunt, & vel inde post longam annorum seriem cum iisdem ad nos redibunt, vel potius ibi rarefactæ paulatim evanescent. Nam postea in descensu capitum ad Solem caudæ novæ breviusculæ lento motu a capitibus propagari debebunt, & subinde, in Periheliis Cometarum illorum qui adusque Atmosphæram Solis descendunt, in immensum auferri. Vapor enim in spatiis illis liberrimis perpetuo rarefit ac dilatur. Qua ratione fit ut cauda omnis ad extremitatem superiorem

riorem latior sit quam juxta caput Cometæ. Ea autem rarefactione vaporem perpetuo dilatatum diffundi tandem & spargi per cœlos universos, deinde paulatim in Planetas per gravitatem suam attrahi & cum eorum Atmosphæris misceri, rationi consentaneum videtur. Nam quemadmodum Maria ad constitutionem Terræ hujus omnino requiruntur, idque ut ex iis per calorem Solis vapores copiose satis excitentur, qui vel in nubes coacti decendant in pluviis, & terram omnem ad procreationem vegetabilium irrigent & nutrant, vel in frigidis montium verticibus condensati (ut aliqui cum ratione philosophantur) decurrant in fontes & flumina: sic ad conservationem marium & humorum in Planetis, requiri videntur Cometæ, ex quorum exhalationibus & vaporibus condensatis, quicquid liquoris per vegetationem & putrefactionem consumitur & in terram aridam convertitur, continuo suppleri & refici possit. Nam vegetabilia omnia ex liquoribus omnino crescunt, dein magna ex parte in terram aridam per putrefactionem abeunt, & limus ex liquoribus putrefactis perpetuo decedit. Hinc moles Terræ aridæ indies augetur, & liquores, nisi aliunde augmentum fumerent, perpetuo decrescere deberent, ac tandem delicere. Porro suspicor Spiritum illum, qui Aeris nostri pars minima est sed subtilissima & optima, & ad rerum omnium vitam requiritur, ex Cometis præcipue venire.

Atmosphæræ Cometarum in descensu eorum in Solem, excurrendo in caudas, diminuuntur, & (ea certe in parte quæ Solem respicit) angustiores redduntur: & vicissim in recessu eorum a Sole, ubi jam minus excurrunt in caudas, ampliantur; si modo Phænomena eorum *Hevelius* recte notavit. Minimæ autem apparent ubi capita jam modo ad Solem calefacta in caudas maximas & fulgentissimas abiere, & nuclei fumo forsân crassiore & nigriore in Atmosphærarum partibus infimis circundantur. Nam fumus omnis ingenti calore excitatus, crassior & nigrior esse solet. Sic caput Cometæ de quo egimus, in æqualibus a Sole ac Terra distantiiis, obscurius apparuit post Perihelium suum quam antea. Mense enim *Decembri* cum stellis tertiæ magnitudinis conferri solebat, at Mense *Novembri* cum stellis primæ & secundæ. Et qui utrumque viderant, majorem describunt Cometam priorem. Nam *Juveni cuidam Cantabrigiensi, Novemb. 19.* Cometa hicce luce sua quantumvis plumbea & obtusa, æquabat Spicam Virginis, & clarius micabat quam postea. Et *D. Storer* literis quæ in manus nostras incidere, scripsit caput ejus Mense *Decembri*, ubi caudam

P p p

maxi-

maximam & fulgentissimam emittebat, parvum esse & magnitudine visibili longe cedere Cometæ, qui Mense *Novembri* ante Solis ortum apparuerat. Cujus rei rationem esse conjectabatur, quod materia capitis sub initio copiosior esset, & paulatim consumeretur.

Eodem spectare videtur quod capita Cometarum aliorum, qui caudas maximas & fulgentissimas emisserunt, apparuerint subobscura & exigua. Nam Anno 1668 *Mart. 5.* St. nov. hora septima vespertina *R. P. Valentinus Eslancius, Brasiliæ* agens, Cometam vidit Horizonti proximum ad occasum Solis brumalem, capite minimo & vix conspicuo, cauda vero supra modum fulgente, ut stantes in littore speciem ejus e mari reflexam facile cernerent. Speciem utique habebat trabis splendentis longitudine 23 graduum, ab occidente in austrum vergens, & Horizonti fere parallela. Tantus autem splendor tres solum dies durabat, subinde notabiliter decrescens, & interea decrescente splendore aucta est magnitudine cauda. Unde etiam in *Portugallia* quartam fere cœli partem (id est, gradus 45) occupasse dicitur, ab occidente in orientem splendore cum insigni protensa; nec tamen tota apparuit, capite semper in his regionibus infra Horizontem delitescente. Ex incremento caudæ & decremento splendoris manifestum est quod caput a Sole recessit, eique proximum fuit sub initio, pro more Cometæ anni 1680. Et similis legitur Cometa anni 1101 vel 1106, *cujus Stella erat parva & obscura* (ut ille anni 1680) *sed splendor qui ex ea exivit valde clarus & quasi ingens trabs ad Orientem & Aquilonem tendebat*, ut habet *Hevelius* ex *Simeone Dunelmensi* Monacho. Apparuit initio Mensis *Februarii*, circa vesperam, ad occasum Solis brumalem. Inde vero & ex situ caudæ colligitur caput fuisse Soli vicinum. *A Sole*, inquit *Matthæus Parisiensis, distabat quasi cubito uno, ab hora tertia [rectius sexta] usque ad horam nonam radium ex se longum emittens.* Talis etiam erat ardentissimus ille Cometa ab *Aristotele* descriptus Lib. I. *Meteor. 6. cujus caput primo die non conspectum est, eo quod ante Solem vel saltem sub radiis solaribus occidisset, sequente vero die quantum potuit visum est. Nam quam minima fieri potest distantia Solem reliquit, & mox occubuit. Ob nimium ardorem [caudæ scilicet] nondum apparebat capitis sparsus ignis, sed procedente tempore (ait Aristoteles) cum [cauda] jam minus flagraret, reddita est [capiti] Cometæ sua facies. Et splendorem suum ad tertiam usque cœli partem [id est, ad 60<sup>th</sup>] extendit. Apparuit autem*  
tempore



*tempore hyberno, & ascendens usque ad cingulum Orionis ibi evanuit.* Cometa ille anni 1618, qui e radiis Solaribus caudatissimus emerfit, stellas primæ magnitudinis æquare vel paulo superare videbatur, sed majores apparere Cometæ non pauci qui caudas breviores habuere. Horum aliqui Jovem, alii Venerem vel etiam Lunam æquasse traduntur.

LIBER  
TERTIUS.

Diximus Cometæ esse genus Planetarum in Orbibus valde eccentricis circa Solem revolvendum. Et quemadmodum e Planetis non caudatis, minores esse solent qui in Orbibus minoribus & Soli propioribus gyranur, sic etiam Cometæ, qui in Periheliis suis ad Solem propius accedunt, ut plurimum minores esse, ne Solem attractione sua nimis agitent, rationi consentaneum videtur. Orbium vero transversas diametros & revolutionum tempora periodica, ex collatione Cometarum in iisdem Orbibus post longa temporum intervalla redeuntium, determinanda relinquo. Interea huic negotio Propositio sequens lumen accendere potest.

## PROPOSITIO XLII. PROBLEMA XXII.

*Trajectoriam Cometæ Graphice inventam corrigere.*

*Oper. 1.* Assumatur positio plani Trajectoriæ, per Propositionem superiorem Graphice inventa; & seligantur tria loca Cometæ observationibus accuratissimis definita, & ab invicem quam maxime distantia, sitque A tempus inter primam & secundam, ac B tempus inter secundam ac tertiam. Cometam autem in eorum aliquo in Perigæo versari convenit, vel saltem non longe a Perigæo abesse. Ex his locis apparentibus inveniantur, per operationes Trigonometricas, loca tria vera Cometæ in assumpto illo plano Trajectoriæ. Deinde per loca illa inventa, circa centrum Solis ceu umbilicum, per operationes Arithmeticas, ope Prop. XXI. Lib. I. institutas, describatur Sectio Conica: & ejus areæ, radiis a Sole ad loca inventa ductis terminatæ, sunt D & E, nempe D area inter observationem primam & secundam, & E area inter secundam ac tertiam. Sitque T tempus torum quo area tota D+E, velocitate Cometæ per Prop. XVI. Lib. I. inventa, describi debet.

*Oper. 2.* Augeatur longitudo Nodorum Plani Trajectoriæ, additis ad longitudinem illam 20' vel 30', quæ dicantur P; & servetur plani illius inclinatio ad planum Eclipticæ. Deinde ex

prædictis tribus Cometæ locis observatis, inveniantur in hoc novo plano loca tria vera (ut supra:) deinde etiam Orbis per loca illa transiens, & ejusdem areæ duæ inter observationes descriptæ, quæ sint  $d$  &  $e$ , nec non tempus totum  $t$  quo area tota  $d+e$  describi debeat.

*Oper. 3.* Servetur Longitudo Nodorum in operatione prima, & augeatur inclinatio Plani Trajectoriæ ad planum Eclipticæ, additis ad inclinationem illam  $20'$  vel  $30'$ , quæ dicantur  $Q$ . Deinde ex observatis prædictis tribus Cometæ locis apparentibus, inveniantur in hoc novo Plano loca tria vera, Orbisque per loca illa transiens, ut & ejusdem areæ duæ inter observationes descriptæ, quæ sint  $\delta$  &  $\epsilon$ , & tempus totum  $\tau$  quo area tota  $\delta+\epsilon$  describi debeat.

Jam sit  $C$  ad  $1$  ut  $A$  ad  $B$ , &  $G$  ad  $1$  ut  $D$  ad  $E$ , &  $g$  ad  $1$  ut  $d$  ad  $e$ , &  $\gamma$  ad  $1$  ut  $\delta$  ad  $\epsilon$ , sitque  $S$  tempus verum inter observationem primam ac tertiam, & signis  $+$  &  $-$  probe observatis quærantur numeri  $m$  &  $n$ , ea lege, ut sit  $2G-2C=mG-mg+nG-n\gamma$ , &  $2T-2S$  æquale  $mT-mt+nT-n\tau$ . Et si, in operatione prima,  $I$  designet inclinationem plani Trajectoriæ ad planum Eclipticæ, &  $K$  longitudinem Nodi alterutrius, erit  $I+nQ$  vera inclinatio Plani Trajectoriæ ad Planum Eclipticæ, &  $K+mP$  vera longitudo Nodi. Ac denique si in operatione prima, secunda ac tertia, quantitates  $R$ ,  $r$  &  $g$  designent Latera recta Trajectoriæ, & quantitates  $\frac{1}{L}$ ,  $\frac{1}{l}$ ,  $\frac{1}{\lambda}$  ejusdem Latera transversa respective: erit  $R+mr-mR+n g-nR$  verum Latus rectum, &  $\frac{1}{L+ml-mL+n\lambda-nL}$  verum Latus transversum Trajectoriæ quam Cometa describit. Dato autem Latere transverso datur etiam tempus periodicum Cometæ. *Q. E. I.*

Cæterum Cometarum revolvendum tempora periodica, & Orbium latera transversa, haud satis accurate determinabuntur, nisi per collationem Cometarum inter se, qui diversis temporibus apparent. Si plures Cometæ, post æqualia temporum intervalla, eundem Orbem descripsisse reperiantur, concludendum erit hos omnes esse unum & eundem Cometam, in eodem Orbe revolventem. Et tum demum ex revolutionum temporibus, dabuntur Orbium latera transversa, & ex his lateribus determinabuntur Orbis Elliptici.

In hunc finem computandæ sunt igitur Cometarum plurimum Trajectoriæ, ex hypothesi quod sint Parabolicæ. Nam hujusmodi Trajectoriæ cum Phænomenis semper congruent quamproxime. Id liquet, non tantum ex Trajectoria Parabolica Cometæ anni 1680, quam cum observationibus supra contuli, sed etiam ex ea Cometæ illius insignis, qui annis 1664 & 1665 apparuit, & ab *Hevelio* observatus fuit. Is ex observationibus suis longitudes & latitudes hujus Cometæ computavit, sed minus accurate. Ex iisdem observationibus, *Halleius* noster loca Cometæ hujus denuo computavit, & tum demum ex locis sic inventis Trajectoriam Cometæ determinavit. Invenit autem ejus Nodum ascendentem in  $\Pi$   $21^{\circ} 13' 55''$ , Inclinationem Orbitæ ad planum Eclipticæ  $21^{\circ} 18' 40''$ , distantiam Perihelii a Nodo in Orbita  $49^{\circ} 27' 30''$ . Perihelium in  $\Omega$   $8^{\circ} 40' 30''$  cum Latitudine austrina heliocentrica  $16^{\circ} 1' 45''$ . Cometam in Perihelio *Novemb.*  $24^{\text{d}}$ .  $11^{\text{h}}$ .  $52^{\text{m}}$ . P. M. tempore æquato *Londini*, vel  $13^{\text{h}}$ .  $8^{\text{m}}$  *Gedani*, stylo veteri, & Latus rectum Parabolæ 410286, existente medioctri Terræ a Sole distantia 100000. Quam probe loca Cometæ in hoc Orbe computata, congruunt cum observationibus, patebit ex Tabula sequente ab *Halleio* supputata.

Temp. Appar. <i>Gedani</i>	Observata Cometæ distantia	Loca observata	Loca computata in Orbe
<i>Decemb.</i>			
34. 18. 29 $\frac{1}{2}$	a Corde Leonis $46^{\circ} 24' 20''$ a Spica Virginis $22^{\circ} 52' 10''$	Long. $\approx 7^{\circ} 1' 0''$ Lat. aust. $21^{\circ} 39' 0''$	$\approx 7^{\circ} 1' 29''$ $21^{\circ} 38' 50''$
4. 18. 12	a Corde Leonis $46^{\circ} 2' 45''$ a Spica Virginis $23^{\circ} 52' 40''$	Long. $\approx 6^{\circ} 15' 0''$ Lat. a. $22^{\circ} 24' 0''$	$\approx 6^{\circ} 16' 5''$ $22^{\circ} 24' 0''$
7. 17. 48	a Corde Leonis $44^{\circ} 48' 0''$ a Spica Virginis $27^{\circ} 56' 40''$	Long. $\approx 3^{\circ} 6' 0''$ Lat. a. $25^{\circ} 22' 0''$	$\approx 3^{\circ} 7' 33''$ $25^{\circ} 21' 40''$
17. 14. 43	a Corde Leonis $53^{\circ} 15' 15''$ ab Humero Orionis dext. $45^{\circ} 43' 30''$	Long. $\Omega$ $2^{\circ} 56' 0''$ Lat. a. $49^{\circ} 25' 0''$	$\Omega$ $2^{\circ} 56' 0''$ $49^{\circ} 25' 0''$
19. 9. 25	a Procyone $35^{\circ} 13' 50''$ a Lucid. Mandib. Ceti $52^{\circ} 56' 0''$	Long. $\Pi$ $28^{\circ} 40' 30''$ Lat. a. $45^{\circ} 48' 0''$	$\Pi$ $28^{\circ} 43' 0''$ $45^{\circ} 46' 0''$
20. 9. 53 $\frac{1}{2}$	a Procyone $40^{\circ} 49' 0''$ a Lucid. Mandib. Ceti $40^{\circ} 4' 0''$	Long. $\Pi$ $13^{\circ} 3' 0''$ Lat. a. $39^{\circ} 54' 0''$	$\Pi$ $13^{\circ} 5' 0''$ $39^{\circ} 53' 0''$
21. 9. 9 $\frac{1}{2}$	ab Hum. dext. Orionis $26^{\circ} 21' 25''$ a Lucid. Mandib. Ceti $29^{\circ} 28' 0''$	Long. $\Pi$ $2^{\circ} 16' 0''$ Lat. a. $33^{\circ} 41' 0''$	$\Pi$ $2^{\circ} 18' 30''$ $33^{\circ} 39' 40''$
22. 9. 0	ab Hum. dext. Orionis $29^{\circ} 47' 0''$ a Lucid. Mandib. Ceti $20^{\circ} 29' 30''$	Long. $\Upsilon$ $24^{\circ} 24' 0''$ Lat. a. $27^{\circ} 45' 0''$	$\Upsilon$ $24^{\circ} 27' 0''$ $27^{\circ} 46' 0''$
26. 7. 58	a Lucida Arietis $23^{\circ} 20' 0''$ ab Aldebaran $26^{\circ} 44' 0''$	Long. $\Upsilon$ $9^{\circ} 0' 0''$ Lat. a. $12^{\circ} 26' 0''$	$\Upsilon$ $9^{\circ} 2' 28''$ $12^{\circ} 34' 13''$

Temp.

Temp. Appar. <i>Airiana</i>		Observata Cometæ distantia		Loca observata		Loca computata in Orbe.	
d.	h.		gr.		gr.		gr.
27	6	45	a Lucida Arietis	10° 45' 0	Long. $\varnothing$ 7. 5. 40	$\varnothing$ 7. 8. 54	
			ab Aldebaran	28° 10' 0	Lat. a. 10. 13. 0	10. 13. 13	
18	7	39	a Lucida Arietis	18° 29' 0	Long. $\varnothing$ 5. 24. 45	$\varnothing$ 5. 27. 52	
			a Palilicio	29° 37' 0	Lat. a. 8. 12. 50	8. 23. 37	
31	6	45	a Cing. Androm.	30° 48' 10	Long. $\varnothing$ 2. 7. 40	$\varnothing$ 2. 8. 20	
			a Palilicio	32° 53' 30	Lat. a. 4. 13. 0	4. 15. 25	
<i>Jan.</i>			a Cing. Androm.	25° 11' 0	Long. $\gamma$ 28. 24. 47	$\gamma$ 28. 24. 0	
7	7	37½	a Palilicio	37° 12' 25	Lat. bor. 0. 54. 0	0. 53. 0	
			a Palilicio	40° 5' 0	Long. $\gamma$ 26. 29. 15	$\gamma$ 26. 28. 50	
24	7	29	a Cing. Androm.	20° 32' 15	Lat. bor. 5. 25. 50	5. 26. 0	
<i>Mar.</i>			Cometa ab <i>Hookio</i> prope secundam		Long. $\gamma$ 29. 17. 20	$\gamma$ 29. 18. 20	
1	8	6	Arietis observabatur, <i>Mar.</i> 14. 7h. 0'		Lat. bor. 8. 37. 10	8. 36. 12	
			<i>Londoni</i> , cum				

Apparuit hic Cometa per menses tres, signaque fere sex descripsit, & uno die gradus fere viginti confecit. Cursus ejus a circulo maximo plurimum deflexit, in boream incurvatus; & motus ejus sub finem ex retrogrado factus est directus. Et non obstante cursu tam insolito, Theoria a principio ad finem cum observationibus non minus accurate congruit, quam Theoriæ Planetarum cum eorum observationibus congruere solent, ut inspicienti Tabulam patebit. Subducenda tamen sunt minuta duo prima circiter, ubi Cometa velocissimus fuit, id quod fiet auferendo duodecim minuta prima ab angulo inter Nodum ascendentem & Perihelium, seu constituendo angulum illum 49<sup>gr</sup> 27'. 18". Cometæ utriusque (& hujus & superioris) parallaxis annua insignis fuit, & inde demonstratur motus annuus Terræ in Orbe magno.

Confirmatur etiam Theoria per motum Cometæ qui apparuit anno 1683. Hic fuit retrogradus in Orbe cujus planum cum plano Eclipticæ angulum fere rectum continebat. Hujus Nodus ascendens (computante *Halleio*) erat in  $\varpi$  23<sup>gr</sup> 23'; Inclinatione Orbitæ ad Eclipticam 83<sup>gr</sup> 11'; Perihelium in  $\pi$  25<sup>gr</sup> 29'. 30"; Distantia perihelia a Sole 56020, existente radio Orbis magni 100000, & tempore Perihelii *Julii* 2<sup>d.</sup> 3<sup>h.</sup> 50'. Loca autem Cometæ in hoc Orbe ab *Halleio* computata, & cum locis a *Flamstedio* observatis collata, exhibentur in Tabula sequente.

1653 Temp. Aequat.	Locus Solis	Cometæ Long. Comp.	Lat. Bor. Comp.	Cometæ Long. Obs.	Lat. Bor. Obs.	Differ. Long.	Differ. Lat.
d. h. m.	gr. . .	gr. . .	gr. . .	gr. . .	gr. . .		
Jul. 13. 12.55	Ω 1. 2.30	⊙ 13. 5.42	29.28.13	⊙ 13. 6.42	29.28.10	+ 1.0	+ 0.7
15. 11.15	2.53.12	11.37.48	29.34. 0	11.39.43	29.34.50	+ 1.55	+ 0.50
17.10.20	4.45.45	10. 7. 6	29.33.30	10. 8.40	29.34. 0	+ 1.34	+ 0.30
23.13.40	10.38.21	5.10.27	28.51.42	5.11.30	28.50.28	+ 1. 3	+ 1.14
25.14. 5	12.35.28	3.27.53	24.24.47	3.27. 0	28.23.40	- 0.53	- 1. 7
31. 9.24	18. 9.24	II 27.55. 3	26.22.52	II 27.54.24	26.22.15	- 0.39	- 0.27
31.14.55	18.21.53	27.41. 7	26.16.57	27.41. 8	26.14.50	+ 0.46	+ 1. 9
Aug. 2.14.56	20.17.16	25.29.32	25.16.19	25.28.46	25.17.28	- 0.46	- 1. 9
4.10.49	22. 2.50	23.18.20	24.10.49	23.16.55	24.12.19	- 1.25	- 1.30
6.10. 9	23.56.45	20.42.23	22.47. 5	20.40.32	22.49. 5	- 1.51	- 2. 0
9.10.26	26.50.52	16. 7.57	20. 6.37	16. 5.55	20. 6.10	- 2. 2	- 0.27
15.14. 1	⊖ 24.47.13	3.30.48	11.37.33	3.26.18	11.32. 1	- 4.30	- 5.32
16.15.10	3.48. 2	0.43. 7	9.34.16	0.41.55	9.34.13	- 1.12	- 0. 3
18.15.44	5.45.33	⊙ 24.52.53	5.11.15	⊙ 24.49. 5	5. 9.11	- 3.48	- 2. 4
			Aultr.		Aultr.		
22.14.44	9.35.49	11. 7.14	5.16.53	11. 7.12	5.16.50	- 0. 2	- 0. 3
23.15.52	10.36.48	7. 2.18	8.17. 9	7. 1.17	8.16.41	- 1. 1	- 0.28
26.16. 2	13.31.10	Υ 24.45.31	16.38. 0	Υ 24.44. 0	16.38.20	+ 1.31	+ 0.20

Confirmatur etiam Theoria per motum Cometæ retrogradi qui apparuit anno 1682. Hujus Nodus ascendens (computante *Halley*) erat in  $\gamma$  21<sup>st</sup>. 16'. 30". Inclinator Orbitæ ad planum Eclipticæ 17<sup>st</sup>. 56'. 0". Perihelium in  $\approx$  2<sup>st</sup>. 52'. 50". Distantia perihelia a Sole 58328. Et tempus æquatum Perihelii *Sept.* 4<sup>d</sup>. 7<sup>h</sup>. 39'. Loca vero ex observationibus *Flamstedii* computata, & cum locis per Theoriam computatis collata, exhibentur in Tabula seguente.

1682 Temp. Appar.	Locus Solis	Cometæ Long. Comp.	Lat. Bor. Comp.	Cometæ Long. Obs.	Lat. Bor. Obs.	Differ. Long.	Differ. Lat.
d. h. m.	gr. . .	gr. . .	gr. . .	gr. . .	gr. . .		
Aug. 19. 16.38	⊖ 7. 0. 7	Ω 18.14.28	25.50. 7	Ω 18.14.40	25.49.55	- 0.12	+ 0.12
20.15.38	7.55.52	24.46.23	26.14.42	24.46.22	26.12.51	+ 0. 1	+ 1.50
21. 8.21	8.36.14	29.37.15	26.20. 3	29.38. 2	26.17.37	- 0.47	+ 2.26
22. 8. 8	9.33.55	⊖ 6.29.53	26. 8.42	⊖ 6.30. 3	26. 7.12	- 0.10	+ 1.30
29. 8.20	16.22.40	⊖ 12.37.54	18.37.47	⊖ 12.37.49	18.34. 5	+ 0. 5	+ 3.42
30. 7.45	17.19.41	15.36. 1	17.26.43	15.35.18	17.27.17	- 0.43	- 0.34
Sept. 1. 7.33	19.16. 9	20.30.53	15.13. 0	20.27. 4	15. 9.49	+ 3.49	+ 3.11
4. 7.22	22.11.28	25.42. 0	12.23.48	25.40.56	12.22. 0	+ 1. 2	+ 1.48
5. 7.32	23.10.29	27. 0.46	11.33. 8	26.59.24	11.33.51	- 1.22	- 0.43
8. 7.16	26. 5.58	29.58.44	9.26.46	29.58.45	9.26.43	- 0. 1	+ 0. 3
9. 7.26	27. 5. 9	⊖ 0.44.10	8.49.10	⊖ 0.44. 4	8.48.35	+ 0. 6	+ 0.45

His exemplis abunde satis manifestum est, quod motus Cometarum per Theoriam a nobis expositam non minus accurate exhibentur,

hibentur, quam solent motus Planetarum per eorum Theorias. Et propterea Orbes Cometarum per hanc Theoriam enumerari possunt, & tempus periodicum Cometæ in quolibet Orbe revolventis tandem sciri, & tum demum Orbium Ellipticorum latera transversa & Apheliorum altitudines innotescent.

Cometa retrogradus qui apparuit anno 1607, descripsit Orbem cujus Nodus ascendens (computante *Halleio*) erat in  $8^{\circ} 20' 21''$ . Inclinatio plani Orbis ad planum Eclipticæ erat  $17^{\circ} 2'$ . Perihelium erat in  $= 2^{\circ} 16'$ , & distantia perihelia a Sole erat 58680, existente radio Orbis magni 100000. Et Cometa erat in Perihelio *Octob.*  $16^d. 3^h. 50'$ . Congruit hic Orbis quamproxime cum Orbe Cometæ qui apparuit anno 1682. Si Cometæ hi duo fuerint unus & idem, revolvetur hic Cometa spatio annorum 75, & axis major Orbis ejus erit ad axem majorem Orbis magni, ut  $\sqrt{6:75 \times 75}$  ad 1, seu 1778 ad 100 circiter. Et distantia aphelia Cometæ hujus a Sole, erit ad distantiam mediocrem Terræ a Sole, ut 35 ad 1 circiter. Quibus cognitis, haud difficile fuerit Orbem Ellipticum Cometæ hujus determinare. Atque hæc ita se habebunt si Cometa, spatio annorum septuaginta quinque, in hoc Orbe posthac redierit. Cometæ reliqui majori tempore revolvi videntur & altius ascendere.

Cæterum Cometæ, ob magnum eorum numerum, & magnam Apheliorum a Sole distantiam, & longam moram in Apheliis, per gravitates in se mutuo nonnihil turbari debent, & eorum eccentricitates & revolutionum tempora nunc augeri aliquantulum, nunc diminui. Proinde non est expectandum ut Cometa idem, in eodem Orbe & iisdem temporibus periodicis, accurate redeat. Sufficit si mutationes non majores obvenierint, quam quæ a causis prædictis oriantur.

Et hinc ratio redditur cur Cometæ non comprehendantur Zodiaco (more Planetarum) sed inde migrent & motibus variis in omnes cælorum regiones ferantur. Scilicet eo fine, ut in Apheliis suis ubi tardissime moventur, quam longissime distent ab invicem & se mutuo quam minime trahant. Qua de causa Cometæ qui altius descendunt, adeoque tardissime moventur in Apheliis, debent altius ascendere.

Cometa qui anno 1680 apparuit, minus distabat a Sole in Perihelio suo quam parte sexta diametri Solis; & propter summam velocitatem in vicinia illa, & densitatem aliquam Atmosphæræ Solis, resistantiam nonnullam sentire debuit, & aliquantulum retardari,

dari & propius ad Solem accedere: & singulis revolutionibus accedendo ad Solem, incidet is tandem in corpus Solis. Sed & in Aphelio ubi tardissime movetur, aliquando per attractionem aliorum Cometarum retardari potest & subinde in Solem incidere. Sic etiam Stellæ fixæ quæ paulatim expirant in lucem & vapores, Cometis in ipsas incidentibus refici possunt, & novo alimento accensæ pro Stellis Novis haberi. Vapores autem qui ex Sole & Stellis fixis & caudis Cometarum oriuntur, incidere possunt per gravitatem suam in Atmosphæras Planetarum, & ibi condensari & converti in aquam & spiritus humidos, & subinde per lentum calorem in sales, & sulphura, & tincturas, & limum, & lutum, & argillam, & arenam, & lapides, & coralla, & substantias alias terrestres paulatim migrare. Decrescente autem corpore Solis motus medii Planetarum circum Solem paulatim tardescunt, & crescente Terra motus medius Lunæ circum Terram paulatim augeretur. Et collatis quidem observationibus Eclipsium *Babylonicis* cum iis *Albategni* & cum hodiernis, *Halleus* noster motum medium Lunæ cum motu diurno Terræ collatum, paulatim accelerari, primus omnium quod sciam deprehendit.

### SCHOLIUM GENERALE.

Hypothesis Vorticum multis premitur difficultatibus. Ut Planeta unusquisque radio ad Solem ducto areas describat temporibus proportionales, tempora periodica partium Vorticis deberent esse in duplicata ratione distantiarum a Sole. Ut periodica Planetarum tempora sint in proportionem sesquiplicata distantiarum a Sole, tempora periodica partium Vorticis deberent esse in eadem distantiarum proportionem. Ut Vortices minores circum Saturnum, Jovem & alios Planetas gyratione conserventur & tranquille natent in Vortice Solis, tempora periodica partium Vorticis Solaris deberent esse æqualia. Revolutiones Solis & Planetarum circum axes suos ab omnibus hisce proportionibus discrepant. Motus Cometarum sunt summe regulares, & easdem leges cum Planetarum motibus observant, & per Vortices explicari nequeunt. Feruntur Cometæ motibus valde eccentricis in omnes cælorum partes, quod fieri non potest nisi Vortices tollantur.

Projectilia, in aere nostro, solam aeris resistantiam sentiunt. Sublato aere, ut fit in Vacuo *Boyleano*, resistantia cessat, siquidem pluma tenuis & aurum solidum æquali cum velocitate in hoc

Qq q

Vacuo

Vacuo cadunt. Et par est ratio spatiorum cælestium quæ sunt supra atmosphæram Terræ. Corpora omnia in istis spatiis liberrime moveri debent; & propterea Planetæ & Cometæ in orbibus specie & positione datis, secundum leges supra expositas, perpetuo revolvi. Perseverabunt quidem in orbibus suis per leges gravitatis, sed regularem orbium situm primitus acquirere per leges hæc minime potuerunt.

Planetæ sex principales revolvuntur circum Solem in circulis Soli concentricis, eadem motus directione, in eodem plano quamproxime. Lunæ decem revolvuntur circum Terram, Jovem & Saturnum in circulis concentricis, eadem motus directione, in planis orbium Planetarum quamproxime. Et hi omnes motus regulares originem non habent ex causis Mechanicis, siquidem Cometæ in Orbibus valde eccentricis, & in omnes cælorum partes libere feruntur. Quo motus genere Cometæ per Orbes Planetarum celerissime & facillime transeunt, & in Apheliis suis ubi tardiores sunt & diutius morantur, quam longissime distant ab invicem, & se mutuo quam minime trahunt. Elegantissima hæc Solis, Planetarum & Cometarum compages non nisi consilio & dominio Entis intelligentis & potentis oriri potuit. Et si Stellæ fixæ sint centra similium systematum, hæc omnia simili consilio constructa, suberunt *Unius* dominio: præsertim cum lux Fixarum sit ejusdem naturæ ac lux Solis, & systemata omnia lucem in omnia invicem immittant.

Hic omnia regit, non ut Anima mundi, sed ut universorum Dominus; & propter dominium suum Dominus Deus

\* Id est, Imperator universalis.

\* *παραγετορ* dici solet. Nam Deus est vox relativa & ad servos refertur: & *Deitas* est dominatio Dei non in corpus proprium, sed in servos. Deus summus est Ens æternum, infinitum, absolute perfectum; sed Ens utcumque perfectum sine dominio, non est Dominus Deus. Dicimus enim Deus meus, Deus vester, Deus Israelis: sed non dicimus Æternus meus, Æternus vester, Æternus Israelis, non dicimus Infinitus meus, Infinitus vester, Infinitus Israelis, non dicimus Perfectus meus, Perfectus vester, Perfectus Israelis. Hæ appellationes relationem non habent ad servos. Vox Deus passim significat Dominum, sed omnis Dominus non est Deus. Dominatio Entis spiritualis Deum constituit, vera verum, summa summum, ficta fictum. Et ex dominatione vera sequitur, Deum verum esse vivum, intelligentem & potentem; ex reliquis perfectionibus summum esse vel summe perfectum.



fectum. *Æternus est & Infinitus, Omnipotens & Omnisciens*, id est, durat ab æterno in æternum & adest ab infinito in infinitum, omnia regit & omnia cognoscit quæ fiunt aut sciri possunt. Non est æternitas vel infinitas, sed æternus & infinitus; non est duratio vel spatium, sed durat & adest. Durat semper & adest ubique, & existendo semper & ubique durationem & spatium, æternitatem & infinitatem constituit. Cum unaquæque spatii particula sit *semper*, & unumquodque durationis indivisibile momentum *ubique*; certe rerum omnium Fabricator ac Dominus non erit *nunquam nusquam*. Omnipræsens est non per *virtutem* solam, sed etiam per *substantiam*: nam virtus sine substantia subsistere non potest. In ipso \* continentur & moventur universa, sed absque mutua *passione*. Deus nihil patitur ex corporum moribus: illa nullam sentiunt resistantiam ex omnipræsentia Dei. Deum summum necessario existere in confesso est: Et eadem necessitate *semper est & ubique*. Unde etiam totus est sui similis, totus oculus, totus auris, totus cerebrum, totus brachium, totus vis sentiendi, intelligendi & agendi; sed more minime humano, more minime corporeo, more nobis prorsus incognito. Ut cæcus ideam non habet colorum, sic nos ideam non habemus modorum quibus Deus sapientissimus sentit & intelligit omnia. Corpore omni & figura corporea prorsus destituitur, ideoque videri non potest, nec audiri, nec tangi, nec sub specie rei alicujus corporei coli debet. Ideas habemus attributorum ejus, sed quid sit rei alicujus Substantia minime cognoscimus. Videmus tantum corporum figuras & colores, audimus tantum sonos, tangimus tantum superficies externas, olfacimus odores solos, & gustamus sapes; Intimas substantias nullo sensu, nulla actione reflexa cognoscimus, & multo minus ideam habemus substantiæ Dei. Hunc cognoscimus solummodo per proprietates suas & attributa, & per sapientissimas & optimas rerum structuras, & causas finales; veneramur autem & colimus ob dominium. Deus enim sine dominio, providentia, & causis finalibus, nihil aliud est quam Fatum & Natura. Et hæc de Deo; de quo utique ex Phænomenis differere, ad *Philosophiam Experimentalem* pertinet.

Hactenus Phænomena cælorum & maris nostri per Vim gravitatis exposui, sed causam Gravitatis nondum assignavi. Oritur utique hæc Vis a causa aliqua quæ penetrat ad usque centra Solis

\* Ita sentiebant veteres, Aratus in Phænomen: sub initio. Paulus in Act. 7. 37. 38. Moyses Deut. 4. 39 & 10. 14. David Psal. 139. 7, 8. Solomon Reg. 8. 27. Job. 22. 12. Jeremias Propheta 23. 23, 24.

& Planetarum, sine virtutis diminutione, quæque agit non pro quantitate *superficierum* particularum in quas agit (ut solent causæ Mechanicæ,) sed pro quantitate materiæ *solidæ*, & cujus actio in immensas distantias undique extenditur, decrescendo semper in duplicata ratione distantiarum. Gravitas in Solem componitur ex gravitatibus in singulas Solis particulas, & recedendo a Sole decrescit accurate in duplicata ratione distantiarum ad usque orbem Saturni, ut ex quiete Apheliorum Planetarum manifestum est, & ad usque ultima Cometarum Aphelia, si modo Aphelia illa quiescant. Rationem vero harum Gravitatis proprietatum ex Phænomenis nondum potui deducere, & Hypotheses non fingo. Quicquid enim ex Phænomenis non deducitur, *Hypothesis* vocanda est, & Hypotheses seu Metaphysicæ, seu Physicæ, seu Qualitatum occultarum, seu Mechanicæ, in *Philosophia Experimentalis* locum non habent. In hac Philosophia Propositiones deducuntur ex Phænomenis, & redduntur generales per Inductionem. Sic impenetrabilitas, mobilitas, & impetus corporum & leges motuum & gravitatis innotuerunt. Et satis est quod Gravitas revera existat, & agat secundum leges a nobis expositas, & ad corporum cælestium & maris nostri motus omnes sufficiat.

Adjicere jam liceret nonnulla de Spiritu quodam subtilissimo corpora crassa pervadente, & in iisdem latente, cujus vi & actionibus particulæ corporum ad minimas distantias se mutuo attrahunt, & contiguæ factæ cohærent; & corpora Electrica agunt ad distantias majores, tam repellendo quam attrahendo corpuscula vicina; & Lux emittitur, reflectitur, refringitur, inflectitur, & corpora calefacit, & Sensatio omnis excitatur, & membra Animalium ad voluntatem moventur, vibrationibus scilicet hujus Spiritus per solida nervorum capillamenta ab externis sensuum organis ad cerebrum & a cerebro in musculos propagatis. Sed hæc paucis exponi non possunt; neque adest sufficiens copia Experimentorum, quibus leges actionum hujus Spiritus accurate determinari & monstrari debent.

## F I N I S.

# INDEX RERUM

## ALPHABETICUS.

N. B. *Citationes facta sunt ad normam sequentis Exempli.* III, 10: 444; 20: 471; 28 designant Libri tertii Propositionem decimam: Pagina 444 lineam 20: Pagina 471 lineam 28.

### A.

**Æ** Quinctorior præcessio  
causæ hujus motus indicantur III,  
21.

quotitas motus ex causis computatur III, 39

### Aeris

densitas ad quamlibet altitudinem colligitur  
ex Prop. 11. Lib. II. quanta sit ad altitudinem  
unius semidiametri Terrestris ostenditur  
470, 11

classica vis quali causæ tribui possit II, 23

gravitas cum Aquæ gravitate collata 470, 3

resistentia quanta sit, per Experimenta Pendulorum colligitur 286, 18; per Experimenta corporum cadentium & Theoriam accuratius invenitur 327, 13

Anguli contactus non sunt omnes ejusdem generis, sed alii aliis infinite minores p. 33

Apidum motus expenditur I, Sect. 9

Aeræ quas corpora in gyros acta, radius ad centrum virium ductis, describunt, coferuntur cum temporibus descriptionum I, 1, 2, 3, 58, 65

Attractio corporum universorum demonstratur III, 7; qualis sit hujus demonstrationis certitudo ostenditur 358, 18: 484, 11

Attractionis causam vel modum ulla definit

Author 51, 17; 147, 31; 171, 31; 483, 34.

### C.

### Celi

resistentia destituuntur III, 10: 444, 10:

471, 18; & propterea Fluido omni corporeo 328, 18

transitum Luci præbent absque ulla refractione 467, 33

Calore virga ferrea comperta est augeri longitudine 386, 4

Calor Solis quotus sit in diversis a Sole distantibus

466, 10

quantus apud Mercurium 372, 12

quantus apud Cometam anni 1680 in Perihelio versantem 466, 11

Centrum commune gravitatis corporum plurimum, ab actionibus corporum inter se, non mutat statum suum vel motus vel quietis

p. 17

Centrum commune gravitatis Terræ, Solis & Planetarum omnium quiescere III, 11; confirmatur ex Cor. 2. Prop. 14. Lib. III.

Centrum commune gravitatis Terræ & Luæ

motu annuo perecurrit Orbem magnum 376, 6

quibus intervallis distat a Terrâ & Luna 430, 11

Centrum Virium quibus corpora revolvuntur in

Orbibus retinentur

quali Arearum indicio invenitur. 38, 14

qua ratione ex datis revolvuntur velocitatibus invenitur I, 5

Circuli circumferentia, qua lege vis centripetæ

tendentis ad punctum quodcunque datum describi potest a corpore revolvente I, 4, 7, 8

Cometæ

Geous suot Planetarum, non Meteororum

444, 24: 466, 15

Luna superiores sunt, & in regione Planetarum versantur p. 439

Distantia eorum qua ratione per Observationes colligi potest quamproxime 439, 11

Plures observati sunt in hemisphærio Solem

versus, quam in hemisphærio opposito; & unde hoc fiat 444, 6

Splendent luce Solis a se reflexa 444, 4; Lux

illa quanta esset solet 447, 12

Cinguntur Atmosphæris ingentibus 442, 12:

444, 27

Qui ad Solem propius accedunt ut plurimum

minores esse existimantur 475, 7

Quo fine non comprehenduntur Zodiaco (more Planetarum) sed in omnes celorum

regiones varie feruntur 480, 30.

Possiot aliquando in Solem incidere & novum illi alimentum ignis præbere 480, 37

Ufus eorum suggeritur 473, 1: 481, 7

Comete

# INDEX RERUM.

Cometarum caudæ

avertuntur a Sole 468, 39  
maximæ sunt & fulgentissimæ statim post  
transitum per viciniam Solis 467, 8  
inignis earum raritas 470, 33  
origo & natura earundem 443, 19; 467, 13  
quo temporis spatio a capite ascendunt 471, 1

Cometæ

Moventur in Sectionibus Conicis umbilicos  
in centro Solis habentibus, & radiis ad So-  
lem ductis describunt areas temporibus pro-  
portionales. Et quidem in Ellipsis mo-  
ventur 6 in Orbem redeunt, hæc tamen  
Parabolis erunt maxime finitimæ III, 49  
Trajectoria Parabolica ex datis tribus Obser-  
vationibus invenitur III, 41; Inventa cor-  
rigitur III, 42

Locus in Parabola invenitur ad tempus da-  
tum 445, 30; I, 30

Velocitas cum velocitate Planetarum confer-  
tur 446, 17

Cometa annorum 1664 & 1665

Hujus motus observatus expenditur, & cum  
Theoria accurate congruere deprehenditur  
p. 427

Cometa annorum 1680 & 1681

Hujus motus observatus cum Theoria accu-  
rate congruere invenitur p. 455 & seqq.

Videbatur in Ellipsi revolvi spatio annorum  
plusquam quingentorum 464, 37

Trajectoria illius & Cauda singulis in locis  
desineantur p. 465

Cometa anni 1682

Hujus motus accurate respondet Theoriæ  
p. 429

Comparuisse visus est anno 1607, iterumque re-  
diturus videtur periodo 77 annorum 480, 6

Cometa anni 1683

Hujus motus accurate respondet Theoriæ  
p. 428

Curvæ distinguuntur in Geometricæ rationales &  
Geometricæ irrationales 100, 5

Curvatura figurarum qua ratione æstimanda sit  
235, 28; 298, 33

Cycloidis seu Epicycloidis

rectificatio I, 48; 49; 142, 18

Evoluta I, 50; 143, 22

Cylindri attractio ex particulis trahentibus com-  
positi quarum vires sunt reciproce ut qua-  
drata distantiarum 198, 1

D.

Dei Natura p. 483 & 483

Descensus gravium in vacuo quantus sit, ex lon-  
gitudine Penduli colligitur 379, 1

Descensus vel Ascensus rectilinei spatia descri-  
pta, tempora descriptionum & velocitates ac-

quisitæ conferuntur, posita cujusvisque ge-  
neris vi centripeta I, Sect. 7

Descensus & Ascensus corporum in Mediis re-  
sistentibus II, 3, 8, 9, 40, 13, 14

E.

Ellipsis

qua lege vis centripetæ tendentis ad centrum  
figuræ describitur a corpore revolvente  
I, 10, 64

qua lege vis centripetæ tendentis ad umbili-  
cum figuræ describitur a corpore revol-  
vente I, 11

F.

Fluidi definitio p. 260

Fluidorum densitas & compressio quas leges ha-  
bent, ostenditur II, Sect. 5

Fluidorum per foramen in vase factum effluen-  
tium determinatur motus II, 36

Fumi in camino ascensus obiter explicatur 471, 4

G.

Graduum in Meridiano Terræstri mensura exhi-  
betur, & quam sit exigua inæqualitas osten-  
ditur ex Theoria III, 20

Gravitas

diversi est generis a vi Magnetica 368, 19  
mutua est inter Terram & ejus partes aa, 18

ejus causa non assignatur 483, 34

datur in Planetas universos 365, 15 & per-  
gendo a superficiebus Planetarum sursum

decrefcit in duplicata ratione distantiarum  
a centro III, 8, deorsum decrefcit in sim-  
plici ratione quamproxime III, 9

datur in corpora omnia, & proportionalis est  
quantitati materiæ in singulis III, 7

Gravitatem esse vim illam qua Luna retinetur  
in Orbe III, 4, computo accuratiori com-  
probatur 430, 25

Gravitatem esse vim illam qua Planetæ primarii  
& Satellites Jovis & Saturni retinentur in  
Orbitis III, 5

H.

Hydrostaticæ principia traduntur II, Sect. 5

Hyperbola

qua lege vis centrifugæ tendentis a figuræ cen-  
tro describitur a corpore revolvente 42, 26

qua lege vis centrifugæ tendentis ab umbilico  
figuræ describitur a corpore revolvente 51, 6

qua lege vis centripetæ tendentis ad umbilicum  
figuræ describitur a corpore revolvente I, 11

Hypotheses cujusvisque generis rejiciuntur ab  
hac Philosophia 484, 8

I. Iner-

**I.**  
 Inertia vis definitur p. 2  
 Jovis  
     distantia a Sole [361, 1](#)  
     semidiameter apparens [371, 3](#)  
     semidiameter vera [371, 14](#)  
     attractiva vis quanta sit [370, 33](#)  
     pondus corporum in ejus superficie [371, 19](#)  
     densitas [371, 37](#)  
     quantitas materie [371, 37](#)  
     perturbatio a Saturno quanta sit [376, 33](#)  
     diameterum proportio computo exhibetur [381, 37](#)  
     conversio circum axem quo tempore absolvitur [381, 35](#)  
     cingulæ causâ subindicatur [414, 32](#)

**L.**

Locus definitur, & distinguitur in absolutum & relativum [6, 12](#)  
 Loca corporum in Sectionibus conicis motorum inveniuntur ad tempus assignatum [1, Sect. 6](#)  
 Lunæ  
     propagatio non est instantanea [307, 5](#); non fit per agitationem Medii alicujus Ætheris [342, 36](#)  
     velocitas in diversis Mediis diversa [1, 95](#)  
     reflexio quædam explicatur [1, 96](#)  
     refractio explicatur [1, 94](#); non fit in puncto solum incidentiæ [207, 29](#)  
     incurvatio prope corporum terminos Experimentis observata [207, 8](#)  
 Lunæ  
     corporis figura computo colligitur [III, 38](#)  
     inde causâ patefacta, cur eandem semper faciem in Terram obvertat [413, 2](#)  
     & librationes explicantur [III, 17](#)  
     diameter mediocris apparens [430, 12](#)  
     diameter vera [430, 17](#)  
     pondus corporum in ejus superficie [430, 22](#)  
     densitas [430, 15](#)  
     quantitas materie [430, 19](#)  
     distantia mediocris a Terra quot continet maximas Terræ semidiametros [430, 26](#)  
     quot mediocres [431, 18](#)  
     parallax maxima in longitudinem paulo major est quam parallax maxima in latitudinem [387, 8](#)  
     vis ad Mare movendum quanta sit [III, 37](#); non sentiri potest in Experimentis pendulorum, vel in Staticis aut Hydrostaticis quibuscunque [430, 1](#)  
     tempus periodicum [430, 32](#)  
     tempus revolutionis synodice [398, 1](#)  
     motus medius cum diurno motu Terræ col-

latus paulatim accelerari deprehenditur ab Hallesio [481, 66](#)  
 Lunæ motus & motuum inequalitates a causis suis derivantur [III, 22](#); p. [421](#) & seqq.  
 tardius revolvitur Luna dilatato Orbe, in perihelio Terræ; citius in aphelio, contracto Orbe [III, 22](#); [421, 6](#)  
 tardius revolvitur, dilatato Orbe, in Apogæi Syzygiis cum Sole; citius in Quadraturis Apogæi, contracto Orbe [423, 1](#)  
 tardius revolvitur, dilatato Orbe, in Syzygiis Nodi cum Sole; citius in Quadraturis Nodi, contracto Orbe [423, 21](#)  
 tardius movetur in Quadraturis suis cum Sole, citius in Syzygiis; & radio ad Terram ducto describit aream pro tempore minorem in priore casu, majorem in posteriore [III, 22](#): Inæqualitas harum Arearum computatur [III, 26](#). Orbem insuper habet magis curvum & longius a Terra recedit in priore casu, minus curvum habet Orbem & propius ad Terram accedit in posteriore [III, 22](#). Orbis hujus figura & proportio diameterum ejus computo colligitur [III, 28](#). Et subinde proponitur methodus inveniendi distantiam Lunæ a Terra ex motu ejus horario [III, 27](#)  
 Apogæum tardius movetur in Aphelio Terræ, velocius in Perihelio [III, 22](#); [421, 21](#)  
 Apogæum ubi est in Solis Syzygiis, maxime progreditur; in Quadraturis regreditur [III, 22](#); [423, 37](#)  
 Eccentricitas maxima est in Apogæi Syzygiis cum Sole, minima in Quadraturis [III, 22](#); [421, 39](#)  
 Nodi tardius moventur in Aphelio Terræ, velocius in Perihelio [III, 22](#); [421, 21](#)  
 Nodi quiescunt in Syzygiis suis cum Sole, & velocissime regrediuntur in Quadraturis [III, 22](#). Nodorum motus & inequalitates motuum computantur ex Theoria Gravitatis [III, 30, 31, 32, 33](#)  
 Inclinatio Orbis ad Eclipticam maxima est in Syzygiis Nodorum cum Sole, minima in Quadraturis [1, 66](#) Cor. 10. Inclinatio variationis computantur ex Theoria Gravitatis [III, 34, 35](#)  
 Lunarium motuum Equationes ad usus Astro-nomicos p. [421](#) & seqq.  
 Motus mediæ Lunæ  
     Equatio annua [421, 4](#)  
     Equatio semestris prima [423, 1](#)  
     Equatio semestris secunda [423, 21](#)  
     Equatio centri prima [423, 22](#); p. 101 & seqq.  
     Equatio centri secunda [414, 15](#)  
     Variatio prima [III, 29](#)  
     Variatio secunda [423, 5](#)

Motus

Motus medii Apogei  
 Æquatio annua [421, 21](#)  
 Æquatio semestris [421, 37](#)  
 Eccentricitatis  
 Æquatio semestris [422, 37](#)  
 Motus medii Nodorum  
 Æquatio annua [421, 21](#)  
 Æquatio semestris III. [33](#)  
 Inclinationis Orbis ad Eclipticam  
 Æquatio semestris [420, 22](#)  
 Lunarium motuum Theoria, qua Methodo stabilienti fit per Observationes [425, 33.](#)

M.

Magnetica vis [22, 13](#) : [27, 1](#) : [368, 29](#) :  
[431, 23](#)  
 Maris ætus a causis suis derivatur III, [14, 36, 37](#)  
 Martis  
 distantia a Sole [361, 1](#)  
 Aphelii motus [376, 33](#)  
 Materie  
 quantitas definitur p. 1  
 vis infusa seu vis inertiae definitur p. 2  
 vis impressa definitur p. 2  
 extensio, durities, impenetrabilitas, mobilitas,  
 vis inertiae, gravitas, qua ratione innotescunt [317, 16](#) : [484, 10](#)  
 divisibilitas nondum constat [318, 18](#)  
 Materia subtilis *Cartesianorum* ad examen quoddam revocatur [292, 12](#)  
 Materia vel subtilissima Gravitate non destituitur [368, 1](#)  
 Mechanicæ, quæ dicuntur. Potentiæ explicantur  
 & demonstrantur p. 14 & 15 : p. 23  
 Mercurii  
 distantia a Sole [361, 1](#)  
 Aphelii motus [376, 33](#)  
 Methodus  
 Rationum primarum & ultimarum I, Sect. 1  
 Transmutandi figuras in alias quæ sunt ejusdem Ordinis Analytici I, Lem. 22. [p. 87-79](#)  
 Fluxionum II, Lem. 2. p. 114  
 Differentialis III, Lemm. 5 & 6. pagg. [446](#)  
 & [447](#)  
 Inveniendi Curvarum omnium quadraturas proximæ veras [447, 8](#)  
 Serierum convergentium adhibetur ad solutionem Problematum difficultiorum p. 127 :  
[128, 202](#) : [235, 414](#)  
 Motus quantitas definitur p. 1  
 Motus absolutus & relativus p. 6 : 7 : 8 : 9 ab invicem secerni possunt, exemplo demonstratur p. 10  
 Motus Leges p. 12 & seqq.  
 Motuum compositio & resolutio p. 14  
 Motus corporum congruentium post reflexionem, quali Experimento recte colligi possunt,

ostenditur [10, 13](#)  
 Motus corporum  
 in Conicis sectionibus eccentricis I, Sect. 3  
 in Orbibus mobilibus I, Sect. 9  
 in Superficiebus datis & Funependulorum motus reciprocos I, Sect. 10  
 Motus corporum viribus centripetis se mutuo petentium I, Sect. 11  
 Motus corporum Minimorum, quæ viribus centripetis ad singulas Magni alicujus corporis partes tendentibus agitantur I, Sect. 14  
 Motus corporum quibus resistitur  
 in ratione velocitatis II, Sect. 1  
 in duplicata ratione velocitatis II, Sect. 2  
 partim in ratione velocitatis, partim in ejusdem ratione duplicata II, Sect. 3  
 Motus  
 corporum sola vi infusa progredientium in Mediis resistentibus II, [1, 2, 1, 6, 7, 11, 12](#) : [302, 1](#)  
 corporum recta ascendentium vel descendentium in Mediis resistentibus, agente vi Gravitatis uniformi II, [3, 8, 9, 40, 13, 14](#)  
 corporum projectorum in Mediis resistentibus, agente vi Gravitatis uniformi II, [4, 10](#)  
 corporum circumgyrantium in Mediis resistentibus II, Sect. 4  
 corporum Funependulorum in Mediis resistentibus II, Sect. 6  
 Motus & resistentia Fluidorum II, Sect. 7  
 Motus per Fluida propagatus II, Sect. 8  
 Motus circularis seu Vorticofus Fluidorum II, Sect. 9  
 Mundus originem non habet ex causis Mechanicis [p. 482, 12.](#)

N.

Navium constructioni Propositio non inutilis [300, 4.](#)

O.

Opticarum ovalium inventio quam *Cartesius* celaverat I, [97.](#) *Cartesius* Problematis generalior solutio I, [98](#)  
 Orbitalium inventio  
 quas corpora describunt, de loco dato data quam velocitate, secundum datum rectam egressa; ubi vis centripeta est reciproce ut quadratum distantie & vis illius quantitas absoluta cognoscitur I, [17](#)  
 quas corpora describunt ubi vires centripetæ sunt reciproce ut cubi distantiarum [45, 18](#) : [118, 27](#) : [135, 25](#)  
 quas corpora viribus quibuscunque centripetis agitata describunt I, Sect. 8.

P. Para-

# INDEX RERUM.

## P.

Parabola, qua lege vis centripetæ tendentis ad umbilicum figuræ, describitur a corpore revolvente I, 13

Pendulorum affectiones explicantur I, 50, 51, 52, 53; II, Sect. 6.

Pendulorum isochronorum longitudines diversæ in diversis locorum Latitudinibus inter se conferuntur, tum per Observationes, tum per Theoriam Gravitatis III, 20

Philosophandi Regulæ p. 357

## Planetæ

non deferuntur a Vorticibus corporeis 3, 52, 37: 354, 35: 481, 11

## Primarii

Solem circum 360, 7 moventur in Ellipsis umbilicum habentibus in centro Solis III, 13  
radiis ad Solem ductis describunt areas temporibus proportionales 361, 15: III, 13  
temporibus periodicis revolvuntur quæ sunt in sequepiata ratione distantiarum a Sole 360, 17: III, 13 & I, 15  
retinentur in Orbibus suis a vi Gravitatis quæ respicit Solem, & est reciproce ut quadratum distantiz ab ipsius centro III, 2, 5

## Secundarii

moventur in Ellipsis umbilicum habentibus in centro Primariorum III, 11  
radiis ad Primarios suos ductis describunt areas temporibus proportionales 359, 31: 11: 361, 17: III, 21  
temporibus periodicis revolvuntur quæ sunt in sequepiata ratione distantiarum a Primariis suis 359, 31: 11: 11: 361, 17  
retinentur in Orbibus suis a vi Gravitatis quæ respicit Primarios, & est reciproce ut quadratum distantiz ab eorum centrâ III, 1, 3, 4, 5

## Planetarum

distantiz a Sole 361, 1  
Orbium Aphelia & Nodi prope quiescunt III, 14  
Orbes determinantur III, 15, 16  
loci in Orbibus inveniuntur I, 31  
densitas calori quem a Sole recipiunt, accommodatur 373, 7  
conversiones diurnæ sunt æquabiles III, 17  
axes sunt minores diametris quæ ad eodem axes normaliter ducuntur III, 18

## Pondera corporum

in Terram vel Solem vel Planetam quemvis, paribus distantis ab eorum centrâ, sunt ut quantitates materiæ in corporibus III, 6  
non pendet ab eorum formis & texturis 367, 35

in diversis Terræ regionibus inveniuntur & inter se comparantur III, 20

## Problematis

Kepleriani solutio per Trochoidem & per Approximationes I, 31

Viterum de quatuor lineis, a Pappo memorati, 2 Cartesio per calculum Analyticum tentati, compolitio Geometrica 70, 19

Projectilia, seposita Medii resistentis, moveri in Parabola colligitur 47, 23: 103, 23: 216, 29

Projectilium motus in Medii resistentibus II, 4, 10

Pulsuum Aeris, quibus Soni propagantur, determinantur intervalla seu latitudines II, 50: 344, 18. Hæc intervalla in apertarum Fistularum sonis æquari duplis longitudinibus Fistularum verosimile est 344, 26

## Q.

Quadratura generalis Ovalium dari non potest per finitos terminos I, Lem. 28, p. 98

Qualitates corporum qua ratione innotescunt & admittuntur 357, 16

Quies vera & relativa p. 6, 7, 8, 9.

## R.

## Resistentiæ quantitas

in Medii non continuis II, 35

in Medii continuis II, 28

in Medii cujuscunque generis 302, 32

## Resistentiarum Theoria confirmatur

per Experimenta Pendulorum II, 30, 31, Sch.

Gen. p. 284

per Experimenta corporum cadentium II, 40,

Sch. p. 319

## Resistentia Mediorum

est ut eorundem densitas, cæteris paribus

290, 20: 291, 35: II, 33, 35, 38: 327, 14

est in duplicata ratione velocitatis corporum

quibus resistitur, cæteris paribus 219, 24:

284, 33: II, 33, 35, 38: 324, 23

est in duplicata ratione diametri corporum

Sphæricorum quibus resistitur, cæteris paribus

288, 4: 289, 11: II, 33, 35, 38:

Sch. p. 319

non minuitur ab actione Fluidi in partes pos-

sitas corporis moti 312, 13

## Resistentia Fluidorum duplex est; oriturque vel

ab Inertia materiæ fluidæ, vel ab Elasticitate,

Tenacitate & Frictione partium ejus 318, 1.

Resistentia quæ sentitur in Fluidis fere tota

est prioris generis 326, 32. & minui non potest

per subtilitatem partium Fluidi, manente

densitate 328, 7

## Resistentiæ Globi ad resistentiam Cylindri proportio, in Medii non continuis II, 34

## R r r

## Resisten-

# INDEX RERUM.

Resilientia quam patitur a Fluidis frustum Conicum, qua ratione fiat minima [399, 30](#)  
Resilientia minimæ Solidum [300, 15](#).

## S.

### Satellites

Jovialis extimi elongatio maxima heliocentrica a centro Jovis [370, 35](#)  
Hugeniani elongatio maxima heliocentrica a centro Saturni [371, 5](#)

### Satellitum

Jovialium tempora periodica & distantia a centro Jovis [379, 12](#)  
Saturniorum tempora periodica & distantia a centro Saturni [360, 1](#)  
Jovialium & Saturniorum inæquales motus a motibus Lunæ derivari posse ostenditur [III, 23](#)

### Saturni

distantia a Sole [361, 1](#)  
semidiameter apparet [371, 9](#)  
semidiameter vera [371, 16](#)  
vis attractiva quanta sit [370, 33](#)  
pondus corporum in ejus superficie [371, 19](#)  
densitas [371, 37](#)  
quantitas materię [371, 27](#)  
perturbatio a Jove quanta sit [375, 16](#)  
diameter apparet Annuli quo cingitur [371, 8](#)  
Sectiones Conicę, qua lege vis centripetę tendentis ad punctum quodcunque datum, describuntur a corporibus revolventibus [58, 20](#)  
Sectionum Conicarum descriptio Geometrica ubi dantur Umbilici I. Sect. 4.  
ubi non dantur Umbilici I. Sect. 5. ubi dantur Centra vel Asymptoti [87, 2](#)  
Sesquialtera ratio definitur [31, 40](#)

### Sol

circum Planetarum omnium commune gravitatis centrum movetur [III, 12](#)  
semidiameter ejus mediocris apparet [371, 12](#)  
semidiameter vera [371, 14](#)  
parallaxis ejus horizontalis [370, 33](#)  
parallaxis mensura [376, 4](#)  
vis ejus attractiva quanta sit [370, 33](#)  
pondus corporum in ejus superficie [371, 19](#)  
densitas ejus [371, 37](#)  
quantitas materię [371, 27](#)  
vis ejus ad perturbandos motus Lunę [363, 15](#)  
vis ad Mare movendum [III, 36](#)

### Sonorum

natura explicatur [II, 43, 47, 48, 49, 50](#)  
propagatio divergit a recto tramite [332, 9](#)  
fit per agitationem Aeris [343, 1](#)  
velocitas computo colligitur [343, 8](#), paululum major esse debet Æthivo quam Hyberno tempore, per Theoriam [344, 11](#)  
cessatio fit statim ubi cessat motus corporis sonori [344, 39](#)

augmentatio per tubos stentrophonicos [344, 32](#)

### Spatium

absolutum & relativum [p. 6, 7](#)  
non est æqualiter plenum [368, 16](#)  
Sphæroidis attractio, cujus particularum vires sunt reciproce ut quadrata distantiarum [198, 21](#)  
Spiralis quę fecit radios suos omnes in angulo dato, qua lege vis centripetę tendentis ad centrum Spiralis describi potest a corpore revolvente, ostenditur [1, 9](#); [II, 15, 16](#)  
Spiritem quandam corpora pervadentem & in corporibus latentem, ad plurima naturę phenomena solvenda, requiri suggeritur [484, 17](#)  
Stellarum fixarum  
quies demonstratur [376, 18](#)  
radiatio & scintillatio quibus causis referendę sint [467, 38](#)  
Stellę Novę unde oriri possint [481, 5](#)  
Substantię rerum omnium occultę sunt [483, 22](#)

## T.

Tempus absolutum & relativum [p. 5, 7](#)  
Temporis Æquatio Astronomica per Horologium oscillatorium & Eclipses Satellitum Jovis comprobatur [2, 15](#)  
Tempora periodica corporum revolventium in Ellipsis, ubi vires centripetę ad umbilicum tendunt [1, 15](#)  
Terrę  
dimensio per *Picartum* [378, 11](#), per *Cassinum* [378, 21](#), per *Normannum* [378, 28](#)  
figura invenitur, & proportio diametrorum, & mensura graduum in Merikiano III, [19, 20](#)  
altitudinis ad Æquatorem supra altitudinem ad Polos quantus sit excessus [381, 7](#); [387, 1](#)  
semidiameter maxima, minima & mediocris [387, 10](#)  
globus densior est quam si totus ex Aqua constaret [372, 31](#)  
globus densior est ad centrum quam ad superficiem [386, 1](#)  
moiem indies augeri verosimile est [473, 18](#); [481, 13](#)  
axis nutatio III, 21  
motus annuus in Orbe magno demonstratur [III, 13, 13](#); [478, 26](#)  
Eccentricitas quanta sit [421, 15](#)  
Aphelii motus quantus sit [376, 31](#)

## V.

Vacuum datur, vel spatia omnia (si dicantur esse plena) non sunt æqualiter plena [328, 18](#); [368, 15](#)

Veloci-



# INDEX RERUM.

Velocitas maxima quam Globus, in Medio resistente cadendo, potest acquirere II, 38, Cor. 2

Velocitates corporum in Sectionibus conicis motorum, ubi vires centripetæ ad umbilicum tendunt I, 16

Veneris  
distantia a Sole 361, 1  
tempus periodicum 370, 23  
Aphelii motus 376, 33

Virium compositio & resolutio p. 14

Vires attractivæ corporum  
sphaericorum ex particulis quacunq[ue] lege trahentibus compositorum, expenduntur I, Sect. 12  
non sphaericorum ex particulis quacunq[ue] lege trahentibus compositorum, expenduntur I, Sect. 13

Vis centrifuga corporum in Aequatore Terræ quanta sit 379, 23

Vis centripeta definitur p. 2  
quantitas ejus absoluta definitur p. 4  
quantitas acceleratrix definitur p. 4  
quantitas motrix definitur p. 4  
proportio ejus ad vim quamlibet notam, qua ratione colligenda sit, ostenditur 40, 1

Virium centripetarum inventio, ubi corpus in spatio non resistente, circa centrum immobile, in Orbe quocunq[ue] revolvitur I, 6: I, Sect. 2 & 3

Viribus centripetis datis ad quodcunq[ue] punctum tendentibus, quibus Figura quævis a

corpore revolvente describi potest; dantur vires centripetæ ad aliud quodvis punctum tendentes, quibus eadem Figura eodem tempore periodico describi potest 44, 1

Viribus centripetis datis quibus Figura quævis describitur a corpore revolvente; dantur vires quibus Figura nova describi potest, si Ordinatz augmentur vel minuantur in ratione quacunq[ue] data, vel angulus Ordinationis utcunq[ue] mutetur, manente tempore periodico 47, 28

Viribus centripetis in duplicata ratione distantiarum decrefcentibus, quænam Figuræ describi possunt, ostenditur 53, 1: 150, 8

Vi centripeta

quæ sit reciproce ut cubus ordinatim applicatæ tendentis ad centrum virium maxime longinquum, corpus movebitur in data quavis conicæ sectione 48, 1

quæ sit ut cubus ordinatim applicatæ tendentis ad centrum virium maxime longinquum, corpus movebitur in Hyperbola 103, 26

Umbra Terrestris in Eclipsibus Lunæ augenda est, propter Atmosphæræ refractionem 437, 27

Umbre Terrestris diametri non sunt æquales; quanta sit differentia ostenditur 387, 8

Undarum in aquæ stagnantis superficie propagatarum velocitas invenitur II, 46

Vorticum natura & constitutio ad emanem revocatur II, Sect. 9: 481, 31

Ur. Hujus voculæ significatio Mathematica designatur 30, 19.

## F I N I S.

# CORRIGENDA.

**P**AG. 3, *lin. 14 lege*, Quo minor erit ejus gravitas pro quantitate materię vel major &c.  
P. 7, *l. 8 lege*, ut ex veriore tempore mensurentur motus &c. P. 15, *l. 16 lege*, lineam  $pH$   
in plana, &c. P. 17, *l. 20 lege*, centri corporis tertii &c. P. 41, *l. 3 lege*, sunt reciproce ut  
velocitates corporis in punctis  $P$  &  $Q$ ; &c. P. 44, *l. 23 lege*, rectangulo  $QR \times RN + QN$  &c.  
P. 47, *l. penult. lege*, in Abscissa positum tendentes a binis quibuscvis figurarum locis, ad quę termi-  
nantur Ordinatz correspondentibus Abscissarum punctis insistentes, augentur vel &c. P. 54, *l. 4*  
*lege*, ut area  $QTXSP$ , quę dato tempore describitur, ducta in &c. P. 57, *l. 25 lege*, Nimi-  
rum si ea sit corporis &c. P. 61, *l. 12 lege*, ita ut sit  $GA$  ad  $AS$  &  $GA$  ad  $AS$  ut est  $KB$   
ad  $BS$ , & axe &c. *l. 15 lege*, & cum sit  $GA$  ad  $AS$  ut  $GA$  ad  $AS$ , erit divisim  $GA - GA$   
seu  $AA$  ad  $AS - AS$  seu  $SH$  in eadem &c. P. 87, *l. 7 lege*, per Probl. XIV. &c.  
P. 89 & P. 90 in figura jungatur  $FD$ . P. 92 in figura jungantur  $FG$  &  $HL$ . P. 136,  
*l. 2 lege*, perimetrum  $BF$  &c. P. 166, *l. 8 lege*, motus uterque erit ut tempus periodicum  
corporis &c. P. 233, *l. ult. lege*,  $+ 2QR^3 +$  &c. P. 244, *l. 22 lege*,  $\frac{2nn-2n}{n-2} VG$ .  
P. 317, *l. penult. lege*, velocitatem illam maximam  $H$ , &c. P. 367, *l. 14 lege*, eccentricitas  
foret &c. P. 379, *l. 13 & 23 lege*, vim centrifugam corporum &c. P. 415, *l. 11 lege*,  
Hęc est æquatio semestris motus Nodorum. P. 415, *l. 15 lege*, alteri semestri, alteri autem  
mensuræ; &c.







